





CENSURA

ET DOCTA EXPLI- CATIO ERRORVM CATE-

CHISMI IOANNIS MONHEMII,

Grammatici Dusseldorpenſis, in qua tum

S. Scripture atq; vetuſtiſs. Patrum testi-
monijs, tum euidentiss. rationibus veritas Ca-

tholicæ religionis defenditur, per de-

putatos à Sacra Theologica fa-

cultate Vniuersitatis
Colonienſis.

AD ILLUSTRISSIMVM PRINCIPEM

Ducem Iuliz, Cliuiz, &c.

Psalmo 118.

Τὰς Ἀμοιβαλίας τοῦ θεοῦ πρὸς πάντας αἰήχουσιν
Τὸν νόμον αὐτοῦ ὁ ὁρμῶν ἀρετῶν ἐχῶ.

II. IOAN. EPIST.

Si quis venit ad vos, & hanc doctrinā nō adfert,

nolite eū recipere in domū, nec aue ei dixeritis.

COLONIAE,

Apud Maternum Cholinum.

M. D. LX.

Cum Gratia & Priuilegio Cæs. Maiest.

ad decennium.

I
P
C
C
m



cin
hi
ue
ma
un
din
ro

ILLVSTRISSIMO

PRINCIPI GVILHELMO, DV-

CI IVLIAE, CLIVIAE, ET BERGIAE,

Comiti Marchiæ, & Rauenspurgi, Do-

minoq; in Rauenstein &c. Domino no-

ltro clementiss. à Colonienfis vni-

uersitatis Theologica facul-

tate designati

S. D.



*Vemadmodū nihil est
concordia præclariū,
quā res parue in im-
mensum crescūt, & ex
duabus facile fit vna*

*ciuitas, Princeps Illustrissime, ita ni-
hil vnquā pestilentiū discordia in-
ueniri ac excogitari potest, qua & res
maximæ dilabūtur, & ex vna duæ fi-
unt ciuitates, si Liuius & Salustius cre-
dimus. Hæc si vnquā aliās, nunc ve-
rò vel multò maximè ita orbem inua-*

4 2

fit,

EPISTOLA

sit vniuersum, vt quocunq; se quis ver-
 tat, omnia tumultuosis disputatiōibus
 comperiat flagrare, ac turbulentissi-
 mis opinionum exagitari dissidijs. Si-
 quidem & naues vbiq; ferè rixosis
 de fide concertationibus perstrepunt,
 currus perniciosis contentionibus fer-
 uent, tabernæ meritoria horrendis re-
 sonant litibus. Denique nec fora, nec
 templa ipsa cum tanto animarum di-
 spendio, iurgijs vacare conspiciamus.
 Quæ verò alia potest dari omnium ho-
 rum malorum causa, quàm tanta Chri-
 stianæ religionis diuersitas, quæ aded
 noxia est Reipu. vt nulla pestis magis
 esse possit. Nam vt de animarū iactura
 taceamus (quæ omniū maximè de-
 ploranda est) in confesso est omnibus,
 temporariam etiam Reipub. fælicita-
 tem magna ex parte à veritate reli-
 gionis

DEDICATORIA.

gionis dependere, nec eam ciuitatem
aut ditionem posse diu in pace consi-
stere, vbi liberum est vnicuique quem
velit amplecti cultum religionis. Eti-
am si id nos silentio premamus, nihil ta-
mē aliud clamat calamitosus ille Ger-
maniae status, quæ olim opibus floren-
tissima, ac ob fidei sinceritatem apud
omnes celeberrima, nunc in tot sectas
dissecta est, quot penè ditiones habet,
imò plurimas domos reperias, quarum
incole inter sese opinionibus perni-
tiose dissident. O regionem infelicissi-
mam, vbi tam discordes sunt animo-
rum voluntates. O lachrymandas ciui-
tates, vbi cum adulterino Dei cultu si-
mul omnis politia sepulta iacet. O mi-
serrimam illam plebeculam, quæ tam
seditiosis ac subdolis impostoribus au-
res accommodat, à quibus in tanta sa-

lutis discrimina precipitata ruit. Hoc
 quàm plurimi agnoscunt principes Ca-
 tholici: Hoc nō pauci contēplantur ci-
 uitatū proceres viri prudētissimi, qui
 omnes vsq; adeò hanc sectariorū vafri-
 tiē ac inexpugnabilē malitiā execran-
 tur, vt vel ad nomē ipsum nō mediocri-
 ter exhorrescant. Ita & religiosissimi
 C. T. parentes adeò exosas habuerunt
 has pestes, vt nunquā in suas ditiones
 permiserint irrepere. id sibi persuasum
 habentes, nullā esse regionem tam no-
 bilem, firmam, ac opulentā, quin hære-
 sibus imbuta facilē ab omni felicitate
 excidere queat. Nullā etiam reperiri
 ciuitatē, aut populū, qui molestius suo
 principi obtemperet, quàm dum prae-
 xtu libertatis Euāgelicæ, nullius prae-
 terquàm sui ipsius arbitrio duci velit.
 Euoluantur historiae cū veteres tum
 recen-

DEDICATORIA.

recentiores, adhibeatur in cōsultationem experientia, & nemo est qui inficias ire possit quæ dicimus. Hoc & C. T. (qua est prudētia) iam pridē aduertit, ac proinde ne à maiorū virtutibus ac fidei cōstantia degeneraret, etiam mandato nō ita pridē cauit, ne quisquā à piē recordatiōis Patris C. T. sanctiōnibus vel ad latū vnguē digredere-
tur. O te cū tibi subiecto populo beatū, si vt par est, infractū animū aduersus hostium Ecclesiæ insultus præbeas, si veterem illam ac apostolicam religio-
nem martyrum sanguine cōsecratam, intemerata Cōfessorum ac Virgi-
num vita insignitā, tot inuictissimorum Doctorum elucubrationibus elu-
stratam suspexeris, colueris, ac magno animo vt facis, defendendam suscepe-
ris, futurū confidimus, vt nomen tuum

sicut & parentum C. T. tota posteritas sit admiratura ac celebratura, nec non & perpetuò sibi sit populum habitura obsequentissimum. Insuper quod potissimum dictum oportuit, suã ipsius animam ac populum Christi sanguine redemptum fideiꝫ C. T. concretũ, in cælum sit assertura. Non quòd nostra institutione aut parænesi C. T. egeat, sed vt qua cæpit industria patriæ saluti gnaviter inuigilet: subinde enim vulpeculæ irrepunt, quæ vineam Domini Sabaoth demoliri contendunt, partim astuto concionãdi modo, partim furtivis ac clancularijs institutionibus, partim etiã perniciosis quibusdam libellis in lucem editis, quibus nobilem illam iuventutem, imo totam regionem perditum iri cupiant. De Monhemio potissimũ loquimur ac similibus

DEDICATORIA.

milibus, quorum nisi inauspicatis cœptis gnauiter obsistatur, metuendum est, ne infauſtus illorum labor non ſolum ciuitati Duiſſeldorpenſi, verum etiam vniuerſis ditionibus C.T. cladem ingentem ſit allaturus. Perſuaſum nobis habemus, nec libellum quidem à C.T. vlla ratione approbatum, neq; iuſſu C.T. quin potius priuata ac plùs quàm præcipiti Monhemij temeritate in lucem prodiſſe. Quamobrem nec C.T. auſus eſt dedicare, ſed innocuæ ac incautæ iuuentuti, à qua non formidabat ſe paſſurum repulſam. Hoc nos ſine vlla ambiguitatē credimus, hoc omnes Catholici, qui C.T. rebusq; tuis ex animo proſpectum volunt ſibi omnino perſuadent. At propterea ſi fortasſe nondum peſtilentis libelli rumor ad aures C. T. perueniſſet, exiſtimabant

EPISTOLA

*Christiane pietatis supercilium requi-
 re, ut C. T. id significarent, non dubi-
 tantes C. T. æquissimo animo hunc fi-
 dei zelum laturam, præsertim cum li-
 bellus ille Catechismi titulo æditus tā
 multis noxius esse possit. Adeo enim
 fœdis scatet erroribus, ut qui antea
 Monhemij modestiam ac fidei sinceri-
 tatem non dubitabāt prædicare, nunc
 Catholicæ fidei desertorem ac acerrimum
 sanctæ Ecclesiæ oppugnatorem
 fateri cogantur, si tamē cunctas illas,
 quas libellus cōplectitur hæreses, per-
 tinaciter tueri laboret. Quo pacto ve-
 rò veluti dis ἡ ἀσέβεια cū sacra scriptu-
 ra, Generalibus Concilijs, Doctoribus
 illis priscis, ac denique fidelissimis hy-
 storiographis pugnet, luculenter com-
 mostrabimus. Non quò C. T. in fide Ca-
 tholica, quā cum lacte materna juxit,
 insti-*

DEDICATORIA.

*instituiamus, sed quò ab infamiae nota,
quam Monhemij Catechismus inurere
poterat, apud Catholicos omnes vindicemus, & vt satis deprædicatâ de C.
T. veræ religionis opinionem ad posteros cū incremento transmittamus, quod
in omnibus propagetur gloria Christi,
qui C. T. cum omnibus Consiliarijs
quàm diutissimè nobis sospitè seruet.
Datum Colonia Agrippinæ, Calendis
Augusti, Anno 1560.*

Illustriss. C. T.

*A facultate Theologica
Cōlōniensi designati ad
omnia obsequentissimi.*

RESPON.

RESPONSIO AD

CA INA BREIDBACHII

Catechismo Monhemij
adiuncta.

HUc Die Sophiæ properent examina sacra:
Hoc pubes satiet se studiosa cibo.
Prodiit hic nuper spinis malè consitus hortus,
Atq; uenenosi dogmatis imbre scatens.
Cuius qui fueris ueteris pietatis amator:
Pectora ne laceres sentibus, oro, tua.
Hunc intra potius, quem Sancta Colonia semper
In ueteri constans Relligione, dedit.
Illic sunt tribuli, uepres, aconita, cicuta:
Hic uiolæ, myrtus, lilia, myrrha, crocum.
Illic lernæi contagio tabida fellis:
Hic mel ab æthereo nascitur axe cadens.
Congerit hæreses v magno Monhemius astu,
Vndiq; mendicans mixta uenena fauis:
Hos in Diuinis præbet nutrita Corona,
Æthereos rores nectareosq; fauos.
Hic contrà uirus tibi Pharmaca tuta parantur,
E' studij sacri diuite sumpta penu.
Nescius hausisti prauis mendacia libri?
Euome: pro falsis en tibi uera patent.
Turbatis foucis, putriq; liquore refertis,

Quid

Quid tua defædas labra tenella Puer?
 Huc ades: en offert mammæ Ecclesia Christi,
 Ex his lac sugas spirituale licet.
 Hic tibi sincere Christum liber indicat: aptæ
 Ad superos methodo dat pietatis iter.
 Dogmata sancta Patrum maneât, seruētur & illa,
 Quæ coluit multo tempore Prisca fides.
 Cur noua cum magno discrimine scripta sequaris?
 Scandala sollicitè pernitiosa caue.
 Desine Grammatico nimium confidere ῥᾶπτῃ
 Κρητὶδὶς ἢ μᾶλλον τῷ πεφρονῶτι ἀμειβῶς.

CATA

CATALOGVS AR- TICVLORVM QVI LIBEL- lo hoc explicantur.

- | | |
|--------|--|
| I. | S acram scripturam non esse passim ab om-
nibus legendam. fol.7 |
| II. | Epistolam ad Hebræos esse à D. Paulo cõscri-
ptam. 27 |
| III. | Liberum arbitrium in hominibus inesse. 31 |
| IIII. | Originale peccatum nõ remanere in renatis, at-
que in isdem cõcupiscentiam verè peccatum
non esse. 38 |
| V. | Christianum in hac vita præcepta Dei implere
posse. 49 |
| VI. | Imagines Christi atque Sanctorum, veneratio-
ne colendas esse. 55 |
| VII. | Sacerdotibus & ijs præterea omnibus, qui se ca-
stitatis voto obstrinxerunt necessario esse ca-
stitatem seruandam. 71 |
| VIII. | Fide non esse credendum, quod iustificati, aut
seruandi sumus. 97 |
| IX. | Fidem tam in malis quàm in bonis reperiri, ve-
ramque eius diuisionem esse informatam at-
que informem. 111 |
| X. | Non solas promissiones, verumetiam minas fi-
de tenendas esse. 118 |
| XI. | Hæreticos iure puniendos esse. 129 |
| XII. | Seculares principes non se debere negotijs reli-
gionis, atq; sacerdotum ingerere. 138 |
| XIII. | Iustificatione non solam esse remissionem pec-
catorum. 153 |
| XIIII. | Iustitiã verã re ipsa in pijs hoĩbus inhærere. 159 |
| XV. | Quæ sint propriæ iustificationis causæ. 167 |
| XVI. | Fidem, vt etiam alia multa, præparationem esse
ad iusti- |

ad iustificationem acquirendam.	170	
Operibus nos iustificari.	176	XVII.
Opera mereri vitam æternam.	ibidem & 181	XVIII.
Solum Deum adorandum esse Sanctos autē in- uocandos.	206	XIX.
Traditiones Ecclesiæ non scriptas, credendas ac seruandas esse.	230	XX.
Sacramēta verē in animum aliquid operari, neq; signa esse tantum quibus fides excitetur.	241	XXI.
De distinctione Sacramentorum veteris & nouæ legis.	252	XXII.
Septem esse Sacramenta noui testamenti	254	XXIII.
Præcipuū Baptismi finē non esse vt fidē alat.	265	XXIII.
Iohannis Baptismum diuersum fuisse à Christi baptismate.	267	XXV.
In Eucharistia panis & vini substantiam non re- manere.	276	XXVI.
Non esse Laicis sub vtraque specie communican- dum.	288	XXVII.
Non esse duas tantum partes pœnitentiæ morti- ficationem & viuificationem.	321	XXVIII.
Post absolutionem satisfaciendum adhuc nobis esse, vel in hac vita, vel post hanc vita in pur- gatorio igne.	327	XXIX.
Eiusdem omnino esse ligare cuius est soluere, & retine peccata cuius est remittere.	335	XXX.
Confirmationem non esse Episcopi adhortatio- nem cum solenni benedictione, sed verum sa- cramentum quo Spiritus sanctus septiformis gratia infunditur.	341	XXXI.
Extremam unctionē nō esse sacerdotū ad Infirmū consolationē diuino verbo, sed verū sacra- mentū ꝑ. s. gratiā laborantibus conferens.	346	XXXII.

FINIS.

Hiere-

Hieremiæ 6.

STate super vias, & videte, & interrogate de semitis antiquis, quæ sit via bona, & ambulate in ea, & inuenietis refrigeriũ animabus vestris.

D. Aug. in Canonicam
Iohannis.

OMnia quæ leguntur in scripturis sanctis, ad instructionem & salutem nostram intentè oportet audire. Maximè tamen memoriæ commendanda sunt, quæ aduersus hereticos valent plurimum, quorum insidiæ, infirmiores quosq; & negligē-
tiores circumuenire
non cessant.

1
CENSURA ET DO-
CTA EXPLICATIO ERRORVM
CATECHISMI IOANNIS MONHE-
mij, Grāmatici Dusseldorpenfis, in qua
tum S. Scripturæ atq; vetustiss. Patrum
testimonijs, tum euidentiss. etiam ratio-
nibus, veritas Catholicæ Religionis
defenditur, per deputatos à Sacra
Theologica facultate Vni-
uersitatis Colo-
nienfis.



T nihil est in rebus huma-
nis, quod cum adolescen-
tum proba institutiōe fa-
cile conferri possit, ita e-
osdem peruersa doctrina
in animarum perniciem
imbuere, nescio quid deterius haberi vale-
at: Nam in iuuentute ipsa totius Reipubl.
salus, veluti mēsis in herba sita est: siquidē
ex ea Magistratus deligetur aliquādo, Re-
ctores populorum constituentur, denique
illi omnes assumētur, quos vel leges olim
condere, vel conditas seruare, aut seruatas
interpretari conueniat, Sc omninō guber-
nacula in Repub. tenere. Hæc si prauis er-
roribus

roribus inquinetur, vt sanè edocta erit, ita & alios volet dicere, & alios instituere. Ac proinde recte Aristoteles τῇ μὲν τὰ φυσικὰ καὶ τῇ ἐλάτῃ. α. cap. 3. ὡς ἐώθαμεν, ὅπως αὖ ξιῶμεν λέγεσθαι. Ita (inquit) volumus alios dicere, vt nos audire consueuimus. Vnde & D. Hieronymus cū in Euangelia præfatur: Quis (ait) doctus pariter vel indoctus, cū in manus volumen assumpserit, & à salua quam semel imbibit, viderit discrepare quod lætitat, non statim erumpat in vocem? Seriò itaque illi nobis admonendi videntur, qui iuuentuti præsent, vt eam saniori doctrina, quam à maioribus suis in Ecclesia perdidicerunt, imbuant, & moribus ingenuis nobilem illam ætatem exornent. Huc quippe si conatus omnes suos, omnem industriam ac laborem referant, mirum profectò dictu, quantum utilitatis ciuitatibus sint allaturi, quantumque sibi omnium animos deuinctos reddent, quantam deniq; apud Christum dominū gratiam inibunt, cui hoc semper præ ceteris rebus munus summè placuit, vt innocua illa ætas ad Christū deducatur, quæ adhuc est ad virtutes & vitia flexilis. Hinc Christus hortatur dicens: Sinite paruulos venire ad me, talium est enim regnum cælorum.

Matt. 19.

lorum. Qui verò offendiculi aliquid talibus obijcit in quod impingant, melius esset (vel ipso Christo teste) ut suspenderetur **Matt. 18** mola asinaria in collo eius, & in profundū maris demergeretur. Seuera profectò illos manet Dei ira, & heu nimis districtū iudicium, qui dum inuigilare debeant tanquàm rationem pro commissio sibi grege reddituri, incumbant in gregis interitum, **Hebr. 13.** & irreparabilem animæ suæ perniciem, eò certè horribiliorem, quò plures in damnationem præcipitarint, ut præclare admodum D. Chrysostomus lib. 6. de Sacerdotio in hæc verba testatur: Si qui fratrum suorum conscientiam offendunt, hi omnes in Christum peccant, qui non vnum, non duos, non tres tantum, sed tam multos etiam populos perdiderint, illis quid tandem fiet? & cætera quæ sequuntur pulcherrima. Si omnis arbor quæ non facit fructum bonum, excidetur, & in ignem mittetur (ut veritatis præco ait) quid de illa arbore constituendum erit, quæ non solum malos, sed & pestilētissimos fructus, producit? Si omnē palmitē sterilem pater cælestis tollet, quid de illo censendum erit, qui non solum pro vuis labruscas, sed lurida toxica propinat? Postremò si seruo talentum recondenti in **Matt. 25.**

terram & opera misericordiæ negligent
Christus tam horrenda supplicia minatur,
etiam horribiles daturus est pœnas, qui per
talēta sibi concredita Christo animas abri-
pit, & demoni lucrificat, pro clemētiæ ope-
ribus eterni ignis alimoniam suppeditans.
Quis non horrescat, si hæc ad amussim ex-
pedere conetur? In dubium vocari possent
quæ dicimus, nisi in inuolabilis Scripturæ ve-
ritas omnē exciuderet ambiguitatem: quæ
ut creberrimè exhortatur omnes ad proxi-
mi edificationem & animarum lucrum, ita
non raro à proximi scandalo, & perditio-
ne dehortatur: vnde vas electionis D. Pau-
lus acriter detonat in hunc modum: Non
amplius iudicemus inuicē, sed hoc magis
iudicate, ne ponatis offendiculū fratri aut
scandalum. Et iterum: Bonum est non mā-
ducare carnem, & non bibere vinum, neq;
in quo frater tuus offenditur, aut scandali-
zatur, aut infirmatur. Deinde alio loco
inquit: Si esca scandalizet fratrem meum,
non manducabo carnes in æternum, ne fra-
trem meum scandalizem. An non existi-
memus tam studiosum animarum aucu-
pem dicturum fuisse, Priusquàm pernicio-
sis dogmatis tot adolēscētes in summam
perniciem pertraherem, vellem, aut satius
esset,

Rom. 14.

esset, me nunquam in hanc prodijisse lucem. Utinam hæc Monhemius, qua decet lance trutinaret, dum pueris suis quartæ & quintæ classium suum Catechismum auet interpretari. Quid autem aliud conatur, quam tabellas raras sordidis picturis commaculare, & vascula recentia pestifero imbuere liquore? Libellus enim iste ita erroribus scatet, ut si quis omnes refellere conetur, iusti voluminis magnitudinem opus sit excessurum. Caterum quod magis detestandum est, tam vatriè atque occultè virus suum propinat incautis, ut etiam à plurimis Catholicis errores non deprehendantur, & hæretici doctrinam in eo suam facile agnoscant. Itaque & peruersos in malitia confirmat, & sese in animos piorum specie boni insinuat. Credideramus viso titulo errore contigisse, & ignorantia potius quam pertinaci animo libellum sic esse cōscriptum, cum certò cognoscamus, Monhemium nullam sub præceptoris ullius disciplinam operam Theologiæ impendisse, sed magnam ætatis partem in politiorum literarum studio, ac iuuenum institutione transmississe. Ac proinde parum videtur meruisse illius prouerbij, Ne futor vltra credam.

pidam. Parum etiā videtur consuluisse
riæ nominis sui, qui tam præcipiti consilio
& res arduas tractare, & discipulis suis non-
dum capacibus eas voluerit pponere: qua-
re & illius & discipulorum vices vehemen-
ter deſendæ ſunt, nec minùs parentum ca-
ſus deplorandus eſt, qui tam nephandis er-
roribus imbutos filios ſuos olim redire cõ-
ſpicient, niſi Monhemius ſententiam mu-
tet, & hunc libellum ac inſtitutionem ad
limam reuocet. Quod certè illi ſummope-
rè optandum eſſet, vt ſuæ & aliorum ſaluti
optimè conſuleret. Quapropter vt errores
ſuos agnoſcère queat, per totum o-
pusculum percurremus, occul-
tatos detegemus, & pau-
cis quoad eius fieri
poſteſt, conſutare
operam da-
bimus.

CATECHISMI MONHEMII. 7
IN PRAEFATIONEM
MONHEMII.



T igitur rem ipsam aggrediamur, initio commendandus est Monhemius, quod suos discipulos non minus charos quam filios habere se dicat: sed quod secus comperimus rem sese habere, vehementer deplorandum est. Siquidem quam pura Catechismus hic religionis elementa contineat, in progressu vberissime explicabimus. Atque cum primis in praefatione quid est quod se pueris quartae & quintae classium hunc Catechismum polliceatur explicaturum, maioribus autem, hoc est, Tertianis & Secundanis scripta vatū ac Apostolorum? An ne fortasse pueri, qui necdum commodè verba latina formare norunt (sunt enim auditores declinationum, coniugationū atque Syntaxeos) apti sint qui mysteria illa sublimia, nempe peccati originalis, iustificationis, & id genus alia difficillima assequi possint, & qui prouectiores sunt nonnihil, fortasse octodecim annorū abdita illa prophetarum oracula discant, priusquam Grammaticā probè calleāt, & alias disciplinas à limine salutarint, & ita è vestigio illotis, quod

aiunt, pedibus sacras literas adorianur,
in quibus veteres illi post absolutam alia-
rum disciplinarum cyclopediam omnem
etatem consumpserunt indefesso studio.
Consultius longè fuisset, si brevis quedam
fidei explicatio sacris diebus fuisset pueris
declaranda proposita, & academijs reliquū
negotium cōmissum, in quibus post emē-
sa Grammatica, Rhetoricæ & Philosophi-
æ studia; ad altiores scientias cum fructu
eueherentur. Sine illis enim magna consta-
re non possunt, nec sublimiora penetrari,
etsi Monhemius id sibi persuasissimum ha-
bere videatur, qui quosvis etiā promiscuè
ad sacrarum literarum lectionem admittē-
dos esse existimat: quasi verò necessarium
esset, vt anus relicta colo, faber seposito
malleo atque securi, Epistolas Paulinas di-
urna nocturnaque manu verset, & oracula
Vatū (hoc enim nomine Prophetas nun-
cupat) perpetuò meditetur doctus & indo-
ctus. Sic em̄ loquitur hac præfatione Mon-
hemius, tanquā summa omnibus immi-
neret perniciēs, qui non seriò literas diui-
nas priuatim euoluant. Cæterum nos pri-
usquā de n. Chrysostomi loco, quē ad-
duxit, aliquid dicamus, expendemus quid
veritatis hæc cōtineat sentētia: Imò quā
fit ri-

fit ridiculū in quæstionē proponere, debē-
 āntne sutores, opiliones, vespillones, & cu-
 iusvis conditionis homines sedulo, in scri-
 pturis versari, deq; ijs in symposijs, (q mos
 Germanorum est) acriter disputare, & vino
 madētes de reb⁹ fidei digladiari. Primū fa-
 nē difficultas scripturarū sat magno esse ar-
 gumēto debet, cur nō oēs passim ad lecti-
 onē earū admittere cōiūtum sit. Difficiles
 quippe eas esse, et si pleriq; hac tempestate
 negarint, nescio quis sanæ mentis inficiari
 possit: docet id totū vetus instrumentū, in
 quo quis satis vnquā primū & penultimū
 Geneseos capita se dicere potuit intelle-
 xisse: quis psalteriū, oracūla pphetarū, quæ
 Monhemius tertianis & secūdanis interp-
 tanda censuit, asscutū iactitabit? De nouo
 testamēto qd attinet dicere, num plurima
 sunt loca, in quibus cū veteres plurimū su-
 darint, tandē tamē vix adhuc singula pene-
 trarūt, imò silētio presserūt. Videātur quæ
 scripsit D. August. de hoc loco Ioannis, Et
 ego nesciebam illum, &c. vt Ioannem cum
 Matthæo conciliet. Sermo ille domini in
 mōte tot habet mysteria quot verba, quē-
 admodū & D. Hieronymus de Apocalypsi
 testatum reliquit. In Dominicæ passionis
 enarratiōe summa dexteritate opus est, vt

2. Pet. 3.

quatuor illa Euangelia inter se conciliari possint. Iam verò de epistolis Paulinis locuples est testis D. Petrus: Difficilia quædā in ijs contineri, quæ indocti ad suam perditionem deprauant. huic facilè subscribit Diuus Hieronymus ad Damasum, his verbis loquens: Tota quidem ad Romanos Epistola interpretatione indiget, & tantis obscuritatibus inuoluta est, vt pro intelligenda ea Spiritus sancti indigeamus auxilio. Denique canonicæ epistolæ fortasse ad hoc cuipiam conscriptæ videantur, vt præcedentes Diui Pauli non nihil forent aptiores, quemadmodum cū de alijs, tū maximè de altera D. Petri & Iacobi testatur D. Augustinus libro de Fide & operibus, capite 14. Sunt enim illæ difficultatibus etiam suis inuolutæ, vt de illis non vereatur dicere D. Hieronymus ad Paulinū, Iacobus, Ioannes, Petrus & Iudas septem ad Ecclesias scripserunt epistolas succinctas & breues in verbis, sed longas in sententijs, vt rarus sit qui in earū lectione non cecutiat, nō rarè hallucinetur: Veteres omnes nihil aliud quàm difficultatē huiusmodi in scriptura deplorant. Consulatur (ne longiores simus) Irenæus lib. 2. contra hæreses Valen. cap. 47. Fatetur quædam esse in scripturis quæ

quæ soli Deo sint committenda, & libr. 3. cap. 2. Identidem Clemēs Alexandrinus li. 1. & 6. Stromatum. Origenes etiam multus est in hoc negotio, nempe tractatu 19. in Matth. & in cap. 2. ad Romanos, & alibi sepius. Cyrillus lib. 5. in Leuiticum plenam notitiam scripturarum etiam doctissimis denegat. Similiter D. Hieronymus quæstione secunda epistolæ ad Damascum, multa dicit esse in scripturis indissolubilia. Cui facile concinit D. Augustinus libr. 12. de Civitate Dei cap. 15. Et epistola 3. ad Volusianum. Plurimas autem huius rei causas adferunt, primùm quòd lingua peregrina scriptæ sint, quæ cum suas habeat peculiare phrasas suasque ambiguitates, non mirum si nos Latini non facile in earum intellectum deueniamus: habent Hebræi paucissimas radices vnde cætera vocabula formantur, vt opus sit vculam vnā multas significationes sortiri, quemadmodum de vocula **וַיִּבְרָא** postea fortassis ostendemus. Apostolorum Epistolæ, excepta ea quæ ad Hebræos missa est, omnes quæ idem Græcè conscriptæ sunt, ita tamen vt Hebraica phrasi & locutione repletæ sint. Constat hoc ex Epistola ad Romanos sexcentis in locis. Hæc igitur linguarum cognitio

gnitio, quæ in mercatoribus & secularibus hominibus desideratur, foret necessaria, vel certe admodum oportuna. Verum enimvero hæc causa videbitur adhuc exigua, si cum alijs grauioribus conferatur. Sæpe etenim sunt hyperbata, & alię id genus figure, sæpe persona loquentis & ad quę fit sermo mutatur, vt præclare admodum Origenes in secundum ad Romanos caput annotauit. Crebro parabolicus est sermo, ad literam subinde intelligendus, subinde tantum *αυσινως*. Profunditas sensuum tanta est, vt non immerito D. Aug. lib. 7. Epist. 44. mare magnum scripturam diuinam vocarit. Et lib. 5. de Genesi ad literam cap. 3. Profunda est scriptura, ait, vt altitudine superbos irrideat, profunditate attentos teneat, veritate magnos pascat, affabilitate paruulos nutriet. Charta nos deficiet, si singula comprehendere conemur. Cæterum ne existimet quisquā fortuito id euenisse & temerè, vt tot difficultatibus scriptura sit inuoluta, grauissimis siquidem de causis id fieri Spiritus sanctus voluit, quas partim Clemens Alexandrinus lib. 6. Stromatum, partim D. Hieronymus in Ezechielis caput 45. partim D. Augustinus, partim etiam alij doctores recensent. Videatur D. August. lib. 2. de doctrina christiana cap. 6.

D. Chryl.

D. Chrysost. homelia 33. in Genesim. D. Grego. homelia 6. in Ezechielem. Voluit, ait Clemens, vt semper vigilemus inuendis salutaribus orationibus, voluit diligentiā adhiberi, ne si omnibus foret expedita, tanquā nimis aperta fastidiretur: voluit veritatem ex difficultatū tenebris elutam studiosius obseruari, & charius diligere. Quandoquidē quę difficilius parantur, & iucundiora sunt, & acrius afficiunt. Voluit & superbiam nostram hac difficultate edomare, ne iactitemus nos omni rerū Diuinarum scientia peditos, nihil in sacris literis inuenire, cuius nos intelligentia lateat. Quemadmodum aliquando in libro de seruo Arbitrio, scripsit Lutherus. Voluit quoque ab externis occupationibus animos nostros abducere, atque ad solum Deum cordis nostri cogitationes erigere. Voluit denique margaritas neque porcis proijciendas esse, nec velut commune aliquid pretitui, sed solis filiis reservari. Est quippe etiam gemma quidā nobilis, quam si res, & indoctus aliquis de rudis reperiat, vel si, sicut et gallus ille adopiens, vel luto magis, & similitudine porcorum emergit. Id in hæreticis proprie competere & Tertullianus lib. de p. scripturionibus aduers. hæret.

& Vincentius Lirinensis in libello suo de hæresibus verè aureo ante annos quamplurimos eleganter diserteq; scripserunt: Quisque eam lacerat, quisque ad suum sensum trahit, atq; eadem omnino verba in cōtrarias sententias diuersi distrahunt. Fecerunt id quondam omnes quotquot extiterunt hæretici, faciunt id ipsum nō meliores suis patribus nostri pseudoeuangelistæ. Verba hæc: Nisi quis renatus fuerit ex aqua & spiritu sancto, non potest intrare in regnum dei: Alij omnes cuiusvis ætatis hominibus accommodant: Anabaptistæ solis adultis. Quatuor hæc vocolæ, Hoc est corpus meum, vix sciri potest, quàm variè distrahantur, quamque multiplici sensu dissipentur. Alij, est: id est significat, veluti, petra erat Christus: Alij, hoc: panem significare volūt, ut is quoque verus, illuc referretur: Alij aliam intelligentiam imaginantur quisq; pro suo sensu & arbitratu. Si facilis sit scriptura si cuius obuia, ut eius verus sensus percipitur, qui factum est, ut tam multas hærese tamq̃ apugnantes errores eadem verba patiantur, atque in varias ambiguasq; sententias rapiantur. Olim Vvaldenses rudes idiotæ fuerunt, quales modò Anabaptistas videas, qui dum nimium scripture niterentur,

Ioan. 3.

ho:

hoc ipso erroris ansam arripuerunt. Excultos & exercitados sensus requirit scriptura, hominesque tali spiritu afflatos quo illæ dictatæ sunt. Est igitur iustissimè cautum, ne qui imperiti sunt, & ad discernendū verum à falso necdum purgatam mentem habent, de scripturarum difficultatibus vñquàm disceptent, sed id negotij ijs qui probè hac in re versati sunt committant. Iuxta B. August. consilium lib. 1. de moribus Ecclesiæ cap. 1. & canone 19. sextæ generalis synodi. Atque hætenus quidem ipsius scripturæ difficultas ostēdit, quàm non sit ab omnibus promiscuè legenda: nunc & hoc ipsum doceri poterit officio & muneris functione eorum, quibus hoc à Domino est delegatum. Sacerdotum est quippe scripturas exponere, vt malachię capite 2. traditur: Labia Sacerdotis custodiunt scientiam, & legem requirent ex ore eius. Non illud ad rudem plebē & populares spectat, nisi Ezechielem velint minitantem audire cap. 13. Vt Prophetis insipientibus qui sequuntur spiritum suum. Certè si officia omnium legitimo ordine & ritè in Ecclesia disposita sint iuxta D. Pauli sententiam 1. ad Cor. 12. Neque id solum in ijs quæ externam politiam concernunt, verum vel maximè in ijs quæ

ijs quæ religionem attingunt. Non magis
 debet mercator aut sartor diuinarum li-
 terarum enarratione occupari, quàm sar-
 tor aut cementarius crepidam suere. Audi
 quàm grauius olim hanc Monhemij & al-
 liorum hæreticorum sententiam D. Hiero-
 nymus ad Paulinum infectatus sit: Sola, in-
 quit, scripturarum ars est, quam sibi passim
 omnes vendicant, Scribimus indocti do-
 cti quæ poemata passim: hanc garrula anus,
 hanc delirus senex, hanc Sophista verbosus,
 hanc vniuersi præsumunt, lacerant, docēt
 antequàm discant. Alij adducto supercilio
 grandia verba trutinant, inter muliercula
 de sacris literis philosophantur: & alia quæ
 sequuntur. In hanc sententiam quid præ-
 terea D. Gregorius Nazianzenus scripserit li-
 bro 1. de Theologia, videre licebit: Nō cu-
 iusuis est (inquit) o viri Christiani, de Deo
 disputare, non inquam cuiusuis, non ade-
 hæc res est vilis, & eorū qui etiam nūm hu-
 mi serpentes terrenis studijs occupantur
 & paucis interiectis: Nō omnium quidem
 quando eorum tantum est, qui inter mul-
 tos habito delectu ad tantum munus vici-
 antur idonei, quiq; cōtemplandi acumin-
 ceteris antecellāt, &c. Audi quæ so & D. Be-
 nardū sermone 1. in Cātica: Ante carnem

ait, disciplina studijs edomitam & mancipatam spiritui, ante spretam & abiectam seculi pompam & sarcinam indignè ab impuris lectio sacra præsумitur. Quomodo nèpè in cassum lux circumfundit oculos cæcos & clausos: ita animalis homo non percipit ea quæ spiritus sunt Dei, &c. Hæc nunc eò adducta sint, vt tandem aliquândo intelligat Monhemius, non esse quorumuis hominum Sacras literas contrectare, aut religionis negotiò se immiscere, quippè qui alienis curis præpediti, huc mentem transferre nequeant, vt vel seriò ea contemplantur, quæ religionis esse diximus, vel etiam ad harum rerum interpretes sese cõferant. Audi obsecro q̃ appositè D. Basilii quondam Imperatoris cæconomo multa ex Sacra scriptura pro Arriana hæresi adferenti responderit: Tuum est, inquit, pulmēta Cæsari præparare, non Euangelium exponere. Eleganter D. Gregorius lib. 1. moral. cap. 25. Non requiretur à vulgo scientia, sed bona vita. Et Tertullianus lib. de præscript. hæreticorum: Fides, ait, tua te saluū fecit, nō exercitatio scripturarum. Non est ergo quod solliciti simus, vt vulgus hominum rude & indoctum difficiles scripturas meditetur. Neq; enim, vt dicebat verè doctus

Hugo VI.
ctorinus
li. 1. de Sa-
cramētis.

B & pius

& pius quidam, pietas diuina attendit quanta cognitione credatur, sed magis quanta deuotione quod creditur, diligatur. Populus itaq; imperitus Ecclesiasten audiat, Euangelium & Epistolam eius interpretatione discat, audita domi repetat, & audienda ad instar sedulorum discipulorum summa diligentia præuideat. Hoc si fecerit, D. Chrysost. desiderio factum fuerit abunde satis: nihil enim vult ille aliud, nisi vt audita ex ore Sacerdotis nõ statim effluant, sed vt in cordis scrinio seruari curentur, atque ad futuram concionem prius præparentur animi. Sic enim homil. de Lazaro inquit: Idcirco vobis crebro prædicimus multis antè diebus argumētum, de quo sumus loquuturi, vt his in medio diebus sumpto libro, perpèsaque summa tota posteaquàm intellexeritis quid dictum sit, quid restet dicendum, mētem vestrā instructiorem reddatis ad audienda quæ post differentur. Viden' vt velit Chrys. aures ad audiēdum, mentemq; ad percipiendum accommodari? Nam quæ sequuntur eodem in loco, quibus adhortatur, vt domi quoque suæ quisque Sacræ lectioni vacet, de ijs scripturis intelligendum venit, quas ad explicādum faciliores esse constat, vel quia hyistoriam
conti.

continent, vt illa erit, quā habebat præ manibus: vel quia aliquando à sacerdotibus in publicis concionibus fuerant expositæ. Neq; voluit vnquā Chrysost. vt suo sensu ductus aliquis scripturam interpretetur, sed vt in locis ambiguis veteres consulantur, ne errori aliqua præbeat occasio. Hoc ipsum in præfatione Commētariorum in epistolam ad Romanos manifestè satis docuit: Quoniā, inquit, plures ex ijs quæ huc conuenere, & liberorum educationem, & vxoris curam, gubernandæque domus curam in sese receperunt, atque ideo non sustinent totos se labori isti addicere, saltem ad percipienda quæ alij collegerunt, excitemini. Audisne quantum laboris difficilioribus Sacræ scripturæ locis nos velit impendere? Toti, ait, se labori isti addicere, & Ad percipienda quæ alij collegerūt. Igitur vulgus, quod nec veteres interpretes, & ob idiomatis ignorationē, quo scripserūt, intelligit, nec otio abundat, vt quæ alij interpretati sunt colligat, nec iudicio valet, sana à prauis discernēdi, meritò à scripturarum maximè difficiliorum lectione prohibetur: quia eius est vulgus animi, vt si alium sensum assumpserit, atque is est quem hactenus approbavit Ecclesia, facillimè in

hæresim præceps ruat. De intelligentia (ait B. Hilarius initio libri 2. de Trinitate) hærelis, non de scriptura est: & sensus, non sermo fit crimen. Iuuenibus porrò quis arcana hæc scripturæ mysteria audeat credere, quos Aristoteles ipse ob nimias animorum suorum perturbationes non satis accomodos auditores esse moralis philosophiæ, fatetur libro primo Ethicorum capite tertio. Hos tamen non prohibemus, quin de ijs inter sese conferant, quæ in concionibus aut lectionibus didicerunt: quandoquidem talibus colloctionibus & timor Domini magis accrescit, & charitas vehementior excitatur. Verùm cōsultius esse ducimus, scripturarum intellectu illis non committere, ne calore iuuenili, qui subinde supra modum feruet, non secundum scientiam nimium aliquid sibi tribuant. Certè Hebræorum Magistri (quemadmodum Origenes in præfatione in Cantica canticorum, & post eum D. Hieronymus in prohemio in Ezechielem testantur) cum ordine quodam iuuenibus sacras literas explicarent, tum non sunt passi, ut ante annum 30. difficiliore attingerent. Neque verò hoc dixit Chry. ex eo hæreses oriri, quòd scriptura à vulgo non legatur, cum

cùm illud falsum esse tot hætenus secula docuerint, in quibus nulla vnquam reperta sit hæresis, quæ non scripturis fuerit vfa: imò vt audentiùs dicamus, quæ nõ ex scripturis occasionem acceperit. Cæterùm voluit Chrysost. errorum omnium causam in negligentem scripturarum lectionē transferendam esse, quia videlicet non quid maiores censerint colligebatur, sed quid cuique sapiebat, effutiebatur. Vide Tertullianum de præscriptionibus hæreticorum, & Vincentium Lirinensem in eo, quem contra hæreses scripsit libello, fatentur illi scripturam perperam intellectam hæreses peperisse. Consule nunc, si placet Monhemi, quæ ex D. Chry. attulisti testimonia, & vide num tuo, an potiùs nostro intellectui faueant.

Cæterùm quid sibi volūt isti psalморū versiculi, Lex Domini immaculata conuertens animas, &c. mādāta Domini recta letificantia cor, & cæteri, qui deinceps sequuntur: fortassis eò adiecti sunt, vt facilitas scripturæ luculentiùs omnibus significaretur. Atqui nulla fit hic scripturarū mētio monhemi, sed tantùm legis & mādatorum Dei. Est certè præceptum Domini lucidum, illustrans corda fidelium, vtpote in quo vita

omnis nostra totaqué salus consistit: plenitudo autem legis est dilectio. Diligere peú ex intimis animi medullis, imò ex tota anima, toto corde, tota mente, & omnibus viribus, proximum deinde non aliter atque nos ipsos, norma est vitę Christianę. Lucerna pedibus nostris, qua in caliginoso loco sine offensione curramus, lætificat cor, securam ac pacatam in nobis producens conscientiam: siquidem fructus spiritus est gaudium, pax, &c. Clarum est mandatum dilectionis & lucidum, atq; meritò desiderabile ijs, qui nō in hystorica quadam fide, aut inani fiducia spem omnē salutis collocant: dulce est sanctis omnibus qui aperte in se se experiuntur, quàm nihil sit amanti difficile: nam in custodiendis mādatis retributio multa. Nota obiter verba & signa mysteria, non dixit, in legenda scriptura, non in credendis ijs, sed in custodiendis illis retributio multa. Postea Deo nostris cceptis aspirante, hunc quem adduxisti locum, repetemus: interim illud obseruatum cupimus, non satis appositè Psalmum istum ad illustrandam scripturam productum esse, cum de solo præcepto diuino loquatur, quod etiam citra literas discitur, vt pulcherrimè apud D. Clementem Alexandrinum

Ad Gala. 5

D. Bern.

Psal. 119.

num annotatum reperias libro 3. Pædago-
gi, capite II.

Carmina Ioan. Breidbachij discipuli cla-
rissimè significant, quâ tum ipse vel ex huius
Catechismi, vel ex sacrarum literarum lec-
tione promouerit: certè si fames hoc libel-
lo exaturanda est, magna hætenus oppres-
si sumus inopia: Si odorferus sit hortus
Ecclesia Dei viui, de qua Sapiens in cantici-
cis: Hortus conclusus fons signatus, emis-
siones tuæ paradisus: Hortus non erit, ut-
pote quæ pugnantes cum hoc libello fru-
ctus, pugnantiaq; dogmata emittit. Sit igitur
vel Ecclesia hortus fœtidus, vel quod
procliuius credendū est, hic libellus Mon-
hemij. Contrà verò censet iste discipulus,
quando inter cætera ita loquitur: Dogmata
Christiadum sint vana explosa theatro.
Quis hanc arrogantiam, & plusquàm iuue-
nilem temeritatem in discipulo fortè ter-
tiæ aut secūdæ classis, nedum in præcepto-
re ferendâ esse putet? Dogmata scilicet om-
nia Christiadum explodenda esse, solum
autem Catechismum Monhemij præ cæte-
ris omnibus obuijs vlnis amplectendum
esse. Sanè si tales edit hortus iste flores, fa-
stum dico & arrogantiam, valeat cum suo
colono & agricola. Rectè profectò à Græ-

cis vsurpatum est prouerbium: Κακὸς καὶ ὁ παῖς κακὸν ᾧον, id est, mali corui malū ouū, qualis praeceptor, talis & discipulus. Certè etiam si hic libellus Monhemij ingenium & animum non proderet, discipuli fœtura hæc, & ea quam iuniori principi dedicauit, palàm facere posset. O egregiâ præceptoris laudē, quæ discipuli etiam impijs blasphemijs coniuncta est.

IN DIALOGVM PRIMVM DE DEO.

Folio primo sic habet: *Fili didicisti ex præceptoribus uiris doctis pijsq;.* Vt ex vnguibus Leonem, & ex plumis auem: ita ex initio dialogi primi facilè agnoscas totius libelli institutionē: fatetur enim Monhemius, filium, quem introducit loquentem à patre, hoc est, à se ac vxore sua, à pastore ac deniq; à præceptoribus, uiris (si Dijs placeat) doctis ac pijs, hanc hausisse doctrinam. Tritum est prouerbium, & à D. Hieronymo vsurpatum: Similes habent labra lactucas. Certè qualis est pater & mater, talis est & filius. Pater suam telā ex Lutheri, Melanthonis, Zuinglij, Caluini, Brentij, atque id genus hæreticorū scriptis cōtexuit & confarcinauit, qui vt inter sese erroribus in
immen-

immensum dissideant, ac tot animarū myriadibus pernitiē quotidie accersant, vniuerso penē orbi satis compertum est. An quisquam ex cœnoso ac turbido fonte vquam limpida[m] hausit aquam? Num de spinis vuas, aut de tribulis ficus colligere licet? An nō ex fructibus vnaqueq; agnoscitur arbor? Nonne si cecus cecū ducit, ambo in foueā cadūt? Nō nostræ, sed Christi sunt sententiæ, quę meridiana luce clariū ostēdunt, quid de institutione huius libelli sibi probus quisque polliceri possit, vel coniectura augurari debeat. Siquidem sub filij nomine nūc Calvinus, nūc Zuuinglius, ac cæteri eiusdem farinae homines impiē loquuntur. Et ne hic fucus à quibusuis deprehēdi queat, mōhemius subinde Catholicā ītermiscet doctrinā, vt ita improuida iuuetus cū pia Ecclesiæ Catholicę institutione, simul & Lutheranismū, Calvinismū, Zuuinglianismū, ac reliquas pestes toti nūc orbi exosas, pernitiōse imbibat. Quid hoc aliud est, quàm poculum venenatum melle prælinire, ac omnibus, præsertim rudi plebeculæ, epotandum propinare? Sed hæc auxiliante Dei gratia manifestiora faciemus, vt quiuis hunc Monhemij dolum faciliē subodorari queat.

Matt. 7.

Lucæ 6.

Folio tertio, facie prima hanc ponit sententiam : *In sola Dei misericordia consistit nostra omnium salus.* Quam si ita intellectā vollet, vt omnem excludat iustitiam, qua nos meritis operum bonorum non nihil deberi credimus, erronea est, ac postea dialogo quintō diffusius explicanda & conuellenda. Si verō alio velit intelligi modo (quem S. Ecclesia amplectitur ex D. Pauli sententia, qui ait: Gratia Dei vita æterna, & alibi: Gratia Dei sum id quod sum) commendari ac seruari potest: quamuis enim meritis sanctorū vita æterna debetur, gratis tamen datur, tam si primam causam, quā si mercedis equalitatē respiciamus. Summę enim fuit Dei misericordię, vt rectē operantibus vitam æternam promitteret. Stare autē promissis, vbi quis præcepta omnia pro sua virili cum gratiæ Diuinę præsidio adimpleuerit, iustitiæ est: licet enim nō sint condignę passionēs huius temporis ad futuram gloriā, quæ reuelabitur in nobis: ex pacto tamē & gratia Dei, à qua potissimū profiscūntur coniuncta nostra bona voluntate, æternā vitā rectē promereri dicuntur.

Sæpissimè hoc in libello videtur de auctore Epistolæ ad Hebræos dubitare Monemius. Nam etsi bis in toto opusculo Dialogo

Rom. 6.

1. Cor. 35.

Iogo scilicet. 4. & 5. Apostolū nominet, tamen in cæteris locis semper authorem Epistolę ad Hebręos appellat, vnde multi subodorantur Monhemium cum suo Erasmo (cuius versionī illam, quā hactenus vsa est Ecclesia, postposuit) nonnihil de authore dubitasse. Cum tamen in Canonibus Apostolorū canone 84. (qui in 6. Synodo generali approbatus est canone secundo) in Synodo Laodic. ca. 59. in Chartag. 3. can. 47. in Synodo Romana 70. Episcoporum sub Gelasio Papa: in Florentina & Tridentina sessione 3. Apud D. Gregorium Nazianzenum in Carminibus. D. Innocentium primum, Epistola 3, cap. 7. D. August. lib. 2. de doctrina Christiana ca. 8. His (inquam) locis inter Canonicos libros, etiam hæc Epistola recensetur. D. Hieron. in proemio Epistolę ad Titum, propterea hanc Epistolam ab hæreticis reiectam fatetur, quod in ea errores ipsorum nimis apertè detegerentur. Prætereo D. Chrys. in proemio in Epistolas D. Pauli, vbi apertissimè etiam hanc D. Paulo ascribit. Et sanè quātumuis aliquando de ea dubitatum fuerit: posse tamen (teste Nicephoro li. 2. ca. 46) in omnibus quę sub cælo sunt Ecclesijs, authoritatē Sacrosanctā & inexpugnabilē obtinuit.

IN

1. Tim. 2.

Folio quinto facie secunda, dum his verbis utitur: *Ut mulier initio, deinde et maritus se contra Deum efferre cuperent*, ita loquitur, ac si Adamus seductus quoque fuerit, cum secus dicat Apostolus: Adam non est seductus, mulier autem seducta fuit in prauaricatione. Nisi hoc sensu verba Monhe mij sint intelligenda, ut prior mulier peccarit, quæ deinde maritum ad peccandum induxerit. Peccare autem est Deo resistere & eius præceptis nolle obtemperare. At illud esse potest contra Deum se efferre.

Folio sexto facie prima, in definitione peccati originalis, eam sic ponit Hugo tractatu tertio eruditionis Theologiæ, cap. 1. Est concupiscētia mali, & ignorantia boni. Et in eodem loco post pauca ex D. Augustino, licet remaneat concupiscentia post Baptismum, non tamen ad reatum. In hac tractatiōe longè consultius fuisset, D. Hieronymi translatione uti, Genesis 8. Cogitatio humani cordis ad malū prona est a adolescētia sua: alia enim translatio eò paulatim tendere videtur, ut nimium peccat hominū, aut naturā exaggeret, ut nihil

ea boni insit. Nā quamuis Hebræis habeat
hoc modo, **כִּי יֵצֵר לֵב הָאָדָם רָע מִנְעוּרָיו**

quoniam figmentum cordis hominis ma-
lum ab adolescentia sua, vocula tamen **יֵצֵר**

licet si et imon spectes figmentum, & cogi-
tationem significet, Hebræis est in vsu pro
desiderio & concupiscentia: Vide Rabbi-
nos Hebræorum, vt sensus sit: In corde hu-
mano esse pronitatem & concupiscentiam
quādam ad malum. Eodem hoc loco sen-
tentia quēdam posita est: *Omnia opera eorum
qui renati Baptismo non sunt, quantumuis uidean-
tur spetiosa, inter peccata recensentur.* Hæc dia-
logo quinto repetita est. durū profectò est,

tale aliquid docere, nec satis accōmodum
his, quę doctores hac tempestate asseuerāt.

Quamuis etenim veteres quidam aliquan-
do idem dixisse visi sunt, scripturæ tamen,
quibus hoc probari putatur, non multum
fanè momēti ad hoc declarandum habēt.

Quod enim Romanorum 14. scriptum est,
Omne quod non est ex fide, peccatum est,
D. Ambro. Chrysost. Theophylact. de di-
ctamine conscientię interpretantur, hoc
sensu: Quicquid contra credulitatem atq;
conscientię persuasionem quispiam agit,
peccatum est. Sensus iste D. Pauli verbis ap-
primē

primè consentaneus est, videturque à loco generis argumentū deduci eiusmodi: Quicquid non est ex fide atq; animi persuasione, peccatū est: igitur qui discernit si manducauerit, damnatus est, quia non ex fide atq; conscientię dictamine. Illud verò Hebræorum 11. Sine fide impossibile est placere Deo, verissimum est. Vt enim sint moralia bona, quæ ab infidelibus eduntur, Deo tamē gratum hominem minimè reddunt, utpote à quo charitas abest, quæ est forma & ornamentum omnium virtutum. Et certerè si benè perpendatur D. Augustinus lib. 4. aduersus Iulianum cap. 3. (ex quo loco Monhemius dogma istud nimis sanè *παρὰ θεόν* hausit) nihil aliud reperietur dixisse, quàm infidelium opera ad verā pietatem aut salutem æternam nihil quicquam conferre, nec ad eam perducere. Videatur finis capitis: quoniam saltem (ait Iuliano) concedis opera infidelium, quæ tibi eorum videntur bona, non tamen ad salutem æternam regnumque perducere. Interpretatur videlicet ea omnia verba, quorum antea meminerat, & nisi hunc sensum admittamus, necessum erit, ut secum aliquando pugnare dicatur, quod à tãto viro alienum esse, nemo est qui non agnoscat. Consule

Epistolam eius 130. ad Circenses, in qua fatetur, virtutes morales Gentilium esse Dei dona: Et Epistolam 99. ad Euodium: Item Epistolam 5. ad Macedonium: Denique libellum de Patientia cap. 26. Apud alios veteres vix vnquàm aliud inuenias. His consonat locus D. Pauli ad Romanos 2. cap. Cùm enim Gentes, quæ legem nõ habent, naturaliter ea quæ legis sunt faciunt, ipsi sibi sunt lex, &c. Lege Græcos, D. Chryso. Theophyl. Oecumenium, quid in eum locum commententur. Postremò error iste sub anathematis interminatiõe damnatus est in Tridëtina Synodo, canone 7. Si quis dixerit omnia opera, quæ ante iustificationem fiunt, quacunque ratione facta sint, verè esse peccata, vel odium Dei mereri, anathema sit.

Folio octauo, facie secunda ita loquitur: *Ex nobis ipsis ad benè agendum minimè sumus idonei. Solus Deus bonũ opus inchoat in nobis, & solus perficit.* Ambigua est hæc sententia: si enim velit absque diuino auxilio nihil nos quod bonum sit operari posse, sanctissimè contra Pelagianos dictum esse censemus: Si verò cū Lutheranis arbitrij libertatè velit excludere, hæretica blasphemia est, apertissimè cum S: scriptura, Orthodoxorũ Patrum

trum scriptis, ac denique cum experientia ipsa fœdè pugnans. Lubentius hoc loco eam hæresim paucis refutabimus, quia, in sequētibus commodior oportunitas non dabitur. Et quāuis non manifestè libertas arbitrij neget, nescimus tamen quē sensum verborū esse voluerit, Quintanis & Quartanis explicandum. Cuncta enim hic tam vasrè cōtexta videas, vt faciliè hæreticorum cognoscas discipulum, qui certis quibusdā amphibologicis sermonibus in lēctorū animos venena subinde instillāt. Audi itaque Monhemi, qui arbitrij negas libertatem, audi inquam, quid Genesis 4. ad Cain Dominus loquatur: Quare (ait) iratus es, & cur concidit vultus tuus, nōne si benè egeris recipies? Sin autem malè, statim in foribus tuis peccatum tuum aderit. Sed sub te erit appetitus tuus, & tu dominaberis illius. Non ignoramus hic Musculi tui interpretationem. Scimus & Hebraicā veritatem hanc esse sub te **השוקה**, quod septuaginta **αποσποφην αυτην** cōuersionem eius transtulerūt: Alij rectius appetitum aut desiderium eius. Scimus & D. Chrysost. hom. 18 in Genesim per (eius) fratrem Abelē intelligere, hoc sensu: Etiam si dona tua merito contempserim, non ob id tamen

ius perdes primogenituræ. Tu adhuc fratris tui dominaberis, tu vt primogenitus, & illum & sequētes omnes reges. Dicimus tamē ex veritate hæbraica, quam vsq; adeo Musculus iactat, apertissimē arbitrij libertatem colligi: **הַשּׁוֹקֵה** enim talem subiectionē vult, qua vix maior est. Sensus itaq; erit: ita tuo imperio subijcietur, vt nihil quicquam agere posset, te ipso nō annuente. Sic cap. 3. cūm dicitur sub viri potestate eris, Hēbreis est **וְאֵל אִישׁוֹ הַשּׁוֹקֵה**, & ad virum tuum appetitus tuus. Quo sanē modo reliqui fratres nunquā primogenito fuerunt subiecti. Addas etiam hoc, in toto illo Dei sermone nunquā fratris fieri mentionem, sed tantū peccati. Videat igitur Musculus, quid per appetitum eius intellexerint Hebræi interpretes, quid Rabbi Selomo, quid Rabbi Abraham. Si Hebraizare lubet, videat quid Targum, hoc est, Chaldeus paraphrastes habeat. Sic ille scribit: **אִם לֹא-תִהְיֶה וְאִם תִּהְיֶה יִשְׁתַּבַּח לְךָ**, Intel ligunt scilicet omnes per appetitū eius, desiderium peccati & concupiscentiæ, cui rationem & arbitrij libertatem Deus præfecit. Vide quā præclarē D. August. lib. 15. de ciuitate Dei, cap. 7. Tu (ait) dominaberis

ris illius, nunquid fratris? Absit. Cuius igitur, nisi peccati? D. Ambrosius li. 2. de Cain & Abel cap. 7. eandem sententiam posuit in hæc verba: Tu princeps operis tui, &c. Similiter & D. Gregorius lib. 4. moralium, cap. 22. Albinus in quaestionibus in Genesim. Et quid multis? D. Chrysost. in priori sua expositione non satis sibi placet, quemadmodum hom. 19. videre licet. Hæc idcirco adferre libuit, ne nimis sibi applaudant de Hæbraica veritate aduersarij, vt pro suo arbitratu expositiones veterum se credant posse aspernari. Cæterum pro arbitrij libertate alia scripturæ testimonia producatur. Deuteronom. 30. Cum dixisset Deus, præcepta legis ad obseruandū impossibilia non esse, inter cætera ita subnectitur: Testes inuoco hodie cælū & terram, q̃ proposuerim vobis vitā & bonum, benedictionem & maledictionem, elige ergo vitam, vt & tu viuas, & semē tuum. Si eligere iubemur, est igitur libera in nobis voluntas. Sapientia 16. Sapientia tua dulcedinem, quam in filios habes, ostendebat, & deseruiens vniuscuiusq; voluntati, ad quod quisq; volebat, conuertebatur. Clarissimum verò huius rei testimoniū inuenire est Ecclesiast. 15. Deus ab initio constituit hominē, & reliquit

liquit eū in manu consilij sui. Deinde: Apposuit tibi aquam & ignē, ad quod volueris porrigere manum tuam. Quid dici potuit apertius? Atq; vt cætera veteris legis omit-Matt. 23.tantur, audi quid Christus dixerit: Quoties volui filios tuos congregare, quemadmodum gallina cōgregat pullos suos sub alas, & noluisti. Ecce quanta sit hominis libertas, vt Deo volente possit non velle. Sed ne diutius his immoremur, apparet certē, hæresim hanc cum quotidiana experiētia pugnare. Quis enim in se non experiatur, se velle posse, quod tamen repudiat: & posse reijcere, quod amplectitur. Ad quid fideles vel hæretici infideles cōcionibus, libellis, edictis, adhortationibus, disputationibus, & id genus alijs medijs animos hominum in suam cupiunt sententiam deducere, cur mutandam vitā consulant, si in eorum facultate mutatio posita non sit? Sanè testis est D. Aug. lib. 5. de ciuitate Dei ca. 9. Ciceronem vt arbitrij libertatem non negaret, diuinam negasse prouidentiam. Verum enim uerò sunt hic qui respondeant, in moralibus officijs & actionibus plurimum habere momenti arbitrium humanum: in rebus autem ad salutem pertinentibus, parum admodū, aut nihil. Legant ij

quæ paulò antè adduximus. Dicunt isti o-
culati censores, veteres alios vel non satis
rectè, vel ambigüe in hac materia locutos
fuisse, solum D. August. rectè sensisse: eius
igitur nobis sententia reliquis omisis in
medium adducenda est. Videant illi libel-
lum 83. quæstionum, quæst. 68. videbunt
eum fateri, posse nos nobis tribuere, quod
venerimus vocati, etsi non quod vocati fu-
mus. Præterea consulant librum de Spiritu
& litera cap. 34. Consentire (ait) vel dissen-
tire propriæ voluntatis est. His ergo modis
quando Deus agit cum anima rationali, v-
ei credat (neque enim credere potest quili-
bet libero arbitrio, si nulla sit suasio vel vo-
catio, cui credat) profectò & ipsum velle
credere Deus operat in homine, & in om-
nibus misericordia eius præuenit nos. Cõ-
sentire autè vocationi Dei, vel ab ea dissen-
tiri, vt dixi, propriæ voluntatis est. Hacten-
us D. August. in libello de Ecclesiasticis
dogmatibus cap. 21. similis omninò senten-
tia statuitur. Et sanè quamuis nos à diuina
misericordia pendeamus, quâuis nihil bo-
ni operetur fidelis quod nō efficiat Deus,
quamuis non solùm gratia conferatur, vt
conuertere possimus, sed etiam vt conuerta-
mur, etsi gratia hæc quæ ad operandum ne-
cessaria

cessaria est, & velle facit, non sit quæcunq;
 inspiratio, aut cogitatio sancta, seu boni
 propositi suggestio, sed efficax Dei opera-
 tio: quamuis hæc omnia vera admittamus,
 & ex D. August. varijs libris elici posse con-
 cedamus: homini tamen semper liberum
 relinquitur, Diuinæ operatiōi prebere im-
 pedimentum, eamque vel admittere, vel e-
 tiam respuere. Sic Irenæus libro 4. cap. 71.
 & 72. Sic Tertul. li. 2. aduersus Marcionem,
 Sic Cyprianus lib. 1. Epistola 3. ad Corne-
 lium, & D. Hieron. ad Hedibiam, & Dama-
 sum, & quotquot tandē in ecclesia viri cele-
 bres extiterunt: etli plurimum diuinæ gra-
 tiæ, vt par est, tribuant, tamen homini arbi-
 trij libertatem nequaquam adimunt. Cæte-
 rum hoc annotādum duximus, Deum sua
 gratia semper præstò esse, si viderit animū
 ad eius susceptionē paratum & promptum,
 si nō reluctante reperiat, vt nullus sit pror-
 fus, qui vel minimam possit excusationem
 obtendere. Is enim est, qui vult omnes ho-
 mines saluos fieri, & ad agnitionem verita-
 tis venire. Quod vtique nō posset dici vel-
 le, nisi gratiam omnibus vberem, quo il-
 luc contendant, largiatur sine personarum
 acceptione.

1. Tim. 2.

Eodem hoc folio, facie secunda, ad quæ-

stionem illam patris, num peccatum originis remaneat in renatis: nihil apertè quidè respondet filius, remanere aut nō remanere, ne hereseos manifestè in simulari queat: sed vt in cæteris omnibus, ita & hic quoq; summa versutia vititur, vt tamen quis fuerit eius animus, non obscurè declarauerit. Latetur, quātum apparet, *peccatum originale remanere in renatis, ut hinc reddamur humiles, simulq; perpetuæ culpæ nos reos esse meminerimus, ne animos nostros aliqua ratione efferre audeamus.* Pius enim homo peccatū, quod per imbecillitatē committit, odit & execratur, sibi ipsi displicet, dulcedine legis diuinæ magis semper, quam præsentium uoluptatum blanditijs oblectatur, nequam sciens peccat, nisi repugnante non modò conscientie testimonio, sed etiam cordis affectu. Hec Monhemius. Noluit (vt verba hæc ambigua illustrentur) prorsus à sententia Lutheranorum discedere: quæ sanè eiusmodi est, concupiscentiam ex se naturaq; sua peccatum esse, quod Deus punire possit, si modò velit, non secus quàm adulterium, aut aliud simile flagitium: nec possit Deo non displicere, & æternæ damnationis reum facere. In his aut qui sunt in Christo, licet sit tale peccatum, quod eternā damnationem

merca-

mereatur, non tamen imputari, idq; gratia
& bonitate Christi. Sic Lutherus, sic post
ipsum Bucerus docuit. Nos, inquit, dici-
mus, quòd hæc naturæ deprauatio post
Baptismum semper, dum in homine inest,
Deo aduersatur & displicet, & iniustum
Deo odibilem facit. hæc Bucerus. Similia
tradit hic, etsi nō tam aperte Monhemius,
quamuis manifesta sit satis sententia: *ideo in*
nobis concupiscentiam hanc relictam esse, ut per-
petuæ culpæ nos reos esse, in memoriam nobis re-
digatur. Catholica verò Christi fidelium Ec-
clesia secus hætenus docuit, nempe rege-
nerationis sacramento omnia prorsus, quæ
peccati rationē, propriam subire possunt, pe-
nitus deleri, nullumq; manere peccatum:
concupiscentiam tamen relictam esse, non
vt peccatum sit, nec vt nos reos esse damna-
tionis perpetuæ in memoriam reducat, sed
quò stimulum nobis addat, & nos alioqui
torpore tabentes ad rectè operandum ex-
citet, & Deum sanctosque precibus flagran-
tibus pulsemus, & auxilium frequenter de-
poscamus, animum ad rerum cælestiū con-
templationem magis attollamus, vt agno-
scamus præterea, quātum malum sit Deum
Opt. max. vel minima inobedientia offen-
dere, dum aduertimus primum illud pro-

toplasti peccatum, quod cum illo in lumbis eius patrauimus, tantā etiam nūm connexā habere pœnam, qnā maximis sudoribus reprimere, laboribus ac vigilijs superare, ac totis deniq; animi neruis extinguere conueniat, ne quod peccatū in se nō est, in nobis peccatum efficere queat: hęc est omnium Catholicorum & verorum fidelium sententia. Nobis itaque istud nunc solum probandum restat, post susceptū Baptisma peccatum in renatis nullum remanere, vel quod apertum sit, vel etiam quod tegatur aut operiatur. Hoc enim Diuinæ Christi gratiæ vehementer derogat, quasi is non tantum valuerit, vt conditionem hominis pristini saluti, si non quantum ad concupiscentiæ motus (quibus fidei meritū comparatur) saltē quod ad culpam pertinet, restituerit. Si plura nobis Christus contulit, quā Adamus deperdidit vel abstulit, vt Apostolus testis est, cur non quæso hanc etiam perfectionem nobis adiecit, vt quicquid in natura relictū erat vitij atque peccati, sua passione penitus aboleret? Mirum profectō, vt qui tantoperē Christi prædicatis meritum, qui tantum eius gratiam (vt æquum est) ad cælum euehitis, non tamen animaduertatis vos nimis abiectē, ne dicam

Rom. 8.

dicam impiè, de eadem sentire. Si sanè non potuit ex impuris & sordidis puros reddere, & nitori restituere, parum admodum valuisse dicèdus erit. Cæterum vt Diuina scriptura nos doceat, audiamus Apost. disertè tonantē in hæc verba: Per vnus obeditio- Rom. 5.
nem iusti constituti sunt multi. Si iusti, ergo iustitia iusti, qua animi instruuntur & exornantur: qualitas enim, quæ in re ipsa inest, nomē ei tribuit, si Aristoteli 2. Topic. & reliquis Philosophis & Theologis fides adhibenda est. Apost. præterea ait: Christus Ad Tit. 3.
saluos nos fecit per lauacrū regenerationis & renouationis spirit⁹ sancti, quē infudit in nos, vt iustificati gratia ipsius, &c. Audin' Monhemi, primo loco peccatorū remissionem, deinde iustificationem, quæ per spiritum sanctum in fideles abundè effusum producta est? Non potuit quicquam apertius dici, vt tuus cæterorumque conuelleretur error. Si enim renouati sumus & iustificati per spiritus sancti, qui in nos effusus est, gratiā, est igitur verè in fidelibus gratia spiritus sancti, nec vllum peccatum in re remansit, dum peccatum & gratia planè repugnēt: vnde Ezechiel ca. 36. Effundam, ait, super vos aquam mundam, & mundabimini ab omnibus inquinamentis vestris.

Ioan. 13.

Tract. 56.
in Euang.
Ioanni.

Rom. 7.

Si mundandi sint fideles, quomodo adhuc peccatores in sordibus censebuntur inquinati? Puritas enim hæc sunt: purgari, & sordibus conspurcatos esse. Quid autem aliud sunt sordes, nisi peccata? Christus hoc ipsum docet, dum ait: Qui lotus est, non indiget nisi ut pedes lauet, sed est mundus totus. Significat videlicet Baptismum omnes penitus abluisse peccatorum sordes. Sed quia in rebus humanis terra pedibus calcatur, non possunt non pedes quotidianis sordibus conspurcari, quemadmodum D. August. eleganter interpretatur. Plura adferre scripturæ loca non est operæ pretium, nisi iusti voluminis magnitudinem excedere velimus. Solius D. August. sententia in medium proferenda est, quandoquidem eum aduersarij existimant recte hac de re disseruisse cum D. Paulo, qui sapientiam concupiscentiam hanc peccatum appellat. Sed quod habitat, ait, in me peccatum, &c. Caterum studioso lectori non est silentio prætereundum, peccati nomen nunc proprie in scripturis accipi, quandoque minus proprie, sicut & vocula (manus atq; lingua) ad diuersas aliquando significationes vtimur: manus enim & membrum significat, & scripturam: lingua quoq; membrum & idioma designat:

Ira

Ita peccatum crimē ipsum & concupiscen-
tiam, quæ tum peccati est effectus, tum si vi-
cerit, peccatum inducit. D. itaq; Paulus vo-
ce peccati abutitur, & eodem capite ad di-
uersas significationes transfert, peccatum
impropriè concupiscentiā appellans: quæ-
admodum satis indicat sentētia illa, Vt fiat
supra modum peccans peccatum. Id quip-
pe quod propriè peccatum est, quomodo
peccat: non enim consuevit de abstracto no-
mine dici concretum, nisi in aliam signifi-
cationem translato. Nec enim dicimus, al-
bedinem esse albam, aut quietem quiete-
re, vel aliud huiusmodi. Quomodo igitur
peccatum peccabit, nisi impropriè peccati
vocalam accipias, quemadmodū elegan-
tissimè D. August. pluribus in locis anno-
tauit, qui per omnia Catholicæ doctrinæ
consentit. Consulatur liber primus contra
duas Epistolas Pelagianorum cap. 13. Hæc
(inquit) concupiscētia etiam si vocatur
peccatū, non vtiq;, quia peccatum est, sed
quia peccato factū est, sic vocat. Sicut Scri-
ptura manus cuiusq; dicitur, q; manus eam
fecerit. Peccata autē sunt, quæ secundū car-
nis concupiscētiā vel ignorantia illicite
sunt, dicuntur, cogitantur. Et post pauca ite-
rū: Et ideo iam nō sit peccatū, sed sic vocetur,

44 EXPLICATIO ERRORVM

tur, siue quòd peccato facta sit, siue quòd peccandi delectatiõe moueatur, etsi ei vincente delectatiõe iustitiæ, nullus præbeatur assensus, & similia plura, quæ sequuntur. Item libro 3. de libero arbitrio, cap. 19. Sicut linguam dicimus non solum membrum, quod mouemus in ore dum loquimur, sed etiam illud quod huius membri motum consequitur, id est, formam, tenoremque verborum, secundum quem modum dicitur alia lingua Græca, alia Latina: Ita nō solum peccatū illud dicimus, quod proprie vocatur peccatum, libera enim voluntate & à sciente committitur: sed etiam illud quod iam de huius supplicio consequatur necesse est, &c. Cædò monheimi, qui ista arrident? Si enim non nisi proprie peccati nomē in scriptura positum esse putas, cur sapius Christus dicitur pro nobis factus peccatū 2. Cor. 5. Rom. 8. & Ecclesiast. tertio, pro hostia sumitur. Vis iam doceamus eiusdem testimonio, peccatum omne Baptismo reuera deleri, nec solum non imputari, vt hæreticis visum est. Libro illo 1. contra duas Epistolas Pelagiani, ca. 13. post verba, quæ paulò antè adduximus: Ista ipsa, inquit, carnis concupiscentia in Baptismo sic dimittitur, vt quanquàm tracta sit a nascentibus,

ſcentibus, nihil tamen noceat renaſcenti-
bus, ex quibus nihilominus ſi filios carna-
liter gignunt rurfus trahitur, rurfusque &
nocitura naſcentibus, niſi eadem forma re-
naſcentibus remittatur, & inſit nihil obſu-
tura vitæ future: quoniam reatus eius gene-
ratione tractus, regeneratiõe dimiſſus eſt.
Et poſt verba, quæ eodem loco ex 2. capite
allata conſpicias. Nec propter ipſam, cuius
iã reatus lauacro regeneratiõis abſumptus
eſt, dicunt in oratione Bap. zati, dimitte
nobis debita noſtra, &c. ſed propter pecca-
ta, quæ fiunt ſive in eius conſenſionibus,
cũ ab eo quodlibet vincit quod placet,
ſive cũ per ignoratiam malum quaſi bo-
num placet: fiunt autem ſive operando, ſi-
ue loquẽdo, ſive quod facillimum eſt atq;
celerrimum, cogitando. Ita D. Aug. cuius
verba prolixius recitare libuit, vt eum ab
hæreticorũ calumnijs vindicarem. Con-
ſimiles ſententias ſi quiſpiã expetat, legat
librum primum de nuptijs & concupiſcen-
tijſ cap. 23. Ipſa, inquit, concupiſcentia iam
non eſt peccatum in regeneratis, quando
illi ad illicita opera non conſentitur. Item
lib. primo retract. ca. 15. Et lib. 6. contra Iu-
lianum cap. 5. Tu, ait, qui putas quod ſi ma-
lum eſſet concupiſcentia, careret eo qui ba-
ptizatur,

ptizatur, multum erras: omni enim peccato caret, non o malo. Item lib. 1. de ciuitate Dei cap. 23. Lib. 2. de gratia & peccato originali cap. 40. apertissime testatur, vitiosis desiderijs, si eis non consentiatur, peccatum nullum contrahi. Quidnam his respondebūt heretici? Axioma quoddam magna dinofī ac pondere pponunt: Quicquid legi Dei repugnat, peccatum etīe, cuiusmodi concupiscentiam esse afferunt D. Paulum ad Romanos 7. testari: ergo proprii nominis peccatum est concupiscentia praua. Quid si ex hoc vestro pronunciato colligamus: ergo etiā & vos heretici ac infideles (sic enim error vester vocandos esse conuincit) peccata propria estis, quia cum Diuina lege, cū scriptura Sacra, quam vsq; adeo ore iactatis, cū maiorum institutis, & cum omni deniq; bonitate plus quā concupiscentia pugnatis: ergo etiam dāmon peccatum est, & quilibet eius imitator, quibus hoc proprium est, vt diuinæ legi aduersentur. Sed peccatum nihil est, peccatum est priuatio & boni absentia, voluntatisq; à diuina lege auersio, tamque est voluntarium, teste D. Bernardo, vt si voluntas non foret, neque peccatum esset. Hac eadem de re consule D. Aug. lib. 1. Retract. cap. 15. Si longio-

longiorem hac de re materia tractationem aliquis desideret, legat quæ anno 1545. in defensionem iudicij Vniuersitatis & cleri Colonienſis aduerſus calumnias Melãthonis, Bucerij, Oldendorpij, aliorumq; ſimiliũ, ſcripſerit Reuerend. Pater, D. Euerhardus Billickius, huius Almq Vniuersitatis egregium columẽ, inueniet hanc materiam diuſe ſitã catholicẽ, & ſolidẽ tractatã. Caterum hoc adiiciendum eſſe putamus, quomodo Tridentinum Concilium cum ijs agat, qui Monhemio ſubſcribunt, ſeſs. 5. canone 5. Hanc concupiſcẽtiam, quam aliquãdo Apoſtolus peccatum appellat, Sancta Synodus declarat Eccleſiã catholicam nunquã intellexiſſe peccatum appellari, quod verẽ & propriẽ in renatis peccatũ ſit: ſed quia in peccato eſt, & peccatũ inclinat. Si quis autem contrarium ſentiat, anathema ſit.

Folio nono, facie ſecũda, apparet Monhemium aſſerere, peccato imaginẽ Dei deletam eſſe. Hoc quamuis fortasſe ex Origine deſumpſit, melior eſt tamen D. Chryſ. interpretatio, qui imaginem ad naturam, ſimilitudinẽ ad pietatem refert. Conſiſtit enim potiffima imaginis ratio in naturæ, nõ in qualitatis repræſentatiõe: potius igitur
tur

tur in intelligēdi & volendi natura, quā in iustitia, quæ tametsi in Deo non secus substantia sit, quā cætera quæ in eo esse dicuntur, in homine tamē accidentia sunt, & vt accidētia in Deo à rudioribus apprehenduntur. Hæc obiter annotare placuit, quia quo animo hæc sententia posita sit, nobis non admodum exploratum est, nisi quod plus satis naturæ conditionē in omnibus conentur hæretici deprimere. Ex ea tamē sententia aliquis colligat, hominem vere iustum esse in hac vita per iustitiā inherentem, quia imaginem Dei pietate refert. Imago autē propter externum quippiam imago non est, sed per aliquid internum: quapropter non solum imputatur iustitia, sed reuera adhærescit & inest.

IN DIALOGVM III.

DE LEGE.

PRimum quod hic notādum occurrit, est sententia 10. folio, facie 2. posita. *Nemo quātumuis perfectus præstare potest, quod lex iubet: quā in præcedētī facie paulò latius excussit, Nobis quidē ex necessitate incumbere, ut legē perficiamus, non tamē id nos posse, quod solus potuit Christus, qui solus totam legē impleuit.*
Hæc

Hæc omnia verba ambigua sunt, & vafre, vt apparet, congesta. Duplicē enim sensum admittunt, alterum catholicum, vtpote hominem sine Diuinæ gratiæ auxilio legem implere nunquā posse, quod vtique nullus negabit: imò non hoc solum fatentur veri Christiani, sed illud quoq; nihil posse quenquam operari quod bonū sit, quodue rationem habeat veræ virtutis, nisi non generale tantummodo diuinum auxilium prestò sit, sed peculiari gratia fulciatur, roboretur, ac omninò adiuuetur. Alterū sensum hæreticum admittunt, Hominē Diuina gratia instructum, charitate ornatum, non posse legem in hac vita implere, nec posse ea efficere, quæ Deus à nobis fieri velit. Hunc sensum amplexum esse Monhe- mium, ne à suis degeneraret, indicare videtur vocula (perfectus) Nemo, ait, *quantumuis perfectus: & postea, nunquā in hac vita legis perfectionem assequi possumus.* qua in re admiramur vehementer hominum istorum impudentiam, miramur stupiditatem, stupe- mus iudicij impotentiam, vt vereamur ne sensu communi iam tandem destituantur, quotquot ad hanc hæresim sese cōuertunt. Non animaduertunt sese pugnare secum, & gratiæ Christi plurimum detrahere atq;

iniuriari, qui aliàs tantoperè Christum ac gratiam eius extollunt, nunc adeò depri-
munt, vt plus videatur apud illos Adæ in-
obedientia nobis ademisse, quàm Christi
passio & gratia restituere possit: quod supe-
riori Dialogo falsum esse demonstraui-
mus. Insuper, an nō videtur Deo maximam
inferre contumeliā, qui eum tam iniquum
reputat, vt iussisse dicat aliquid, quod im-
plere nemo possit? Nemo tantam impieta-
tē in homine ferat, vt seruo alicui impe-
ret, quod absolueri non possit, & tamē nisi
præcepto obtemperet, supplicia intermine-
tur. Quis sapiēs (ait Chrys. in opere imper-
fecto, hom. 12.) ponit illi præceptū, qui et si
vult, non potest obedire? Quis ergo est hic
blasphemus, qui tantam vel inscitiam, vel
iniquitatem Deo misericordiæ ac mansue-
tudinis fonti audeat impingere? Rectē D.
Hierony. in explicatione Symboli ad Da-
masum: Execramur, ait, eorū blasphemiam,
qui dicunt, impossibile aliquid hominī
Deo præceptum esse, & mandata Dei non
singulis, sed ab omnibus in cōmuni posse
seruari. Hæc cōtumelia, quæ Deo tam igno-
miniose irrogatur, nulla ratione ferenda
est. Verū agē Monhemi, vel scripturis te-
cum agamus. Deutero. 30. paulò ante verba
illa,

illa, quæ tu hic nobis protulisti, Mandatū
(ait Moyses) quod ego præcipio tibi ho-
die, nō est supra te, neq; procul positū, nec
in cælo sitū, vt possis dicere, quis nostrum
valet in cælum conscendere, &c. sed iuxta
te est sermo in ore & corde tuo, vt facias il-
lum. Si in corde nostro sit vt faciamus, non
est itaq; illic frustra, sed ad opus poterit de-
duci. Putatis Dauidem Regium illum pro-
phetam, & virum secundū cor dei, qui tem-
pore imperfectę synagoge vixit, Diuinam
legem nunquā implere. Seruaui (ait psal-
mo 118.) mandata tua, & testimonia tua,
quia omnes vię meę in conspectu tuo sunt
semper. Et Ezechias 4. Regum 20. Memen-
to Domine, quomodo ambulauerim co-
ram te in veritate & corde perfecto, & quæ
placita sunt tibi egerim. De Zacharia & Eli-
sabet fatetur D. Lucas cap. 1. fuisse ambos
iustos, incedentes in omnibus mandatis &
iustificationibus Domini sine querela. Hi
omnes, qui ad vetus instrumētum pertine-
bant, si dei mandata impleuerunt, cur non
hoc ipsum post Dominicam illam passio-
nem licebit? an modò fidelium conditio
reddita est deterior? Audi D. Paulū ad cha-
ritatem adhortantem: Qui diligit proxi-
mum, legem impleuit. Nullusne est Chri-
stianus,

Rom. 13.

Rom. 9.

Exod. 32.

Act. 15.

Matt. 11.

1. Ioan. 5.

stianus, vel saltem fuisse credendus est, qui proximū dilexit? num Paulus, qui anathema pro fratribus suis esse voluit? aut Moyses, qui deleri de libro vite? nō Stephanus, qui pro persecutoribus orauit, quamuis lapidibus obrutus? non Ioannes Apost. cui semper in ore fuisse scribit Eusebius, Filio. li, diligamus inuicē? non Apostoli reliqui, qui charitatem docendo non cessabāt sanguinis effusione cōfirmare? Rectē D. Aug. in psalm. 70. & 118. ait, dilectione impleri mādata dei, quæ timore nō poterant. Non diffitemur, difficile esse, cerimonias omnes legis seruari posse vt olim, ita etiā post Christi aduentum: quemadmodum D. Petrus fatebatur. Sed si iugum Christi suaue est, si onus eius leue, si præcepta eius graui non sunt, vt ait D. Ioannes, cur obsecro impossibile fuerit, diuinam legem perficere? Certē si amanti nihil difficile, iuxta D. Bernardi sentētiam, quotquot ista negare audent, argumento manifesto ostendunt, quā sint parum charitate succensi. Veteres omnes verē sancti, ac amore Dei flagrantēs, nunquā aliter docuerunt. Consule, si placet, D. Basilium cap. 83. in regula Monachorum, & in quæstionibus compēdio explicatis, quæstione 176. & in Con-

cione

cione ad diuites. Item D. Hieronymum in explicatiōe Symboli ad Damasum, & contra Pelagianos, maximè libro 2. D. Augustinum, sermōe 61. de tempore: Deus, inquit, neq; impossibile aliquid potuit imperare, quia iustus est: nec damnaturus est hominem pro eo, quod non potuit vitare, quia pius est. Vide & sermonē 59. Item lib. de natura & gratia, cap. 43. & ca. 69. D. Chrys. de laudibus D. Pauli, hom. 7. Possibile est Dei iussu perficere, si modò velimus omnē naturæ trepidationem alacriter virtute superare, nihilq; impossibile est eorum, quæ à Christo imperantur. Totius istius erroris causam ex eo manasse constat, quod concupiscentiā cōtinuum peccatum esse falso sibi persuadeant, atque cum præcepto illo pugnare, non concupisces. Verum abundè huic in præcedenti dialogo satisfactum est. Illuc itaq; redeat ingenuus lector, & quid D. August. de eo præcepto dicat, libro de Spiritu & litera, ca. 29. consulat. Hæc monemi vtvt tandem scripta tua intelligi voveris, dicere placuit. Nam absolute dicendum non est, non posse quenquam quantumuis perfectum legem prestare, cum D. Paulus nulla exceptione addita dicat, Gen Rom. 2.
tiles, quæ legem non habent, naturaliter ea

quæ legis sunt facere: et si illic gratiam non excludat, eosque fideles intelligat, qui ex Gentibus conuersi sunt: / si rectè D. Aug. libro de Spiritu & litera, cap. 26. hunc locum interpretatus est. Adde Tridentini Concilij decretum cap. 18. sessionis 6. Si quis dixerit, Dei præcepta homini etiam iustificato, & sub gratia constituto, esse ad obseruandum impossibilia, anathema sit. Similia in præcedentibus Concilijs constituta inuenias. Vide Concilium Arausicanum alterum, cap. 25. tempore Leonis primi celebratum, ut omnino intelligas, quam multis nominibus damnanda sit ista hæresis.

Folio vndecimo, facie prima obiter notandum est, quod ait primo præcepto, aut saltem priori tabula prohiberi, *ut nullæ prorsus cogitationes, nulla desideria, nulla studia in sint nobis, quæ huic amoris aduersentur.* Si intelligat, non esse adhibendum talibus cogitationibus cordis assensum, fatemur verissimè dictum esse: si verò cum velit sensum, quem hic finis huius articuli significauit, ut nec primi quidem motus in nobis citra peccati noxam esse debeant, etiam si præter cogitationem irrepant, aperta hæresis est, quæ paulò antè est explicata atque conuulsa.

Folio decimo quinto, facie prima dicit,
pri.

primum præceptū eos transgredi, qui Sanctos qui ex hac uita migrarunt, inuocant. Quā sententiā etsi nemo pro meritis satis abominari queat, quòd nō nobis tantū mortalibus, sed & cælestis patriæ incolis summam irroget iniuriam: differemus tamen, si placet ingenuè lector, in dialogū 6. de Oratione, quādo copiosius Monhemius eam explicare, & argumētis probare contendet, quæ nos ad vnū omnia facillè diluemus, ut veritas manifestior euadat.

Eodem loco sic habet: Deo certè eripitur, quicquid honoris qualicunque colore exhibetur imaginibus. Si iuxta latini sermonis proprietatem sensum huius assertionis metiri velimus, hæc erit Monhemij institutio, quòd nulla ratione, quæcunq; sit tandem imago, ullo honore affici, non in publicis supplicationibus populi Christiani deuotione circumferri, non cereis accensis, non flexis in terram poplitibus, preces ante eas fundi, non auro aut gemmis, aut alijs id genus clenodijs exornari debeat. Noua est hæc doctrina, & non tam noua, quàm recens à quibusdam nescio præstigiatoribus ab inferis excita. Damnata est totius orbis generali Cōcilio, damnata est certis rationibus,

imò & naturali omnium iudicio. At eccle-
siæ doctrina proposita, quid veritatis mon-
hemij assertio contineat, diligenter per-
quiramus. Hactenus ab Apostolorum tem-
poribus hoc seruatum à veris Christi fideli-
bus cōperimus, vt sanctæ crucis signa, Chri-
sti, Sanctorumq; imagines varias ob causas
asseruarentur, vt dum eas cōtemplamur, in
memoriā reuocemus acerba Christi suppli-
cia, quæ inexhausta charitate nostri gratia
non dubitauerit sustinere. Eiusque & san-
ctorum vitam imitemur, eorum charitate
ad Deum pari modo amandum extimule-
mur, ac inflammemur. Rude enim & indo-
ctum vulgus imaginibus pro literis vtitur,
similiter & homines alioqui docti plus
ijsdem quàm libris subinde mouentur, vt
præterea charitatē nostram, qua in Deum
sanctosque ferimur, nō obscurè testemur.
Solent enim homines, quos amant, eorum
semper præsentia diligere: quos si aliquan-
do abesse contingat, absentia solatium ab
imaginibus accipiūt. Videmus vxores ma-
ritis hunc amorem atque honorem defer-
re. Videmus hoc ipsum apud omnes mor-
tales passim obseruari. Illas porro imagi-
nes, in quibus amicos absentes contēplan-
tur, non sordido, sed honestiori loco repo-
nunt:

nunt: hoc sibi persuasum habentes, se amicis exhibere, quicquid imagini absentis præstant honoris. Expende, num veteres Romanorum imperatores in eo honoris aliquid inesse putarint, si statuæ eorum in varijs decentioribusque locis constituerentur, num etiam sibi id contumeliæ irrogari existimarint, quæ imaginibus inferebatur. Hoc natura dicat, ut iniquo animo feramus, in honestè eorum imagines tractari, quos singulari complectimur amore: Contra verò eorum imaginibus libèter aliquid ignominia inferimus, quos summo operè detestamur. Docebunt hoc te pueri, qui natura duce cùm aliorum imagines venerentur, tamen cacodæmonem si depictum videant, vel quem alium norunt Christianæ religionis inimicum, cuiusmodi erant, qui Christum & sanctos interemerunt, vel expungunt, vel conspuunt, vel sordibus obliterant, veluti a natura edocti nō nihil sese de inimico vlcisci, si imaginem eius contumeliæ nota delignent. Sed ut hæc puerili amissa faciamus. Si venerandæ imagines non sunt, qui obsecramus factum est, ut in Saxonie quodam templo a Dominica cruce sanctissimæ Virginis matris, & D. Ioannis Euāgelistæ statuas amouerint, eorumq;

loco Martini Lutheri & Pomerani statuas
substituerint? (O blasphemiam nō solum
visu, sed & auditu horrendam) an ne maio-
res illi vestri Luthero se honorem exhibe-
re arbitrati sunt, cū id in diuorum igno-
miniam, & damnationis suæ cumulum fa-
cerent? Qui sit, quod in publicis ænopo-
lijs, nō in obscuris locis, sed in honoris in-
diciū, Lutheri aliorumq; imagines con-
spectui exponere liceat: Christi verò Scru-
toris nostri atque sanctorum, qui ipsius ve-
stigia insecuti sunt, nō liceat in templis col-
locare? Certè Monhemi, in quibusdam nō
ignotis regiōibus ad principis sui nomen
omnes caput aperiūt, ergo profectō in Ec-
clesia Christiana hoc idem fieri conuenit,
vt salutiferum Christi nomen exprimitur,
& vt imagines eius atq; Diuorum vidētur
plus enim quā solū nomen imagines in-
dicant, & procliuius quod diligimus, repre-
sentāt. Sed dices fortassis, Deus Spiritus est,
& qui eum adorāt, in Spiritu & veritate o-
portet adorare: nō est homo, qui humanis
moribus gaudeat, aut multis externis ge-
stibus: non igitur parandæ sunt imagines,
vt ipsum hac ratione colamus, veneremur-
que. Non dubium, quin spiritus sit Deus,
verū cū spiritus ipse sit, nos tamen ho-
mines,

mines, à nobis vt ab hominibus honore
 vult affici: vult itaq; vt eum omninò mo-
 dum in ipso colèdo seruemus, quem apud
 nos homines arbitramur esse maximum:
 vult externis corporis gestibus coli (non
 enim malè Abraham ad Dei aduentum in
 terram prostratus est: nec malè egerunt Ma-
 gi, dum procidentes adorarent Christum)
 vt tamen ab intimo cordis affectu gestus
 illi proficiantur. Cæterum vt nunc illud
 latius aliquantum ostèdamus, quàm anti-
 quus fuerit imaginũ vsus in Ecclesia, quem
 etiam nunc Christi fideles obseruant, Age,
 hystorias consulamus. Imprimis miranda
 quædam refert de Christi imagine Eusebi-
 us, lib. 7. hystorię Ecclesiasticę, ca. 14. quam
 in eius honorem mulier attactu fimbriæ
 eius à sanguinis profluuiò curata, erexerat. *Geneſis 10
Matt. 2.*
 Eadem habet Nicephorus Calixtus. Sed *Matt. 9.
Li. 6. ca. 15.*
 Eusebij verba, quia multa non iniucunda
 continent, lubenter referemus. Mulierem,
 ait, quam sanguinis profluuiò laborantem
 à Saluatore curatam Euangelia tradiderũt,
 huius vrbs Cæsareæ Philippi ciuem cõstat
 fuisse, domusq; eius in ea etiã nũc ostendi-
 tur: p̃ foribus verò domus ipsius basis quæ-
 dā in loco ceditiori collocata lustrat, in qua
 mulieris ipsius velut genibus prouolutæ,
 pal-

palmasq; suppliciter tendentis imago ære
 videtur expressa. Astat verò alia ære nihilo-
 minùs fusa statua, habitu viri, stola compta
 circumdati, & dexteram mulieri porrigen-
 tis: huius ad pedē statuæ è basi herba quæ-
 dam noua specie nascitur, quæ cum exorta
 fuerit, excrescere vsque ad stolæ illius ærei
 indumēti fimbriam solet, quam cum sum-
 mo vertice crescens herba cōtigerit, vireis
 inde ad depellendos omneis morbos lan-
 guoresque acquirit, ita vt quæcunque illa
 fuerit infirmitas corporis, haustu exiguo
 madefacti salutaris graminis depellatur,
 nihil omninò virium gerens, si antequàm
 æræ fimbriæ summitatem crescendo con-
 tingerit, decerpatur. Hanc statuam ad simi-
 litudinē vultus IESV formatam tradebāt,
 quæ permāsit ad nostrā vsq; tempora, sicut
 ipsi oculis nostris inspeximus. Et nihil mi-
 rum, si hi, qui ex Gentibus crediderunt, pro
 beneficijs, quæ à saluatore fuerant conse-
 cuti, huiusmodi munus videbantur offer-
 re, cum videamus etiam nūc Apostolorum
 Petri & Pauli, & Saluatoris imagines desi-
 gnari, tabulasque depingi: sed & antiquas
 ipsorum imagines à quibusdam conserua-
 tas nos vidimus, quod mihi videtur ex cō-
 tili consuetudine indifferenter observa-
 tum.

tum, quòd ita soleant honorare, quos honore dignos duxerint: insignia enim veterum referuari ad posterorū memoriam, illorum honoris, horum amoris indiciū est. Haecenus Eusebius. Vide, si placet, vt in honoris testimoniū mulier Christo statuam erexerit, atq; id factum Deus singulari miraculo approbauerit. Scripsit hæc Eusebius fidelissimus hystoriographus, ante annos 1200. Et tu cum neochristianis alijs audes impudenter tanquā neotericum aliquid imagines repudiare ac proculcare? fortasse si tunc Iuliano Apostatae adesse te contigisset, illi in cōfringenda hac statua opem tulisses. Hoc vnicum testimonium conuelendo huic errori sufficeret, nisi clariùs rē demonstrandam esse existimaremus. Nicephorus lib. 2. cap. 7. testis est, Christum Abgaro (vel vt alij legunt Abagaro) faciem suam linteo impressam trāsmisisse, per quam stupenda miracula etiam Iustiniano imperante facta esse compertum est, vt idē narrat lib. 17. ca. 16. hac eadem de re vide eundem lib. 7. cap. 30. 33. 37. 46. 47. & maximè 49. cum sequentibus: præterea lib. 8. cap. 3. 4. & 32. Item lib. 18. cap. 20. & 21. Verba breuitatis causa omittimus. Consulat studiosus lector, quæ de imagine crucis scripserit D. Atha-

Huius hy-ptor, & fidei Catholicæ acerrimus propu-
storię mē-gnator, Tomo 4. in exhortatione ad Mo-
tio sit in 2nachos, vt sibi Christus factum censuit,
Synodoquod eius statuae irrogabatur. Historia est
Nicēna.memoratu dignissima, sed nobis prolixita-
Actioe 4.tas fugienda est. Docet illic, statuum eam
 Nicodemi, Zachæi, & aliorum primorum
 christianorum vñbus fuisse vsurpatam. Si-
 mon etiam Metaphrastes testis est, D. Lu-
 cam euangelistam imagines S. matris Chri-
 sti artificiose delineasse, quas etiam nūm
 Romani summa veneratione colunt. Ha-
 bet idem in vita D. Alexij, eum vt in ciui-
 tatem Edessenam venisset, imaginē Chri-
 sti Abgaro missam fuisse contutum. Quo-
 modo etiā crucis Dominicæ signū omnes
 sint veneratione summa ꝑsecuti, vide quid
 apud Cassiodorum lib. 2. Tripartite hyſto-
 rię, cap. 19. narret Zozomenus, quidque
 Ruffinus lib. 11. Ecclesiasticę hyſtor. ca. 29.
 D. Chrysost. hom. 16. in Matt. Monet vt in
 parietibus, fenestris, & fronte, magno stu-
 dio crucem inferamus. Consule eundem
 hom. 12. in priorem ad Timot. Epistolam.
 Et si antiquius desideres testimoniū, vide
 tertullianum lib. 2. ad vxorem, qui suadet,
 summa veneratione crucem colendam esse,
 & ni-

& nihilagi consuetū esse à Christianis, nisi sese signo crucis primū communirent, tanquā hoc signum manu factū ad effugandas iniquorum spirituum insidias, plurimum haberet momenti. Quod & Iulianus ille impius Apostata factio ostēdit. nam vt in specum quandā dæmonibus horrendam esset ingressus, signo crucis edito ad vnū omnes effugarat. Vide Cassiodorum lib. 6. historię Tripartitę cap. 1. Consule etiam quid D. Athanasius habeat de D. Anthonio, cuius vitā graphicē descripsit, quo pacto dæmones signo crucis sepius abegerit. Item quomodo D. Hilarion, teste D. Hieronymo, puer adhuc hoc signo dæmonum omnium vires debilitarit. Refert Damascenus, qui ante annos 1000. floruit, in vita Barlaam & Iosaphat, dæmones vel inuitos esse confessos, se vexillum Dominicę crucis sustinere non posse. Habet idem lib. 4. de fide orthodoxa, imaginum vsum ad nos ex Apostolorum traditione deuenisse. Plura vide in libris illis tribus, quos aduersus te tuosq; qui imaginū cultum criminamini hic idem conscripsit. Si tanta est crucis dominicę efficacia, vbi manu tantūmodo in aere fluido imprimit, cur non eadem erit, si in tabellulis delineatur? Cur nō

ea nō

eandem liceat honore afficere, quam & pij
 haectenus amplectuntur, & impij dæmones
 vsqueadeò horrent? Si plura desideres te-
 stimonia, consulendus erit D. August. lib. 2.
 de Symbolo, lib. 4. de Sancta Trinitate, ca.
 15. Libr. 22. de ciuitate Dei, cap. 8. Item in
 psalm. 141. Tractatu 118. in Euangelium
 Ioannis, Sermone 19. de Sanctis, & alijs in-
 numeris locis, quæ huc adferre non est ne-
 cesse. Sed hæc de Christi imagine & Domi-
 nica cruce, quam tanti semper fecisse vete-
 res, ex superioribus constat. De Sanctorum
 modò imaginibus audi quid D. Ambrosius
 in vita Geruasij & Prothasij his verbis scri-
 bat: Tertia, inquit, nocte defecto ieiunij
 corpore, non dormienti, sed stupenti cum
 quadã tertia persona mihi Sancti hi appa-
 ruerunt, quæ similis esse D. Paulo videba-
 tur, cuius me vultû pictura docuerat. Hinc
 colligis, celeberrimum hûc Antistitem si-
 bi Apostoli imaginem fecisse familiarem,
 quam sepius depictã viderat. Michael Syn-
 gelus (cuius & Suidas meminit) testis est,
 Dionysium Areopagitã illos corripuisse,
 qui imagines abrogare conabãtur. D. Gre-
 gorius lib. 7. Epistolarum, cap. 53. plurima
 scribit notatu digna de imaginum cultu,
 & cap. 19. cùm aliquem acrius corripere,
 quod

quòd imagines confregerit, inter cætera sic loquitur: Ideo pictura in ecclesijs adhibetur, vt hi qui literas nesciunt, saltem in parietibus videndo legant, quæ in codicibus legere nō valent. Theophanes itidem oratione in exilium D. Nicephori Patriarchæ Hierosolymitani: Vtilis est, inquit, sanctarum imaginum vsus, iam inde ab initio institutus, & per manus traditus. Audisne hunc vsum ab initio institutum, & per manus traditū? Addit deinde, S. Nicephorum hunc vsum antiquissimum esse, multis sermonibus & scripturarum testimonijs demonstrasse. nicephorus etiam Calixtus lib. 2. cap. 33. testatur, vt quondam Gentilium naues certorum quorundam Deorum insignia gerebant, ita Christianorum quoque naues patronorum suorum imagines præferre cōsueuisse. Quid memoremus D. Basilium adhuc apertius loquentem, aduersus Iulianum apostatā in hæc verba: Sanctam Mariā cōfiteor, suscipio S. Apostolos, martyres, &c. qui pro me apud deum supplicāt, quò per illorum mediationem propitius mihi sit deus: quam ob causam & hystorias imaginum illorum honoro, & palām adoro: hoc enim nobis traditum est à S. Apostolis. Agè nunc Monhemi, quinam tibi

Hanc sententiā recitarūt patres in 2. Cōcil. Nicæn. act. 2.

E

teme-

temeraria ista tua contra tot procerum Ecclesie scripta assertio placere potest? Si desideres generalia totius orbis Concilia, consule Nicænum secundum, actione 2. 3. 4. & 6. reperies plurimas autoritates, quas nunc adducere nimis longum esset: addemus tamen breues Concilij definitiones, ut quid de te tuique similibus dicatur, per
 Actione 1. spicue cognoscas: Qui venerandas imagines non veneratur, anathema: Qui in Sanctas & venerabiles imagines blasphemias congerunt, anathema: Qui traducere & maledicis verbis incessere audet venerabiles imagines, aut easde reijcere, anathema: Qui ex animo Christianum populum non docent, venerationem sanctorum & honorabilium imagines omnium sanctorum, qui ab initio Deo placuerunt, anathema. Christianorum accusatoribus, aut iconoclastis, hoc est, imaginum demolitoribus, anathema. Vide similia ferè in 7. generali Synodo actione 7. & in 8. actione. Similiter canone 3. & 7. nam 3. canone vult Concilium pari honore Christi imaginē cum sacris Evangeliorum libris adorandam esse. Verum dicent fortasse aduersarij, nos in primum Diuinæ legis præceptum grauitur impingere, quo videtur omnis prorsus imago & scul-
 ptile.

ptile vetari, tam Dei, quàm Sanctorũ, imò
creaturarum omnium. Non legit Monhe-
mius Synodum 2. Nicænam, quę fuit septi-
mum generale Concilium 350. Episcopo-
rum, actione 7. Quicunq; sententias S. scri-
pturę de idolis contra venerandas imagi-
nes adducunt, anathema. An existimas san-
ctissimum ac celeberrimum illum Episco-
porum cœtum, quid primo præcepto veta-
retur, non intellexisse? An id solum tuo Ca-
techismo reseruatũ fuisse putas, quem-
admodũ discipulus tuus Breidbachius in
Carminibus temerè indicare videtur? Nũ-
quàm absolutè Deus, nec in veteri, nec in
nova lege alicui imaginum vsu interdixit,
alioquin nec Cherubin facienda erāt, quę
obumbrarent propitiatorium, nec serpens
æneus attollendus: ac proinde vt magis a-
dorationem, quàm imaginum vsũ pro-
hibere censeretur, ac hæreticorum calum-
nias excluderet, addidit primo præcepto,
Vt adores illud. An verò Christiani in li-
gno aut lapide Diuinitatis aliquid inesse
existiment, vide Actionem 7. Concilij 7.
generalis, sub his verbis: Qui dicunt, quòd
Christiani imagines vt Deos adorant, ana-
thema. Qui venerandas imagines idola ap-
pellāt, anathema. Nihil quidem nos numi-

Nicēna 2.
Act. 3.

nis in ligno aut lapide statuimus, sed in v.
num Deum spe a omnem nostram & fidu-
tiam collocamus. Verum ob id imagines
veneramur, quod sciamus iuxta Basilij sen-
tentiam, imagini honorem exhibitum ad
ipsum prototypū referri. In imagine Chri-
sti non lignum vel lapidem, sed Christum
veneramur, atq; in imaginibus Sanctorum
reliquorum, eosdem Diuos colimus. Dum
statuas illas ligneas veneramur, dum maxi-
ma populi comitante caterua circumferi-
mus, dum cereos illis accendimus, non exi-
stimamus in ligno Diuos inesse, sed eosdē
illos repræsentari. Circumferimus itaque
statuas, existimantes hinc Sanctis non nihil
honoris accedere, si magna solennitate ip-
sorum imagines, magno hominum comi-
tatu, ac denique maxima veneratione co-
lantur: scimus enim principibus hoc sem-
per gratum fuisse, vt illis publici decerne-
rentur honores: nō sumus nescij, quantum
honoris Ciceroni accreuerit ad Iouis pul-
uinaria processisse. Testamur his ceremo-
nijs nos implorare Sanctorum præsidia,
vt nobis apud Deū suis orationibus opem
ferant: Lumina illis accēdimus, vt qui dum
viuerēt virtutibus fulserunt, nobis quoq;
apud Deum precibus verum fidei lumen &
chari-

charitatis ignem impetrent, vt & alijs vitæ integritate præluceamus, & in pectoribus nostris veræ dilectionis ardor accendatur. Si quis igitur vel tuo Monhemi, vel aliorum quorumuis suafu, pias istas cōsuetudines supplicationum atque cereorum vsum abrogare studeat, videat quàm probè cū veteri illa Ecclesia conueniat, in qua nouimus, D. Gregoriū ante multos annorum centenarios S. Virginis Mariæ imaginem (quam Metaphrastes D. Lucā pinxisse testatur) summa totius populi Romani veneratione ad sedandam pestem circumtulisse, quando & è cælis Angeli veluti gratulabundi hymnum illum, Regina cæli letare, cum multorū stupore decantarunt. Profectò si verum fateri fas est, & illi qui hæc temerè abrogāt, & qui abroganda esse consulunt, dei imprimis, & omnium diuorum honori plurimum detrahunt, sicut postea explicatiùs dicemus. Quantò cōsultius foret, pias Ecclesiæ ceremonias commendare, quàm temerario ausu, quod piè hætenus seruauit reprehēdere. Illud si a te Monhemi, fieri conspiceremus, multum & emolumentum, & iocunditatis, & admirationis tam tibi, quàm discipulis tuis adferres, si & seriò expenderes, quanta prudentia maio-

D. Antoninus hæc habet.

res nostri in ritibus omnibus instituendis & obseruandis sint vfi: sed quia mauis in tuo quàm aliorum iudicio acquiescere, dei simul & diuorum omniũ indignationem, & extremam tandem perniciem concilabis, nisi factorum aliquando ex animo poeniteat. Nec est, quòd elabèdi excusationem prætexas ob factum Ezechie Regis, qui serpentem æneum confregisse legitur: hoc enim nullò pacto tuo errori astipulat. Nam id rectè factum est, dum populus ille Israëliticus ad idololatriam propèssissimus, serpenti diuinos decerneret honores: & iam non vt Christi figuram & vmbra, sed vt Deum verum, sicuti vitulum aureum adoraret. Non est quòd anxius sis, ne hæc in populo Christiano eueniant: aliter enim edoctus est, priusquàm vel tu, vel tuus Catechismus in lucē prodiret, vt te instructore, ne dicam subuersore, omninò non indigeat. Sacerdotibus id muneris incumbit, vt veritatē & Ecclesiasticos ritus ad viuum publicis cōcionibus aperiant: tuum etiam esset hoc, ipsum concreditum tibi gregem docere, & ab erroribus, quos te fortasse doctore semel imbibit, rursus vindicare, & immunem reddere.

In explicatione 6. præcepti, facie 24. habet

bet hæc verba: *Qui se continere non possunt, matrimonium in Domino contrahant: melius est enim nubere quàm uri.* Si de ijs hæc dicta velit Monhemius, qui adhuc soluti nullo se castitatis voto astringerunt, veritatem habet assertio, quamvis ex consilio D. Pauli melius esse putemus manere, vt ipse perman- sit, & cum illo virginitatem cōiugio ante- ferre: Si verò, quantum ex reliquis collige- relcet, omnes promiscuè intelligi velit, tam eos qui voto sunt obligati, quàm qui sunt liberi, non possumus non summope- rè veluti impiam hanc detestari sentētiam, qua Monhemius nihil aliud agit, quàm vt omnibus sacerdotibus ac virginibus semel Deo dicatis, impudicitiae ianuam aperiat, ac omnis libidinis faces administret, simul & licita esse suadeat, quæ & diuina scriptu- ra, & historie, & S. Doctores, ac deniq; Cō- cilia illicita esse constanter docēt, nec vn- quàm nisi cum salutis æternæ dispēdio am- plectenda esse: dum enim hi sua sponte ca- stitatem Deo consecrauerunt, fieri non po- test, vt eam mulierum consortio contami- nare sine grauissimo peccato queant. Non nostram, sed Dei audi sentētiam: Cū vo- tum voueris domino Deo tuo, non tarda- bis reddere, quia requireret illud Dominus

1. Cor. 7.

Deut. 23.

Deus tuus:& si moratus fueris, reputabitur tibi in peccatū. Si nolueris polliceri, absq; peccato eris: quod autē semel egressum est de labijs tuis, obseruabis, & facies sicut promisti Domino deo tuo, & ppria voluntate, & ore tuo locutus es. His concinit Ecclesiastes 5. Si quid vouisti Deo, ne moreris reddere, displicet enim ei infidelis & stulta promissio, sed quodcunq; voueris redde, multoq; melius est non vouere, quā post votum promissa nō reddere. Similia reperias Numerorum 14. 6. & 30. Sic & Levitici 17. quater docet Dominus, vota reddenda esse. Item Deut. 12. Iudicum 11. Esaiæ 19. Si neque hæc suffecerint, audiamus virum secundum cor Dei, Dauidem Prophetam illum Regium, num vlla ratione arbitretur vota infringenda esse, dum ait: Vouete, & reddite Domino Deo vestro. Optamus, vt verba prophetæ iusta lance, vt decet, trutines, ac diligenter expēdas. Non solum non dicit vota Deo persoluenda esse, sed etiam suadet vt voueamus, quò nos omnes ad maioris meriti incrementum, & gloriæ æternæ splēdidiorē coronam inuitet. Nec his contentus, præcipit psalm. 49. pollicitis respondendum esse: Redde(inquit) altissimo vota tua. Hoc mandatum quanti
fece-

fecerit D. Chrysoft. non obscurè indicant hæc eius verba: Suadet, inquit, Propheta, vt in oratione assiduè perseueremus, & quæ professi fuerimus, cū celeritate reddamus. Pulchrè autem dixit, redde, quia post promissionem efficitur debitum. Sic 1. Reg. 2. Anna reddidit debitū. Tu ergo siue promittas eleemosynam, siue vitam pudicam, siue aliquid aliud tale, ad illud exoluendū festina. Plura habet in eandem ferè sententiam in psalm. 142. An ergo illi, qui vitam pudicam promisit, ad nuptias vel scortationes anhelare licebit, & non potius omnes inuestigare rationes, ac implorare diuinum auxiliū, vt quod pollicitus est, exple possit, dicens cum dauide, psalm. 21. Vota mea reddā in conspectu omnium timentium, &c. Et alibi: Reddam tibi vota mea, psalm. 65. quæ distinxerunt labia mea. Et iterū: Vota mea Domino reddam coram omni populo eius. Itē: Vota mea Domino reddam in cōspectu omnis populi eius. Quid aliud docet, quàm se summa ope anniti, & operam dare, vt vota sua quæcunq; fuerint illa studiose expleat, & seipsum nobis in exemplum proponat, vt pari sedulitate nostra quoq; vota prosequi contendamus. Deus em̃ a nobis illa summo iure requiret, quæ-

admodum Baruch propheta cap. 6. interminatur: Deus requirit ab eo qui vouit, & non reddit. Omnesne in vniuersum Monhemij farina conspersos tot S. scripture testimonia commouere poterunt, vt abiurēt eius cæterorumque errores, qui falso docent, quibuslibet licere dum velint, inire coniugium? Si S. scripture fidē non accomodamus, cui ergo credemus? Omnibus hæreticorum phalangibus, ac dæmonum omnium præstigijs S. scripturæ auctoritatem opponimus. Huius si possunt inuiolabilem veritatem expugnent, adornent tela, coniungant consilia. Quid si Angelus cælo aliud quàm audistis doceret, num illi credendum esset? Apostolus anathematis titulo eum insigniret. Sed nos iam luculenter indicemus, qui veritatis riuuli ex hac S. scriptura velut fonte limpidissimo emanarint. Legimus in Tripartitæ historiæ lib. 7. cap. 1. Imperatorem Prætorianam legē dedisse, vt capitali sententia plecterentur, qui vel sacram Virginem nuptiali thoro violare præsumerēt. Vtinā hæc lex adhuc apud principes, vt æquum est, vigeret, nō haberet orbis hic deploratissimus tam multos monasticæ vitæ desertores. Refert D. ille Gregorius, singularis pauperum antistes,

lib.

lib. 3. dialogorum, ca. 29. quemadmodum
quidam sanctimoniam sibi matrimonio
copulans, tandem sceleris cōscius fecit ob-
lationes suas cum alijs ad eximium illum
virum nomine Menam deferri. Cuius obla-
tiones vir Dei per spiritū cognoscēs, abie-
cit, dicēs: Ite, & dicite ei: Oblationē tuam
Deo abstulisti, & mihi tuas trāsmittis? Ego
tuam non accipiam, quia Deo suam surri-
puisti. Et sanè rectē id factum est: si enim
homini fides seruanda est, an non & Deo
longē iustius & rectius? Imò quantò Deus
homine est excellentior, tantò & illi præs-
tita fides iustius seruanda est. Agè monhe-
mi, si quis tibi promissa non prætet, quid
aliud censebis, quàm illum te vel ludibrio
habere, vel iniuria alioqui non mediocri
afficere? Si matrimonio iuncti ad mutuam
fidem præstandam obligantur, qua ratio-
ne qui cum Christo connubia inierunt, li-
cebit corporis sui potestatem repetere? Vis
clare ostēdamus, matrimonium cum Chri-
sto contraxisse, quotquot castitatem voto
professi sunt? Adulterium illi incurrunt, si
alienis vxoribus infidiētur, & aplexibus
scēdis potiantur. Nusquā autem adulte-
rium habet locū, nisi in matrimonio
ut adulterium veteres eiusmodi scelus
pellabant.

pellabant. D. Basilius in insigni illo libro de virginitate, cū prius castitatis ruptæ vitiū scortationis nomine appellasset (Cōcitatz, ait, scortationis peccatū nuptiarum nomine velant) postea tamen adulteras eiusmodi vocat. A quo non abludit D. Chrys. Epistola 6. ad Theodorum, & D. August. in psalmum 83. Item D. Ambrosius cap. 5. ad virginem lapsam. Similiter & D. Cyprianus, lib. 1. Epistola 11. D. verò Hieron. lib. 1. aduersus Iouinianū, duriori voce talem incestam nuncupat, & D. Basilius alibi tanquā summū nephas sacrilegium vocat. Hunc consule in institutione illorum, qui vitam cupiunt ducere perfectam, & sermone 4. in exercitamentis pietatis, & præter alia loca in quæstionibus, quæstione 14. Existimabat vir sanctus, talibus nuptijs rem pretiosissimā, ac deo semel mancipat, furto auferri. Quod quid aliud est, quā sacrilegium committere? An ne res sacrata est sanctimonialis, quæ Deo sese totam sponte sua tradidit? An non & ij præterea omnes, qui voto nulla coacti necessitate sese constringunt? Si tuum est quod tibi ab alio donatur, cur nō pari, imò equiore iure erit Dei, quod ipsi consecramus? Miramur, quāsnā malus genius hāc peruersam
hære-

hæresim mundo inuexerit, cùm totâ prorsus antiquitatē comperias, vno ore nuptias Deo consecratorum hominû ab ipsis Apostolorû temporibus vehementer damnare ac profligare. Carnales motus, quos nō satis compescere student, ita rectâ rationem obfuscarunt, vt fœdis libidinibus operam dare malint, quàm vel sacrorû scriptorum, vel Apostolorum, vel denique Christi doctrinam intelligere & amplecti. Profectò vt mundi corde ad videndum Deum diuinarumque rerum contemplationem sunt accommodatissimi: ita qui obscœnis istis voluptatibus inhiant ac inuoluuntur, eò tandem stupiditatis rediguntur, vt suas spurcicias contra S. scripturam reluctante consciëntia defensare audeant, & tanquàm licitas publicis præconijs commendare illicitas. Hoc omnium malorû lerna Lutherus factò comprobauit, dum virginem velatam ipse monachus duceret. Et vt sui facti plurimos haberet adstipulatores, etiam alijs calcaria addidit, & ad similia perpetranda induxit: quàm verò sanctum fuerit illud connubium, filij ipsius omnibus argumento esse possint. O rem Christianorum piorû auribus indignam, non ita veteres Patres, aut verbo, aut exemplo docuerunt?

runt? quod perspicuum esse poterit, si præter alios consulas D. Basilium ad virginem, quæ post castitatis vota exciderat: si D. Gregor. Nazianzenum, oratione 14. si Chrysostom. 7. in Matt. Omnia (ait) mandata legis nobis monachisq; sunt communia, præter connubium: & hom. 2. de patiëntia Iob. Simile est inuenire apud Damas. in vita Barlaam & Iosaphat, quo loco adolescens demonis argutias eludēs: Hac, inquit, sententia permittitur volentibus vxores ducere, sed nō eis, qui semel Christo virginitatem promiserūt. Idem reperias apud vetustissimum illum scriptorem Origenē, hom. 11. in Leuiticum, & hom. 24. in Numeros. Sed ad Latinos scriptores deducatur oratio. Et imprimis cōsulas Tertullianū, etiam antiquissimum, sub finem libri de pœnitentia. Quid verò memoremus D. August. cuius hæc est sententia: Quæ se non continent, expedit nubere: quæ autem continentiam vouerunt, illis nec expedit. Vide librum 1. de adulterinis coniugijs, cap. 15. & 24. Item lib. 2. ca. 19. Similiter de fide ad Petrū, ca. 3. In psalm. 75. In Epistolis 45. 132. 179. Item serm. 166. de tempore. D. Ambr. ad virginē lapsam. Deus bone, quàm seuerè in hæc eandē sententiā scribit, sicut & aliàs sapiūs.

Nec

Nec solum ille, sed & gloriosus Martyr D. Cypr. lib. 3. ad Quirinum ca. 30. & D. Hierony. qui quidem si in hæc nostra tempora incidisset, quanta libertate ac scribendi soliditate effrenatam hæreticorum impurissimorum libidinem perstrinxisset, ac cohibuisset? Quantis elogijs virginitatem extollit, quàm nervosis argumētis eam commendat, ac amplectendam esse salubriter suadet, & vota non infringenda esse, multis in locis sedulò adhortatur: ac imprimis in Epistola ad Letam, in hæc verba: Hæc dico, ut moneā, quanto metu & cautione servare debeas, quod Deo spondidisti. Item ad Demetriadē, & in Ezechielis caput 44. Verba omittimus, ne prolixitate obtundamus lectorem. Hæc autē abundè ostendunt, quàm longè diuerso spiritu, ne dicamus, Asmodeo hi nostri hæretici, præ illis patribus spiritu sancto imbutis ferantur. Quorum sententiam etiam varia Concilia non sine maxima interminatione confirmarunt, ac imprimis Concilium Chalcedonense, cap. 16. Ancyranum cap. 19. Arelatense secundum, canone 33. Valentinum secundum sub Damaso celebratū, cap. 2. Carthaginense quartū, Toletanū quartum, cap. 55. Hæc ferè omnia ante annos 1000. cele-

celebrata eadem prorsus astruunt, quæ hæctenus in medium attulimus. Sententiam verò illā, Melius est nubere, quàm vri, omnes ad solutos ac nondū voto aliquo constrictos referant, vt constat ex omnibus ijs, qui in hunc locum commentati sunt. Vide inter cæteros Epiphanium, libr. 2. tomo 1. contra Apostolicos hereticos. Hæc ob id lubentius sumus fuscè persecuti, quia generalem Monhemij sententiam vehementer suspectam habebamus, in quam rudiores impingere, & votifragi suam sententiam stabilire poterant. Cæterum ne aliquorum persuasione putent sibi Christi sacerdotes, aut sacris ordinibus initiati, ista dicta non esse veluti qui nullum castitatis votum emiserint, compertum habeāt illi, non secūs continentia vinculo se constrictos esse, atque sanctimoniales & monachos, qui publicè tria religionis vota professi sunt. Si sibi salutiq̃ue consultum velint, nō credant aliud docentibus, nec magistris aures prurientibus fidem accommodent, qui carni frena relaxanda esse impudenter suadēt. Aequum planè est, ac rationi consonum, vt qui Deum suum manibus continēter tractant, qui ore Dominicū corpus conficiunt, qui illud ipsum Deo patri pro

pro sua totiusq; populi salute indies offerunt, atq; oblatum sumunt, & alijs porrigunt, ut purissimum cor ab omnibus libidinum sordibus alienum circumferant. Vide quid D. Chrysost. habeat cum alijs in locis, tum potissimum lib. 6. de Sacerdotio: Item D. Ambrosius in ca. 3. prioris ad Timotheum: Sacerdotes (ait) iam de cætero se ab usu fornicationis erunt cohibentes: veteribus id concessum fuit, quia multum tempus otio vacabant à ministerio. Ac deinde rursus: Si enim plebis hominibus orationis causa abstinere se præcipit Apostolus, ut vacet orationi, quanto magis Levitis aut Sacerdotibus? Non graueris consulere D. Aug. questione 127. ex utroque testamento, & D. Hieronymum, quando libro 1. aduersus Iovinianum scribens, eum, qui in Sacerdotio filios suscipit, non quasi virum, sed quasi adulterum damnandum esse fatetur. Nec temoueant Græcorum exempla, qui etsi quandoque coniuges ad Sacerdotij, vel Episcopale munus assumpti sint, nunquam tamen vxore defuncta, in Sacerdotio aliam illis licebat ducere, ut locupletissimus testis est Epiphanius, contra Montanistas: ac proinde, quamuis apud Græcos etiam nunc coniugatus fieri possit Sacerdos, nunquam

tamen Sacerdos vxorem ducit: atque ita D:
 Pauli sententiã citatam intelligendam esse
 astruunt D. Ambrosius, D. Chrysost. & alij
 preclari scriptores innumeri. Plura in hanc
 sententiam à non paucis Concilijs decreta
 sunt, & seuerissimè cautum est, ne Sacerdo-
 tes soli, sed presentibus arbitris cū mulie-
 ribus loquãtur. Vix inuenias Concilium,
 in quo illud nõ grauitè decernatur. Quã-
 obrem consulas Romanum primū sub Sil-
 uestro pontifice 272. Episcoporum, ca. 19.
 Toletanum 1. cap. 3. & 4. & Carthaginense
 4. similiter & alia pleraque antiquissima.
 Sed precamur ante omnia, legat epistolam
 secundā Innocētij ad Viētricium Rotho-
 magensem Episcopum, cap. 9. quam antè
 anno 1200. temporibus scilicet D. Aug.
 conscripsit, de continentia Sacerdotum ve-
 teris testamēti loquens: Quanto magis, in-
 quit, hi Sacerdotes nostri, vel Leuitæ pud-
 citiam ex die ordinationis suæ seruare de-
 bent, quibus vel Sacerdotiū, vel ministeri-
 um sine successione est. Nec præterit dies,
 qua vel à sacrificijs diuinis, vel à Baptisma-
 tis officio vacent. Et paulò post: Sed fortè
 licere hoc credit, q̃a scriptū est, vnius vx-
 oris virū: Non permanēti in concupiscentia
 generādi dixit, sed propter futurā continē-
 tiam

tiam. Et sanè quòd voto castitatis Sacerdotes obstringantur, ex verbis D. Hieronymi ad Iouinianum paulò antè citatis, liquidò constare potest, qui adulteros vocat eos, quicunque se mulieribus iungunt: quòd vtique non faceret, nisi fidem Christo ordinatione sua dedissent. Dum enim in hypodiaconorum ordinem assumuntur, & eis ab Episcopo dicitur, (quemadmodum ante multos annorum centenarios constitutum est) quicunq; ad hunc ordinem accedunt, voto se constringant, cèlibes & castos se mansuros. Qui his verbis auditis, in sententia perstiterit, & nihilominus ordinem susceperit, siue verba promissiõis eloquatur, siue taceat, factò ipso sese voto obligauit. Hæc secum expendant Christi Sacerdotes, qui Sardanapalicam vitam traducunt, cùm propriæ salutis ac tot myriadum animarum periculo, quin potius sui status dignitatem contemplâtes resipiscant, & cælibem ac Deo dignam vitam sollicitè transigant.

In explicatione 7. præcepti, folio 26. facie prima, dicit, *furtū eos cõmittere, qui Missas, peccatorum remissionem, animarum è purgatorio liberationē pretio uendunt.* Si Monhemius pio zelo quorundam Catholicorū abusus car.

pat, non equidē refragamur, qui quosdam, qui in Ecclesiam aliquorum vitio irrepserunt, commendare non possumus: sed consultius fuisset, maiorū verēda tegere, quā omnibus inspicienda atque ridenda exponere. Hoc enim nihil aliud est, quā frigidam (quod aiunt) suffundere, & populum alioqui obstreperū aduersus Sacerdotes vniuersos concitare. Hi enim generatim dictum esse putāt, & omnes perstringi, quod in quorundā vitia contortum est. Vtinam abusus omnes tollantur, nec quicquam in Ecclesiastico, vel seculari statu relinquatur, quo offendatur Deus. Verū Monhe-mi, si è tuo Gymnasio Dusseldorpēsi non possis omnia euellere zizania, nec cuncta quæ displicent Deo sustollere (certum est enim, adolescētes hæresibus imbutos, nec Deum, nec Sanctos, nec deniq; suos reuereri præceptores) qui poteris tu, vel nos etiam, vel certē pij omnes, tot scandalis mederi, quib⁹ infecta est Ecclesia? cū veritas ipsa testetur, necessum esse, vt veniant scandala? Et D. Paulus: Oportet hæreses esse. Subditorum est, Deum precari, vt dignos operarios in messē extrudat, vt præsules Sanctos Ecclesiæ donet, & principes, qui zelo fidei impias hæreses profligent: quales

(vi

Matt. 18.
1. ad Co.
5. int. 11.

(vt ingenuè fatemur) populus multis in locis habere hactenus non meruit. Interim tamè, si Ecclesiarum præsides, aut principes seculares quid reprehensione dignū committant, occultandum est, quoad eius fieri potest. Quandoquidem ex publica detractiōe nec mores corriguntur, nec boni instituuntur, & fraterna charitas sæpenu-
merò læditur. Non ignoras, quam maledictionem incurrerit Cham, contrà verò cuiusmodi benedictionē Zem & Iaphet sint consecuti. Sed vnde digressa est, reuertatur oratio. Credimus, non te alium voluisse amplecti sensum, neq; vt malum damnare quòd D. Paulus concessit, posse de altari illos viuere, qui ipsi deseruiunt, qui stupenda illa missarum sacrificia Deo offerunt, qui pro data sibi autoritate peccata remittunt, posse in sui sustentationem non operis pretium, sed eleemosynā recipere. Hoc adeò cum Apostoli verbis, cumq; ijs omnibus, quæ hactenus obseruata sunt, non repugnat, vt Christus etiam suo exemplo id confirmarit. Nam cùm pauperrimus esset, ne haberet vbi caput reclinaret, simul & discipuli omnia reliquissent, ex eleemosynis tamen tam suam, quàm discipulorū vitam sustentauit. Insuper quando hæc sub-

Genesis 9.

1. ad Cor.
int. 9.Ioan. 20.
Matt. 18.Matt. 9.
Matt. 19.

iungis, Eodem modo qui utuntur bonis Ecclesiasticis, & tamen nullo Ecclesiastico, aut pio munere funguntur, non concionantur, non docent, non erudiunt populum, &c. Credimus, te non existimare in his tribus functionibus omnia Ecclesiastica munera consistere, alioquin ad quid adiiciendum erat: Et cætera? Nam ad illa etiã pertinent orationes pro viuis atq; defunctis, diuinorũ officiorũ celebratio, precum horariarum statis temporibus decantatio. Nõ enim omnes, qui sacris ordinibus initiati sunt, vel docedi, vel concionandi munere pollent: sed omnium est sedulò orare, vt Deus illorum animis remuneret, quorũ liberalitate tã amplas, puentus annuè subleuant. Eorum est diuinis rebus vacare, preces diurnas pariter atque nocturnas ritè persolvere, pauperibus eleemosynas largiter erogare. Hoc si fecerint, non secus officij sui dignitati responderint, quàm Sacerdotes illi Aegyptij, quibus ex arario publico, vt testis est scriptura, alimenta præbebantur, quò Astronomicis alijsque Mathematicis disciplinis (teste Aristotele 1. Metaphy. cap. 1.) sedulò operam nauarent. Quapropter Ecclesijs bona relicta sunt, vt viri eruditi commodiùs diuinis occupationibus sese totos manciparet, diuinat

1. Gen. 47.

diuinas laudes detonerent, Ecclesiæ erudition sua auxilium opemque ferrent, ac denique (si D. Bernardo Epistola 2. fides adhibenda est) pauperibus ex eo, quod ex honesto victu & vestitu superest, liberaliter succurrerēt. Vide quid D. Chrys. in homelijs ad populum Antiochenum hac in re faciendum esse moneat: Si secus aliquid fiat, profectò grādis abusus est, quem non solum à Catholicis, verum etiam ab hæreticis plerumq; non sine graui periculo introductum esse manifestum est, dum liberos suos nō tam religionis ergò, quam spe questus atq; amplorum prouentuum respectu ad dignitates Ecclesiasticas cum suæ ac filiorum salutis dispendio euehunt. Non inutilem certè monhem, nauares operam, si discipulos tuæ fidei cōcreditos (quorum nonnulli haud dubiè licet impuberes Ecclesiasticis beneficijs onusti sunt) seriò adhortareris, vt sese ad omnē pietatē componerēt, monstrosū dissectarū vestiū habitū abijcerent, prauorū commertia fugerēt, ac deniq; pensum precū horariarū cum religioe persoluerēt. Hoc si abs te alijsq; diligēter curatū fuerit, futurū cōfidimus, abominādos abus⁹ paulatim euulsū iri, & verā pietatis Christianæ faciē successurā esse.

Folio 27. in expositione duorum postremorum mandatorum Dei, Hæc duo (ait) tam exactam integritatem à nobis requirunt, ut nullas malas cupiditates admittant, quibus animi nostri ad crimina committenda incitentur. Damnant igitur omnem prauam inclinationem, quæ est peccata tua quædam insolentia, superbia, contumacia, obfistens ~~et~~ repugnans legi Dei, quæ innumerabilem confu ~~m~~ gignit, etiamsi non semper consensio subseq. ~~ar~~. Hæc & plura alia in eandem sententiam adfert Monhemius, quibus nulla alia adhibita probatiõe, ita planè naturam totius humani generis damnat, vt eam perpetuo velit peccato obnoxiam esse. Cædò Monhemi, vnde nam istam interpretationem didicisti? an tibi hoc D. August. dicere videtur, Epistola 200. ad Asellicum, vel alij istorum præceptorum interpretes? Iam superiùs abudè satis declaratum est ex eodem D. Augustino, concupiscentiam hanc peccatum non esse, nisi assensus animi prebeat. Nec est, quòd fusiùs hic eius verba repetamus. Vnicum eius locù attulisse suffecerit ex Epistola citata: Incipit homo secundum gratiam in interiori homine renouari, vt mente agat quod amat, nec carni consentiat agenti, quod odit: Id est, vt

non

non omninò non concupiscat, sed vt post
 concupiscentias suas non eat. Simile quid Ecclesi.
 videas apud D. Chrysoſt. hom. 52. in Matt.
 Est igitur potissimùm hæc ea cõcupiscen-
 tia prohibita, de qua D. Ioannes Epist. 1. 1. Ioan. 2.
 loquitur. Omne quod est in mûdo, aut est
 concupiscentia carnis, aut concupiscentia
 oculorum: ea verò est, cui præbetur assen-
 sus voluntatis. Quoties verò quempiam
 veterum ita loquẽtem comperimus, quasi
 etiã primus ille pruritus prohiberetur, in-
 telligendum id est, quemadmodũ D. Aug.
 Epistola 200. interpretatur: Hoc (inquit)
 lex posuit, dicendo, Non concupisces: non
 quòd sic valeamus, sed ad quod proficien-
 do tendamus. Siquidem (vt ait Chrysoſt.
 hom. 52. in Matth.) concupiscẽtia sola non
 damnat, si illi non præbeat consensum vo-
 luntas. Magis autem & gloriosiore facit
 virginitatis coronam. Hæc verò vnicuiq;
 Christiano opera danda est, vt quantum in
 eo est, has animi perturbationes paulatim
 euellat, vt concupiscentiẽ indies magis se-
 dentur impetus. Consilia sua Euangelica,
 vt id commodiùs fiat, Christus reliquit, &
 ea amplectenda esse suavit. Concupiscen-
 tiæ carnis, castitatis propositum firmum, &
 votum opposuit: quo sanè non rarò eue-

Matt. 19.

nit, vt omnes carnales pruritus penitus tollantur ac aboleantur. Concupiscētiæ oculorum, quam auaritiam dicimus, decimo præcepto vetitā, obiecit aliud antidotum, dum adolescēti opibus affluēti ita loqueretur: Si vis perfectus esse, vade & vende omnia quæ habes, & da pauperibus, & veni sequere me, & habebis thesaurum in cælo. Quamuis igitur insurgentes contra rationem motus, non omninò sub peccati pena vetuerit Deus, gratum tamen sibi esse ostēdit, & veri Christiani officium, si non nimia somnolentia, aut supina negligentia in ijs comprimendis vtamur: Gratissimum autem, si sequentes Euangelica consilia, ac omnes peccandi occasiones fugientes, sensim illos extinguamus, & tollamus.

IN DIALOGVM QVARTVM DE FIDE.

INitio huius dialogi in Fidei explicatione nō eam secutus est Mōhemius doctrinam, quam à veteribus, adeoq; ab ipsis Apostolis hausimus: sed quam nouitatis omnis studiosi cōtra Christi Sanctorumq; omnium institutionē non ita pridē commentī sunt. Catholica autem omnium doctorum

Etorum de fide explicatio est, virtutē quā-
 dam nobis cœlitus à Deo infundi, cuius be-
 neficio certissimè ijs omnib⁹ inhereamus,
 quæ Diuino verbo tam scripto, quàm non
 scripto, sed per manus tradito accepimus.
 Quam D. Paulus definit esse substantiam
 rerum sperandarum, argumentum nō ap-
 parētium. Substantiam ille dixit *ὑπεσῶσις*,
 tanquam fundamentum, vt fides sit rerum
 sperandarum veluti sustētaculum, hoc est,
 huiusmodi principium, sine quo res illæ,
 quæ nō videntur, ne sperari quidē possunt.
 Fidei siquidem ita spes innititur, vt amor
 & desiderium notitiæ. Sicut enim quæ non
 cognoscimus, neque amamus, neque desi-
 deramus: ita nec illa quæ fide non appre-
 hendimus, licet vnquàm sperare. Hanc fi-
 dem non existimamus historicam esse co-
 gnitionem, qua S. scripturæ verbis assenti-
 mur, aut certò aliquid verū esse nobis per-
 suasum habemus: verū firmissima est as-
 sensio rerū talium, quæ non videntur, qua-
 tenus verbo Dei inhæret, hoc est, si rei ali-
 cui præbeamus assensum, quia nobis à Deo
 proponitur, nec argumētis alijs in eius no-
 titiam deducimur, iam fides est, quam vir-
 tutē theologicā appellamus. Si verò eidem
 credamus, quia ingens populi multitudo

Hebr. II.

eam

eam amplectitur, quamdiu non ob id, quia Deus omnipotens & verissimus dixit, fidei proprię rationem non meretur. Fidei itaq; ratio in firma notitia consistit, quam ob id intellectui voluntas imperat, quia Dei verbo innititur. Ex quo consequitur, eandem & sine spe, & sine charitate esse posse. Quis enim prohiberet, impium aliquem articulis fidei, quod Deo progressi sint, certissimum assensum præbere, quorū notitia nec speret æternam salutem, nec ad sperandum sese præparet? Hęc talem fidem informem vocant: formatam verò, si charitatis pulchritudine & honestate insigniatur: vt em̃ (teste D. Iacobo) corpus sine anima vitæq; operationibus mortuū est, cū tamē corpus maneat: ita & fides sine operibus, quæ charitate tanquā forma proficiscuntur. Versatur ista fides, si hęc nostra tēpora contemplemur, in propositionibus potissimū generalibus: Spes verò ē contrario potius indiuiduis, quod generatim promittitur, accommodat: Hoc est (vt explicatiū loquamur) fides horum similiumque enunciatorum est, Qui crediderit & baptizatus fuerit, saluus erit. Beati immaculati in via, qui ambulant in lege Domini. Beati quorum remissæ sunt iniquitates. Qui seruat man-

dara

Iaco. 2.

Marci 16.

Psalm. 118.

Psalm. 31.

Matth. 19.

data, ad vitam ingredietur: Non verò est istorum: Ego ad vitam ingrediar, aut mihi peccata remissa sunt. Cæterum spes talium est, sperat siquidem quisque pius peccata sibi condonata esse, ac proinde de Dei bonitate, ac suarum operationum remuneratione confidit, non tamen ita firmiter se illâ assecutū esse credit, vt errare nō queat. Inanis quippè foret illa confidentia, sed sperat, & quod paulò maius est, confidit etiam. Denique cū fidei obiectum sit veritas prima, non solū de rebus plausibilibus ea habebitur, nempè de pollicitationibus, diuinisq; promissis bonis, sed de aduersis quoque & inferni cruciatibus, & ijs omnibus, quæ Deus Ecclesiæ suæ concedidit. Credimus enim non tantū Christi meritis, & acerbissima passione Deo patri satisfactum esse, ac sanguine pretiosissimo regnum cœlorum comparatū esse, sed præterea malos ignem expectare eternū, quem Christus dæmoni & angelis eius paratum esse dicit: Imò alibi ait, Nisi pœnitentiam egeritis, omnes simul peribitis. Cæterum fides quāuis certitudine sua omnem prorsus notitiā superet, tam scientiæ, quàm opinionis: est tamen euidentia minor quidē scientia, quia fides nō habet meritum

Matt. 19.

Lucæ 13.

(vt

(vt ait D. Gregorius) vbi humana ratio præbet experimentum. Hęc est Catholicorum de fide sententia. Monhemius autem non contentus hac veterum Doctorem explicatione, aliam quandā consecutus est tantum veteribus omnibus ignotam, quātum ac proinde Christianorū manibus omnino explodendam. Multa in præcedēti sententia reprehendit, nō apertē quidem illa, ne manifestam hæresim introducere videatur, verūm dum aliter docet, non obscurē significat, sibi quæ antē à nobis dicta sunt, non parum displicere. Nam in religionis fidei q; negotijs maiorum vestigia declinare, est illorum fidem calumniari. Primum itaque folio 30. facie 1. negat, in malis fidem inesse, quam pijs tantummodò conuenire docet: ex eo etiam sequitur, malam esse diuisionem fidei in formatam atq; informem (licet enim vocibus artis nostræ nobis vti) Secundò nō ei cum suo Caluino placet, fidem de seueris minis haberi, non de damnatione æterna, non de hac propositione, Nisi conuersi fueritis, gladiū suum vibrabit, &c. Qui non crediderit, condemnabitur, &c. sed de suauibus tantūm promissionibus æternæ salutis, de misericordia, de paterno ipsius in nos animo, de summa eius

Psal. 7.
Marci 16.

ma eius bonitate & longanimitate, &c. Vide an non huc tendant omnia, quæ toto illo 28. folio posuit, in quo cum multa de diuinis pollicitationibus profequitur, nihil tamen quicquam de minis, aut diuina iustitia annectit. Non videbatur Monhemio æquum, vt à Caluini sententia, quam hætenus tam sanctè veneratus est, vel ad transuersum vnguem digrederetur. Tertiò etiam hoc displicet, quod diximus vniuersalium pronunciatorum esse fidem, spem verò singularium: Nam è contrario docet, fidem de enunciatis specialibus, aut indiuisis haberi, firmaque fide tenendum esse, nõ solum vniuersæ eos omnes esse seruandos, qui diuinis præceptionibus insistant, sed speciatim credendum esse vnicuique, se quoque vitam æternam sine hæsitacione adepturum. Imò nisi sibi quisque persuasum habuerit, se iam Dei gratia protectum, ac certo certiùs sibi felicitatem perpetuam esse donandam, iam à gratia excidisse, nec veram illum & Euangelicam, aut potius Monhemicam fidem habere. Ita loquitur folio 29. Vera igitur fides non in eo tantum sita est, vt credamus vnum esse Deum, ea omnia vera esse, quæ S. literis continentur, sed præcrea exigit firmam certamque notitiam, quæ

“ quæ per Spiritum sanctū manifestatur mē.
 “ tibus nostris, & cordibus obfirmatur, vt pa-
 “ cata mente audeamus nos in Dei conspe-
 “ ctum sistere. Is itaq; veram habet fidē, qui
 “ certa ac firma persuasione Deum esse sibi
 “ propitium, beneuolumq; patrem sibi per-
 “ suasit, de illius beneuolentia omnia sibi
 “ promittit, diuinę erga se benignitatis pro-
 “ missionibus fretus, solidam æternę salutis
 “ expectationem prętendit. Et folio 30. vt ei
 “ soli ac gratuitis ipsius promissiōibus sum-
 “ ma cordis fidutia adhareamus, in illis con-
 “ quiescamus, de Dei erga nos bonitate, & vi-
 “ ta æterna nihil dubitemus. Hunc errorem
 “ vt commendatiorem redderet, ita fidē de-
 “ finiuit, folio 28. Fides est certa firmaq; per-
 “ suasio beneuolentię Dēi erga nos propter
 Rebr. 11. Christum. Et D. Pauli definitionem (est
 ὑποστασις rerū quę sperantur) ita interpreta-
 tur, est res certa & secunda possessio eorum,
 quæ nobis à Deo promissa sunt, argumen-
 tum non apparentium, hoc est (ait) eorum,
 quæ non videntur, sed sperantur certa de-
 monstratio, vt posterior hæc pars prioris
 sit explicatio. Ratio ergo fidei Mōhemice,
 & præceptoris eius Caluini, in eo posita est,
 vt sit certa ac indubitata persuasio, se sal-
 uum fore gratia & beneficio Christi, quæ
 non

non in omnibus, sed in bonis tantum hominibus inueniri queat. Cæterum ut nunc turpissimos istos de fide errores confutemus, operæpretium nos facturos existimamus, si tres illas propositiones à veritate alienissimas esse demonstremus, quas præter cæteras in præfatione dialogi huius quarti Monhemius satis apertè (ut diximus) posuit: quarum vna fuit, Fidem esse certam persuasionem beneuolentiæ dei, & vnumquemque debere sibi certò persuadere, Deum fore propitium, neque de æterna vita esse ambigendum. De hac priori loco dicendum putamus, quia illi reliquæ ceu basi cuiusdam innituntur. Imprimis igitur, quis vnquam ita de fide differuit, ut ad eam referendam putauerit certi cuiusdam priuati hominis propriam salutem? Fides est rerum certissimarum, quæ neque falli potest, neque fallere. Admodum verò incerta est priuata hominum iustificatio, multoque magis æterna ipsorum salus. Quomodo igitur in his usque adeò incertis certissima fides versabitur? An verò incerta esse negas, quæ scriptura incerta esse luculenter testatur? Nescit (inquit) homo, utrū amore, an odio dignus sit, sed omnia **Eccle. 9.** in futurum seruatur incerta. Et D. Paulus, Nihil, ait, mihi conscius sum, sed non in hoc **1. Cor. 4.**

G

iustifi-

1. Cor. 9.

Prouer. 20

Cap. 28.

Eccle. 5.

1. Cor. 4.

iustificatus sum : qui autem iudicat me,
 Dominus est. Et iterum : Castigo corpus
 meum, & in seruitutē redigo, ne fortē dum
 alijs prädicaui, ipse reprobus efficiar. Et
 Sapiens: Quis potest dicere, mundū est cor
 meū? purus sum à peccato? Et alibi: Beatus
 homo, qui semper est pavidus. Item alio in
 loco: De propitiato peccato noli esse sine
 metu, &c. Hæc scripturæ testimonia, quis
 nisi planè mentis inops infringere audeat?
 Quis tam hebetis est ingenij, aut stupidi iu-
 dicij, vt non videat ista ex diametro cum
 Monhemij doctrina pugnare? An plura te-
 stimonia requiris, quæ doceant, incertum
 esse hominem, an in Dei sit fauore vel ami-
 citia, an iustificationem iam asssecutus sit.
 Audi Iob. 9. capite sic testificantem: Si iu-
 stificare me voluero, os meum condemna-
 bit me: Si innocentem me ostendero, pra-
 uum me comprobabit: etiamsi simplex fu-
 ero hoc ipsum ignorabit anima mea. Et
 paucis interiectis: Si lotus fuero quasi aquis
 niuis, & fulserint quasi mūdissimæ manus
 meæ, tamen sordibus intinges me, & abo-
 minabuntur me vestimēta mea. Diuus etiā
 Paulus inquit: Nolite ante tempus iudica-
 re, quoadusque veniat Dominus, qui & il-
 luminabit abscondita tenebrarū, & mani-
 festabit

festabit consilia cordium. Quòd autem de
conscientiæ iudicio Apostolus loquatur,
quo quispiam semetipsum probum esse ar-
bitratur, ea quæ subiunxit, abundè decla-
rant: Ait enim: Sed neque me ipsum iudico,
nihil enim mihi conscius sum, sed non in
hoc iustificatus sum: qui autem iudicat me,
Dominus est. Audis ne Monhemi, quo pæ-
cto S. Apostolus in tertium cælum raptus,
sui ipsius tamen iudicium Deo soli scruta-
tori cordium relinquat? Tu tamen, tuique
similes audetis vestris discipulis, ac Chri-
stianis omnibus de vita æterna cōsequenda
securitatē polliceri. O miram vestram im-
pudentiam ac procacem temeritatem, quæ
totam ætatem in peruertēdis pijs fidelibus
ita misère transmittitis, qui talentum con-
creditum non in terram, sed in sordes de-
foditis, imò in domini vestri summā igno-
miniam ac cōtumeliam exponitis: non ve-
remini tanquàm seruos bonos atque fide-
les vos Domino sistere, & sine timore vllò,
sine vlla dēnique verecundia toti orbi ve-
stram securitatē promulgare. Metuendum
est vobis, imò certū est, vos de æterna dam-
natiōe, quàm de salute esse certiores, si sic,
vt cœpistis, pergitis animas, quæ non mo-
riuntur, damnare. Audistis S. scripturæ sen-

tentias convincere neminem, certum esse de adepta iam iustitia, ex quo consequitur neque quenkum sibi de æterna vita tanquàm certò promissa blandiri, quia nisi iusto datur nemini. Vultis ostēdamus latius, quàm sit ridicula planè talis salutis sue persuasio? Vos Calviniani (hunc enim præter ceteros Monhemius sequitur, quamvis non in omnibus, ne omninò discipulus illius appareat) securos vos esse de æterna felicitate iactatis: Certiores vobis se esse dicunt Lutherani: certissimos, aut se Anabaptista, ut qui summa constantia, vel potius temeritate, exilia, carceres, ignes, inortemque excipiunt. Ut interim cæteras sectas omitamus. Cædo, quorum certitudini adhærendum erit? Calvinianæ fortassis dicet Monhemius: verum si quartus aliquis mediusve rogetur, qui defecato iudicio negotium istud perpēdit, prorsus & Calvinianos, & Lutheranos, & Anabaptistas, & quotquot tandem hanc certitudinem splēdidè mentiuntur, delirare & insanire dicet. Certa vestra fiducia vos fallit, fides autem non fallitur: non ergo vestra inanis persuasio fides dicēda est. Sed ut Monhemio certitudinem iustificationis concedamus: Num ideò sibi polliceri aliquis posset vitā æternam? Quid
 si enim

Si enim à iustitia excidat, nec in virtutis stu-
dio perseveret, debetne is solidam salutis
æternæ expectationem pratendere, atq; de
ea nihil dubitare? Vide (ait scriptura) ut ne-
mo coronam tuam accipiat. Timebat Apo-
stolus, ne reprobus efficeretur, quem tamē
Christus tanto miraculo vocavit ad Apo-
stolicam functionem, tantaq; mysteria per
eum toti mundo inuulgavit. Dauid, Salo-
mon, alijq; innumeri lapsi sunt: Saul etiam
commendatione scripturæ probus postea
in deploratam malitiā delapsus est: Siletio
præterimus Iudam, Nicolaum, ex septem
Diaconis vnum, aliosque innumerabiles:
Beatus verò (teste Christo) qui vsque in fi-
nem perseverauerit. Si non perstemus in
probitate, quid vetabit, quò minus pater
filium omnibus bonis spoliare, & ex hære-
dare possit? Rectè proinde apud Damasce-
num monachorum Abbas Arachi Principi
mortē interminanti, ita respondit: Potius
tibi gratias confitebimur, si nos virtutum
amatores præsentī vita subduxeris. Nō me-
diocriter enim finis nostri metuimus in-
certitudinem, ignorātes, quomodo illum
simus consecuturi, ne fortè voluptatis lu-
bricum, vel tentatio qualibet diabolica
prælectionis statū peruertat, aut alia sape-

Apoc. 3.
 1. Cor. 9.

Matth. 10.

In vita
 Barlaam &
 Iosaphat.

Ad Gal. 3.

Luc. 8.

Author li.

belli de

imitatio-

ne Christi

li. 2. ca. 11.

Matt. 11.

re, aut facere, quam Deo promissimus, suadeat. Ita Sanctus ille martyr ait, qui utique non ignorauit, quam volubilis sit hominis volūtas, quanto a cœpto delinquit, quam ægre tentationibus reluctetur, quam sit pacis atque quietis, quam pugne amatio. Sapientiam capimus, animū nobis addimus, sapē ad certamen prodimus, sed plures sunt qui cum spiritu ceperint, carne cōsumuntur. Et ad tempus credunt, sed in tempore tentationis recedunt. Multi sunt (vt dicebat verus Christianus quidam) qui Christum sequuntur ad fractionem vsq; panis: sed pauci ad bibendum passionis calicem. Amat caro carnalia, & paucos inuenias, qui sibi vim inferant, & per angustam portam intrare contendant, cū tamē reuerā suauissimum sit iugum Domini, & onus eius leuissimum, si quis primas molestias conetur infracto animo tollerare. Ex his tandē colligimus, si nemo de peccatorū remissione securus esse debeat; tot S. scripturæ testimonijs, si ridenda sit & repudianda Lutheranorum & Anabaptistarum inanis persuasio, si de constantia nemo certus sit, falso vos docere, ad fidem pertinere, vt quisq; credat firmissimē, atque maxima animi securitate, & iustificatū se esse, & participem

tore

fore æternæ salutis. Sed verius Diuum Petrum cōsuluisse, vt per bona opera certam nostram vocationem faciamus. Ac verissimè de vobis prædixisse Sapientē: Sunt impij ita securi, quasi facta iustorum habeant. Ecclē. 8. Cæterum incertitudinis huius causa si exponenda sit, non est illa in Deum clementissimum, sibi quæ semper similem vlla ratione referēda: Is suas pollicitationes constanter seruat: ait enim, Ego Deus, & non mutor. Certo certius & gratiam, & iustificationem, & æternam denique salutem illis omnibus largietur, qui præscriptas conditiones seruauerint. Atq; identidem peccatorum remissionem donabit, si vera ducti pœnitētia corde cōtrito cōfessionis Sacramentū susceperint, & sic de reliquis. Sed nobis ea tribuēda est, cordisq; nostri caliginiae cæcitati: tam enim occultū est cor humanum, & varijs modis intricatum, vt id supra modum admiratus Propheta dicat: Prauū est cor hominis & inscrutabile, quis cognoscet illud? Et tanquàm id soli Deo referuetur, respondet in Dei persona: Ego Dominus scrutans cor, & probans renes. Nescimus sæpè, an eū adferamus dolorem, quem peccatorum desiderat remissio: an satis præparati cum emenda proposito Sa-

Malach. 9.

Iere. 17.

- cerdotē adeamus: an omnia proferamus, aut eo modo quem requirit vera cōfessio, occulta subinde peccata latent, videmurq; nobis subinde dolere, cū tamen radices malorum veram cōtritionem impediunt.
- Psal. 18.** Vnde non immeritō Regius Psalter vociferatur: Delicta quis intelligit? Ab occultis meis munda me Domine, &c. In actiōibus verò nostris sapē arrogantia & superbus animus, inanisq; gloriæ cupido sese ingerit, ex quo metuunt viri fideles, ne nō tam purē, tamque recta intentione munera sua atque officia, vt par est, obeant. Metuunt illic peccatum esse, vbi peccatum nullum est, (vt ait D. Gregorius) cū ē diuerso superbi neque ibi peccatum agnoscunt, vbi peccatum subinde grande delitescit: Rectē proinde Sapiens monet: Non te iustifices ante Deum, quoniam agnitor cordis ipse est. Iterum alibi: Est via quæ videtur homini iusta, nouissima autem eius deducunt ad mortē. Ista fortassis paradoxa videbuntur iniquis & infidelibus, verū in se experiuntur veri fideles, quā vera sint quæ dicimus. Ne autē arbitreris humanæ cuiuspiam persuasioni hunc metum ascribendū esse, discas rectissimo dei consilio istud ita euenire, partim ne nimia securitate in torpo-

rem labamur, partim ne superbia elati, ea etiam, quā habemus iustitia, priuemur. Est enim cum ad alia vitia, tum ad superbiam (quæ primas tenet) inanemque ambitionem pronus hominis animus, ut opus sit continua humilitate eundē ipsum magno studio deprimere. D. Gregorius elegantissimē illud exposuit in Epistola ad Gregoriam cubiculariam Augustæ: cui postquam sæpius certi aliquid de remissis sibi peccatis cognoscere ea desiderasset, tandem ita respondit: Rem & difficilem, & inutilem postulasti: Difficilem quidē, quia ego indignus sum, cui reuelatio fieri debeat: Inutilem verò, quia secuta de peccatis tuis fieri non debes, nisi cum iam in die vitæ tuæ ultimo plangere eadem peccata minimē valebis. Quæ dies quousq; veniat semper suspecta, semper trepida metuere culpas debes, atque eas quotidianis fletibus lauare. Et post pauca iterum: Perpende dulcissima filia, quia mater negligentiae solet esse securitas. Habere ergo in hac vita non debes securitatem, per quam negligens reddaris. Scriptum est enim: Beatus vir, qui semper est pauidus. Et alibi: Seruite Domino in timore, & exultate ei cum tremore. In paucis ergo huius vitæ tempore mentem vestram

Lib. 6. Regist. ca. 186

Prouer. 13

Psalm. 2.

necessum est vt tremor teneat, quatenus
 per securitatis gaudium sine fine postmo-
 dum exultet. Hactenus D. Gregorius, quem
 ideo fusius adduximus, quod manifestè
 Monhemij securitatem explodat. Et sanè
 quando nihil detrimenti, sed plurimum
 etiam cōmodi talis trepidatio adferat: mi-
 rum, cur tantoperè hanc inanè persuasio-
 nem moliatur inducere hæretici, idq; cum
 tanto animarum periculo. Sed dicent for-
 tasse, miseram esse Christianorum condi-
 tionem, si semper in continuo pauore sit
 vita degenda. Quid enim miserius, quàm
 semper timere, & nunquàm de salute, deq;
 pace sempiterna securum esse? Non vide-
 tur hæc Christi, non Apostolorum esse do-
 ctrina, vt semper timore perculsi summam
 infelicitatē metuamus. D. Paulus: Certus
 sum (ait) quoniam neque mors, neq; vita,
 neque angeli poterunt nos separare à cha-
 ritate Dei. Et alius Apostolus: Timor non
 est in charitate, sed perfectā charitas foras
 mittit timorem, quoniam timor pœnam
 habet: qui autem timet, nō est perfectus in
 charitate: Christi fideles igitur (inquiunt)
 qui summa in Deū charitate ferūtur, nihil
 quicquam metuētes de iustificatione atq;
 salute, securos esse cōuenit. Verum erratis
 miseri,

Rom. 8.

Ioan. 4.

miseri, non intelligentes scripturas, neque
virtutem Dei. Quam vos pœnam arbitra- Matt. 22.
mini, pœna non est, sed filiorum in beni-
gnissimum patrem reuerentia, ac proinde
non misera, sed felicissima est Christiano-
rum vita, in qua Deum patrem nō tam me-
tuimus, quā piē reueremur: non tam ti-
memus, quā amore prosequimur. Notif-
sima est timoris in seruorū ac filiorum di-
uisio, vt interim inchoatē seu initialem
omittamus. Serui nō amore, sed pœnarum
metu functiones suas exequentur. Filij ita
patrum commodo student, vt summa du-
cti veneratione solliciti sint, ne illum vel
in minimo offendant. Hic est timor ille Psalm. 118.
sanctus, permanens in seculum seculi. De
quo scriptum est: Replebit eum spiritu ti- Esaiz 11.
moris Domini. Prior timor pœnam habet,
nec cū charitate perfecta consistere potest:
Posterior verò dulcedinem comitē habet,
nec vnquā à charitate quiuerit auelli.
Illum scripturę vituperant: hunc autē sem-
per commendant. Vt igitur exiguam ali-
quam habeatis huius negotij explicatio-
nem, dicimus, veros pioſque Christianos
non ita metu continuo agitari, atq; si per-
petuam gehennam iam iam sibi immine-
re exhorrescant, atque ideo miserrima per-
turbatione

turbatione & cruciatu semper torquéatur. Nemo est verè piorum Christianorum, cui tā inanis assertio vel per somniū vnquam in mentem venit: verum iusti & boni quādo pacatam in se conscientiam experiuntur, quando se ad bona omnia procliuos sentiunt, nihil aduertunt in se, quòd vel minimum conscientiam cruciat, Dei nomine nihil non perferre student. Nihil diuino amore charius habēt, cui omnia non grauat ē postponunt. Tales inquam infernum non metuunt, sed summa fiducia de Dei bonitate confidunt, æternam salutem sibi donandam firmiter sperant. Sperant dicimus firmiter, & magno animo, non tamen credunt: fides enim falli nequit: spes autem subinde fallitur, cū alioqui spes non foret (vt postea dicemus.) Confidunt magna animi alacritate Christū venturum expectantes, & de eius benignitate nihil diffidentes: faciunt tamen quòd in se est, ne temeraria securitate diffluant & fallantur. Considerantes namque (vt D. Gregorius monet) quòd iustus sit, peccata vestra nolite negligere: Considerātes verò quòd pius sit, nolite desperare. Hęc securitas, quę cum reuerentia aut sacro timore Domini coniuncta est, in Sanctis inuenitur. De hac D. Io.

Hom. 34.
in Euan-
gelia.

D. Ioannes sepe, & D. Paulus subinde verba faciunt: non est tamē illa fidei, sed spei potius operatio, & talis utique spei, quæ non confundit, quamdiu charitas Dei in cordibus nostris per spiritū sanctum diffusa est. Rom. 5. Hæc inanem persuasionem non adfert, sed pacatam vitam producit: non inflat aut fastuosos reddit, sed verecundos, humiles ac Dei amore flagrantēs. Habent eam omnes; pii, qui vobis cū falsa & ridicula vestra persuasionē nō mediocriter condolent. Cū porro his rationibus verisimilem certitudinē boni Christiani assequuntur de peccatorum suorum remissione, tum alio modo in eorum notitiam solent deduci, reuelatione videlicet diuinitus facta. Sic D. Petrus securus factus est de sua salute, & Apostolus Paulus, quemadmodum ille posteriori Epistola, capite 1. hic autem altera ad Timotheum, ca. 4. apertē indicat. Alijs etiam Sanctis simile quiddam à Deo indicatum esse testatur D. Gregorius, lib. 4. Dialogorum, cap. 46. & 47. similiter hom. 34. in Euāgelia. Reuelat quippē nōnunquam Dominus sub vitæ finem, ut mortis aduentum (quem natura ipsa horret) spe venturæ gloriæ securo ac alacri animo amplexetur. Si hæc reuelatio tibi, Monhemi, non contigit

Ad Gal. 1.

Rom. 8.

tingit, rogamus paucas, eoque magis, quò
 à vera Christi doctrina elongatior es aca-
 lienior. Si contigit reuelatio, ne tibi aliud
 persuadeas (quamdiù quidē ista hæreſi im-
 plicatus es, ac alios imbuīs) quàm angelum
 Satanæ te habere ludibrio. Si enim ange-
 lus de celo aliud Euangelium, quàm Ec-
 clesia hætenus docuit, inuulget, anathema
 sit. Sed quid dicetis, inquires, de Apostoli
 Pauli sententia? Certus sum, quoniam neq;
 mors, neque vita, &c. Respōdemus Mon-
 he mi, certum esse, non fidei indicare certi-
 tudinem, sed idem esse atq; cōfido, quem-
 admodum D. Ambr. & D. Hiero. Epistola
 ad Algasiam, quæſtione 9. legunt: Vel idē
 quod persuasum habeo (vt vertit Erasmus)
 vocula quippè *πέπρωμαι*, qua hic vtitur
 Apostolus, generale nomen est, vt satis in-
 dicat capite 15. eiusdem Epistolæ, quando
 se certum esse dicit, Romanos plenos esse
 dilectione. Non credebat, fide theologia
 homines illos, quibus, cum nunquàm con-
 suetudinem habuerat, quosque nunquàm
 viderat, charitate Dei inflammatos esse, sed
 sperabat tantum, aut confidebat: ita neque
 hoc loco fidem habebat ea de re, quam ver-
 bo diuino nusquàm didicerat. Sed vt ad se-
 cundam propositionem veniamus, vni aut
 alteri

alteri tantum breuitatis studio veterum auctoritatum anathematis sententiam subiungamus. D. August. lib. de perfectione iustitiae: Quamlibet (ait) iustitia praeditus sit homo, timere debet, ne aliquid occultum lateat. Et D. Chrys. in opere imperfecto in Matt. hom. 38. Nemo (inquit) est tanta firmitate suffultus, ut de sua iustificatione debeat esse securus. Nunc porro arripe aures Monhemi ad verba Tridentini Concilij, sessione 6. canone 13. Si quis dixerit omni homini ad remissionem peccatorum assequendam necessarium esse, ut credat certo, & absque hesitatione propriae infirmitatis & indispositionis peccata sibi esse remissa, anathema sit. Et canone 14. Si quis dixerit, hominem a peccatis absolui ac iustificari ex eo, quod se absolui ac iustificari certo credat: aut neminem verè esse iustificatum, nisi qui credit se esse iustificatum, & hac sola fide absolutionem & iustificationem perfici, anathema sit.

Secunda propositio similiter confutanda est, nempe, in bonis tantum modo fidem inesse, non item in malis: ac proinde malam esse fidei diuisionem in formatam & informem. Haec & S. scripturae, & rectae rationi repugnat: notitia enim illa, qua huius assenti-

mur,

mur, quæ manifesta non sunt: sed quia Deus vera esse dixit, nec scientia est, neq; opinio, neque credulitas leuis, aut historica fides. Quid ergo si non vera fides erit? Preterea ad fidei naturam aut notionem nullius vnquam charitatem dixit pertinere. Quæ fronte igitur audetis vos (qui extra scripturam nihil admittendū esse docetis) fidē semper cū charitate copulare? Videte, an nō etiam contrariū sacræ doceāt literæ, vt locupletissimus testis est D. Iacobus, capite 2. Sicut corpus (inquit) sine anima mortuum est, ita & fides sine operibus. Si expendere similitudinem Apostoli libet, corpus sine anima, corpus quidem est (etsi homo eacrens, homo non sit) quare etiam fides sine charitate fides sanè est, quamuis fides viuā non sit. Est enim vt anima forma corpus, ita & charitas forma fidei: vtque naturales actiones sensuum, aliarumq; facultatū ad animā originē suam referunt: ita quæcunque bonæ atq; spirituales operationes à fide exercentur, nō nisi à charitate procedunt, ac efficaciam habent. Ecce quā aperte, si non iisdem omninò verbis, saltem eadem sententia Catholicorum diuisionem expressit Apostolus. Cuius etiam sententiam elegantissimè D. Bernardus sermone 2. de resur-

resurrectione Dominica, hoc modo exposuit: Sicut corporis huius vitam ex motu suo dignoscimus, ita & fidei vitam ex bonis operibus. Itaque vita quidem corporis, est anima, per quam mouetur & sentit: vita vero fidei, charitas est, quia per illam operatur, sicut ex Apostolo legis, fides, quæ dilectionem operatur. Sed quid ad D. Paulum respondebitis? Si habuero (inquit) omnem fidem, ita ut montes transferam, charitatem autem non habuero, nihil sum. Si omnem fidem habere quis potest sine charitate, igitur à fide charitas separari poterit. Si fides ea, quæ montes transfert, seiungitur, certe vera fides separatur: quandoquidem credulitas sola, aut fides historica cuiusmodi miracula non operabitur, sed vel sola fides vera, de qua Christus: Multi dicent mihi in illa die, Domine Domine, nonne in nomine tuo demonia eiecimus, & virtutes multas fecimus? Quibus tamen dicturus est: Discedite à me operarii iniquitatis: Vel saltim talis confidentia, quæ veræ fidei innititur. Consultite Oecumenium in illum D. Pauli locum: similiter & D. Hieronymum. Lucæ 8. dicitur: Multi ad tempus credunt, & in tempore tentationis recedunt. Sic & Ioannis 12. Multi ex principibus crediderunt in eum,

Ad Gal. 5.

1. Cor. 13.

Matth. 7.

H fed

Ad Gal. 5.

Libro de
spiritu &
litera, ca.
32.

sed propter Phariseos non confitebantur,
ne extra synagogam eijcerentur: dilexe-
runt enim gloriam hominum magis, quàm
gloriam Dei. Simon etiam Magus dicitur
credidisse, Actorum octauo, homoq; videli-
cet ad omnem impietatem aptissimus. D.
Paulus testatur, fidem per dilectionem os-
perari: non igitur per se illa operatur, sed
alterius virtutis adminiculo. Ac proinde
rectè ex ea sententia colligit D. Augusti-
nus, aliquam esse fidem, quæ per dilectio-
nem non operatur. Et sanè si veteres con-
sulamus, non obscurè hanc Scholastico-
rum Doctorum diuisionè insinuatam in-
ueniemus. D. Bernardus apertissimè Epi-
stola 42. ad Archiepiscopum Senonensem,
fidem aliam dicit mortuam esse, aliam vi-
uam, aliam probatam: Mortuam illam
vocat, quæ nõ operatur ex dilectione. Co-
sulas, Monhemi, D. Augustinum pluribus
in locis, vtpote libro de fide & operibus
capite 14. & potissimùm Sermone 16. de
verbis Apostoli, vbi disertis admodum
verbis ostendit, eandem esse fidem, quæ spei
charitatisque aduentum præcessit, quæq;
cum eisdem virtutibus in iustificatis reman-
sit: Dicit enim, ad fidem, cuius operationes
dæmones quoq; exercent, spēs atq; charitas

tem accedere. Quid verò pro Catholica doctrinæ defensione adferri possit temperius? Vide etiam D. Hieronymum, sub finem 2. libri, in Epistolam ad Galatas: & lib. 3. in caput 5. eiusdem Epistolæ. Item D. Chryso. hom. 3. in verba ista Apostoli, Habentes autem spiritum fidei: & hom. 2. in Epistolam ad Philemonē, hom. etiam 2. in Genesim, hom. 52. in caput 25. Matt. Longum esset singula commemorare: verum quotquot tandem scripserūt veteres, huic sententiæ comperies adstipulari. Quamvis porrò fidem veram dicamus sine charitate posse consistere, non tamen diffitemur cum D. Paulo, nūquā sine charitate prodesse. Ita quoque D. August. loquitur: Sine charitate fides quidem esse potest, sed non prodesse. Et alibi: Magna, ait, est fides, sed nihil prodest, si non habeat charitatem: fide siquidem membra Christi Ecclesiæq; eius efficimur: Viua autem membra sola efficit charitas. Non statim rami arborum, qui exaruerunt, partes arborum non sunt: nec manus hominis illius, quæ (vt Euangelista refert) arida fuerat, manus non erat, sed manus erat arida, toti adhuc corpori adhærescens. Restituit eam Christus vitæ atq; sanitati, significans homines

1. Cor. 13.
Lib. 15. de
S. Trinitate,
cap. 18.
Tract. 6.
in Euang.
Ioannis.

Lib. 13. de
S. Trinitate,
cap. 2.

1. Ioan. 5.

quosdam, qui fide Christi corpori adherent, dum eandem fidem seruant, vitam capitis sui ope diuina posse recuperare. An non cōcedes Monhemi, fideles esse quā plurimos in Ecclesia malos? Concedit hoc sexcentis in locis contra Donatistas D. Augustinus: Insuper & diuina scriptura. Fideles autem, teste eodem August. fide ab infidelibus distinguuntur. Cur nō igitur fides aliqua mortua in peccatoribus (vt hactenus credidit Ecclesia) esse possit? Sed fortasse dices, D. Ioannem aliter sensisse ac docuisse, quando ita scribebat: Qui credit, quoniam Iesus est Christus, ex Deo natus est. Et iterum: Quis est, qui vicit mundum, nisi qui credit, quoniam Iesus est filius Dei? Existimas fortē veteres illos Doctores, quos paulō antē citauimus, nunquā verba illa, vel studiose legisse, vel etiam abundē satis penetrasse? Sicne tu tibi solus sapere videris, vt & recētioribus & veteribus illis omnibus intelligentiā scripturarum contumaciter adimas? & tibi tuisque arroganter eam ascribas? Quis tam est uicors, atq; animi impos, qui nō tuam tuique similitum arrogantiam ac temeritatē magnopere excretur, vt qui vestra somnia veluti oracula quādam vulgo credēda proponitis,

& vo-

& vobiscum ad sempiternā damnationem pertrahitis. Docti plus satis vestros mores exploratos habent, & spiritum illum, non quo illustrati fuerunt Apostoli, sed fanaticum potius agnoscunt. Vulgo dare verba non admodum est difficile, & hominibus carnalibus facile est mundi illecebras persuadere: & certè apud rudē populum facile est, S. scripturam (quæ veluti nasus careus est) in quavis interpretationem flectere, qua aut principum, aut vulgi incauti palpentur vitia, dum ad solius fidei amplexum perniciosè exstimulantur. Cæterum longè aliter D. Bernardus theodidactus, Sermone in octava Paschæ, hūc Apostoli Ioannis locū perpulchrè exposuit, sicut & cæteri doctores omnes. Qui dum fidei, vel iustificationem, vel salutem ascribunt, non verba, sed facta profitentur: neque de mortua aliqua, sed viua fide loquuntur. Illa autem viua fides est, quæ in actionē potest erumpere. Putasne (ait) filium Dei reputat Iesum, quisquis est homo, qui ipsius nec terretur comminationibus, nec attrahitur promissionibus, nec præceptis obtemperat, nec Concilijs acquiescit? Nonne is etiā si fateatur, se nosce Deum, factis tamen negat? Quando ope-

ra bona commendare volunt, ita loquuntur veteres, vt videant veri fideles, tam esse necessarias operationes, tantique momenti, vt fidei suam vitam largiantur. Sed priusquam hanc propositionem terminemus, accipite seueram in vos à Patribus latam sententiam, sessione 6. Synodi Tridentinæ, canone vigesimo octauo: Si quis dixerit, a missa post peccatum gratia simul & fides semper amitti: aut fidem, quæ remanet, non esse veram fidem (licet non sit viua) aut eum qui fidem sine charitate habet, non esse Christianum, anathema sit.

Tertia demum propositio, quam vix satis inuoluit, quamque deprehendimus ex Caluini pectore profluxisse, hæc est, Nos ea tantum credere, quæ ad promissiones spectant, non autem ea quæ minas inducunt. Hanc etsi Monhemius non ita expressè posuerit, vt deprehendi à quouis prima fronte statim valeat: facile tamen ex verbis eius, qui eiusdem factionis sunt, eandem agnoscent. Quocirca ne & hic animi piorum impingant, operæpretium fuerit, paucis veritatem denudare. Fatentur veteres omnes, fidem in his omnibus versari, quæ à Deo Christianis, hoc est, Ecclesiæ Dei reuelata, aut per

per manus ab Apostolis tradita sunt, quorum alia chartis ac scripto commissa sunt, alia verò ad fideles per traditiones deducta. Toti itaque scripturæ ita credendum est, vt nihil omninò contineat, quod non certissima fide seruandum putemus: & illa profectò fide, qua fideles nominamur. Vide Diuum Hieronymum circa principium Commentariorum in secundum caput Ionæ: & Diuum Augustinum cum in 8. & 9. & 19. Epistolis ad Diuum Hieronymum, tum libro secundo contra Donatistas, capite tertio. Continet autem scriptura non pollicitationes tantum, non solum blanditias, non modò quæ demulcere possint aut oblectare, sed etiam iram, indignationem, terrorem, minas, vt si charitate non moueamur, aut rerum cælestium pollicitatione, saltem indignatio, & ira Dei, & denique æternorum suppliciorum metus nos impeilat. Hinc Christus in Euangelio tam saepe meminit gehennæ, vbi erit fletus & stridor dentium. Hinc etiam Lucæ decimosexto terribilem illam de diuite & Lazaro historiam (si Diuo Ambrosio & alijs credamus) omnibus nobis proposuit, vt & illius exemplo terreamur, ne nimia securitate & hu-

Matt. 3. 13.

22. 24. 25.

Luc. 13.

Ecl. 7.

Tractat. 9.
in epist. D.
Ioannis.

Epist. II.

ius vitæ illecebris diffuamus: huius verò exemplo ad virtutum & patientiæ studium, quò perpetua fruamur consolatione, inuitamur. Quis igitur dubitet, rerum aduersarum perinde ac prosperarum inferni æquæ atque cæli fidem esse? Præterea videmus, si qui primum ad meliorem vitam sese transferant, vt non statim amore diuinæ ad redamandum accendantur (hoc quippe perfectorum solum est) sed initio terrentur inferni pœnis, recordantur nouissimorum suorum, cogitant quæ eos maneat tormenta, si in malitia perseuerent, quàm atroces sint cum dæmonibus expectaturi cruciatus, idq; quàm ocysimè, ac post breuem huius vitæ voluptatem, nisi scelerum ducantur pœnitundine. Rarissimè enim (teste D. Augustino libro de catechizandis rudibus) accidit, imò ferè nunquam, vt quispiam veniat volēs fieri Christianus, qui non sit aliquo Dei timore percussus. Protrita est multorum ore eiusdem sententia: Sicut seta introducit linum, ita timor charitatem. Hi autem tales, qui hac ratione sese ad Deum conuertunt, non infideles in suæ conuersionis exordio dicendi sunt, quia non innituntur promissionibus, sed terroribus? Diuus Bernardus talen

gailem ait confiteri domino, non quidem
quia in se bonus est, sed quia potens est: er-
go fidelis est, si domino confitetur, si potē-
tis, si veritati eius testimoniū reddit. O vti-
nā timor iste, Mōhemi, te, & alios ita inua-
dat, vt horrendū Dei iudicium metuatis, ad
cuius memoriam Diuus Hieronymus se
semper contremuisse testatur: vtinam Di-
ui Pauli sententia vos anxios habeat: Hor-
rendum est incidere in manus Dei viuen-
tis. Quām parum metuisse constat præce-
ptorem vestrum Lutherum, qui subinde
licet stimulis acribus conscientie exagita-
tus esset, tantum absuit vt factus fuerit
melior, vt etiam tanto Dei beneficio abu-
rens, dæmonis suggestioni timorem illum
ascriberet, & in Spiritus sancti misericor-
diam peccans, omnia consequendæ sa-
lutis media contumeliose propulsaret. Pre-
camur clementissimum Deum, qui potest
ex lapidibus suscitare filios Abrahæ, vt sa-
lubri terrore corda vestra concutiat, atque
emolliat, quò ad Ecclesiam, vnde turpi-
ter existis, corde contrito ac spiritu humi-
liato reuertamini. Nostra interim vnde
fluxit reuertatur orationis series. Vester
hic error causam, principium ac occasio-
nem hinc sumpsit, quò spem atque fidem

Ad Hebr.
10.

Matt. 3.

H 5 prorsus

Rem. 5.

prorsus confunditis, cùm tamen non ex
guo interuallo distent. Fides est genera-
lium pronunciatorum, (si hæc nostra men-
tiamur tempora) spes autem specialium.
Fides certissima est, nec falli, nec fallere
potest: Spes autem, quantumuis quod in-
se est, certa quidem est, vt non confun-
dat, quamdiu varijs tribulatiõibus explo-
ratur & charitate ornatur, sicut Diuus Pau-
lus testis est: tamen quia cauendum for-
dulò est, ne hæc spes in inanem fiduciam
desinat, hoc est, quia fieri potest, vt pro vi-
tæ integritate rursus ad scelera diuertamus,
solet vsu venire, vt socordia nostra
confundat nos, non autem vera spei vir-
tus. Et sanè certitudo spei non est tanta, vt
quis ea nifus non debeat de salute sua ha-
sitare: quamdiu enim speramus, incerti
sumus, quemadmodum vel ipsum nomi-
nis etymon nos perspicuè edocet. Spes e-
nim & timor ita opponuntur, vt tamen
vtrumque simul in eodem omninò ho-
mine possit consistere: sed quò magis ve-
num incrementum sumit, tantum de-
crescit alterum. Si spes ob charitatem fi-
at securior, (nam testatur Diuus Ambro-
Zus c. 17. sius, quòd ex fide charitas, ex charitate
spes oriatur) timor foras vehementius

mittit.

mittitur. Insuper fides tam malorum quam bonorum est: nam est opus intellectus, qui non id quod bonum, sed quod verum est, contuetur. Spes autem tam Theologica quam moralis, in eo quod bonum est versatur: nullus enim malum, sed tantummodò quod bonum est sperat. Nō igitur fides ea solū credit, quæ sub spem cadunt, sed illa quoque quæ formidantur. Adde etiam & illa quæ nec metuimus nec desideramus. Quam enim spem excitat, vel quem timorem incutit, quòd David iuxta regem Saul sedere soleat ad veniendum, vel quòd pridie Calendas cum Ionatha in agro colloquebatur. Hæc tamen fide tenenda sunt, & sine ambiguitate vlla credenda, quia primæ innituntur veritati, scilicet Deo, qui nobis ea significanda voluit. Latius igitur patet fides quam spes, quia ad ea quoque sese protendit, quæ timemus, eaque omnia quæ veritas ipsa comprehendit ac proposuit. Nunc igitur veritatem edoctus, quisquis hæc lecturus est, videat (precamur) quam probe omnia commisceant hæretici, idque ideò, vt verborum quorundam lenocinijs aut portentis rudium hominum ingentia illaqueent, ac plus quam Cymmereis

1. Reg. 20.

tene-

tenebris inuoluant, præsertim dum fidem à spe & charitate non separant, quæ etsi magis semper coniungi desiderent, non raro tamen separata conspicias.

Folio 36. facie 1. ita habet in explicatione quarti articuli. *Non itaque timendum est, ut in Dei iudicium amplius ueniant peccata nostra, à quibus tam preciosa mercede nos absoluit Dei filius, modò hoc beneficium sola fide complectamur: tum enim iusti coram Deo reputamur.*

Hic apertè iustificationem ac salutem soli fidei attribuit Monhemius: sed hanc translationem in dialogum sequentem relegemus. Ita pro nobis satisfecit Christus; vt exemplum sequendi vestigia sua reliquerit. Non enim par est, vt sub spinoso capite viuant membra delicata. Si ingrati fuerimus, si talentum nobis concreditum in improbos vsus expenderimus (vt hæretici in oppugnanda Dei Ecclesia faciunt) si Christi Domini nostri voluntatem nouimus, eumque dicentem audimus maioribus Ecclesiæ: Qui vos audit, me audit: qui vos spernit, me spernit: non tamen ad voluntatem eius mores nostros componamus, an non in tenebras missi exteriores plagis vapulabimus multis? Sed

de

2. Pet. 2.

Luc. 10.

Luc. 12.

de his postea. Huc tamen etiam referenda est sententia folio tricesimonono facio secundo in explicatione septimi articuli posita: *Magnam ex hoc articulo fidei securitatem accipiunt pii, cum intelligunt, se non ad aliud tribunal sistendos, quam capitis sui aduocati ac redemptoris: Caput enim non condemnat sua ipsius membra, nec aduocatus suos clientes, nec redemptor, eos quos tam carè, precioso scilicet sanguine suo, ac durissima morte redemit.*

Hæc inquam sententia, si ad solos verè pios pertineat, verissima est: modò enim in pietate suscepta persistant, non est quòd de Christi clementia dubitent, aut eius iudicium metuant. Si verò pios illos omnes arbitratur, qui credunt, quique redempti sunt sanguine ac morte eius, certè impia est nimis propositio. Plurimi enim tales etsi membra sint corporis mystici, putrida tamen sunt & meritò resecanda, ne contagionem ac perniciem totius corporis compagini adferant. Amputantur à vite palmites fructum non ferentes, & in ignem mittuntur vt ardeant: ita Christus à se, à corporeque suo sancto quicquid est inutile, indecorum ac squalidum rejiciet in ignem æternum, quantumuis pro totius mun-

mundi salute sanguinem ac vitam suam non dubitauerit in cruce profundere. Hæc obiter annotare placuit, ne ambigua Monhemij sententiæ erroris occasionem incauto lectori pariant. Dabit ille nobis veniam, quod minutissima quæque excutiamus: veremur etenim, ne fucus aliquis aut pestilentissimum toxicum delitescat, quod imprudens lector mellis loco imbibere queat.

Matt. 16.

Ioan. 31.

Folio 41. facie 2. de Ecclesia, si verba spectes, nō malè loquitur, si modò dum Christum caput esse dicit, non excludat etiā caput vicariū, cui dictum est: Tu es Petrus, & super hanc petram ædificabo Ecclesiam meam: & iterum: Pasce oues meas. Cæterum istud aperiendum hic erat, si modò Ecclesiam volebat ostendere, & quisnam esset ille verus Sacramentorum vsus, quæq; sincera euangelij doctrina: nā cum variè scripturas diuersi hæretici torqueāt ac interpretentur, cumq; in Sacramentorum administratione neq; cum Catholicis illi, neq; inter sese plene conueniant, non est hac Ecclesiæ definitiōe manifestū, Calvinianā ne, an Zuingliana, an Anabaptistica, an Suuenckfeldiana, an Brëtiana, aut demum Lutherana, aut Melanthoniana factio Ecclesiæ nomē me-

reatur,

reatur: omnes enim diuersarū h̄eresum re-
pertores apud se & puram Euāgelij doctri-
nam (si dijs placet) & verum Sacramento-
rum vsum esse, pertinaciter contendunt.
Veteres verò Romanorum Pontificum in
eadem fide perpetuam successionem aper-
tum indicium esse Ecclesię Catholię con-
fessi sunt. Consulas Irenæum vetustissimū
illum scriptorem libr. 3. capite tertio, cuius
verba Eusebius recitat libr. 5. cap. 6. Eccle-
siasticę histor. D. August. epistola 165. & li-
bro contra epistolam Fundamenti ca. 4. Si-
militer libro de vtilitate credendi, ca. 17. &
46. Item quæstione 110. in libro de quæstio-
nibus veteris & noui Testamenti: Tertullia-
num etiam libro de præscriptionibus h̄ere-
ticorum: & Cyprianū lib. 1. epist. 3. & 6. lib.
2. Epistola 10. libr. 3. Epistola 2. & potissi-
mū de simplicitate prælatorū. Vide Opta-
tum Mileuitanum, libro 2. contra Donati-
stas: & Originem in principio libri πρὸς ἀπ-
λῶν. Hoc signum cū in sola Romana Ec-
clesia inueniatur, nec faciliē Calvinus tuus
Mōhemi (qui aliquot ab hinc diebus Epi-
scopū Geneuēsem se volebat cōstitui recla-
mante populo) neq; Bucerus, neq; Melan-
thon (q̄ nisi resipuerint iā dant atroces fū-
vesanię p̄cnas) neq; Brent. neq; alius aliq̄s
pro-

prodigioforum dogmatũ repertor, ad Apostolos aut viros Apostolicos, suã originem referre poterit: hoc autẽ solus potest Romanus Episcopus, quẽ cõstat nunquã ab Apostolorũ doctrina descivisse. Hæretici verò omnes ante 43. annos neque visi sunt, neq; fuerunt: hi inquã, quibus hæc tẽpestas tã perditẽ infestatur Ecclesia: quãvis pater omniũ Ioãnes Hufs in Constantiensi Synodo anno circiter 1414. exultus, blasphemiarum suarum cõdignas dederit pœnas. Soli Luthero infandam hanc Germaniæ calamitatem acceptam ferre debemus, qui anno 1517. post Ioannem Huf 102. annis multò antè conceptum virus in Ecclesiam Catholicam tanta contumacia effudit. Hic est Apostolus & pater Caluini, Oecolampadij, Carolstadij, Melanthonis, Brentij, Suuenckfeldij, Anabaptistarum, & quotquot hodie portenta quondam felicissima, nunc longè omnium miserrima, nutrit Germania. Ante hũc patrem nulla istarum doctrinarum inuasit orbem, pacata erant omnia, sapiebant idem omnes. Vtinam & semel tandem aliquando talis pax expulsis hæresibus benignitate Christi & vigilantia principum toti orbi reddatur.

Folio 42. facie 1. ait in hunc modum: Si falsa doctrina, falsusq; Dei cultus, & id genus impietas in Ecclesiam irrepsert, hæc Ecclesiæ præfides ilico extirpabunt. Quòd si hi negligentes fuerint, piorum regum ac principum partes fuerint, exemplo Ezechiae, Constantini, Theodosij & multorum aliorum Regum, cum in ueteri, tum in nouo testamento, Ecclesiam expurgare. Nō possumus non vehementer hanc tuam, Monhemi, patrenesim cōmendare, qua Ecclesiæ præfides admones, vt sui officij meminerint, & falsum Dei cultum falsamq; doctrinam, ac id genus impietatem (quæ in Ecclesiam dei irrepsert) extirpēt. Iam pridem id omnes pij Christiani flagrantissimis votis exoptāt: needum tamen ob implacabile nonnullorum odium, quod cupiunt, consecuti sunt. Conqueruntur, & meritò quidem, se id ob impiorū multitudinem prestare non posse, nili etiā principes seculares suppetias ex animo ferant. Pleriq; verò horū adeò nō ferunt auxiliū aut opem, vt etiā pios quorūdam præsulū conatus contumaciter impediant, maleuolorū hominū improbitatē foueant, ac demū infrenē hæreticorum temeritatē nonnunquā tuendā suscipiāt. Hinc fit, vt nōnulli antistites, nec his abutibus, qui emerferunt mederi, nec probè suis

officijs perungi queant, quò & piorum hominum studia, labores ac industriâ promoucant, atque impios quacunque id ratione fieri queat, è medio tollât. Cæterum tu fortasse consules, falsam doctrinam, falsumq; Dei cultum, ac id genus impietatis, extirpanda esse, sed tamē personis parcendum esse, si ex animo hæreses abiurare, & non simulatè resipiscere constituent. Id tibi facile concesserimus Monhemi, verum si falsam doctrinam (quæ cum Doctoribus sacris, cum celeberrimis Concilijs, ac denique cum S. scriptura repugnat) mordicus tueri velint, quid faciendum esse concedis? Quo pacto falsa doctrina, falsusq; Dei cultus, ac impietas extirpari poterunt, donec ij perferuntur, qui hæc magno astu in vulgus sparserunt, ac pari peruiticia etiam nūm defendere contēdunt? An quisquam latrocinia, furta, sacrilegia, & id genus flagitia, ex suis ditionibus auferre queat, si latrones, fures, sacrilegos impunē viuere, & quemque quod suus dictat affectus agere permittat? Si dicas, tollerandos esse huiusmodi homines, vt aliquando ad meliorem redeant mentem, reclamabunt leges civiles, reclamabunt cum suis subditis Principes, reclamabit deniq; vniuersus orbis, qui
de vitâ,

de vita, ne dum de fortunæ ludibrijs periclitabitur. Si verò censebis hos extremo supplicio mulcandos esse, non identidem hæreticos, quorum tu fortè conuersionem expectandam esse putabis? Conscientiam tuam Monhemi, compellamus, ut ingenuè profitearis, quòtnam hæresiarchas vel ex historijs, vel doctorum elucubrationibus resipuisse cõpereris. Hisne igitur parcetur, qui ad Calendas Græcas (quod aiunt) emendam pollicentur, & illis vita tormentis extorquebitur? qui aut fortunæ temeritati, aut vitæ alioqui semel proijciendæ insidiantur. Illi verò cum temporariâ, tum sempiternam vitam, nec solum corporis, sed & animæ felicitatem eripere student. Vtra tibi pars Monhemi, videbitur Reip. Christianæ perniciosior esse? An quæ solum pecuniam & vitam corpoream ad momētum eripere, an quæ corpus & animam in perpetuum exitium deturbare conatur? Nõ existimamus te animam corpori posthabere, aut temporariam vitâ æternæ præferre, vel deniq; momentaneâ pœnam æternis adæquare: præsertim cū veritas ipsa dicat: Quā

Matth. 16.

dabit homo cõmutationem, p̄ animam suam? Si igitur fateri velis Mōhemi, istud (ut ceteris fateri necessum est) tantò sunt hæreses

Ioan. 10.**1. Reg. 18.**

flagitijs nocentiores, quātò corpore est anima prestantior. Ac proinde magis etiā in hereticos, q̄ in quosuis alios sceleratissimos homines animaduerrendū esset, tāquā in totius politię Christianę ac detestabiles animarum peltes, quos Christus ob id fures & latrones appellat, quia furantur, mactant & perdant. Consulamus diuum Hieronymum in Ezechielis caput decimum sextū, vt fidem dictis faciamus: Illud (inquit) significat, quod cunctis peccatis & fornicationib⁹ peior sit doctrina hæreticorum, quæ Dei filios facit filios dæmonum, imò & interficit eos. Sed fortasse tu tibi ac alijs eiusdem farinæ hominibus metuens, dices, nusquam ex sacris literis liquidò constare, hæreticos quamlibet peruicaces mortis supplicio afficiendos esse. Quapropter nos id tam apertis sacre Scripturæ testimonijs, simul & celeberrimorum Doctorum sententijs, ac postremò historiographorum calculo ita cōfirmabimus, vt quiuīs etiam hebetioris ingenij facile non tam nostræ sententiæ, quam veritati sit ad stipulaturus. Præteribo quæ habemus Deuteronomij capite decimo octauo, vbi loquens non in nomine Domini præcipitur interimi: & quod Helias zelo Dei

con-

concitatus interfecit iussu suo 450. Prophetas Baal. Quis minus loquitur in nomine domini, aut peior est Propheta, quàm sit quiuis hæreticus, qui aut Sacræ scripturæ aliquid addit, aut adimit, aut adulterinis interpretationibus omninò corrumpit. Obiter hæc proponimus, quæ etsi nostram sententiam affatim stabiliant, dilucidiora tamen adferemus. Cuiusnam Exodus liber quemlibet in sublimitate constitutum admoneat, nunc operæ precium est audire: Maleficos non patieris viuere, &c. An non videbuntur tibi malefici esse, Monhemi, qui totum orbem suis prodigiosis libellis concitarunt, ac tam execrandis dissidijs atque tumultibus inuoluerunt, & quotidie magis inuolunt? Sed vt excludatur omnis tergiuerfandi locus, clariùs id testatum reliquit liber Deuteronomij his verbis: Si surre-

Cap. 12.

Cap. 13.

gilantium ad Riparium presbyterum: Non est, inquit, crudelitas, sed pietas: vnde & in lege dicitur: Si frater tuus, & amicus tuus, & vxor, quæ est in sinu tuo, deprauare te voluerit à veritate, sit manus tua super eos, & effunde sanguinem eorum, & auferes malum de medio Israel. Idem testatur aduersus Heluidium circa initium. Non aduertis Monhemi, quanto studio, quantoque zelo Dominus præceperit, nemini parcendum, nec coniugi quidem, si quempiam à veritate abducerelaboret. Possemus & hoc adiungere ex eodem libro: Qui superbierit, nolens obedire sacerdotis imperio, &c ex decreto iudicis morietur homo ille, & auferes malum de Israel. Sed & nouum testamentum his suffragatur, dum Diuus Paulus dicit: Auferte malum ex vobis ipsis. Quem locum si quis querat, D. Augustinus pulcherrimè explicat lib. 5. super Deuter. quæst. 39. Morietur fur ille, id est, homo qui furatus est, & auferetur malum ex vobis ipsis. Assidue hoc dicit scriptura, dum iubet occidi malos: qua locutione vsus est etiam Apostolus: Quid enim (inquit) mihi de ijs qui foris sunt iudicare? Nonne de ijs qui intus sunt vos iudicatis? Auferte malum ex vobis

Cap. 17.

1. Cor 7

bis ipsis. Nam Græcus textus habet, ὁ πονηρὸς, quod etiam hic scriptum est: hoc autem potius malignum solent interpretari, quàm malum. Nec ait, ὁ πονηρὸς, id est, hoc malignum, sed ὁ μισηρὸς, quod est hunc malignum: & paulo post: Nunc verò credibilius est de homine dictum, quàm de vitio. Hactenus Diuus Augustinus. Nec solū hoc in loco decernit versipelles trucidandos esse hæreticos, sed etiam epistola 48. ad Vincentium contra Donatistas, & epistola 50. ad Bonifaciū Comitem, ubi luculentissimè declarat, se aliquando eius fuisse sententiæ, vt existimaret illos pijs monitionibus demulcendos esse, ac rationibus conuincendos: verū vt animaduerneret inexpugnabilem illorum perniciem, ac Catholicorum lenitatem, & dissimulationem multis esse exitio, cū ob hæreticorum insolentiam, tum ob continuam hæreseos propagationem, censuit pœnis ac nonnunquā morte mulcendos esse: quod etiam disertis ac apertis verbis testatur tractatu 11. in Euangelium Diui Iohannis: Videte, inquit, qualia faciunt, occidunt, animas, asiligunt in corpore, sempiternas mortes faciunt, & temporales perperam se conqueruntur. Consule eundem libr. 2.

contra secundam Gaudentij Epistolā, cap. 26. & 17. Item libro de vnitāte Ecclesiā, capite 17. Similiter libro primo contra Epistolam Parmeniani, capite septimo. Ne autem is solus hoc existimasse videatur, audiamus a quibus animis Diui Hieronymi hac de re sententiam, qui in 5. ad Galatas caput, Scintilla (ait) statim vt apparuerit, extinguenda est, &c. Deinde paulò post subiungit: Arrius in Alexandria vna scintilla fuit: sed quia non statim oppressa est, totum orbem eius flamma depopulata est. Ecce quam appositè hæc sententia in Lutherum & ipsius assecclas competere queat. Ille si ante annos 40. ferro aut igni sublatus fuisset, aut alij è medio sustollerentur, non tam abominandis dissidijs, non tot sectis totus orbis concuteretur. Si nobis non credis, fidem habeas Diuo Hieronymo, cum ob tot linguarum peritiam, tum ob singularem vitæ integritatem vniuerso orbi suspiciendo. Hic ad Fabiolam de 42. mansionibus sic scribit: Haud aliter possumus magistri discipulorum eos facere filios necessitatis, nisi præceptores eorum interficiamus. Crudcles simus in occisione eorum, non parcat manus nostra, &c. Addamus & hoc eiusdem testimoni-

um in Hieremiæ caput duodecimum: Interfectio, inquit, hæreticorum, est salus eorum, qui decepti sunt. Possétne his manifestius aliquid adduci? Vnum tamen adhuc adijcere libet, vt quiuis lector cognoscat, quàm concors sit hac de re Doctorum sententia. Mellissimus ille Bernardus sermone sexagesimo sexto super Cantica ita de hæreticis loquitur: Melius gladio illius coercerentur, qui non sine causa gladium portat, quàm in suum errorem multos trahere permittantur. Et si molestum non sit lectori, consulat Epistolam Liberij Pontificis ad Diuum Athanasium & Episcopos Aegypti: similiter & Epistolam primam Anastasij capite tertio: postremo Epistolam vigesimam Diui Innocentij primi. Si historias huc spectantes efflagitas, vide Eusebium Ecclesiasticæ historiæ libro septimo, capite vigesimo sexto: Item Cassiodorum in Tripartita historia, libr. secundo, cap. 9. & 15. Item libr. 7. cap. 11. denique lib. 9. cap. 19. Si maiorem apud te habent authoritatem Concilia, & operies in Synodo 6. Romana: item in concilio Antiocheno, & editionis primæ, canone 5. quantis calamitatibus & pœnis hæreticos percelluerint. Singula diligens

lector sine negotio peruestigabit. Neta-
men præteream, quod minimè præterire o-
portuit, Concilium Lateranèse sub Inno-
centio 3. canone 3. celebratum, decernit,
hæreticos secularibus potestatibus traden-
dos ac plectēdos esse. Sed hætenus de prio-
re huius propositionis parte, qua sanctè ad-
modum mones, Præsulum Ecclesiæ esse, vt
falsam doctrinam, falsumque Dei cultum,
ac id genus impietatem extirpent: modum
verò ac huius rei probationem à te negle-
ctam, nos ex S. literis, doctoribus, historio-
graphis, ac denique ex Concilijs adiunxi-
mus, vt ad quid lege diuina obligentur, lu-
ce clariùs cognoscant. Cæterùm quod tu
subnectis in altera propositionis parte, si
Præsules negligentes sint, vt tum pij prin-
cipes ac Reges Ecclesiam expurgent, &c.
non caret hoc consiliũ magna assentatio-
nis suspitione, & certè non leuium discor-
diarum semina suppeditat. Adde quòd &
rerum omnium prodigiosam perturbatio-
nem & metamorphosin cõiunctam habet.
Culpamus quidem omnes, nec commen-
dare possumus, supinam quorundam Præ-
sulum Ecclesiæ negligentiam, qui sua mu-
nia nec vt debent obeunt, nec in sua offi-
cia vt par est incumbunt. Non tamen con-
sultum

sultum est, vt vbi primùm principes seculares in rebus Ecclesiasticis quosdam abusus irrepsisse senserint, ipsi è vestigio hos citra omnem iuris ordinem corrigendos suscipiant. Consultius esset, vt primùm semel atque iterum Ecclesiæ præfules admonerent, quò scandala & abusus cū maturitate sustollerent, & pollicerentur operam suam & industriam in emendandis sacerdotum vitijs. Nunc verò, (quod vix sine lachrymis cōmemorari potest) vt primùm abusus in Ecclesiasticis personis cōspexerint, Principes statim bona omnia cōtra fas ac honestatem diripiunt, templorū spolia ad suam transferunt mensam, & aut luxuriose dilapidant, aut partim in equis, partim in canibus alendis patrimonium Christi expendunt. Virgines deinde ac monachos semel Deo consecratos petulanter prostituunt: necdū tamen his exaturata est prophanandi libido, nisi etiā vel Sacramentorum numerum infringant, vel vetustissimos ea administrandi ritus innouent, ac novos instituāt, donec cælū terræ, & sacra prophanis impiè commisceant. Sed quorum istud fieri subinde cōsilio cōpertum est, nisi lureconsultorum aut Medicorū, quādoque etiā trinieliū magistrorū, aut alioqui
indo.

indoctorum Sacerdotum, ne dicamus cō-
 siliariorum quorundam ope, qui omnem
 ferè ætatis partem in bellicis exercitijs trā-
 fingerunt: Ij scilicet & in rebus fidē & Chri-
 stianam religionem concernentibus san-
 ctiones Ecclesiasticas pro suo arbitrato fi-
 gent atque refigent. Cur non potius tra-
 ctant fabrilia fabri? Quis vnquam faber si-
 bi artem calceos aut vestem consuendi ar-
 rogare fuit ausus? Si quispiam vespillo aut
 cerdo cum illis militaribus hastis cōcerta-
 re vellet, omnibus se ludibrio exponeret,
 ab omnibus nō immeritò runchis ac san-
 nis exciperetur. Hi verò omniū, quæ nun-
 quā didicerunt, sibi scientiam vendicāt,
 ac de rebus tam arduis intrepidè sententi-
 am præcipitant, ac falcem in alienam mit-
 tunt messem. O miserandam rerum omni-
 um faciem, o præposterum in rebus omni-
 bus ordinem. O deploratam quorundam
 principum sortem, qui talibus adulatori-
 bus aures præbent. O perniciofa assentato-
 rum consilia, qui vitia principum ita pal-
 pant, dissimulant, ac fouent, & vt Prophe-
 ta ait, puluillos sub omni cubito manus cō-
 suunt, & morti tradunt animas, quæ non
 moriuntur. Quā scitè dictum est à Sene-
 ca, quòd omnia possidentibus nihil aliud
 desit,

Ezech. 13.

desit, quàm qui verum dicat. Quàm cōsul-
 tò agerent Principes (vt de præsulibus Ec-
 clesiæ taceam) quàm commodè suæ atque
 subditorum saluti prospicerent, si in rebus
 ciuilibus seculares, in Ecclesiasticis ecclesi-
 asticos in consilium adhiberent. Nunc ve-
 rò quia Theologi ab aulis magnatum exu-
 lant, tam fœdè res Ecclesiasticæ collaba-
 scunt ac pessum eunt: imo quod omnium
 miserrimum est, Principes nonnunquàm
 grauissimi conscientiam suam ac salutem
 nonnullorum Sacerdotum inscitiae com-
 mittunt. Quin potius consulendi illi fo-
 rent, qui principes infracto animo doce-
 rent, non esse aliena per phas perq; nephas
 diripienda, sed potius Ecclesiæ præsulibus
 in licitis & in honestis parèdum esse iuxta
 Pauli doctrinam: Obedite præpositis ve- Hebr. 13.
 stris, & subiaceite illis: ipsi enim peruigilant
 pro vobis, quasi rationem reddituri pro
 animabus vestris. Quantò honestius esset
 illis consulere, ne alienam iurisdictionem
 aut possessionem inuaderent, vt in omni-
 bus iustus seruaretur ordo, ne aliquando Num. 16.
 Dathan Choræ & Abiron pœnam incur-
 rerent, qui se Moyse obstreperos exhibue-
 runt. Exterreat illos Osæ Regis exem- 2. Para. 16.
 plum, qui dum vellet sese negotijs tem-
 pli

pli ingerere, & sacerdotum sibi munus ar-
rogare, lepra vsque ad vitæ finem percus-
sus est. Hunc locum Diuus Chrysostomus
homilia quarta de verbis Esaïæ pulcherri-
mè interpretatus est: Alij (inquit) sunt ter-
mini regni, alij sacerdotij, &cæt. Comme-
morare libet dignum relatu, quid Diuus
Athanasius referat Hosium Corduben-
sem Constantio imperatori respondisse:
Ne te misceas, inquit, Ecclesiasticis Prin-
ceps, neque nobis in hoc genere præcipe,
sed à nobis discce: Tibi Deus imperium cõ-
misit: nobis quæ sunt Ecclesiæ concedi-
dit. Nec huic dissimile Diuus Ambrosius
Valentiniano imperatori fertur dixisse: nõ
li te, (ait) Imperator grauare, vt putes te in
ea quæ diuina sunt, ius aliquod imperiale
habere. Ad imperatorem pallacia pertinet,
ad sacerdotem Ecclesiæ. Cõsulatur episto-
la 33. ad Marcellinam sororem suam. Offi-
cium verò imperatorũ ac principum in ne-
gotijs religionis satis expressit Iustinianus
imperator epistola quadam in actis quintæ
Synodi inserta. Si quis plura desideret, vi-
deat D. Hilarium aduersus Constantiũ Au-
gustum: Item D. Athanasium in epistola ad
vitā solitariā agentes: postremò D. Ambro-
sium cùm in alijs epistolis ad Valentinianũ
impe-

Imperatorem scriptis, tum præcipuè episto-
la 32. in qua aperte reculat ad imperatoris
venire pallatium, vt coram eo cum Arria-
nis de fidei negotijs conflidat. Latiùs hæc
confirmata inuenias apud D. Gregoriũ l. b.
1. Moraliũ ca. 25. Item fufe de his diflerũt
Clemens Alexandrinus libro tertio Pæda-
gogi cap. 11. & Hilarius libro 8. de S. Tri-
nitate: Irenæus etiam libro 2. cap. 45. deniq;
D. Auguftinus contra Epiftolam Fundamẽ-
ti. Si verò fecularium principum officium
cognoscere nõ displicet, hoc nẽpe eft, Prin-
cipes à Dei facerdotibus quæ ſint faciẽda
diſcere, atq; in eos quos illi pœnis percellẽ-
dos putant, animaduertere oportet. Atque
horum cõſilio (quia ſerè apud impios plus
diuitum, quàm facerdotum inopum valet
authoritas) populorũ mores corrigere, hæ-
refes penitus euellere, pias atq; vtilis Eccle-
ſie leges cõdere. Sic Iuſtinianus imperator,
vtin Actis quintę Synodi videre potes: Rẽ,
at, non inſolitam imperio & nos facientes
ad præſente venimus legem: quoties enim
ſacerdotum ſententia quofdam indignos
ſacerdotio de ſacris ſedibus depoſuit, quẽ-
admodum Neſtorium, Lutichen, Macedo-
nium, Arrium, Eunomium, & quofdam al-
lios, quò ad iniquitatem illis nõ minores,
toties

toties impetum eiusdem sententiae & ordinationis cum sacerdotum autoritate fuit. Hanc eandem rationem seruare non dubitarunt, quotquot pij principes vel in Iudeorum Synagoga, vel in Ecclesia Catholica functionem aliquam administrarunt. Sic fecit Ezechias, dum lucos succideret, veritatem legis à sacerdotibus edoctus. Idem Iozias non ab alijs quàm à sacerdotibus legem didicit. Iosaphat apertissimè sacerdotum vsus est auxilio, Neque enim conueniebat, vt pij Principes secus quàm lex docet; facerent. Iubet sanè lex, vt sacerdotis imperio obtemperetur. Quod si aliquis facere detrectet, à iudice loci contumaciæ det pœnas, vnde ait: Qui superbierit, nolens obedire illi qui eo tempore ministrat, Domino Deo tuo, ex decreto iudicis moriatur. Vides ne officium iudicum? Nec enim Constantinum secus fecisse vnquàm auditum est, qui semper sacerdotum vsus est auxilio, ac tanta veneratione Episcopos suspiciebat, vt in eorum Synodum postremus omnium cum paucis ingressus, ac posita humili quadam sede, non prius confederit, quàm annuissent Episcopi. Vide Eusebium libro tertio de vita Constantini: Item Theodororum

retum libro primo, capite septimo: & Socratem libro primo historiæ suæ capite octauo. Notum est, cum accusatorias chartas de sacerdotibus ad se perlatas exussisse, atque ita esse prolocutum: Hæ quidem accusationes tempus habebunt proprium, id est, diem magni iudicij: Iudicem verò illum, qui tunc futurus est, omnes iudicaturum. Mihi ergo homini cōstituto, de huiusmodi rebus non licet habere auditorium. Synodum Nicænam ille quidem sumptibus suis aluit: sed Syluester conuocauit iuxta antiquam Patrum, imò Apostolorum definitionem, qui illud inspirante Domino (vt ait Diuus Marcellus) constituerunt, vt nulla Synodus fieret præter Romanæ sedis auctoritatem. Theodosius quid fecerit, habes in Tripartita historia, libro nono capite decimono: Constituit videlicet, seruandam esse fidem Ecclesiæ Catholicæ, sed vsus consilio Nectarij Constantinopolitani Episcopi. Nec malè fecit, quòd sacerdotis admonitioni obtemperans, in hæreticos leges condiderit. Idem ille à Diuo Ambrosio Ecclesiâ pulsus, cùm reconciliari desideraret, legem tulit hortatu Episcopi Republicæ vehementer vtilem. Nec vnquam

Lib. 2. Tripartit. histor. ca. 2.

K ali-

aliquid citra sacerdotis arbitrium confluit. Si negligentes sint Episcopi, vt prauos suorum mores aut non corrigant, aut dissimulent, admoneantur benignè: quòd si blandis admonitionibus nihil aut parùm efficitur, summus est aliquis in Ecclesia præsul, cui deferendum est id negotij, vt in omnibus rebus iustissimus seruetur ordo: implorandusque est Deus, vt vineam suam expurget, & bonos mittat operarios in messem suam.

Luc. 10.

IN DIALOGVM QVINTVM DE IUSTIFICATIONE.

DIalogus iste quintus, in quo suis Quintanis ac Quartanis materiâ iustificationis exponit Monhemius, tot scâtet erroribus, quot complectitur ferè sententias: ac proinde iusto aliquo volumine potius quàm breui sermone refutandi forent. Nobis tamen stat sententia, & prolixitatem vitare, & tamen illos perspicuè confutare. Apparet autem non abs re fututum, si eum seruemus ordinem, què in tractatione de fide superiori dialogo tòmodum esse putauimus, vt videlicet propo-
lita

sita Catholicę Ecclesię doctrina, quid in ea aduersarijs displiceat, primùm aduertam⁹, tum deinde ea ipsa in articulos redacta certis refellamus argumentis. Catholicorum igitur de iustificatione constans est hæc sententia, Iustificationem nihil esse aliud, quàm iustitię acquisitionem: vel (si philosophicè loquendum sit) motus ad iustitiam: significat quippe nomen illud motum non secus atque calefactio, disciplinę susceptio, atque ita de cæteris. Quo fit, vt non incommodè ex alijs motionibus huius quoque naturam inuestigare liceat. Alij itaque motus tum à contraria tendunt ad contrariam qualitatem, veluti si ex frigido quis fiat calidus: tum à mera priuatione, quando puer ignarus scientia imbuatur: tum ab imperfectiori minusq; intensæ ad perfectiorem, si nimirum calidum quiddam reddatur calidius, aut doctus fiat doctior. Ita pari omninò ratione in iustificatione hominis vsu venit. Iustificantur impij tanquàm à contrario ad contrarium mutati. Iustificati sunt quondam cælèstes spiritus, prius priuati, hoc est carentes iustitia & à priuatione moti. Iustificatur boni, quando meliores firmiorē charitatē perfectiorē atq; ardētiore suscipiunt,

Apoc. 21. quemadmodum scriptum est: Qui iustus est, iustificetur adhuc. Iustificationem hanc postremam non inaccommodè in scholis secundam appellant: aliam verò, priorem. Iustam porro, quæ tali commutatione datur, ipsi animo inhæret non minùs atque calor aquæ calidæ, aut intellectui scientiæ. Cæterum iustificationis causæ, si de priori loquamur ea, qua impius fit iustus, in nobis nullæ reperiri possunt, quamuis nostrum hoc sit, vt animus ad diuinum illud munus accipiendum accommodemus: disponimur enim fide, timore, spe, dilectione aliqua, & pœnitentia, sicut scriptum est: Accedentem ad Deum oportet credere quia est, & quòd inquirentibus se remunerator sit: Item, Timor Domini expellit peccatum: Et alibi, Confide fili, remittuntur tibi peccata tua: Et, Remittuntur ei peccata multa, quoniam dilexit multum. Denique Actor. 2. Pœnitentiã agite, & baptizetur vnusquisque vestrum in nomine Iesu Christi, in remissionem peccatorum vestrorum. Hic quippe solet in peccatorum conuersione seruari ordo, vt primùm verà esse credant cuncta quæ Deus locutus est: tum peccatorum suorum multitudinem ac enormitatem

Heb. 11.

Eccle. 1.

Matth. 9

Luc. 7.

Ex Conci-

lio Tridē-

tino sess-

sione 6.

Canone 6

tem expendentes, vtilissimo concutiantur metu, eriganturque deinde ad diuinam misericordiam considerandam, sperantes atque fidentes, DEVM sibi propter Christum fore propitium, illumque tanquam iustitiæ omnis fontem complecti incipiant, concitenturque ad peccatorum prætorum detestationem, proponantque in posterum, aliam velle degendæ vitæ rationem inire. Cause verò iustificationis sunt imprimis variæ, pro diuersis causarum generibus: Finis est, gloria Dei & Christi, simul & vita æterna: Efficiens, misericors Deus, qui nobis gratuito peccata remittit: Meritoria, est Christi in ara crucis copiosa satisfactio: Instrumentalis, est Sacramentum re ipsa vel saltem voto susceptum: Formalis, est iustitia Dei, non qua ipse iustus est, sed qua nos iustos facit, quæque in animum nostrum ipsius benignitate infusa, eum pulchritudine sua exornat. Iustificatio secunda dubium non est, quin dei gratia nobis eueniat, sed ita, vt fides & bona opera, quæ à charitate profluunt, non parum adiumenti adferant. Ea enim & maiorem iustitiam promerentur, & tandem vitam æternam, quam operibus nostris in charitate DEI factis, tanquam debitum

Psalm. 118.

premium ac iustam remunerationem donari constat: quemadmodum dicebat regius ille propheta Dauid: In custodiēdis illis retributio multa. Quēadmodum enim animi beneficio, quem primo nostro ortu nobis Deus immittit, paulatim incrementum sumit homo, & in perfectiorē statum euehitur, robustiorq; fit & solidior: sic & prima illa iustitia, quam in regeneratione aut animi natiuitate vna cū charitate, spe fideq; perfectā nobis infundit Deus, vitæ statim exercet operationes, & maius incrementū spiritualis vitæ animis nostris donare solet, nunquā quieta cōtinenter operatur, semperq; nititur maiorem inducere iustitiā, donec ex hac vita ad longē feliciore migrare contigerit. Hæc & huiusmodi plura Ecclesia tradidit, quæ omnia huic loco adferre foret operosum & longū nimis. Sufficiat aut pauca hæc attulisse, quæ ex diametro cum nostri catechistæ, patrumq; eius dogmatibus pugnant: quæq; latius in progressu adhibitis probationib; solidis enucleabimus. Nō erat contentus Monhemius explicatione, quā Patres sanctæ Tridētinæ Synodi sess. 6. omnibus proposuerāt, quāq; omnes Christifideles maioribus suis obsequiū dātes amplecti cōueniebat: voluit aut

alia

alia quædam comminisci somnia Monhemius, vsq; adeo absurda, & obscura, vt nec; alij, neq; ipsemet ea sanè intelligat. Sed veluti naris emūctoris, & vt in prouerbio est, Προδὶκτὸς ὁ φωνήεις, de Ecclesia totius doctrina sibi celsuram atq; iudicium arrogat. In ijs igitur, quæ iam diximus, cum alia multa sint, quæ ipsi cum præceptoribus suis minus arrideāt, imò prorsus falsa atq; erronea esse videantur: tamē ista sunt præcipua, quæ modò dicemus: Primò siquidē negat, Iustificationē esse iustitię acquisitionē. Vult em̄ Mōhemius, iustificationē solum esse à peccatis absolutionē, idq; ad stabiliedum aliū errorē, qui est, iustitiā non inesse nobis, sed solū imputari, vt scriptura docere videtur, Abrahę reputatū esse ad iustitiam quòd crediderit: ait enim, fidei, qua passiōis Christi meritū apprehendimus, tantā esse efficaciam, vt illi soli imputet Deus iustitiā Christi. Apertissimè hæc nobis occinit sub initium dialogi 5. *iustificari* (inquit) *significat proprio more hebraicæ lingue absolui à peccatis*, Et in definitione sua satis proluxa: *iustificatio*, ait, *ita definiri potest, ut sit approbatio, qua nos peccatores per fidē in Christū Iesum De' pater sola sua gratuita misericordia in gratiā receptos tan-*

quam puros, sanctos, innocentes aestimat, remittens nostra peccata, & Christi sui iustitiam, ac sanctitatem nobis tribuens, ut nos tandem propter eandem in gloriam celestis regni recipiat.

Aperta satis est hæc sententia varijs locis in hoc dialogo, licet verbis diuersis expressa. Alterum porro quod reprehendendum ducit, est causarum iustificationis enumeratio. Illi siquidem causa sunt, Benignitas patris, efficiens: CHRISTI obedientia & meritum, materia: Forma, fides in Christum Iesum: Finis, iustitiæ Dei demonstratio. Tertiò, iustificationem dicit fidei esse effectum. Quarto, multa asseuerat sequi incommoda, si vllam operibus iustificationem tribuamus. Quinto & hoc displicet, quòd diximus operibus mereri vitam æternam: Vult enim prorsus eam nobis gratis donari. Summa itaque istius hæresis est, iustificari hominem, nihil esse aliud, quàm illi dum fide passionem CHRISTI intuetur, remitti peccata: & quia in continuis manet peccatorum sordibus, nec vnquàm potest verè iustus esse, ei iustitiam Christi, quam fide apprehendit, pro sua reputari, talemque fidem eò perducere, vt vitam æternam

displicet

dipiscatur. Hæc ferè summa est totius hu-
 ius disceptationis. Nunc (si placet) singu-
 las propositiones paucis, quoad eius fieri
 potest, refellamus. Prima propositio e-
 rat, Iustificationem propriè significare,
 (more Hebraicæ linguæ) à peccatis abso-
 lutionem. Negandum in primis non est,
 sæpius in Scripturis iustificari idem vale-
 re, quod iustum pronuciari, tam in ve-
 teri quàm in noua lege, quemadmodum
 Psalmo quinquagesimo: Vt iustificeris in
 sermonibus tuis, vbi tamen Hebræis est
 in coniugatione Cal לְיַצֵּן תִּצְדִּק *vt iu-*
 stus sis. Et Prouerbiorum decimosеп-
 timo: Qui iustificat impium, & qui condem-
 nat iustum, abominabilis est vterque: item
 Matthæi vicesimosecundo: Vos iustifica-
 tis vos coram hominibus, &c. Tamen
 quando de impij iustificatione loquun-
 tur, in alia vtūtur voce ista significatione,
 quemadmodum plurimis locis demon-
 strari poterit Esaie quadragesimoquin-
 to: In domino iustificabitur, & laudabitur
 omne semen Israel. Vide apertio-rem lo-
 cum Lucæ decimo octauo, quando de Pu-
 blicano & Phariseo loquens: Descendit
 (ait) hic iustificatus in domum suam præ
 illo, hoc est, phrasi Hebraica, non ille:

I. Cor. 6.

Et tanquàm iustificationis modù adiungat: Quia, inquit, omnis qui se exaltat humiliabitur, & qui se humiliat exaltabitur. Iustificatio itaq; maiorem fecit Phariseo Publicanum. D. Paulus ad Corinthios scribens: Hæc, ait, aliquando fuistis, sed abluti estis, sed sanctificati estis, sed iustificati estis. Apertè hic iustificationis officium declarat esse ablucere & sanctificare, aut paulò etiam amplius: nō enim temerè postremo loco addit: Et iustificati estis: sed veluti gradibus quibusdam ascendens, quasi dicat: abluti estis, dimissis scilicet omnibus peccatis: nec id tantum estis assecuti, sed præterea sanctificati estis, & quod omnia complectitur, iustificati estis. Sic Oecumenius Græcus ille author interpretatus est: Puros (inquit) vos reddidit Christus: nec id solum, verum etiam sanctificauit: neque hoc tantum, sed & iustificauit. Eadem ferè verba apud D. Chrys. inuenias, à quo hanc suam interpretationem mutuatus esse videtur. Theophylactus adhuc apertius his concinit: Cognoscite, inquit, quantis vos Deus exemerit malis, & quantis vos ille bonis donauerit: nam cum essetis antea his quæ diximus vitijs inquinati, ab his tamen vos mundiores effecit, & labem

hem tetram abstersit : neque id modò,
quin & vos ille sanctificat : Quo pacto?
Iustificando, inquit, & cæt. Quidnam de-
siderabis apertius? audisne iustificando &
ablui nos & sanctificari? Tū ne tantus es,
qui audeas te his Ecclesiæ proceribus, non
dico parem scientia vel vitæ constituere
sanctimonia, verum etiam re ipsa impu-
denter præferre? indignus tamen, qui
ijs loquentibus hiscere, nedum loqui, de-
beas. Diuus Ambrosius similem habet, li-
cet alijs verbis sententiam, vt non sit fas
vlli de loci istius intelligentia ambige-
re. Cæterum ipsum Apostolum etiam a-
lio in loco hæc confirmantem audiamus: 1. Cor. I.
Ecclesiæ, ait, Dei quæ est Corinthi, san-
ctificatis in Christo IESU. Agè Monhemi,
quando sanctificati fuerunt Corinthij,
nisi dum à peccatorum sordibus ablue-
rentur? Si sic profectò re ipsa idem es-
se videntur iustificatio & sanctificatio,
vel saltem sanctificationem illa includit.
Quid autem vetat apertius CHRISTI te-
stimonium adferre? Qui lotus est, in-
quit, non indiget nisi vt pedes lauet, sed
est mundus totus, & vos mundi estis: sed
non omnes. Et iterum. Iam vos mundi
estis propter sermonem quem dixi vobis.
His

Matth. 5.

His verbis án non eleganter expressit seruator, iustificatione mundari homines? Mundum autem esse, non est peccatum nullum imputari, sed intus in animo aliquid recipere, quemadmodum alibi dicitur: Beati mundo corde, quoniam ipsi Deum videbunt. Diuus Augustinus libro primo de peccatorum meritis, capite decimo: Legimus, inquit, in Christo iustificari, qui credunt in eum propter occultam communicationem, & inspirationem gratiæ spiritualis. Deinde capite decimo quarto, Non sola Christi imitatio iustos facit, sed per spiritum regenerans gratia, propterea & Adam vnus est, in quo omnes peccauerunt, quia non sola eius imitatio peccatores facit, sed per carnem generans pœna. Ecce quàm apertè iustificationis opus proponitur. Sicut enim peccatores effici-mur, peccatum ipsum in nobis recipientes: ita quoque iustificamur, dum iustitiam in animis nostris adipiscimur. Graeci interpretes admodum scitè id declararunt, cum aliàs sæpiùs, tum in quartum caput ad Romanos, quando causam adferunt, cur de fidei iustitia loquens Apostolus, in medium adduxerit versiculum ex psalmo trigesimoprimo: Beati quorum remissæ

remissæ sunt iniquitates, & cæt. Rem (inquit Theophylactus) vt augeat magni facit: nam si beatus est, cui gratis remittuntur commissa, longè magis & qui fidem prætulit, iustitiam assequitur. Similiter & Oecumenius: Si beatus est, cui peccata secundum gratiam remissa sunt, terque quaterque certè beatus est, quem Deus secundum gratiam iustificauit. Manifestiùs tamen idem habet Diuus Chrysostomus in hæc verba: Si beatus, qui remissionem peccatorum gratuito accipit, multò magis qui iustificatus etiam est, fidemque ostendit. An non audis Monhemi, luculentam distinctionem inter peccatorum remissionem & iustificationem: plusculum dico aliquid iustificatione quàm tali remissione declarari. Iustificatio igitur prima est, tanquàm noua quædam natiuitas, iuxta illud Christi verbum, Oportet vos nasci denuò. Quid autem natiuitate agitur, nisi quòd vita recens donatur? Quid igitur tibi, alijsque in mentem venit, vt sanctificationem à iustificatione excluderetis? Mirum est, cùm & Grammaticen & Aristotelem tuis Secundanis profitearis, non potuisse ex vtraque scientia iustificationis etymon aut veram signi-

significationemprehendere, vt ad h. braissimum confugiendum fuerit, in quo tamen quotienscunque impij iustificationem indicat, sanctificationem quoque semper declarat. Consule Esaiæ caput 45. In Domino iustificabitur & laudabitur omne semē Israel. Rogamus ex te Monhe- mi, si sanctificentur fideles, quando sanctificentur, an in iustificatione ipsa, an verò postea? D. August. disertis verbis ostendit alibi, reconciliationem, quam iustificationem fateri cogimini, non nisi per dilectionem fieri, eamque qua filij Dei nominamur: Non reconciliamur (inquit) Deo, nisi per dilectionem, qua etiam filij Dei appellamur. Dilectio autem quid est aliud, quam Spiritus sancti donum, diffusum in cordibus nostris, vt Apostolus testatur, dicens: Charitas Dei diffusa est in cordibus nostris per Spiritum sanctum, qui datus est nobis. Magna est certè charitatis virtus, atque vsque adeò, vt etiam nos amicos Dei efficiat. Si hæc iustificatione datur, procul dubio & gratia datur, & iusticia & sanctificatio. Quàdoquidem perfecta atq; sincera Dei charitas sine his omnibus consistere nequit. Et hæc de primo articulo hactenus. Secundus erat, veram iustitiam in pijs

Libro de
fide &
Symbolo,
cap. 9.

Rom. 5.

in pijs hominibus nullam inesse, sed tantum imputatione iustos esse, externa scilicet Christi iustitia. Hic primum ignoramus, num magis admirari debeamus summam impietatem, an potius inscitiam Monhemij. Tantumne Christus potuit mortis acerbitate, ut iustitia nos cumlaret ac perfunderet, quam pravaricatione Adamus omnibus abstulit? Originalem iustitiam habuit protoplastus, qua Deo supra modum placuit, eam inobedientia deperdidit: Christus igitur quid contulit, si non illud, quo per peccatum fuimus spoliati. Diui Pauli doctrina hæc est: Sicut abundauit delictum, ita & donum: hoc est, quemadmodum potens erat prauaricatio atque peccatum ad hominis interitum, ita & Christi meritum ad eiusdem resurrectionem. Apertius ista enucleabimus, quod planè intelligas, quænam illa sint, quæ prius deperdita Christus nobis abundè restituerit. Originali iustitia geminum beneficium consequébantur primi nostri parètes, alterum externum, internum alterum. Ad illud pertinebāt quietum in oia animatia dominium, & constans perpetuaq; bona corporis valetudo, & singularis quædã atq; pacata oim membrorum, quæ rationi præstabāt, obediëntia: corporis deniq;

im-

Rom. 5.

immortalitas, & id genus alia. Hæc omnia externa idcirco non incommode dici possunt, quia apertè & nos in nobis, & alij in alijs ista deprehendunt, & advertunt. Internum autem atque occultum donum fuit voluntatis cum Deo conformitas, animi puritas, atque ornatus longè præclarissimus, summa cum Deo amicitia, vitæque æternæ expectatio. Ista occulta fuerunt, nec sensibus quidem, neque exteriori cognitioni obuia. Priora illa Christus non integra certo consilio restituit, nō immortales nos effecit, nō membra parere intellectui vt iustificati sumus statim experimur, non omnia bruta animantia nobis obsequuntur, imò nihil prorsus quod ad ista externa dona attinet, post iustificationem recuperasse videmur: hinc ægritudines, famem, sitim, labores ac ærumnas innumerabiles perpetimur, ac mortem omnes obire cogimur, nisi quòd peculiari quadam Dei benevolentia, qui virtutibus sunt auctiores, aut non omnia sunt naturæ experti incommoda, aut compertum est, creaturas fuisse multis Tanc̃tmonia præditis, præ alijs obsequentiores. Sicut D. Bonaventura de S. Francisco, & item de alijs D. Gregorius in libris
Dia-

Dialogorum memoria prodidit. Voluit nos in his exerceri Christus, ut fides meritum haberet, & ne miraculis Christiana niteretur religio. Ceterum posterioris generis dona quis dubitare poterit, quin ea Servator abunde restituerit, si modò donum (iuxta Apostoli sententiam) plus quàm delictum abundasse dicendum est? Cur non igitur iusta erit anima post Baptismum à sordibus abluta? Quid impedit, quo minùs sanctitas in animis nostris esse queat, maxime dum sanctos & iustos nos scriptura appellat? Nunquamne hanc argumentandi formam in Aristotele legisti? Iustus est, igitur iustitia est præditus. Doctus est aliquis, habet igitur doctrinam. Vide quid in primum caput secundi libri Topicorù tum ipse, tum etiam Arabes, Græci, Latiniq; eius interpretes dicant. Si recta est collectio (sicuti re vera est) doctus est, ergo doctrina est affectus: cur non pari ratione sequatur, iustus est, igitur habet iustitiam? Iustos autem sepe numero scriptura appellat. Vnde, Rom. 1. Iustus ex fide vivit. Et Salvator Abelem iustum dicit, Matt. 23. Dicuntur & parentes Ioannis Baptistæ ambo iusti fuisse. Apostolus etiam ait, Per vnius obediendum in Rom. 1. si constituentur multi. Sed dices fortasse,

L. exter-

externam esse prædicationem, homo iustus est, ac proinde talem argumentationē nullam prorsus habere vim. Mira est hæc externa attributio, & à seculo nunquam præterquam ab his præstigiatoribus audita, ut à qualitatibus quæ inesse possunt extrinsecus nomē res aliqua sortiretur. Accommoda, si libet, aures, quam graphicè imputatam hanc externam iustitiam hæreticorum pius quidam vereque doctus, ac in omni scientia versatissimus vir depinxerit his versibus:

Ponis iustitiam tibi imputatam,
 Non quæ ponitur orthodoxè inherens,
 Cur hoc? es malè conscius tibi ipse,
 Cui ut iustitiæ nihil, sed ingens
 Contra iniustitiæ lues inheret.
 Hinc spes omnis abest tue salutis,
 Ne quis iustitiam det imputatam.
 Esto iustitia imputetur absens,
 Ut respondeat ergo condecenter
 Ius causæ, meritoq; retributum,
 Sic ut iustitia est tibi imputata,
 Sic mercede fruëris imputata.
 Proq; iniustitia quæ tibi inheret,
 Est & pœna tibi futura inherens.

Non aduertis Monhemi, quàm elegatet
 Poeta

Poëta tuas aliorumque ineptias deliniauerit? Cui vnquã docto vel in aliqua scientia mediocriter versato persuadere poteris, iustum quempiam externa iustitia posse appellari? Dicit, si placet, nōne corpus Christi Ecclesia verè ab Apostolo esse dicitur? Corpus autem istud eiusdem naturæ est cū capite suo Christo: quomodo autem naturam habebit eandem, si non adsit eadē prorsus vita quæ capiti inest? Vita autem est gratia, iustitia, sanctitas, charitas, ergo viua Christi membra non imputatā, sed præsentem: nō externam, sed inhærentē iustitiā, sanctitatem, charitatem, non secus atq; caput suū habet. An tu fortasse vidisti vnquã quempiam externa viuere vita? Num ideas Plonicas, aut intellectum agentem Auerrois nobis rursus introducere studes? Quorum ille (si Aristoteli credendum est) externa humanitate homines nos esse dicebat. Ille verò externo intellectu nos intelligere pari stultitia asseuerabat. Huc tendit etiam cū suis maioribus Monhemius, quādo nō obscurè fateri cogitur, externa vita Ecclesiā, quæ corpus est Christi, viuere. An nō hæc insulsa videbuntur cuius, & tam à ratione q̃ experiētia alienissima? Nec nō ab oībus doctis atq; indoctis meritò improbā-

Rom 5

da? Quæ & ab ipso Apostolo tam luculenter refelluntur, dum inquit, Charitas Dei diffusa est in cordibus nostris per Spiritum Sanctum, qui datus est nobis. Charitas autem iustitia est: sic enim D. Augustinus loquitur aduersus Pelagianos cap. 70. libro de natura & gratia. Charitas inchoata, inchoata iustitia est: charitas prouecta, prouecta iustitia est: charitas magna, magna iustitia est, &c. Quare & iustitia in cordibus nostris verè inest per Spiritum sanctum, qui infirmitati opitulatur, & cooperatur sanitati. Vultis apertius aliquid, quod vestram hæresim infringat? nunquamne legistis, Membra vestra sunt templum Spiritus sancti, qui in vobis est, quem habetis à Deo? Sit templum sunt membra nostra, erunt utiq; aptum, praparatum, ac tanto numini consecratum templum. Habebunt igitur sanctimoniam tanti Spiritus presentia quod ad eius fieri potest dignissimam. Scriptura plena est huiusmodi phrasibus, quibus inesse nobis iustitia apertissimè commōstratur. Anne quotiens sanctificatos nominat Apostolus, tum sanctimoniam Christianis attribuat? Quid enim sanctificatio, si non sanctimonie infusionem significat? Possemus quamplurimas veterum sententias ad-

1. Cor. 6.

ferre,

ferre, si necessarium foret, qui ad vnum omnes nihil aliud docet, quam quæ diximus. Vide interim loca, quæ ex Græcis superiori articulo adduximus. Nam & huc illa referre non incommodum est. Cōsule præterea D. August. varijs in locis libri de natura & gratia, utpote capite 38. & 8. 63. Ceterum dicit Monhemius, & quotquot sunt istorum errorum assertores, an non aliquando legerimus fidem Abrahamæ reputatam esse illi ad iustitiam. Hoc enim est, (ut illi interpretantur) fidem Abrahamæ Deum suscepisse, ei que iustitiam suam cum nihil prorsus infunderet in animum, sed extrinsecus tantummodò attribuerit, adscripsisse. Quali Deus hoc modo dixerit, Non est quidem in te iustitia, verum hæc tua fides istud apud me efficiet, ut quod tibi non inest, tibi reputem inesse, cum alioquin sis sordibus plenus. Hoc nempe videtur vocola (reputatum) si diligentius significatio expendatur, declarare. Sed o ter miseros ac deploratos homines, quam proni, quamque præcipientes in propriam ruunt perniciem, dum ita procaciter ad falsos sensus verba alioqui S. Scripturæ aperta detorquent. An nondum intelligitis, fidem reputatam ad iustitiam, veram in animo iustitiam permittere? Et si nondum

intelligitis, auscultate diligēter, perspicuē declarabimus. Primam illam iustitiæ infusionem nemo vnquam vel hominū vel angelorum operibus promereri potuit, atq; id planē suis meritis efficere, vt impius cū foret, sanctimonia imbueretur. Solius Dei opera id erat efficiēdum, quod creaturarū viribus deerat. Christus igitur quādo morte ille sua ignominiosa ac acerba dona immēsa dedit hominibus, id à Patre impetrauit, vt quicunque grauissimis peccatis immergi fide mortem eius amplecterentur & crederent, gratis condonarentur illis peccata, & iustitia vera non aliter imbueretur, quā si ipsimet operationibus, laboribus, sudoribusq; suis ea omnia dona fuissent promeriti. Fides tuuc ad iustitiam reputari dicitur, quando eam in hominibus inuentam Deus admittit, dignamq; ducit, cui iustitiæ donum conferatur. Cū tamen ipsa per se nihil horum meretur. Hac igitur sententia (qua multum nituntur hæretici) non id voluit Apostolus, quod illi somniasse videntur, iustitiam scilicet extrinsecus adhiberi: sed istud potius gratis videlicet omnino iustitiam in impiorum conuersione infundi, nullis eorum operibus id promerentibus, vt iam declarauit.

rauimus. Quando autem hic de fide loquimur, alia quæ iustificationem præcedunt, de quibus alio articulo, exclusa nolumus. Atqui ut consuetudinis nostræ non obliuiscamur, anathema quo Patres Tridentini Concilij huius erroris assertores perstringunt, subiiciemus. Si quis dixerit hominē iustificari vel sola imputatione iustitiæ Christi, vel sola peccatorum remissione, exclusa gratia & charitate, quæ in cordibus eorum per Spiritum sanctum diffundatur, atque illis etiam inhæreat, aut etiam gratiam qua iustificamur esse tantum fauorem Dei, anathema sit. Sed de isto articulo hætenus satis. Nunc ad tertium progrediamur.

Docet hic imprimis, iustificatiōis formā, esse fidē: materiā, Christi obedientiā & meritū: finē verò, iustitię Dei demonstratiōē, &c. Quāuis cōsultius videri poterat, Cōcilij Tridentini decretum atq; explicationē discipulis pponere, ne dum noua quædam effingimus (ut fieri solet) facile in errorem prolabamur: voluit tamen Monnemius fortasse exactius, ut illi videtur, rem declaraturus, alias quasdam causas iustificationis comminisci. Finem vult esse iustitiæ Dei demonstratiōē, quod quidem

Rom. 3**1. Pet. 3**

verum esse cum D. Paulo fatebimur, si alia non excludantur. In hoc enim vocati sumus, ut benedictionē hæreditate possideamus, utq; Dei gloria, Christi q; meritū apud omnes magis propagetur. Materia nō videmus quam ratione sit Christi obedientia & meritū: quandoquidem siue de ea loquatur materia, ex qua res cōstituitur (quemadmodum dicimus domus materiā lapides esse & ligna) siue de ea quæ alicui proposita est, circa quam industriam exerceat, sicuti materia curarum opes sūt, & hæreses infamiæ, vel deniq; de materia in qua forma inest, nullo horū tñ modo Christi obedientia commodè materia vocari poterit. Nā iustificatio quia est mutatio quedam, ex nulla materia propriè constat. In animo verò humano inest (si hoc modo materiæ nomen intelligere libeat) vel circa iustitiā, quæ illum copiose (ut paulò antè diximus) perfundit, versatur. Christi passio meritū est, quo iustificatio nobis donatur, ac proinde meritoriam rectiùs causam quàm materiā dixisses. Expressit hoc non ineleganter D. Apostolus eo quem tu produxisti loco: iustificati gratis per gratiam ipsius, per redemptionem quæ est in Christo Iesu. Præpositio (Per) materiā non indicat,

Rom. 4

dicat, sed potius (Lx), quemadmodum D. Basilius libello de Spiritu sancto vtiliter docuit. Cur autem fidem formam esse iustificationis existimas? An quia nullam virtutem præter eam animis inesse putas? In præcedenti articulo hoc quicquid est negocij abundè satis expediuius, quando docuimus solidis S. Scripturæ testimonijs iustitiam veram nobis inesse, qua iusti tanquam per formam diceremur. Si fides nos iustos facit, an non rectè sequetur, fidem esse iustitiam, si à coniugatis argumentari libeat? Iusti etenim formam, qua ex parte iustus est, iustitiam esse necessum est: quemadmodum virtute præditi, ipsamet virtus est. Quis tam nullius cerebri fuit vnquam, qui rubri corporis formam diceret esse pallorem aut colorem cæruleum, vel alium quempiam medium aut extremum, & non potius rubedinem? Mirum est te, qui totam ferè etatem inferioribus disciplinis mancipasti, nõ advertere, quàm sit ineptè dictum, fide tanquam forma iusto propria hominem iustum esse. Si quispiam diceret, asinū asinina forma esse hominem, an non Sardonio risu tibi videretur excipiendus? Quid ita? Nisi quòd distinctas formas permisceat, quando asinina forma asinus est, homo autem

quisquis est, humana forma talis est: ita fideles fide dicimur, iusti verò iustitia. Sed iam tempus postulat, vt & alium articulum aggrediamur, qui in hunc modum habet, Fidei effectum esse iustificationem quemadmodum initio Dialogi apertis verbis dicitur. Verba ista ambigua sunt, quæ verâ ac falsam sententiam admittere queant, sicut & cætera quâ plurima hoc pestifero libello vafre cõtexta. Falsus sensus est, iustificationem omnino p fidem dari, tanq̃ causam veram atq; formalem. Si istud dicere voluit Monhemius (vt apertè satis mentem suam post pauca exposuit) non erit vehementer nunc cū eo disceptandū, quando hoc duobus pcedentib' articulis copiose ac nō segniter absoluiamus; de hoc solū monendus videt̃ ingenuus lector, vt sententię istius miret̃ stupiditatē, quę suos authores planè carere sensu cõmuni, atq; omnē exuisse pudorē arguit, vtpote qui hæc tā ridicula et falsa repugnante cõscientia tanq̃ vera et sacra oracula alijs credenda proponunt. Sanior porrò sensus est, fidem esse viam ad iustificationem, quẽadmodū D. Petrus aliquādo dixit, Fi de purificas corda eorū. Et D. Paulus, Arbitramur iustificari hominē p fidem sine operib' legis. Et post pauca, Qui iustificat cir-

cun.

Astorū 1;
Rom. 3

cuncifione ex fide, & p̄putiũ per fidẽ. Et
 alibi ſepius. Hoc ſenſu nō propriã cauſam
 formalem iuſtificationis fidẽ appellāt, ſed
 eam potiũs, quã pręparatoriã vocare lice-
 at: fides ſiquidẽ hoc in nobis agit, vt p̄pa-
 rẽtur atq; accõmodẽtur animi noſtri ad iu-
 ſtificationẽ in ſeſe recipiendã. Neq; verò id
 fides efficit ſola, ſed pręterea charitas, ſed
 miſericordia & eleemoſynę: ſed timor Do-
 mini, ſed p̄nitentia, ſed inuocatio, multã-
 que id genus alia, quę longũ foret enume-
 rare. Hinc eſt q̄ nō ſoli fidei iuſtificatione in
 Scripturiſt ributaur, ſed ſepenumero alijs
 quoq; q̄ iam recẽſuimus, vt intelligat Mon-
 hemius, nō minũs rectẽ dici poſſe, cauſam
 iuſtificationis eſſe p̄nitentiã, q̄ fidẽ. Sed a-
 gẽ, Scripturas in mediũ producamus, quib.
 vim p̄nitentię conſpicuã faciamus. Impri- **Ezec. 18**
 mis enim ait Ezechiel: Si impius egerit p̄-
 nitentiã ab oĩbus peccatis ſuis q̄ operatus
 eſt, & cuſtodierit oĩa p̄cepta mea, & fecerit
 iudiciũ & iuſtitiã, vita viuet, & nō moriet̃:
 oĩm iniquitatũ ei⁹ quas opatus eſt, nō recor-
 dabor: in iuſtitia ſua, quã opatus eſt, viuet. **ioel. 2**
 Et ali⁹ p̄pheta, Cõuertimini, inq̄t, ad me in
 toto corde veſtro, in ieiunio & fletu, & plã-
 ctu, & ſcindite corda v̄ra, & nō veſtimẽta
 veſtra, & cõuertimini ad dñm Deũ veſtrũ.
 quia

Esaia 1.

Pro 15.

Luc. 11.
Dani 4

Tob. 12

Cap. 58.

quia benignus & misericors est, patiens & multa misericordiae, & praestabilis (id est placabilis) super malitia, quis scit si cōuertatur & ignoscat. Similia habet & Esaia Propheta Euangelicus: Si fuerint peccata vestra vt coccinum, quasi nix dealbabuntur. Sed quid ista commemoramus, cū huiusmodi sententijs plena sint Prophetarū oracula? Aues fortasse cognoscere quid de misericordia dicant Scriptura? Nō ignotum est Christi testimonium Matth. 5. cap. Beati misericordes, quoniā ipsi misericordiam consequentur. Et alibi Sapiens: Per misericordiam (ait) & fidem purgātur peccata. An non videas, vt misericordiam hic cum fide copulet, tanquam eandem vtriusque facultatem compēdiōse exponens? Et Christus rursus: Date eleemosynam, & omnia munda sunt vobis. Daniel quoq; Peccata tua eleemosynis redime. His succinit Tobias: Eleemosyna a morte liberat, & ipsa est quae purgat peccata. Copiosius tamen hac de re hisce verbis locutus est Esaia: Frange esurienti panem tuū, & egenos, vagosq; induc in domū tuam; cū videris nudum operi eum, & carnē tuam ne despexeris: tunc erūpet quasi mane lumen tuum, & sanitas tua citius orietur, & anteibit faciem tuam

tuam iustitia tua, & gloria Domini colliget
 te. De spiritali eleemosyna non dissimile
 quiddam dicebat D. Iacobus postremo ca-
 pite, in hæc verba: Qui conuerti fecerit im-
 pium ab errore vię suę, saluabit animam à
 morte, & operiet multitudinem peccato-
 rum. Charitatem nemo dubitet hoc ipsum
 efficere. Charitas enim, vt ait Apostolorū
 Princeps, operiet multitudinem peccatorū.
 Quin & ipse Dominus ait, Dimissa sunt ei
 peccata multa, quoniam dilexit multū. De
 Dñi timore ita loquitur Sapiens: Timor
 Domini expellit peccatum: nam qui sine ti-
 more est, non poterit iustificari. Et de in-
 uocatione Ioel Propheta, Quicumq; inuo-
 cauerit nomen Domini, saluus erit. Sed qđ
 prolixiores sumus in re adeò perspicua?
 quā tū veteris, tum noui Instrumenti testi-
 monia confirmant? Si igitur res ita sese ha-
 beat, vt non sola fides ad iustitię introdu-
 ctionem & amplexum sufficiat, sed & alia
 quę breuiter enumerauimus efficere com-
 pertum est: qui sit, vt tu solam fidem iusti-
 ficationis causam esse velis, & reliquas virtu-
 tes repudies? Nam vt fides, ita & eleemosy-
 na extinguit peccatū, & charitas operiet
 multitudinem peccatorū, simul & timor Do-
 mini (vt paulò antè dictum est) expellit pec-
 catum.

1. Pet. 4.
 Luc. 7.

Eccle 1

Rom. 10.

catum. Animaduertis, igitur Monhemi, quàm stolidè iuentutem tuam doceas, & vt reliquis carnis frena relaxes, dū cæteris profligatis virtutibus, solam fidem ad omnia bona adipiscenda sufficere imprudenter existimas. Sed dices, te Apostolum Paulum secutum, qui semper & vbiq; ferè fidè iustificare contendit. Verùm priusquàm tu in lucē editus esses, Ecclesia Catholica verba Apostolorū suggerente Spiritu sancto optimè intellexit, vt te interprete, vel potius peruersore nō indiguerit vnquā. Aduerte q̄ solidā causam Catholici tā veteres q̄ recentiores adferāt, cur tā sedulus ac multus fuerit Apostolus in fidei cōmendatione. Exploratum habebat (inquiunt) Romanos aliosq̄ Iudæos plurimū operibus suis tribuere, ijsq; planè acceptum ferre suam ipsorum iustificationem: fidem autem tanq̄ aduentitiū quiddam & extraneū, nō ita magni facere, quæ tamen pluris erat, q̄ quicquā eorū quę præcellerant, æstimāda. Vt igitur hanc stolidā ac perniciosam eorū persuasionē euerteret, atq; ad fidei amplexum magis hortaretur, fidem pro dignitate sua cōmendat, nihil interim aliorū quæ & ipsa ad iustificationem requiruntur excludens. Hoc porrò eò fecit procliuius, quò

quò fides peculiariter quippiã habet quod in alijs virtutibus non ita commodè inuenitur. Est nempe omnium fundamentum & basis, demonstratque quisnam author sit in nobis bonorum omnium, à quo cuncta nos petere conueniat, dirigitque actiones omnes in debitum finem. Facit enim vt elemosyna quàm Dei opitulante gratia donamus, fructuose erogetur, ne vanam aucupemur ab hominibus gloriam, nèue vel in demonis cultum, vel alia de causa simili vel deteriore expendamus. Sed vt intueamur authorem salutis nostrę bonique, quod Heb. 125 operamur, cõsummatorẽ IESVM CHRISTVM, atque ex illo ceu fonte quodam cuncta hauriamus, ei que vindicemus quicquid ad nostrã pertinet salutẽ. Efficit igitur fides, vt actiões oēs à fine vero non deuiant, sed dũ in eũ destinantur, ab eo rectitudinẽ fortiantur & bonitatẽ. Siquidẽ iuxta moralium Philosophorũ vulgatum ἀξίωμα, si finis bonus est, vniuersam quoque actionẽ bonam esse, necessum est. Hęc est ratio, cur tantopere ac disertis verbis fidẽ extulerit Apostolus, non quòd illam voluerit esse veram iustificationis causam (à qua tanquam à forma iustus quisquam appellatur) sed vt operibus iustificationem præce-

præcedentibus non fiderent Iudæi, quem-
admodum consueuerant, fidemq; tanquã
rem parum vtilem negligerent, quin poti-
us intelligerent, fidem omnium bonorum
operum, quæ nos Deo commendant gra-
tosque faciunt, esse basim atq; fundamen-
tum, sine qua Deum nemo rectè cognosce-
re, neque inuocare, neq; salutem impetra-
re, neq; quicquam quod ad perpetuã fæli-
citatem aliquid conferat, absolueret aut
consummare potest.

Quintus articulus est, *nullam planè iustifi-
cationem nos operibus nostris pijs mereri.* Cui, si
placet, & sextũ adiungamus (ex eodẽ liqui-
dem fonte manat vterq;) *non deberi operibus
bonis æternam uitam tanquam debitam eorũ mer-
cedem.* Nullam prorsus energiam operibus
tribuunt nostri temporis hæretici, neq; ad
iustificationem, neque ad æternam salutẽ.
Non dubium, quin pessimè sibi cõscij me-
tuant, ne si operibus vitam illam cœlestẽ
homines promereri dicerentur, tam sibi q̃
suis asseclis ab omni pietate alienissimis
nullus illic relinqueretur locus. Volũt sibi
ad omnem impietatem frena laxari, & fa-
cultatẽ flagiciosi hominibus facere, quæ-
uis etiam scelera, quò plures in suam sentẽ-
tiam pertrahant, committendi. Amant ni-
mirum

mirum homines hac tēpestate eos, qui carnis commoda docēt, quiq; spaciosum prædicant cēlestis regni aditum. Propterea Lutherus quondā nulla prorsus flagicia quēquam ab æterna salute excludere, præter infidelitatem, docebat: quia nihil gratius fore sciebat, q si impunē liceat eis in quavis ruere vitia. Posteriores autē eius sequaces (in quorum numero Monhemius recēsendus est) opera quidem prorsus à vita humana non excludunt, non tamen hoc admittunt, quod iam pridem docet Ecclesia, quodq; nos copiose ex S. Scripturis probabimus, promereri nempe eadem ista opera vitā felicitatemq; sempiternā. Imò ne iustificationem quidem vllā actionibus tribuerūt, sed eas tantū gratitudinis ergo edendas esse, ne prorsus ingratum Deo animum præbeamus, cōtendunt. Nos fatemur, illis quidem opera peccatorum nunquam præstitisse, vel iustitiam verā, vel salutē, imò ne gratos quidem vllos Deo fecisse nouimus. Fatemur prætereā, nec opera hominū, vt à libero arbitrio nostro proficiscūtur seclusā Christi gratia, tale quippiam vnquā præstare potuisse: fatemur deniq; operibus nūquā esse effectū, vt qui impius esset, in gratiam reciperetur. Verū quidni fiat,

M vt qui

Rom. 3.

ut qui iustus est, auctior fiat iustitia per bona opera, quæ charitas ipsa producit, utque eorundem illorum merito vitam assequamur æternam. Duplex est nempe iustificatio, altera prior, qua primum iustitia perfunditur, qui improbus antea iuerat: altera secunda, qua magis adhuc iustificatur qui iustus est. Prior illam nulla merentur opera, sed gratis deus eam concedit, iuxta D. Pauli sententiam: Iustificati gratis per gratiam ipsius, &c. Et alibi sæpius, quando fidei iustificationem illam attribuere videtur. Posterior operibus comparari & potest, & omnino debet. Hac porro in re unum istud diligenter annotandum occurrit. Quamuis videlicet primam illam iustitiæ infusionem opera nullatamquam debitam mercedem promereatur, esse tamen planè necessaria, vel re ipsa, vel saltem desiderio exhibita. Si enim poenitentia præcedentium delictorum, atque propositum in melius mutandæ vitæ ac Satanae suggestionumque eius renunciatio in Baptismate requiratur, non sunt prorsus, ne à prima quidem iustificatione reiicienda opera. Nusquam scriptura dixit, fidem solam iustificare, ut ea sola reiectis cæteris sufficiat. Hinc D. Hieronymus libr. 2. aduersus Iovinianum: Sed & Iohel, inquit, clamat, Sanctificate ieiunium,

nium, prædicare curationem, vt monstraretur ieiuniū sanctificari cæteris operibus, & sanctificatū ieiunium curationi proficere peccatorū. De posteriori iustificatione in initio huius dialogi diximus peropportuna similitudine explicari posse, vt etiā illa operib^{us} bonis, quæ à præcedēte gratia atq; infusa iustitia proficiscuntur, mirū in modū adiuuetur. Norūt Philosophi, calidā aquam intensiorē suscipere calorē, nō solum igne exterius in eam agēte, sed adiuuante etiā prius recepto calore. Norūt promiscuē omnes docti, atq; id ipsum in se nō raro experiuntur, quantū iuuentur doctrina ad intelligenda, tum ea quæ legūt, tum quæ alios docētes diligenter auscultāt. Docent omnes, altiores mitti radices habituū, si quando per habitus operamur. Cū igitur iustitia sit habitus (licet infusus nō nostra industriā acquisitus) quid vetabit, quod minus exercitio reddatur firmior? Quid de D. Iacobi sententia dices? Videtis quoniam ex operibus iustificatur homo, & non per fidem tantum. An ignoras illa aduersum te tuosq; posita esse, qui obscuriora in Epistolis Paulinis loca criminamini? An nō palam tuæ institutioni verba ista refragantur? Docēt certē nō obscuris verbis alibi

Col. r.

Ioan. 14.

sepius scripturæ, opera nostra deo nos effi-
cere cōmendatiores atq; chariores, quæ ad-
modum D. Paulus Coloſſenſibus ſcribens:
Ut ambuletis (inquit) dignè, Deo per om-
nia placētes, in omni opere bono fructifi-
cātes. Et angelus Tobix 14. fatetur, operib⁹
præcedentibus ipſum deo acceptum fuiſſe.
Chriſtus quoq; aliàs: Si quis, ait, diligit me,
ſermonem meum ſeruabit, & pater meus
diliget eum, & ad eum veniemus, & māſio-
nem apud eum faciemus. Et ruruſum: Ipſe
pater amat vos, quia vos me amatiſtis, & cre-
diditiſtis quia à Deo exiui. Ecce quā ele-
ganter, quāq; luculenter rem ipſam
expoſuit ſeruator noſter, vt imprimis ijs
paternum amorem promitteret, qui ſer-
monem eius ſeruarent: nec non & totius
S. Sanctæ Trinitatis aduentum. Quid hoc
Monhemi, quæſumus aliud ſonat, quā
opera, quibus ſermo diuinus impletur, ſpi-
ritus gratia vberiore & cumulatiorē me-
reri iuſtitiam. Neque verò ſibi ſolis fauorē
Dei operibus pijs ſancti conciliant, ſed &
alijs quoq; ſicut D. Auguſtinus libro 21. de
Ciuitate Dei cap. vltimo docet, & à nobis
ſequēti dialogo copioſe oſtēdetur. Si itaq;
hoc noſtra opera præſtant, q̄s dubitat, quin
& iuſti in nobis augeant, & omnia ſecum
adſe-

adferant. Quid est enim Deum ad aliquem accedere, ut in eius anima moretur, quam iustitia maiori illum imbuere, charitatem ardentiorē accendere, & nihil non largiri, quo opus habeat is, qui ad cælestem patriam anhelat. Quando aliquem Deus amore prosequitur, an arbitrandum sit, sterilem illum esse amorem, ut nihil amato conferat? Absit hoc à munificētissimo domino. Qui ergo charitatem Dei operibus promeretur, iustificationem per eadem meretur. Diuus Augustinus in Epistolam Diui Ioannis scribens: Charitas, ait, meretur augeri, ut aucta mereatur perfici. Idem autem charitatem à iustitia non distinguit, ut superius dictum est. Quocirco iustitiæ incrementum opera à charitate perfecta inducunt. His ijsdem operibus æterna vita sempiternaq; gaudia tanq iusta debet merces, ut partim Christus ipse, partim apostoli sancti, partim alij vetustissimi scriptores abundè testatum reliquerunt. Hinc toties audire in scripturis est retributionis vocabulum, hinc toties nomē mercedis. Et nōnunquam his vocibus suppressis idē dari dicitur eternum gaudiū, quod pia præcesserint opera. Adferamus apertas scripturas, quas nemo nisi sacrilegus refellere audeat.

- Christus dñs** Mat. 5. post enumeratas beatitudines: gaudete, inquit, & exultate, quia merces vestra copiosa est in cælis. Et apud eundem: qui potû dederit vni ex minimis istis calicē aque frigidaē tātū in nomine discipuli, Amē dico vobis, non perdet mercedē suā. Rursus alibi inuenias, Ecce ego venio cito, & merces mea mecū, reddere vnicuique secundum opera sua. Simile quiddam dicebat Propheta: Ecce Dominus Deus in fortitudine veniet, ecce merces eius cum eo. Præterea D. Paulus inquit: Si cuius opus manserit, mercedem accipiet. Ecce quā apertē hic mercedis nomine vita appellatur æterna. Eandem retribui operibus plurimæ tradunt scripturæ, veluti 2. ad Tessal. primo: Si tamen, ait Apostolus, iustum est apud deum retribuere tribulationē his qui vos tribulant, & vobis qui tribulamini requiē nobiscum. Et alibi: Quodcunque facitis, ex animo operamini, sicut domino & non hominibus, scientes quòd à Domino accipietis retributionem hereditatis. Christus quoque Seruator docens, quānam ad prandium sint vocandi: Pauperes, inquit, debiles & claudos voca, qui nō habent retribuere: retribuetur enim tibi in resurrectione iustorum. Et iterū Propheta David,
- cuius

Matt. 10.

Apoc. 22.

Esaie 40.

1. Cor. 3.

Col. 3.

Lucæ 14.

cuius in præfatione tuâ Monhemi, tu ver-
 barecitalisti: In custodiendis (ait) illis retri- Psalm. 118.
 butio multa. Sed quid opus est plures ag-
 glomerare scripturas, cum hæ luce clarius
 demonstrent, & mercedem esse, & retribu-
 tionem nostrorum operum, vitam sempi-
 ternam. Si merces igitur meritum præcessisse
 est necessarium: nunquam em hæc disjunc-
 ta videas, neq; vnum sine altero, quia cor-
 relatiua sunt, intelligi potest. Alia multa
 sunt scripturæ loca, quæ etsi mercedis aut
 retributionis nomen non exprimant, non
 obscure tamen rem ipsam quam cupimus
 exponunt: Omnis misericordia, inquit
 Sapiens, faciet locum unicuique secun- Eccl. 1. 16.
 dum meritum operum suorum, & quamuis
πράγματος videatur, obiter tamen admoni-
 tum velimus lectorem, vt hic meriti voca-
 bulum obseruet, à quo tantopere abhorrent
 hæretici. Nos interim d. Petrum audiamus:
 Stragite, inquit, vt per bona opera certam 2. Petri 1.
 vestram vocationem faciatis. Et iterum: Ser-
 uator, Venite, ait, benedicti patris mei,
 possidete præparatū vobis regnum à con- Matt. 25.
 stitutione mundi: esuriui enim, & dedi-
 stis mihi manducare, & reliqua quæ enu-
 merantur misericordiæ opera. Videat stu-
 diosus lector (ne æquo simus prolixiores)

Hebræorum 10. & 13. item Psalm. 102. & alia, quæ passim erunt obuia. Notet interim locum illum Diui Pauli: Reposita est mihi corona iustitiæ, quam reddet mihi Dominus in illa die iustus iudex: non solum autem mihi, sed & his qui diligunt aduentum eius. Audiat vnusquisq;, quam disertè hic Apostolus plurimis particulis operum merita significet atq; extollat. Corona (inquit) est reposita. Solet certantibus dari corona, qui eam propositâ laboribus suis fuerint promeriti, vt alibi idem Apostolus dicebat: Nemo coronatur, nisi qui legitimè certauerit. Deinde adiecit, quam reddet: non dixit, quam dabit, vt significantius meritum suum exprimeret. Tertio, iudex, ait, & iustus. Quod apertius desiderari testimonium sacra Scripturæ à quoquam possit, quod facilius omnibus, quibus nō est cor saxeum, persuadeat, opera hominum à charitate profecta cæleste premium velut mercedem debitam promereri? Superuacaneum fuerit, hæc eadem veterum Patrū comprobare sententijs, quâuis etiam illi ad vnum omnes calculo suo Catholicæ Ecclesiæ doctrinam cōfirmant. Vide tamen interim D. Augustinum epistola 105. Itē de verbis Domini, Sermōe 59.

D.

De verbis Apostoli, Sermone 2. Libro 50. Homiliarum, hom. 14. Opere, inquit, inspecto, non potest negare mercedē qui opus inspicit. Item in Euangelium Ioannis tractatu 3. Audi, ait, Paulum iam flagitantem debitum, qui primò indebitam susceperat gratiam. Loquitur enim de loco illo superius ex secundæ ad Timoth. 4. citato. Præterea consulatur D. Hieronymus in Comment. in caput 8. Ezechielis: & libro secundo aduersus Iovinianum: Dicerem, ait, vobis, quia vado & præparabo vobis locum, si non mansiones multæ essent apud patrem, hoc est, si non vnusquisque mansionem sibi non ex largitate Dei, sed ex proprijs operibus præpararet: & ideo non est meum parare, sed vestrum. Simile quiddam videre est apud Diuum Augustinum Tract. 67. in Ioannem. Diuus etiam Cyprianus sermone 1. de elemosyna dicit, nos dominum & operibus bonis & moribus promereri. Et sub finem hanc habet notatu dignam sententiā. Verum Dei munus & maximum infirmis necessarium, fortibus gloriosum, quo Christianus adiutus præ se adfert gratiā spiritale, promeretur Christum iudicē, Deum computat debitorem. Et libro de simplicitate Prælatorum:

Præceptis Dei & monitis, ait, obtemperandum est, ut accipiant merita nostra mercedem. Diuus item Ambrosius in Lucam scribens, Bonos illos appellat mercenarios, qui pro mercede æterna Deo seruiunt. Cur prætereamus antiquissimum illum D. Pauli discipulum Dionysium Areopagitam, qui cap. 8. Libri de diuinis nominibus, ideò fatetur in Deo commendari iustitiam, quia iuxta vniuscuiusque dignitatem singulis tribuit. Diuus Hilarius canone sexto in Matth. De nostro est beata illa æternitas promerenda, præstandumq; est aliquid ex proprio, ut bonum velimus, &c. Sed quid in re ipsa lucē clariori pluribus immoramur, cum nullum sit omnino veterum sanctissimorumque Patrum, qui non hoc ipsum quod austruimus, discretè expresserit, plenosq; suos libros similibus sententijs reliquerit, ut mirari satis nequeant veri Christiani, quid in mentem venerit pseudoapostolis nostris, ut tā perfricta fronte vniuersæ scripturæ totique patrum cœtui sese audeāt opponere: quasi verò omnes maiores nostri miris, & plus quàm Cymmerijs tenebris fuerint immergi: hi verò (si Dijs placet) soli veritatis lumine illustrati. Scripsit quondam pulcher-

cherrimè Alexander vrbis Alexandrinæ
 Episcopus ad Alexandrum Constantino-
 politanum de Arrianis nonnulla, quæ in
 nostros hæreticos admodum appositè tor-
 queri possint: Ex veteribus, ait, nullos vide Nic-
 dignos esse putant, qui cum eis confe- phorū Ca-
 rantur, neque eis æquari se patiuntur, listū lib.8.
 quibus nos à pucro præceptoribus vsi su- cap.7.
 mus: sed ne ex omnibus quidem, qui
 passim sunt collegis & presbyteris quen-
 quam ipsis comparari volunt, solos se sa-
 pientes & dogmatum repertores esse ia-
 ctores, vt quibus vnus reuelatum sit, quod
 nemini omnium, qui sub cælo sunt, ho-
 minum in mentem venerit. Ita Alexan-
 der, cuius verba vt rectè nostris hæreti-
 cis congruant, nemo est qui non faci-
 le perspiciat. Sed enim dicet hic nobis
 Monhemius, quod sub finem dialogi quin-
 ti filius respondet patri, hisce quas addu-
 ximus Scripturis, nihil prorsus nos effe-
 cisse. *Nam cum scriptura (ait) operibus mer-
 cedem tribuit, ex mero Dei beneplacito id fa-
 cit: Deus enim non operum dignitate ad red-
 dendum ipsis premium, sed gratuita sua indul-
 gentia mouetur. Eleganter Monhemius,
 suo more inuoluit, & cælum terræ tectis*
 qui-

Psal. 61.

2. Cor. 4.

Rom. 8.

quibusdam euasionibus miscet. Verum cedo, si placet, si quādo ita loquitur scriptura, Reddet Deus unicuique secundum opera sua: & iterum, Id quod in presenti est momentaneum & leue tribulationis nostræ supra modum in sublimitate æternæ gloriæ pondus, operatur in nobis. Deinde, quoties similibus verbis scriptura vtitur, rogamus, num verè, an falso loquatur: Si verè (vt nemo cordatus inficias ierit) verum erit, opera nostræ æternæ gloriæ pondus operari, ac proinde cœlestem illam vitam nobis citra dubitationis aleā promereri. Vt vt tandem hoc ipsum faciant, si merces illis & premium datur, facere vtique; nemo negare poterit. Nec verò quispiam fuit vnquā inter pios fideles, cui Pelagianū dogma arriserit, vt operibus suis Christi gratiam exclusam esse voluerit: Absit talis à nobis blasphemia: verum fatentur omnes Dei bonitate id effectum esse, vt operationes illæ momentaneæ leuesque afflictiones immensam gloriæ molem & copiam producant, cum alioquin per se illæ condignæ non sint ad futurā gloriam, quæ reuelabitur in nobis. Si quis hanc rem apertius declaratā esse volet à nobis, nō grauatē id præstabimus, vt totam meritorum rationem

tionem quilibet melius intelligat. Nemini itaq; dubium fuit vnquā, quin opera hominum, si per se considerentur, nihil quicquam ad vitam illam sempiternā promendā conducere, quantumcunq; tandem aut graua sint, aut molesta: nihil em̄ quod finitum certumq; est, rem immensam atq; interminatam, qualis est felicitas æterna, tanquā dignam mercedem cōsequitur, quando præmiū labori respondere conuenit. Sed Christus Dominus quod operibus hisce deerat, passionis suæ acerbitate compensauit, quæ meritū immensum nobis cōparās, omnem humanam facultatem multis parazangis exuperat. Hæc nostris actionibus hanc omninō virtutem tribuit, vt quod prius illis deerat, nunc facildē consequatur: addita enim gratia sua hoc eis præstitit, vt facultate essent præditæ promendi vitam æternam: gratia siquidem illa cum immenso Christi merito innitatur, & ab infinita Spiritus sancti virtute in ipso homine habitantis, eundemque ad agendum impellētis proficiatur, suo etiā modo infinita est, vt mirum nō sit, opera eius adminiculo adiuta infinitam assequi posse mercedē. Est præterea necesse, vt ingenuus auctor lector, duplicem solere distingui iusti-

iustitiam, alteram quæ in commutatione, alteram quæ in distribuendis rebus versatur. Prior illa hoc prorsus exigit, vt sit æqualitas aliqua in ijs quæ cōmutantur: Posterior verò vult tantum seruari rationem seu in distributionibus proportionem, vt pro dignitate videlicet cuiusque singula distribuamus. Hæc potissimum in Deo locum habet, qui vnicuique secundum opera sua præmia redditurus est, vel ipso Diuo Paulo teste, cui & istud Sapientis supra allatum pulchrè concinit: Misericordia faciet locum vnicuiq; secundum meritum operum suorum. Vt enim quisque vitam moresque suos in hac lachrymarum valle composuit: ita vberiori gloria in posterum perfruetur: atque vt stella à stella in claritate differt, sic & sanctorum gloria. Sūt nempe plures in cælo mansiones, quas cuique iustissimus DEVS donare solet pro dignitate, quam sibi pijs actionibus comparauit. Commutatio propria in Deo nulla reperiri potest. Quis enim prior dedit illi, & retribuetur ei? Non possumus, tali ratione cum DEO pacisci, vt actionibus nostris tanquàm quæ ex se dignæ sint, mercedem cælū. Solent qui hac iustitia vtuntur, tantum tradere, quantum accipiunt, quem-

admo-

Rom. 1.
Ecclesi. 16.

1. Cor. 15.

Ioan. 14.

Rom. 11.

admodum ex mercatorum contractibus
 notum esse potest. Nos autem quid da-
 bimus, quod non à benignissimo Deo li-
 beraliter accepimus? Si operamur iustiti-
 am, in nobis operatur Dei gratia: Si quid
 sustinemus aduersitatis, Dei gratia ad re-
 pendum roboramur. Quicquid deniq; ef-
 ficimus quod bonum sit, Dei hoc gratia
 suffulti facimus, vt ex nobis tanquam ex 1. Cor. 3.
 nobis nihil prorsus habeamus, quod pro
 beneficijs diuinis rependere valeamus. Sed
 tamen quamuis hæc ita sese habeât, ob im-
 mensam suam, qua in nos vtitur, liberali-
 tatem Dominus, vt creaturam suam nobi-
 liorem reddat, nosque ad pios actiones ve-
 hementius accendat, non contentus iusti-
 tia hac *Alavopix* (quam distributionem
 vocare licet) voluit aliquam inire ratio-
 nem, vt quadam etiam commutatione no-
 piscum ageret, vitamque æternam (vt cū ve-
 teribus loquamur) venalem proponeret.
 sed qd dignum tāta re inueniatur? Quid in
 nomine est, quod illi possit conferri? Nihil
 in se potuit, nisi Dei liberalitas inopiæ
 nostræ succurrat et. Opera igitur ille nostra
 acceptauit, & tam immensa re digna esse vo-
 luit, à qua tamē innumeris partibus digni-
 tate superantur. Adiunxit illis gratiā suam,
 quæ

quæ ab infinita aliqua re, Christi videlicet
passiõe & Spiritu sancto inhabitante pro-
manans, infinitatem quandã operibus no-
stris tribueret, quò aliqua ex parte tali do-
no adiutã dignè æternam vitam promerẽ-
tur. (O magnam sanè Dei clementiam: Ec-
quis summam hanc charitatem dignis va-
leat celebrare laudibus?) Hac ratione fa-
ctum est, vt quod per seipsa opera non pos-
sent, hoc Dei institutione eiusq; gratiæ ad-
miniculo valerent. Pactum ille nobiscum
Matth. 19. iniit: Si vis (inquiens) ad vitam ingredi, ser-
ua mandata. Debitoremq; se nostrum cõ-
stituit, vt non possit citra iustitiæ iacturam
rectè viuenti quod pollicitus est recusare.
Si fabro vt sedem conficiat quispiam cen-
tum aureos spondeat se daturum, atque de
tanto pretio inter ipsos conueniat, an non
ob pactum conqueri poterit, & de iniuria
expostulare cum illo faber, si alter promif-
sis nõ steterit, quamuis sanè res ipsa, si spe-
ctetur, nullius propemodum sit momenti?
Quid ni igitur & nos æternam vitam pro-
mereri dicamur, quam etsi longè nobilio-
rem vilibus operibus, rependere tamen se
velle pactus est Seruator? An quæso hæc
Catholicæ Ecclesiæ explicatio quicquam
Christi virtutẽ imminuit, aut labelactat, &
non

non potius commendat, & ad sidera tollit? Iniuriam summam tanto nature nostræ restauratori irrogari quis non videat, quando in eius opus & dona adeo estis iniuri. Nam si opus perfectum artificis industriam artemque commēdat, nonne dignitas humana per Christum recuperata potentiam eius arguet, & eandem mirum in modum eleuabit deformitas & operis imperfectio? Nam artificem ex opere cognoscimus, vel insignem ex præstanti, vel imperitum ex rudi. Christus ergo si imperfectum opus reliquerit, impotentię imputandum foret. Cedò Monhemi, nonne æternos cruciatu pro malitia quemq; metere fateris? Cur non igitur pari iure regni cœlestis premia pios mereri concedis? an ad interitum est procliuior natura, quàm ad æternam salutem Christi gratia? An & Christus ad perendum quàm ad saluandum est propensior? Fortasse dicet, dissimilē esse rationem Monhemius, quàm & D. Paulus alibi expressisse videtur: Stipendia, inquit, peccati mors: Gratia autem Dei vitæ æternæ in Christo Iesu Domino nostro. Hic em̃ peccata mortē illam interminandā quidē promereri, gratia verò vitam æternam donari nō obscure dicitur: cuius causam vult cum

Rom. 6.

N

ceteris

ceteris hæreticis istam ad hunc Monhemius, quia quæcunq; opera cogitat, meditatur, perficit homo, tam procul absunt a nobis a corâ Domino, ut peccata enseantur: tunc enim actiones omnes nostræ sicut pannus mulieris menstruatæ. Hæc vt dissoluimus initio non existinamus pluribus esse ea repetenda, quæ de cordis humani puritate circa dialogum secundum diximus. Hoc tantum breuiter notandû videtur, leuia illa peccata, in quæ quot die labimur, talia non esse, quæ nos plane sordidos & deo exosos reddât. Christus em apud Euangelistam manifeste satis ostedit, quæ nã sint illa, quæ inquinant hominẽ. De quibus etiã D. Paulus: Leuia illa nec impios, nec malos nos efficiunt, neq; operû nostrorû obsunt efficaciz. Quamuis em non tâta sit in nobis charitatis affectio ob infirmitatẽ quotidianam, quâ tum post emensum istius vitæ curriculũ allequemur, quando corruptibile hoc induet incorruptionẽ, & mortale immortalitatem: est tamen etiam suo modo aliqua, vel ipso Apostolo teste, dũ ita loquitur: Qui seruat verbũ eius, verẽ in hoc charitas Dei pfecta est. Si igitur est in nobis charitas perfecta, cur nõ edat illa opera pfecta, si modo perfectiõis oēs iuxta Philosophos opera solẽt pderẽ

Si ope-

Isaia 64.

Matt. 15.

1. Cor. 6.

1. Cor. 13.

1. Ioan. 2.

Si opera perfecta sunt, non erunt nobis ingrata, quin potius vita illam sempiternam uitam promereri dicentur. Nam quod ab ista dicitur, notum est de quibus dicitur, de ijs nimirum operibus, a quibus Christi gratia procul aberat, ut D. Hieron. interpretatur. Fateamur & nos in oculis Dei immundas esse impiorum uultus, ut ad aeternam felicitatem quamvis speciose nihil conducant. Sed si pijs hominibus gratia Christi succurrat, mundas esse quid querimus prohibet? Quod autem D. Paulus, stipedia quidem peccati mortem esse testetur, gratiam vero Dei vitam

Rom. 6.

aeternam, non eo consilio, quo vos exultatis, id factum est, ut meritis nostris neget eam ipsam retribui, qui eadem in Epistola dicebat: Qui reddet unicuique iuxta opera sua: sed quia pronos animaduvertebat homines illos, ut facile operibus nimium tribuerent, in istisq; plus a quo extolleretur, voluit meritorum omnium talium causam exponens, omnem elationem deprimere. Non enim a nobis, aut a semetipsis meritorum causam opera sortiuntur, tanquam sine gratia ulla aeternam vitam adipiscamur, sed quicquid in ijs inest meriti, id gratiae Dei acceptum ferre conuenit. Illa siquidem est, quae tantam mercedem tam exiguo labori proposuit:

Cap. 8.

Ioan. 15.

Illa operibus in promerendis succurrit: illa
 fecit, ut quod perfecti non possent, id per
 ipsam adiutim. efficerent: datur etenim vir-
 tutem operibus in se alioquin inermibus.
 Gratia itaque Dei est, vita eterna, non quia
 meritis non datur, sed quia ut mereri liceat
 gratia est. Audi D. August. libro de natura
 & gratia, postquam eandem hanc tibi dif-
 ficultatem mouisset, ita respondet: Illa
 ergo questio nullo modo videtur mihi
 posse dissolui, nisi intelligamus, & ipsa bo-
 na opera nostra, quibus eterna redditur vi-
 ta, ad Dei gratiam pertinere, propter illud
 quod ait Dns Iesus, Sine me nihil potestis
 facere. Vide (si placet) & Epistolam eius 105.
 ad Syxtum Presbyterum, & plane cogno-
 sces, vera esse quam attulimus Apostolicorum
 verborum enarrationem. Verum mox hemius
 eandem hanc D. Aug. autoritate in sua sen-
 tentie confirmationem produxit, non recte
 intellectionem tamen conatur eam ipsa probare,
 gratis dari vitam aeternam, non nostris me-
 ritis. *Deus enim, ait, non operum dignitate ad red-
 dendum ipsis premium, sed gratuita sua indulgentia
 mouetur.* Si de operibus in se consideratis
 loquatur, fatebimur equidem: si vero de
 iisdem ut adiunctam habent gratiam, fal-
 sum est, ut id quod falsissimum. *Ab quis est?*
 qui

qui nesciat, sua dona coronare, suumque
opus remunerari Deum? Quis ignorat, om- **IACOBI**
ne donum perfectum de cælo descendere à
patre luminū, nec quicquam ex nobis tan-
quam ex nobis nos habere? An Pelagianos
nos putas mōhemi, aut ecclesiā Dei tali he-
resi infectā, quā ante annos 1200. oīm cō-
sensu explosit? Fatemur opera sua corona-
re Deū, sed eadē illa opera, quæ eius esse di-
cis, nostra etiam sunt: eius quidē, vt gratia
eius & voluntatem mouet, & vires largitur:
nostra vero, vt à voluntate nostra liberrima
sunt. Proinde non immeritō nostris ope-
ribus premium Deus conferre dicitur, li-
cet gratiæ eius sint illa munera.

Folio 48. multas adducit scripturas, atq;
veterū sentētias, quibus doceri putat, non
operibus nos iustificatos esse, sed mera Dei
liberalitate, qua fidē nobis impartiens ea-
dē nos iustos reddidit. Sunt autē istę: Gratis
saluati estis per fidē, scientes quod nō iusti-
ficetur homo ex operibus legis, nisi per fi-
dem: & id genus alia, tum ex literis sacris,
tum ex D. Aug. varijs libellis S. Ambro. &
D. Bernardi serm. r. in annūciatione D. ma-
riæ, quibus omnibus nō modō id nō effi-
cit, quod conatur, vt summā quoq; in sciti-
um suā probat, neque vnquā se planē intel-

153. **DE MERITO INTER OMNES**
Sed quia iustificatio quædam; quarum illa nul-
lus potest edere, ut operibus meretur, quæ-
dam autem merita adductæ testantur: Pos-
set enim omnino de gratia operibusque
controversari, ut antea docuimus, & Aposto-
lus hoc ipse fatetur: Qui facit, inquit, ius-
titiâ iustus est, sicut & ille iustus est. Et ali-
bi, Qui iustus est, iustificetur adhuc. De prio-
ri iustificatione agere & scriptura, & D. Au-
gustinus, atque Ambrosius: Beatus Bernardus
vero, quando ita loquitur, Aeternam
vitam nullis potes operibus mereri, nisi
gratis detur & illa: quid aliud significa-
uit, quàm Apostolus Paulus, gratia Dei vi-
ta æterna? Gratis illa datur, quia gratiam
nullus meretur, per quâ tales edimus actio-
nes, quæ dignæ sint vita æterna. Legas quæ
in eodem sermone sequuntur, & quàm re-
ctè ista dicantur intelliges. Vide & Arausi-
canam secundam Synodum: Debetur (in-
quit) merces bonis operibus, si fiant, sed
gratia quæ non debetur præcedit, ut fiant.
Vide & Tridentinum Conciliû, à quo iâ se-
pius anathemate percussus, mirû si nòdum
hæresum istarum damnatarû te pœniteat:
vide ut illic feriuntur, quicumque operibus
meritum ullû nesci incipientur, sed gratis
planè

piane nulla in secula operum & caritate in
iustificationem omnem vitamq; eternam
tiuntur. Eius post pauca anathema adieci-
mus, si prius incommoda, quæ nos incur-
re garris, in tuum ipsius caput reiecerimus.
Ea sunt folio 48. posita: Si operibus nostris
ulla tribuamus merita, fiet, inquit, ut Christus
gratis mortuus esse dicatur: Secundò iram Dei, &
peccatum exterminant: qui se operibus iustifica-
tionē posse promereri putant: Tertio ex consciens-
tia certam & firmam consolationem excludunt:
Quarto inuocationem impediunt: Postremò tol-
lunt discrimen legis & Euangelij. Quis hic non
summopere hominis istius & impudenti-
am, & non ferendam in seitiam detestetur,
quem tanta argogantia Ecclesiam vniuer-
sam in Christum sponsum suum iniuriæ at-
que blasphemie damnare non pudet? An
Christus gratis mortuus dicendus videtur,
si operibus iustitiæ augmentum atque æ-
terna vita tãquàm debita merces redditur,
cum eius passionē virtutem hanc vt prome-
reri tale aliquid possent, sunt consecuta?
Certè gratis mortuus diceretur, si naturæ
operibus prima redderetur iustificatio, aut
vita beata, nulla ijs cooperante Christi gra-
tia. Quo in sensu locutus est Apostolus. Sed Gal. 2.

Christi passionem referimus, nō videmus, quis nisi pistillo retusior iniuriam Christo irrogari putabit? Secundò si alteram iustificationem operibus concedamus, nū peccatum Dei gratia remissum extenuamus? Aut si satisfactionibus nostris opus esse ducimus, vt plenè animus purgetur, nulla vel culpa, vel pœna obnoxius, an tibi peccati malitiam deprimere, & non potius longè quàm vos amplius aggrauare videmur? Vos sola fide & culpam omnem deleri, & pœnam remitti traditis: Nos cum Ecclesia Dei culpam quidem post baptismum contractam sacerdotis absolutione deleri, temporanea verò satisfactione pœnā temporaneam (de quo postcà fortasse latius) expiari docemus. Tantùm meritò pondus peccato adijcimus, vt si quis post baptismum lapsus pristina bona deperdita recuperare desiderat, non credere tantùm, non verbo sacerdoti confiteri sufficere dicamus, nisi cum maximo cordis dolore adfit, & operum satisfactio. Atque in baptismo vos solam fidem requiritis: nos & pœnitentiam præteritorum malorum, & futuræ vitæ meliorem institutionem. Vtri iam tibi videntur Monhemi, magis peccata extenuare, vōsne, qui tanquàm rem levis
momenti

momenti sola passionis Christi recordatione deleri asseritis: an nos, qui præter hanc cordis etiã cõtritionẽ exigimus, & propositũ vitæ sanioris, atq; (si post baptismũ lapsus contingat) oris confessionẽ & satisfactionem operis? Quid hic in te aliud quàm vel inscitiam, vel contradicendi studiũ mirabimur? dum rem luce ipsa diurna clariorem tanq̃ absurdam criminaris. Tertio loco quod adiungis, an in Ecclesiã, & nõ potius in sceleratos apostatas competit, vt ex cõscientijs hominũ certa & firma consolatio excludatur. Fatemur nos, Christi fideles operari rectẽ Dei adiuuãte gratia posse, cuius mãdata grauiã nõ sunt, posseq; eosdem verã imbui iustitiã, reiectis omnium peccatorũ sordibꝰ, atq; iustitię incrementũ (hoc est, iustificationem secundã) tum auctiorẽ celi gloriam, tum deniq; ipsam vitam eternã promereri. Vos nunq̃ mundos esse vultis, sed in perpetuis spurcissimorũ peccatorum sordibus volutatos, in desperationem veræ iustitiæ cogitis. Pulchrane est consolatio, si cogitemus nos semper detestandos, semper æternis cruciatibus dignos, semper in summis angustijs, ne Deus peccata, quæ in nobis reuerã sunt, tandẽ aliquãdo puniat: Nã de inani vestra fiducia nõ existimamꝰ

1. IOAN. 5.

N. 5. possẽ

posse fieri, vt aliquis in vobis, quantum-
cumque verbis eam in se inesse iactitet, vel
vnuquam ad temporis momentum fuerit
expertus. Non enim est pax impijs, dicit
Esa. 57. Dominus. Aristoteles τῶν μετὰ τὰ φύσι-
να βιολογικῶν 3. multa dicit posse aliquem
verbis fateri, quæ aliter corde se habere ex-
istimat: καὶ ἐστὶ γὰρ (inquit) ἀναγκασθῆναι
λέγειν τὰ ὅσα καὶ ἂν πολλαυβάνημι: Vos non
obscure notās, qui dū fidutiam verbis præ-
dicātis, gestibus vultuq; mentimini: intus
pleni estis inquietudine, dubitatione, atq;
si quando rem seriò perpenditis, summis
angustijs, conscientiaëque stimulis exagi-
tami. Sed quarto loco quod addis, nos
inuocationem impedire, tibi potius quàm
Ecclesiæ Dei conuenit. Vter enim magis
inuocatione habet opus, an is qui de salu-
te securus est, sicut tuos esse persuades, an
verò is qui in timore & tremore iuxta Pau-
li cōsiliū salutem suam operatur? Qui de
suis apud Deum negotijs incertus est, sed
bonis operibus, quæ dei succurrente gratia
æduntur, certā suam facit vocationē? Vix
quàm somnolēter hæc quæ modò tāquàm
certiorē fidem tuis Quartanis & Quintanis
proponis euulgasti, quāq; probè tuo ipsius
iuguleris gladio, & in foueam quam fecisti
incidas,

Phil. 1.

1. Pet. 1.

incidās, quando omnia hæc incōmoda tu
potius cū nouis tuis doctōribus, quā v-
ri Christiani incurristis. Sed an nouā cum
veteri (vt ais) lege confundimus? Tāme es
adhuc rerū, fideiq; Catholicæ nescius, vt
tam turpiter ignorantiam tuam prodas nō
aliter atque si ne à limine quidem sacras li-
teras salutaueris? Ignoras veterem quidem
legem operā præcepisse, verū longè se-
cus, atque legem Christi euangelicam. Hęc
gratiā adiungit, quam illa nō subministra-
bat: illic ceremoniæ multæ nihil ex sese in
animo præstiterūt (nisi vnica circumcisio,
quam originale maculam deleuisse alibi
D. August. docet) in noua lege sacramenta
ex operis ipsius vi, seu, vt accommodata vo-
ce loquūtur Scholastici, ex opere operato
& peccatum dimittunt, & gratiā multiplicē
largiūtur. Vide libellū D. August. de spiritu
& litera, q̄ multis capitibus in legū duarum
versetur differētijs. Sed agē Monhemi, hoc
vnum ex te auemus cognoscere, qui fiat, vt
discrimē tollamus legis & euangelij, si ope-
ribus iustificationē tribuimus? An tibi for-
tassis apparet, in prisca illa lege iustificatū
aliquē operibus fuisse, & nō fide Iesu Chri-
sti? Quis iste tā grādis tuus lapsus, vt legem
præferas Euangelio (hoc enim consequi
necessum

necesse est) si ibi opera iustitiæ, hic verò non præstant. Sed audi, si placet, quo pacto mira confusione cælum terræ misceas, & dū Ecclesiæ Dei incommoda multa impingis, in eadem illa præceptis laberis. Tu cum tuis præceptoribus inter veteris & nouæ legis sacramenta nihil doces intercedere, sed solum in vtraq; fide sufficere, opera nulla neque hic, neque illic requiris, vt illi legem nulla ratione implere valebant: ita neque Christianos arbitraris posse, cò quòd in continuis, te doctore, sordibus versentur. Cèdò quam hic facis vtriusque legis differentiam, nisi quòd illa Christi mortè præcessit, eamq; varijs cæremonijs adumbravit: nostra verò fuerit subsecuta. Christiani autem, illiq; omnes, qui Christi Ecclesiā velut suam matrem venerantur, longè secùs de vtraq; lege loquuntur: illam dicunt opera atque præcepta imposuisse, eaq; implendi quod in se erat non aliam esse largitam gratiam, vt agnoscerent homines, quàm nihil per se ipsi ad rectè operandum valerent: Hanc verò etsi opera in-

Matth. 19.

iungat: Si vis enim, ait Christus, ad vitam ingredi, serua mādāta, gratiam addere atq; vires, vt quod ex nobis nulla poteramus ratione, ijs adiuti facillè præstaremus. De Sa-

cramentis

cramentorum diuersitate dialogo septimo differemus. Plura sunt id genus alia discrimina, quæ te parum in rebus theologicis versatum esse commonstrant. Nunc autem anathemata, quæ in te proferuntur, audi. Sic enim conuenit, vt hunc dialogum terminemus. Si quis dixerit, hominis iustificati bona opera ita esse Dei dona, vt non sint etiam ipsius iustificati merita, aut ipsum iustificatum bonis operibus, quæ ab eo per Dei gratiam & Iesu Christi meritum (cuius viuum membrum est) fiunt, non verè mereri augmentum gratiæ, vitam æternam, & ipsius vitæ æternæ (si tamen in gratia discesserit) consecutionem, atque etiam gloriæ augmentum, anathema sit. Et denique vt intelliges Monheimi, quàm graue crimen incurreris, quando secus de iustificatione atque sacra Synodus docens eius explicationem reprehendisti: Audi etiam hanc in te tuosq; preceptores prælatâ sententiâ: Si quis dixerit, per hâc doctrinâ catholicâ de iustificatione a S. Synodo hoc præsentî decreto expressam, aliqua ex parte gloriæ Dei, vel meritis Iesu Christi domini nostri derogari, & nō potius veritatē fidei nostræ, Dei deniq; ac Iesu Christi gloriâ illustrari, anathema sit.

Sessio 6.
Canone
32. Tridē-
tini Con-
cilij.

Eadē sess.
canone 33.

IN

106 EXPLICATIO ERRORVM
IN DIALOGVM

SEXTVM.

HOc dialogo Monhemius declaraturus orationem dominicā, ne rudes & simplices peruertendi videatur deesse officio, sanctorum inuocationem præcipuè, deinde ipsorum pro nobis intercessionē non mediocriter, licet friuolis argumētis, impugnat: & ne id temerè aut nullis suffultus rationibus agere videatur, quibusdā potissimūm propositionibus aut argumentis errores suos stabilire conatur: quæ quia niminim inuoluit, & spartim proponit, longū foret, ac molestū lectori, singula persequi ac confutare: proinde breuiter, quæ ex ipsis scriptis eliciuntur, propositiones subijciemus, quarum prima habetur folio 56. in hanc sententiam, *Nemo, nec ex angelis aut hominibus neglecto Deo inuocandus est, cum nemo nostram salutē propēsius curet: Altera est, Quod Christus sit aduocatus & mediator noster, quem qui deserunt, inquit, nullum habent ad Deum accessum: Tertia, Inuocatio est potissima pars cultus Dei, qui soli Deo debetur: Quartè arguitur, Sanctos non inuocandos, cum hoc scriptura nusquā doceat. Nos iam Monhemij imposturas, ac polypi mentem detegamus, argumen-*

gumenta quæ nullius roboris cōuellamus. Interim aduerte, prudens lector, vt singulari quodam decipiendi studio flagrem, non hemius. Non euestigiò in aprium pro tert supellectilem, aut in arenam descendit aperto Marte conflicturus, sed ex insidijs ac pietatis specie incautos adoritur, vt tantò facilius in præcipitium deturbet. Nec enim simpliciter ait, sanctos, aut angelos nō esse inuocandos, sed illos nō esse inuocandos neglecto Christo. Sed ad id deueniamus. Quis vnq̃ Catholicorum aut diuersum hætenus docuit, aut fecit? Quis doctorū, aut vbīnam Ecclesia quenquā instruxit, ita sanctorum preces ambiendas esse, vt Christum negligi, aut eius merita silentio inuolui, aut dissimulari velit? Quin potius dū sanctorū benefacta cōmemorat, aut illis preces offert, & auxilium implorat, cūcta sibi per Christi merita efficacia esse cupit, à quo quicquid est in sanctis laudabile profluxisse, neq; nobis quicq̃ citra illius præsidia posse cecedi, nō illibeter agnoscit. Hinc oēs orationes, quas ad Deum dirigit Ecclesia, sanctorū recolēs, hæc coronide cōcludit: Per dñm nostrū Iesum, &c. Indicās nihil nos à sanctis expectare aut impetrare, nisi p̃ Christi merita, quæ inuocam⁹, vt liberalissimū omniū bonorū largi-

largitorem, atq; vnicū nostræ redemptionis ac salutis mediatorem, in quem velut Dei filium tota nostræ felicitatis spes incumbit, cui omnia accepta ferenda, omnia ab ipso bona in cælo & in terra expectanda esse, prædicare non dubitamus. Sanctos verò inuocamus, veluti summos DEI amicos, quorum peccatorum nostrorum ac indignitatis propriæ cōscij intercessionem ambimus, non ambigentes, quin à Deo etiam quiduis quod nostræ salutis commodo esse queat, nobis impetrare possint. Orationē dominicam illis fundimus, non tã ipsos tunc alloquentes, q̄ deū, ad quem ipsorum manibus cū cupimus deferri, tanquā qui cū gratiores deo sint, facile quod cupimus impetrabūt. Solent etenim fibēter, qui imperatori supplicāt, per maximè charos supplicationes porrigere. An hoc est Deum negligere, aut Christum deferere sic sanctos interpellare, vt pro nobis apud Deum intercedant, eumque nobis propitiū sua intercessione reddant? An non potius hoc est ad Deum ipsum accedere, ad quem cō propius quis accedit, quò se magis coram domino humiliat, indignū se ratus, qui ob enormitatem peccatorum suorum ac multitudinem **DEVM** inter-

interpellet, ac propterea Sanctos illi charissimos, in quibus nullam indignitatem exorandi agnoscit, accedendos esse cēset. Hinc pulchrè admodum mellifluus ille Doctor D. Bern. ait, Fidelis planè & potens mediator Dei & hominum, homo CHRISTVS IESVS. Sed diuinam in eo reuerentur homines maiestatem: opus est enim mediator ad mediatorem istum, nec alter nobis utilior, quàm MARIA. Agnouit hoc Centurio ille à Christo tanto encomio celebratus, qui missis ad eum Iudæis ante conspectum illius comparere erubuit, & præsentiam eius humiliter detrectauit. Quis vituperandum esse putabit, quod Christus vehementer in ipso cōmendauit? Ex his Monemi colliquefcit, quàm adeò non prætereamus aut negligamus Christum, dū Sanctos inuocamus, vt etiam hinc illi non vulgaris accedat gloria. Et ne lector nos hanc veluti recentem doctrinam cum hæreticis cōminisci existimet, addemus clarissimorum virorum testimonia, quibus eam illustremus, atque confirmemus, vt liquidò omnibus cōstare possit, quàm fuerit Sanctorum inuocatio etiā apud priscos Patres ante annos 1200. vulgaris ac vsitata. D. ille Gregorius Nazianzenus (quo se B. Hiero-

Matt. 9.

Luc 7.

O nymus

nymus præceptore vsum esse gloriatur) in oratione 8. de laudibus D. Basilij, inter cætera sicinquit: Tu nos Basili ex alto respice, totamque vitam nobis in melius permuta. Idem in oratione 14. sub finem, patrem defunctum orat, vt suis precibus populum solui & liberari faciat. Eadem serè apud eundem reperias oratione 18. de laudibus D. Athanasij, quem ita compellat, O Athanasij, è supernis propitius nos respice, & populum sanctum dirige. Simile inuenias oratione 23. Oratione verò 19. D. Cyprianum glorioso martyrio coronatum his verbis alloquitur, Tu verò ó Cypriane, nos ab alto propitius respice, nostrumq; sermonem ac vitam dirige. Deinde quæ sequuntur, Lectori sedulo inuestiganda relinquimus: non enim solú lectu. sed & digna sunt quæ memoriæ diligenter mandentur. Ne tamen solus id vir tantus sensisse videatur, non importunum fuerit, etiam alios pari sanctimonia accruditione conspicuos in medium adducere, inter quos D. Basilius non postremas fortitur partes. Is in pulcherrima illa de quadraginta martyribus historia hæc subiungit exhortationem: Qui aliqua premittitur angustia, ad hos confugiat: qui rursus lætatur,

letatur, hos oret. Identidē sermone de S. Mamante apertē dicit, ipsum inuocatū populo plurimum opitulatū fuisse, & suadet ab illo petenda esse suffragia, vt nobis Deum reddat propitium. Audi præterea lector aureum illum eloquentiæ torrentē D. Chrysostomum, vt intelligas quā falso Monhemius tanti viri authoritate fretus, annitatur errorem suum comprobare. Is hom. 1. in priorē ad Thessalonic. Epistolam, ita hortatur ac instruit omnes: Non contemnamus, inquit, Sanctorum preces, sed oremus, vt pro nobis precentur, manumque porrigant. Ecce quā manifestē docet, non solum sanctos inuocandos, sed ab illis etiam manus auxiliatrices expectandas esse. quod & superiores authoritates perspicuē indicabant, dū aut vitæ directionem, aut respectum, aut liberationem, aut propitiationem implorandam esse docent. Sed ad D. Chrysostomū redeamus, qui in sua missa Sanctum Ioannem Baptistā, ac d. Nicolaum Episcopū inuocare nō veretur, eorū memoriam celebrans, vt nō solum doctrina, sed & facto Sanctorum inuocationem cōprobet. Omitto illa quę plixē habet hom. 26. in 2. ad Corinthios epist. Itē hom. 41. & 42. in Genesim, &

O 2

hom.

hom. vltima in Epistolam ad Romanos. Similiter hom. 66. ad populum Antiochenū, vbi Principes laudibus prosequitur, qui Sanctorum sepulchra frequentant, & ipsos inuocant. Quemadmodum suprà citatis locis partim Sanctorum inuocationem, partim intercessionem, ac reliquias nobis commendat, sicut & veritatis inuestigator facile deprehendet. Mirum est, cur Monhemius has sententias Chrysostomi non adduxerit. Sed nobis persuasum habemus, aut Monhemium parum in D. Chrysostomo versatum esse, aut (more araneorū, qui ex floribus venena exugunt) sententias mutilare, aut (vt hereticis mos est) eas quæ solū in speciē suis fauent erroribus inflatis buccis detonare, dum neq; quæ præcedunt aut sequuntur, aut quæ alijs locis apud authores reperiuntur, attendunt: aut sponte dissimulant, vt tanto perniciosius virus suū in animos hominum diffundant. Quod etiam Monhemium omnibus animi neruis conari, nemini dubium est, dum Sanctorum inuocationem tanta audacia oppugnat, nulla tamen aut ratione, aut solida aliqua auctoritate munitus. No. verò etsi quæ attulimus abundè satis veterem Catholicorū assertionem stabiliant, non tamen grauabimur

mur pluribus eam confirmare. Præteribi-
mus interim Epiphanium libro de 80. hæ-
resibus, tomo 3. lib. 1. Et Suidam in vitam
D. Nicolai, qui idem cōtestantur. Vetus-
torem adhuc, si lubet, audias Origenem il-
lum tot scriptis (quamuis multa intercide-
rint) celebrem. Is in fine libri 2. cōmenta-
riorum in Prophetam Iob inquit: O Beate
Iob, ora pro nobis miseris, &c. Idem in La-
mento: Incipiam me genibus prosternere
& deprecari vniuersos sanctos, vt mihi nō
audenti petere propter nimietatem peccati
succurrant. Hic non solū Sanctos inuocat,
sed & modum inuocationis & causam, cur
inuocandi sint, perspicuè edocet. Ad reli-
quos pergemus, vbi inexpugnabile illud
catholicæ fidei propugnaculum D. Augu-
stinum aliquot in locis disserētem audiue-
rimus, qui libro de Spiritu & anima ca. 59.
compellat Sanctos his verbis: Vos qui me-
ruistis cōsortes fieri supernorum ciuium,
orate pro me ad Dominū, vt educat me de
carcere isto. Idem lib. 7. cap. 1. de baptismo
cōtra donatistas, & lib. 5. cap. 17. D. Cypria-
ni iam vita defuncti opem implorat. Sed
& alijs locis idem testatur, nempe libro de
cognitione veræ vitæ cap. 9. & 39. Nec dis-
simile est, quod habet libro de rectitudi-

ne catholicæ conuersationis, vbi inter alias præclaras pareneses hortatur etiam Sanctorum patrocinia humiliter expetenda esse. Vide apud eundem cap. 24. libro meditationum, O sancti, inquit, obsecro vos per vestram charitatem, estote de nobis solliciti, &c. Sermone etiam 1. de S. Stephano prothomartyre, vult vt nos illius orationibus commendemus. Postremò (vt semel finiamus) omnium manifestissimè Sanctorù inuocationē comprobat insigni illa, ac omnium penè ore celebrata ad D. virginem oratione, quam & 2. serm. de annùciatione Domini, & 2. serm. de assumptione B. Mariæ sub his verbis habet: Sancta Maria, succurre miseris, iuua pusillanimes, refoue flebiles, interueni pro clero, intercede pro deuoto fœmineo sexu, ientiat omnes tuum leuamen, quicunq; celebrant tuam cōmemorationē. Quid dicis ad hæc tot, tamq; celebriū virorum testimonia Alonhem? Adhuc audebis Sanctorù suggillare inuocationē? Adamantinus planè sis aut saxo stupidior, si his nō queas emolliri, vt prorsus mutes hereticā, & amplectaris cū tot p̄claris heroibus catholicā sententiā. Quorū institutionē, quāto q̄stinaciori animo reijcit, tanto & suā certè inscitiā, & inuictam
magis

magis prodit impudentiam, atq; à veritate
se alienum prorsus esse demonstrat. Sed D.
Ambrosij sententia, quam Monhemius ad-
fert in erroris sui confirmationem si iusta
lance trutinetur, non tam Catholicorū sen-
tentiam oppugnat, vt etiam eam cōfirmet.
Vult enim declarare alia ratione Christū,
alia ratione Sanctos inuocandos esse: nec
horum intercessionem sine illius ope ac
merito (vt antea docuimus) efficacem es-
se. Hoc ipsum ante multos annorum cen-
tenarios docuit in Letanijs Ecclesia, in
quibus à Deo misericordiam, à Sanctis au-
tem implorat intercessionem, dum in hūc
modum orat, S. Deus miserere nobis. S. Ma-
ria, S. Petre, &c. Ora pro nobis. Colligis i-
gitur facilè lector, quàm parum roboris ac
momenti habeat Monhemij argumentum:
sicut & ea quæ sequuntur folio 57. vbi &
hanc interserit Achillicam ratiocinatio-
nem, qua Sanctorum inuocationem in-
fringat, *Mortui non orant pro uiuis, ergo
mortui non sunt inuocandi.* Antecedens pro-
bat, quia viui orant pro uiuis, quæ sunt
sibi inuicem membra. Postea tamen fo-
lio 58. ait, *angelos pro nobis orare, sed
tamen non ob id inuocandos esse quòd Scriptura
id non doceat.* Vides prudens lector quantis

obscuritatibus seipsum Monhemius inuoluat, ut te anguillâ cauda putes tenere. Merito profectò in eum illud Horatianû cõpetat: Nescio quo teneam mutantem Prothea nodo. Incidit nonnunquam in Scyllam cupiens uitare Charybdim. Sed hæc postea confutabimus, ad inuocatione Sanctorum redeamus, quam etiâ D. Hieronymus ad Eustochium scribens facto comprobatur, dum S. Paulum inuocat. Præterea D. Ambrosius eam in hunc modum libro de viduis asseuerat: Angeli, inquit, qui nobis ad custodiam dati sunt, & martyres obsecrandi sunt: pluraque alia quæ sequuntur pulcherrima. Omitto ea quæ habet in fine orationis de fide resurrectionis. Et in historia illa, quam de S. Agnete prolixè conscripsit, lectu dignissima. Item quæ D. Gregorius varijs in locis habet, præcipuè in libris dialogorum. Non possumus tamen omittere, quin D. Bernardi piam querimoniam in medium adducamus, quæ quia plures conuellit hæreses, digna est quæ memoriam mandetur. Is hom. 66. in Cantica Cantorum: Irrident, inquit, nos hæretici, quòd paruulos baptizam⁹, pro mortuis oramus, ac Sanctorum suffragia postulamus. Agnosce Môhemi te hæreseos cauterio inuri, dū inuo-

inuocationem sanctorum cum tuis preceptoribus proscindis. Agnosce etiā ante annos plus minus quadringentos, sepultā ac olim expugnatam fuisse hanc hæresim, nūc verò rursum per te, tuiq; similes ad multorum perniciem ab inferis reuocatum esse, vna cūm hæresi illa Vigilātij, qui solū viuos pro viuis orare affirmabat, quem D. Hieronymus ita validis telis confodit, atq; expugnat, vt superuacaneum videatur esse, & fastidiosum fore lectori, omnia sanctissimi viri argumenta ad expugnandum Monhemium in medium adducere, præsertim cūm non ita apertè Monhemius Sanctorū intercessionem negare videatur. Hæretici tñ ex ipsius verbis facilè hanc institutionem colligunt. Imprudens etiam lector facilè in hoc saxum offensionis impingere posset, ac proindè intercessiōem qua poterimus breuitate confirmabimus, & Monhemij argumenta facilè diluemus. Propterea si neges Monhemi sanctos pro nobis orare, aut id continget, quia impotentiores sunt, quā qui possint: aut crudeliores, quā qui velint: aut quod res sit ipsis indigna, vt orent. Elige quod velis, nihil eorum est, quin absurdissimum sit ac pijs Christianorū omnino auribus indignum. Quis enim imprimis

obscuritatibus seipsum Monhemius inuoluat, ut te anguillā cauda putes tenere. Merito profectò in eum illud Horatianū cōpetat: Nescio quo teneam mutantem Prothea nodo. Incidit nonnunquam in Scyllam cupiens uitare Charybdim. Sed hæc postea confutabimus, ad inuocationē Sanctorum redeamus, quam etiā D. Hieronymus ad Eustochium scribens facto comprobatur, dum S. Paulum inuocat. Præterea D. Ambrosius eam in hunc modum libro de uideis asseuerat: Angeli, inquit, qui nobis ad custodiam dati sunt, & martyres obsecrandi sunt: pluraque alia quæ sequuntur pulcherrima. Omitto ea quæ habet in fine orationis de fide resurrectionis. Et in historia illa, quam de S. Agnete prolixè conscripsit, lectu dignissima. Item quæ D. Gregorius varijs in locis habet, præcipuè in libris dialogorum. Non possumus tamen omittere, quin D. Bernardi piam querimoniam in medium adducamus, quæ quia plures conuellit hæreses, digna est quæ memorix mandetur. Is hom. 66. in Cantica Cantorum: Irrident, inquit, nos hæretici, quòd paruulos baptizam⁹, pro mortuis oramus, ac Sanctorum suffragia postulamus. Agnosce Mòhemi te hæreseos cauterio inuri, dū inuo-

inuocationem sanctorum cum tuis preceptoribus proscindis. Agnosce etiā ante annos plus minus quadringentos, sepultā ac olim expugnatam fuisse hanc hæresim, nūc verò rursus per te, tuiq; similes ad multorum perniciem ab inferis reuocatum esse, vna cūm hæresi illa Vigilātij, qui solū viuos pro viuis orare affirmabat, quem D. Hieronymus ita validis telis confodit, atq; expugnat, vt superuacaneum videatur esse, & fastidiosum fore lectori, omnia sanctissimi viri argumenta ad expugnandum Monhemium in medium adducere, præsertim cūm non itā apertè Monhemius Sanctorū intercessionem negare videatur. Hæretici tñ ex ipsius verbis faciliè hāc institutionem colligunt. Imprudens etiam lector faciliè in hoc saxum offensionis impingere posset, ac proindè intercessiōem qua poterimus breuitate confirmabimus, & Monhemij argumenta faciliè diluemus. Propterea si neget Monhemi sanctos pro nobis orare, aut id continget, quia impotentiores sunt, quā qui possint: aut crudeliores, quā qui velint: aut quod res sit ipsis indigna, vt orent. Elige quod velis, nihil eorum est, quin absurdissimum sit ac pijs Christianorū omnino auribus indignum. Quis enim imprimis

1. Cor. 13.

inficias ire queat, Sanctos si non maiore
 saltem, paris nunc esse virtutis atque erant
 dum viuerent? Dum igitur viui tam multa
 pro alijs nō rogati impetrarūt (vt de Moy-
 se, Petro, Paulo, & alijs innumeris scriptu-
 ræ testantur) in cōfesso erit omnibus, San-
 ctos inuocatos longè procliuius & effica-
 cius nunc quæcunque saluti nostræ conse-
 runt posse impetrare. Vt autem neque po-
 tentiam, sic neque charitatem illis denega-
 re potes, nisi contra D. Paulum dicas, cha-
 ritatem per mortem excidere. Si verò, vt
 verissimū est, perfectior in illis (qui fonti
 charitatis nunc propinquiore sunt) facta
 est dilectio, cōsequitur profectò, cumula-
 tiorem etiam illorum pro nobis, quàm dū
 hic peregrinarentur, esse sollicitudinem: &
 sicut cū angelis de nostra salute letantur, i-
 ta & de nostra perfidia pari ratione contri-
 stari necesse est. Alioquin quomodo San-
 ctorum statuemus communionem, quam
 nonus fidei nostræ articulus credenda pro-
 ponit: æquè enim sunt nostra mēbra (quo-
 rum Christus caput est) atq; illi, qui in ter-
 ris adhuc degunt, vt in D. August. videre
 poteris in Enchiridio ad Lauren. cap. 56. &
 quotidie nostrā vehementer exoptant salu-
 tē, vel ipso Propheta teste: Educ de custo-
 dia

dia animā meam ad cōfitendū nomini tuo,
 me expectāt iusti donec retribuas mihi. Si
 verò (quod absit) indignum esse iudicas, vt
 Sancti nobis suppetias suis precibus fe-
 rant, sustolles salubrem Christi pro nobis
 interpellationē, ac D. Ioannem, & D. Pau-
 lū mendācij suggillabis, nā vterq; Christi
 intercessionē, p nobis cēstanter affirmat.
 Sed videmur nobis serpentum audire sibi-
 los, nō tñ silentio dissimulandos. Dicit for-
 tasse Monhemius cū suis, solam Christi in-
 tercessionē vniuerso orbi sufficere, ac pro-
 inde superuacaneas esse Sanctorū preces.
 Hoc inuictum apparebit argumentum, si
 rudi ac incautæ plebeculæ cū verborū le-
 nocinio proponas: si verò docto lectori (q
 vt annosa vulpes haud facilè laqueo capit)
 quantūuis speciose proponatur, in risum
 ora dissoluet, ac quantū patitur Christiana
 pietas dicterijs incesset Sophistam. Nam &
 hoc argumento, etiam viuorū mutuas pre-
 ces omnino sustollent hæretici. Ecce Mon-
 hemi, in quantos labyrinthos errorū se de-
 iicit homo, dum neglecta veritate, ac sa-
 na maiorū suorum doctrina, phantasmata
 speculāt, atq; somnia amplectit, eaq; alijs
 amplectēda arrogāter proponit. Quā ve-
 rissimum est Philosophorum axioma: Vno
 absurdo

1. Ioan. 3.
 Rom. 8.

absurdo concesso, multa sequi necessarium esse. Sed fortasse videbuntur hæretici, catholicos adamantinis vinculis constrinxisse, vt nulla elabendi spes affulgeat. Si nobis obijciant, Sanctos à nobis longè dissitos esse, ac proinde nescire quid rerum hic in terris agatur, & cum aures non habeant, nostrarum etiam precum murmura non satis assequi posse. Sed canitis sanè triumphum ante victoriam. Nouum Instrumentum euoluamus. An nō Christi verbū est, quòd

Lu. 15. ita gaudiū est angelis in cælo super vno peccatore pœnitentiam agente, quàm super nonaginta nouem iustis, qui non indigent pœnitentia? Ac postea addit: Gaudium erit corā angelis Dei, &c. Vnde, precamur, angelis in cælo innotescit huius vel illius peccatoris pœnitudo? Num si angeli gaudeant, reliqui sancti mœrore afficientur? Et si in illorum notitiam perueniunt quæ hic aguntur, hinc ab hac cognitione excludetur, quasi extorres & indigni, qui de nostra salute cogitent, aut solliciti sint? Si verò & illi Christi charitate stimulantē ex æquo nostræ salutis desiderio tenentur, Quis ambigat, quin vt de nostra felicitàte lætantur, ita etiam è diuerso ipsos de nostra perditione (si sic loqui phas est) maxi-

mopere cruciari? Si verò lætitia aut mœro-
re illos affici contingit, an non & illos vir-
tutum & viciorum nostrorum conscios ef-
se oporteat? Et si virtutum & viciorum stu-
dium compertum habent, an ignorabunt
gemitus, suspiria, lamēta & preces nostras?
Num indignum erit, vt se à nobis inuoca-
ri cognoscant? Non existimamus, nemini
etiam, qui vel à limine S. literas salutarit,
vel extremis labris doctorum scripta deli-
barit, isthuc persuaderi poterit: cū longè
diuersum Abraham & diuitis epulonis col-
loquium testetur. Vnde enim Abraham Luc. 16.
horrendas illas diuitis querimonias audi-
uit, cū tamen magnum chaos inter ipsos
interiectum fuerit. Sed ex veteri etiā testa-
mento veritatem inuestigemus. Vnde He-
lizeus Propheta cognouit quid rex Syriæ
animo moliretur? Quid præterea sceleris
Giezi perpetrasset, cū nihilominus neu-
tri præsens esset? Denique Prophetæ om-
nes, qua potestate futura vaticinati sunt?
An non & Sancti virtute Diuina præsen-
tium rerum conscij esse possunt, vt illi futu-
rarum? An Deus minoris sit nunc, quàm ef-
se solet, facultatis? Quàm grande nephas
est, ac stulta temeritas, omnipotentiam Dei
suo velle metiri ingenio, aut Philosopho-
rum

Lib. 2.

Mora 3.

rū argutijs cōcludere, & nolle res fide amplecti, nisi quę sensuum experientię obuia esse possunt. An non in essentia diuina (cuius fruitione beati sunt) contemplari dicendi sunt, quę & ipsos scire referat, & magis Dei gloriā propagant? Audiamus, si lubet, magnum illum Gregorium. Quid enim de his quę sciēda sunt nesciunt, qui scientem omnia sciunt? Nec enim intenso vocis clamore opus est, vt nostras audiāt preces. Preclarè D. Aug. lib. de cognitione veræ vitæ, cap. 39. docet, quemadmodum animæ Sanctorum intelligantur audire viuentiū preces, eisq; patrocinari. Animæ, inquit, nō vocis clamorem, sed cordis audiunt, & se fideliter inuocantibus subueniunt, &c. Hanc sententiam si cum ijs quę dicta sunt Monhemius expēderet, non adeò Sanctorum intercessionem, aut inuocationem impugnet. Nunc verò adeò impudēter quę falsa sunt astruit, & quę non intelligit contumeliose contra S. Scripturam & doctores veteres oppugnat. Si hoc non est se obstreperum exhibere S. Ecclesiæ, quid ergo? Si hoc nō est. S. literas ex industria euertere, quid ergo? Si hoc non est omnium orthodoxorum patrum sententiæ & doctrinam aspernari, quid ergo? Sed ha-

hactenus existimamus verbosius ac solidius Sanctorum inuocationem comprobata esse, quam ut quisquam de ea ambigere debeat. Et certe Monhemi si te hac ad gremium Ecclesiae non pertrahunt, ut veritatem amplecti velis, non videmus quidnam te emollire queat, praesertim cum & tua, quae pauca sunt ac imbecilla, & omnium aliorum argumenta omnia deleta conspicias, nisi quae ad allatas ex D. Chrysostomo & Ambrosio sententias nondum responderimus. Ne tamen vel tibi vel ulli alij scrupulus aliquis, aut tergiuersandi relinquatur occasio, Imprimis D. Chrysostomi sententiam ex alijs eiusdem authoris locis facile interpretabimur, ne nos quippiam comminisci, aut illum tuo errori patrocinari intelligas. Quare & verba eius fideliter & plice subiiciemus. Ait autem hom. 5. in Matth. Chananæ aliquando miseratus est, meretrici donauit salutem, sic latroni, nullo patrono, nullo mediatore intercedente. Deinde pergit: Et hæc non eo dicimus, ut supplicandum Sanctis esse negemus, sed ne torpeamus, neque supini ipsi & dormientes alijs tantummodo nostra curandam ademus. Hæc ille. Sed ne per imprudenciam hæc illi excidisse arbitreris, audi quid dicat

dicat hom. 44. in Genesim: Confugiamus
 (inquit) ad Sanctōrum preces, & oremus,
 vt pro nobis intercedant, sed non illorum
 precibus tantū confidamus. An nondum
 apertē vides Monhemi, vt à te ex D. Chry-
 sostomo sententia citata intelligenda sit
 Nempe, vt non ita sanctōrum suffragijs ni-
 tamur, vt otio vacemus, & ignauia marce-
 scamus, quasi sufficiat solū Sanctis cau-
 sam omnem cōmisisse. Ita se ipsum vir san-
 ctus interpretatur alijs in locis, quæ te ar-
 guūt, aut parum in D. Chrysostomo verū
 tū, aut intollerabili simulatione præditū,
 qui ita vnā sententiam prima statim fron-
 te tuo errori fauentem cum tanta contu-
 melia adducis. Hic mos est hæreticis omni-
 bus peculiaris, nec est quòd tu primū ab
 ijs degeneres Monhemi. Conferendæ es
 sent authorum inter se sententiæ, quas nū
 obscurius, nunc explicatiū alijs in locis
 proposuerunt. Nonnunquā etiam ea quæ
 præcedunt, & quæ sequūtur, in æquilibri-
 ponenda essent, vt sententię pondus ex-
 ctissimè cognosci posset, id quod tu quos
 in citata D. Ambrosij sentētia studiose
 gl. te videris. Nam si quis ea quæ præ-
 cedunt, & quæ sequuntur coniungat cum
 lata à te sententia, cōperiet apertē antithē-

hunc nihil aliud velle, quàm summam esse impietate, diuinos honores creaturis impendere: Isti enim, inquit, non se putant reos, qui honorem nominis Dei deferunt creaturis, & relicto Domino, seruos adorant, cum in sanctis suis potius sit laudandus Deus. Deinde, quòd nò est Deus instar hominum, qui aliorum ministerio indigeat, vt subditorum res sibi innotescant, cum eum nihil lateat, Hebr. 4. atque ideò suffragatore non est opus, vt affectus & conatus pateat illi. Quòd autem ita intelligi velit hanc sententiam, & non excludere, vt tu putas, sanctorum inuocationem, ex eodem constat, sermone 77. & 90. vbi Constantiā filiam Constantini fusis ad S. Agnetem precibus, sospitate promeruisse testatur: & vt superius ostendimus, non solum Sanctos inuocauit, sed & ab alijs inuocandos esse æditis sententijs, edocuit. Aduertat quisquis hæc leget, quàm perperā monhemius cum suis Doctorem sententijs conglomeret: idque non solum hic, sed & alijs multis in locis, quò suos trūcatis auctoritatibus confirmet errores. Ac proinde perpetuò suspectas habere oportet ex S. literis, aut Doctorem hæreticorum citationes. Nò enim veretur S. scripturā, nedum S. Ec-

cleſiæ Proceres peruertere, vt populum ſil-
 lant, atque ei ſe ſuſpiciendos, doctis vero
 planè ridèdos exhibeant. Non em̃ tam do-
 ctorum (quibus dare verba difficile eſt) ve-
 nantur fauorem, quàm iuuentutis incon-
 ſultæ, aut vulgi applauſum, quod & ad ce-
 leſtium contemplationem & deſiderium
 eſt magis rude, & ad momētaneas huius vi-
 tæ illecebras propèſius. In hoc ſtudio non
 videtur operam luſiſſe Monhemius, dum
 præter alia, quæ à iuuentute metū omnem
 auertunt, ſolum Deum inuocandum eſſe docet,
*illum ad miſerandum ac exaudiendum promp-
 tiſſimum. Non opus eſſe, ut Sanctos inuocādo nos mū-
 tis fatigemus precibus. Vnico Chriſto contentum
 eſſe cōuenit, qui toties ac tam benigne operā ſuam
 nobis deſert, &c.* Ceterum iam ſuperius à no-
 bis commonſtratum eſt, neminem de Dei
 clementia dubitare, quin ad miſerandum
 ſit propenſiſſimus, & ad præſtandum quic-
 quid vult validiſſimus: nonnunquàm ta-
 men per media dare conſtituit, quæ per ſe
 alioqui concedere poſſet. Exemplis ſic
 quod dicimus dilucidius: Legimus de ami-
 cis Iob 41. capite, quòd illos exaudire no-
 luerit Deus, niſi per ſancti viri interpella-
 tionem. Habemus & de Abimelech Genēſis
 ſcōs

scos 20. qui nō nisi Abraham intercedente à plagis cum familia sua liberatus est. Dicitur enim, propheta est, & orabit pro te, & viues. Deinde orāte Abraham, sanauit Deus Abimelech, &c. Cur autē Dominus noluit per se domum à plagis vindicari, non quia nō potuit, sed quia noluit, nisi interpellante Abraham. Sēpē enim intercessores quārit, per quos nobis misericordiā suam prāstare dignatur. Id quod per Prophetam testatur Ezechiel 22. Quāsiui de eis virum, qui interponeret sepem, & staret oppositus pro terra, ne dissiparem eam, & non inueni. Talem se Moyses testatur fuisse, Deuteronomij 5. Ego, ait, sequester & medius fui inter Dominum & vos in tempore illo. Hinc ipso intercedēte (vt est Exodi 32.) placatus est Dominus. Quod etiam regius Psaltes disertē comprobat in hęc verba: Et dixit, vt disperderet eos, si nō Moyses electus eius stetisset in cōfractiōe in conspectu eius, vt auerteret iram eius, &c. Sed ne fortē tergiuerferis de viuis hęc dicta esse, quorum preces confiteris alijs suffragari posse: audi quid de mortuis quoque scriptura testetur, Esaia 37. Protegam, inquit Dominus, ciuitatem istam, vt saluem eam propter me, & propter Dauid seruū meum.

Psal. 105.

Expende verba spiritus sancti, Non solum propter me, sed etiā propter Dauid seruum meum protegam ciuitatē istam. Dauid autem iam diu vitam cum morte commutauit: Non igitur solum nobis Deus perse, aut per viuorum, sed etiam per Sanctorum preces & merita constituit multa elargiri. Consule D. Chryf. hom. 42. in Genesim, qui sic habet: Sæpē quando nō est inuentus in præsenti iustus, propter defunctorū virtutem, viuētium miseretur & curam habet, &c. Sed tertium iam aggrediamur argumentum, folio 56. in quo tu asseris, inuocationem esse potissimam partē cultus Dei, qui soli Deo debetur. Si inuocationem accipis Monhemi, pro adoratione, quam Græci *λατρεία* vocant, sicut contextus tuus docet, & probatio, quam ex Deuteronomij 6. adfers, concedimus, eam soli Deo deberi: Si verò per inuocationē intelligis implorationem intercessionis (quemadmodum Catholici eam accipiunt, dum inuocationem sanctorū statuunt) à veritate alienum est, quod dicis: non enim talis inuocatio est potissima cultus Dei pars, sed cultus qui *δουλεία* appellatur, quam sanctis impendimus. Sicut autē S. scripturæ geminam adorationē insinuat, nempe eam quæ soli Deo impen-

impendenda est (de qua Deuter. 6. Psal. 96. Matth. 4. Ioan. 4.) & aliam quæ creaturis impartitur (sicut Iacob Esau adorasse dicitur, Genesios 31. & Abigail Dauidem primi Regum 26.) Ita & gemina est inuocatio: altera, quæ soli Deo impenditur, dum illum inuocamus (vt nostri misertus, gratiam & gloriâ largiatur) agnoscetes illum esse nostrum creatorem, redemptorem, & nostræ salutis proram ac puppim: Sanctos verò, nō vt Deum, neq; vt Deos quosdam Ethnicorum more, sed tanquàm singulares quosdam dei amicos ac patronos inuocamus, vt pro nobis apud Deum intercedant, eiusque gratiam ac fauorē nobis precibus ac meritis concilient. De quo quia abundè dictum est, non est hic necesse repetere. Hanc differentiam Mōhemius silentio prætereundā putauit, vt Catholicis calūniam struat, quasi cultum soli Deo debitum, sanctis impendant, cū tamē & ex veterum, & recentiorum Doctorū scriptis perspicuē intelligat, nos nullū sanctis diuinum honore decernere, nō magis quàm D. Paulum illis detulisse constat, quorum ipse viuis adhuc preces ambiebat: Nam honorem, quem ille viuis impertiebatur, ab eis orationes efflagitando, nos iam Sanctis

vita defunctis deferimus, inuocando eos. Quid em̄ aliud est inuocare Sanctos, quam eorum intercessionem apud Deum expectere? Si autem hoc modo viuos inuocare licet, cur non etiam Sanctos, qui iam conspectu diuinæ maiestatis fruuntur, inuocare licebit? Quorum & securior est felicitas, & charitas flagrantior, & ad impetrandum maior facultas. Sed iam quantum aggrediamur argumentum, quod est folio 58. *Sancti non sunt inuocandi, cum scriptura nusquam doceat sanctorum inuocationem, seu implorare ab ipsis auxiliū.* Quorsum hoc, ingenue lector, tēdit argumentū? nisi vt nihil planè sit recipiendum aut credendū, nisi quod S. scriptura aperte docet. Non igitur celebranda erit dies Dominica, quam scriptura non docet: Non credendum erit, symbolum esse Apostolorum, quia scriptura nusquam hoc docet ab Apostolis compositum esse. Dubium erit, num hoc sit Euangelium D. Matthæi, aut hæc sint Diui Pauli, aut Diui Petri epistolę, quia hoc scriptura nusquam docet. Cum igitur hæc hæresis inter alias pestilentissima sit, operepretium, imò necessarium fore putamus, eam solidissimis S. scripturæ, atq; S. Ecclesię Procerum conuellere testimonijs, ac Apostolicas, maiorūque

rumque nostrorum traditiones diligenter conferre, quas tanti Diuus Paulus fieri voluisse cōprobatur, vt non minùs eas, quàm Epistolas suas faciedas esse censuerit. Hinc acris illa 2. ad Thessal. 2. capite admonitio: State, inquit, & tenete traditiones, quas didicistis, siue per sermonem, siue per Epistolam. Monhemius diceret, State & tenete solum, quæ per Epistolam didicistis. Diuus Paulus etiam traditiones seruandas vult. Cuiam maior adhibenda erit fides, Paulone doctore Gentium, an Monhemio *πυδότης* β. Audiamus verba Diui Chrysostomi in hunc locum: Constat, inquit, quòd non omnia literis tradiderunt Apostoli, quæ tamen eadem fide sunt digna, vt etiam Theoph. in 1. ad Corinthios primo contestatur. Pluribus hanc rem illustrabimus ex eodem Apostolo 2. Thessalon. tertio: Subducatis, inquit, vos ab omni fratre ambulante inordinatè, & non secundum traditionem quam acceperunt à nobis. Idem ad Philip. 4. Hæc (inquit) cogitate, quæ & didicistis, & audistis & vidistis in me. Plurima etiã tradidisse Apostolū vocis ministerio, quæ nō sunt scriptis commissa, patet ex primo Cor. 11. Cætera, inquit, cum venero disponam.

Loquitur autem de Venerabili Sacramen-
to. An falso hæc promisit Apostolus? Que-
nam igitur sunt, quæ se spondit disposi-
turum, si non illa, quæ adhuc circa venera-
bilis Sacramenti administrationem iã pri-
dem seruat S. Ecclesia? Aut ergo alia quedã
docuit, quæ non scripsit, aut nobis palpum
obtrudit, aut quod verius est, Monhemij
manca est, & collabascit assertio. Eodem ca-
pite de velatione mulierum, non scriptu-
ras, sed consuetudinis supercilium addu-
cit. Similiter 1. Corinth. 14. & 2. Thessal.
2 docet eorum quæ audierunt, rationem
habendam. Item Act. 15. & 16. Præcipit cu-
stodire præcepta Apostolorum & seniorũ.
An non tibi videtur Monhemi, si consci-
entiam tuam, & S. scripturam consulas, plu-
ra docuisse & fecisse Christum, & Aposto-
los similiter, quàm chartis commẽdata ha-
bemus? Vt nobis tacentibus tonat filius to-
nitruï Ioannes Euangelista 20. cap. Multa
quidem & alia signa fecit Iesus in conspe-
ctu discipulorum, quæ non sunt scripta in
hoc libro. Et cap. 21. Sunt & alia, quæ fecit
Iesus &c. Quoties verò apud eundem Chri-
stus pollicetur Apostolis Spiritum sanctũ,
qui docturus sit eos omnia, quæ Christo
adhuc superstitite, aut capere non poterant,

aut

sunt scire non expediebat? Multa igitur fecit Iesus, quæ non sunt scripta: multa etiam procul dubio docuit, quæ Euāgelistæ scripto cōplexi nō sunt. Quale est & illud Act. 20. Beatius est magis dare quàm accipere. Sed hæctenus ex literis sacris Monhemij paradoxum confutauimus. Nunc idem vetustissimorum Patrum autoritate præstare conabimur: inter quos primus occurrit Dionysius Areopagita, D. Pauli discipulus, is libro primo Ecclesiasticæ hierarchiæ ait, Apostolos partim scriptis, partim institutionibus tradidisse leges. Origines verò in principio $\omega\delta\iota\ \alpha\pi'\ \chi\epsilon\upsilon$: Sola (inquit) veritas illa credenda est, quæ in nullo ab Ecclesiastica traditione dissentit. Idem tractatu 29. in Matt. docet non esse à Patrum traditione discedendum. Rursum homil. 5. in librū Numerorum: In Ecclesiasticis, inquit, observationibus sunt nonnulla, quæ omnibus quidem facere necesse est, nec tamē ratio eorum omnibus patet. Vetustiores adhuc audiamus, inter quos est Irenæus D. Polycarpi discipulus. Hic (vt testis est Eusebius Ecclesiasticæ historiæ lib. 5. cap. 20.) ad Florinum scribens, de seipso testatur, quòd D. Polycarpum S. Ioannis discipulū audiuerit differentem, quemadmodum cū

D. Ioanne disceptarit, à quo multa audierat de Christo, quæ nō in chartis, sed in corde scripserat. Idē li. 3. cap. 3. & 4. cōtra hereses. Quid si (ingit) Apostoli nobis non reliquissent scripturas, nōne sequi oportebat ordinē traditionis? Audi adhuc antiquiorem D. Ignatium, qui (teste Eusebio Ecclesiasticæ historiæ libr. 3. cap. 36. & cap. ultimo) monebat populum, vt diligentius & tenacius Apostolorum traditionibus inhererent. Nec mirum: Nam etsi D. Paulus, quæ sollicitudo omnium Ecclesiarum premebat, tam multa ac præclara scripserit: quis tamen dubitet, ex suprā citatis locis quin plura adhuc docuerit ac disposuerit. De D. Petro Apostolorum vertice quid dicendū putabimus? qui longè pauciora scripta posteritati reliquit. Nihilne præter illa intra tantum temporis interuallum populum edocuit? Quam pauca reliquerunt S. Apostoli, Iacobus & Iudas. Nihil etiam, quod agnoscimus scripserunt reliqui septem Apostoli. An dormitasse videbuntur, & nō potius viua voce continenter Christianismum docuisse, & ritus, ac cæremonias, cæteraq; quibus ille conseruari & augeri posset, tradidisse? Quis ambigere vlla ratione potest, nisi qui malit pertinaciter suo cerebro

bro, q̄ vetustissimis ac nobilissimis scriptoribus fidem adhibere? quos iam partim audisti, partim adducturi sumus, ne vllus relinquatur tergiuersandi loc⁹. Adstipulatur imprimis iam dictis Tertullianus, qui vixit anno 160. Is libro de corona militis statim in initio pulcherrima habet huc referenda: Et libro de velandis virginibus, itē libro primo aduersus Marcionem: deniq; libro de præscriptionibus hæreticorum, ait Apostolos non solum per epistolas, sed etiam viua voce plurima docuisse, multos ritus in hæc vsq; tēpora vsurpatos recensens, quos breuitatis amor recensere nō patitur. nec hi soli viri alioquin grauissimi, hoc docuerunt, sed & D. ille Basilius li. de Spiritu sancto, ca. septimo, nono, decimo, & præsertim 27. Dogmata, inquit, quæ in Ecclesia seruantur ac prædicantur, partim ex scripta doctrina habemus, partim ex Apostolorū traditione ad nos delata in mysterio recipimus, quæ vtraque eandem ad pietatem vim habent, & nemo hijs contradicet, qui vobis modicam tantum Ecclesiasticorum iurium experientiam habet. Addit, Si instituta consuetudinesque non scriptas tanq̄ in eis vis magna non insit, semel repudiare aggrediemur, clam ac pedetentim ratas ipsas Euan-

Euangelij sententias improbabimus, aut potius ad inane nomen prædicationem eius cōtrahemus. Et cap. vicesimonono: Apostolicum existimo, ait, in ijs etiam traditionibus, quæ scriptæ non sunt, permanere. Quid his præclarius ac solidius? quibus pari iure censer Apostolicas traditiones cum ipsorum scriptis in pretio habendas esse. Nec immeritò, cum æquè illæ atq; hæc à spiritu sancto profecta sint? nec minùs quàm si à Christo tradita essent obseruanda? Hinc gloriosus ille martyr D. Cyprianus, sermoe de ablutione pedum: Neq; minùs ratum est, inquit, quod apostoli spiritu sancto dictate tradiderunt, quàm quæ ipse tradidit Christus. Hæc ne igitur repudianda putabis, quæ nobis suggestore spiritu sancto communicata sunt, nō solum scripto, sed & viua voce? quæ fidem nostram vsque adeò commendant, vt D. Athanasius in oratione ad Adelphum dicat, Nostra fides recta est & doctrina Apostolica, & ex traditione Apostolica, & patrū traditione. Iterum in epistola de Synodis Arimini & Seleuciæ cōgregatis: Certè (inquit) Apostolus laudat Corinthios, quod traditiones, quas tradidit illis, tenuerint. Non metuunt illud quod in Proverbijs scriptum est, Mala soboles patrē execratur.

2. Thef. 2.

cratur. Qualis videbitur sobolis esse Mōhe-
mius, qui matrem suam S. Ecclesiam (cuius
ope præter alia multa Christianismum cō-
secutus est) viperarum more proscindit, la-
cerat, ac pessundare satagit, quam oēs verē
Christiani veluti sapientiæ doctricem, atq;
ab omni superstitione alienā, semper (vt æ-
quum est) suspexerūt, venerati sunt, ac vni-
cē coluerūt, nec ab institutione eius vel ad
latū vnguē digressi sunt, tantū abest, vt eā
cum Aristarchis tam ignominiose violare
contendant. Quos grauissimus ille antistes
D. Ambros. lib. 3. de fide, cap. 7. grauiter ad-
monet ac perstringit: Seruemus, ait, præce-
pta maioriū, nec hæreditaria signacula ausi
rudi temeritate violemus. Omittimus Epi-
phanium libro 2. tomo 1. & iterū cōtra Apo-
stolicos hæreticos, & libro 3. tom. 1. contra
Aerium hæreticum. Præteritus Clementē
Alexandrinum libro 5. & 6. Stromatum.
Nihil dicimus de Damasceno libro 4. de
fide orthodoxa, cap. 13. Sed ad D. Augusti-
num properamus, qui in aurea illa 118. ad
Ianuariū epistola inter reliqua docet, tra-
ditiones Patrū pro lege seruandas esse. De-
inde ad Casulanum: Disputare de traditi-
onibus Apostolicis cur ita sit, ait insolentis-
simæ esse insanix. His cōsonant quæ habet
epistola

epistola 164. Item lib. primo contra Nestorium cap. 31. 32. ac 33. Imò adhuc apertius libro 4. contra Donatistas, cap. 24. sub his verbis, Quod vniuersa tenet Ecclesia, nec cōcilijs institutū, sed semper retentū est, nō nisi Apostolica auctoritate traditū creditur. Ab hac sententia adeò non abhorret Monhemius, vt non dubitauerit eam folio 94. in confirmationem baptismi paruulorum contra Anabaptistas citare: sicut & Melanchthonem in suis locis communibus fecisse cōstat. Si vos tanti facitis totius Ecclesiæ consuetudinem cū D. Augustino in paruulorum baptismo confirmādo, cur non parem habeat in alijs rebus auctoritatem, præsertim in ijs, quæ tot Doctorum sententijs & Concilijs confirmata sunt, inter quas & ipsa sanctorum est inuocatio, quam sexta Synodus Constantinopolitana his verbis docuit, ac cōprobauit: Quisq; fidelis solo Deo creatore suo adorato inuocet sanctos, vt pro se intercedere apud Maiestatem diuinam dignētur: Vt interim taceamus de alijs Concilijs, quæ latanias, in quibus sancti inuocantur, salūbriter instituerunt. Quanta est lector illorum cæcitas, ne dicā peruicacia, vt dum Anabaptistarū insaniā, diuturna in Ecclesia contundat consue-

Cap. 7.

consuetudine, non aduertant se suo telo confodere. Nos non solum consuetudinem, & tot procerum Ecclesie sententias pro Sanctorum inuocatione, sed etiam Conciliorum authoritatem attulimus: quæ quanti fecerit diuus ille Augustinus, liquet ex libr. 1. cap. 1. ad inquisitiones Ianuarij: Illa (inquit) quæ non scripta, sed tradita custodimus, quæ quidem toto orbe terrarum obseruantur, datur intelligi, vel ab ipsis Apostolis, vel plenarijs Concilijs (quorum in Ecclesia saluberrima est authoritas) commendata atq; statuta retineri. Hac sententia adeo oblectatus est B. August. vt eam repetere epistola 86. & 108. non erubuerit. Quid superest igit, nisi vt quilibet cognoscat, q. ridiculum sit, ac scholis etiam triualibus explodendum Monhemij argumentum: Scriptura nusquam inuocandos sanctos esse docet, ergo non sunt inuocandi. Huius argumenti vim tam ex Concilijs q. ex tot vetustissimis clarissimisq; Ecclesie doctorib⁹, enervauimus, & sine faciemus, si primum D. Hieron. calculum his addiderim⁹. Is ad Luciniū inq. Præcepta maiorū leges arbitret. Et ad Martellā ait, plura apostolos docuisse q. scripsisse. Rursum contra Luciferanos ita detonat: Multa quæ per traditionem obseruantur

in Ecclesijs, auctoritatem sibi scripta legis vsurparunt. Quid igitur Monhemi, D. Hieronymus cum alijs doctoribus docet aliud, quàm ea quæ longa cōsuetudine per traditionem (quale est sanctorū inuocatio) in Ecclesijs obseruata sunt, similiter cū ijs quæ scripta sunt sine tergiuersatiōe amplectēda esse? Sed iā modus esto, ne metas breuitatis trāsileamus. Fatemur quidē ingenuē lector, nos hāc materiam copiosius profecutos esse, quàm fortasse velis: nō quod p̄lixitate oblectemur, sed vt planē ostendere mus, quàm inualidum sit hæreticorū argumentū (quo tam miserè vulgo imponunt) hoc nō reperitur in S. literis expressum, ergo non est credendū. Infelices certē sunt, quicunq; tandē sint, qui se huiusmodi nānijs sinūt abduci à fide Ecclesię, quæ nec er rare nec expugnari potest. Nā & Christus regit eā vsq; ad seculi consumationē: Nec portæ inferi aduersus eā preualere poterūt. Penes quam est quedā etiam in S. literis expressa (vt de precepto Apostolorū circa suffocatū & sanguinē constat Act. 15. & de seruādo Sabbato Sacris literis mādato) cōmutandi auctoritas nōnulla etiā pro ratiōe tēporis, loci & p̄sonæ instituēdi par facultas, Penes quā solā est S. scripturas interpretandi

Matth. 28.

Matth. 16.

di & docendi inuiolabilis potestas, vt sine ambiguitate doceat, quid in ijs aptè, quid in mysterio cõtineatur, vel quid ex ijs elicium (qualis est inter cætera sanctorũ inuocatio) omninò credi debeat. Ac p̄inde nec minor illi quàm expresso Dei verbo vindicanda est auctoritas. Sed ad septimũ progrediamur dialogum.

IN DIALOGVM SEPTIMVM

DE SACRAMENTIS IN GENERE.

IN hac de Sacramētis tractatiōe, hocq; se-
ptimo dialogo, prima statim frōte depre-
hendi nō potest, quē secutus sit mōhemius,
magistrũ Philippũ ne, an Caluinũ: Hic non
existimat signo exteriori promissionē esse
coniunctā, quasi vel tũc gratia conferatur,
vel remittatur peccatũ, dũ Sacramentũ ad-
hibetur, sed quòd sit mera significatio diui-
næ voluntatis atq; charitatis eius quæ p̄ces-
sit. Ille verò cōtrā arbitratus est remitti pec-
catum, quādo signũ istud suscipit: ita tamē,
vt nō per ipsum signũ seu sacramētum, sed
per solam fidem, quæ tali signo excitatur ac
fouetur. Siquidem nihil arbitratur b̄pti-
smum operari in animum hoīs, nihilq; effi-
cere externam hanc corporis ablutionem
aliud, quàm vt in homine fidē, quæ imbe-
cillis erat excitet, quæ credat atq; firmissimē

Q sibi

sibi persuadeat, Christū sibi peccata remittere. Fidei itaq; soli peccatorū remissionē, ac quicquid tādē in aīo efficitur, vult acceptum ferendū esse. mō hemius interdū Caluini verbis vtī, sensū tamē Philippi, quātum colligere licet, procliuus amplectitur. Quare vt hoc atq; nōnulla alia paradoxa, q̄ hinc consequūtur, magis fiant perspicua, q̄ sint aliena à veritate, dicere aliqua operepretiū facturi videmur: profitentur em̄ noui isti variarū heresum inuectores Sacramēta vel duo vel tria (nō em̄ de numero inter illos cū alijs cōuenit) promissionē habere remissionis peccatorū, aut operis alicuius supernaturalis, cuius vt recordamur, fideq; eā apprehendimus, eandē cōsequimur. Signū aut̄ externum nos tātū in illius memoriā inducere, fidemq; excitare. Itaque Baptismus, vt ille vult per seipsum, seu non (vt Theologi loquūtur) ex opere operato gratiam infundit, sed per solam fidem, quam ablutio illa excitat. Ex eo sequitur, tantundē valere absolutionē, quam insignis aliquis idiota, aut dilira anus impēdit, quantū ea, quā Christi Sacerdos cōfert: quandoquidē eadem sunt verba, quæ eodē modo fidē excitant, à quocunq; tandē homine proferantur. Secundò hinc cōsequitur,

infan-

Infantibus nihil prodesse Baptismum, nisi
 verba Sacramenti Latinè vel Græcè prolata
 intelligere cognoscantur. Tertiò omnia ve-
 teris legis Sacramenta, quia hanc fidẽ excita-
 bant: Item Ioanis Baptismum, nihil minùs
 quàm nostra Sacramenta in nobis efficere.
 Quartò, nò minùs Sacerdotem conferre, si
 iocetur aut ludat, quàm si agat seriò. Quint-
 tò, eundẽ prorsus esse euangelicę doctrinę
 atq; Sacramentorũ vsum, imò & picturarũ:
 illę em̃ etiam nos in memoriã rerum gesta-
 rũ inducunt. Hęc tam absurda & ridicula (a
 quorũ cõmemoratione piorũ aures abhor-
 rent) manifestè oĩa cõsequuntur, quemad-
 modũ à multis eruditis est annotatũ. Ac p-
 inde licet aptissimę veritati repugnẽt, vt fa-
 cilè doctioribus cõstat, vt tamẽ rudioribus
 innotescat veritas, non abs re fuerit, latiùs
 de hac re differere. Baptismũ igit cũ Ecclesia
 Catholica dicim⁹, nò ob solã fidẽ gratiã im-
 partiri, sed ex aquę virtute & verbo dei ab-
 lutioni adiũcto: hoc em̃ est, quod satis dici
 cõmodè solet, ex opere operato. Pueris em̃
 citra omnẽ dubitationis aleã sacramenta
 prodesse, nemo sanę mētis dubitare potest.
 In quibus tamẽ nulla est fides, nulla cordis
 motio, nullus peccatorũ dolor aut gemi-
 tus, nulla etiã passionis Dñicę recordatio,

(nisi cū Luthero & Caluino nugeris & ineptias, paruulos, qui necdum fari norūt, intelligere baptismi mysteria) neq; aliquid huiusmodi ipsi p se faciunt, q̄ vt corpus cū ploratu ac fletu patiantur abluī. Non dubium igitur, quin in ijs baptismus vt sacramētum ratione operis iltius plurimum valeat. Et sanè, si in pueris ea sit sacramentorū natura, cur nō erit similis omninō in alijs, maximè cū neq; Christus, nec Ecclesia vnq̄ vel vllā diuersitatis hui⁹ fecerit mentionē. Sed agè, experiamur, nū D. August. eadē doceat in celebratissima illa, & ab oībus vsurpata sentētia: Quæ est, inquit, tāta virtus aque, vt corpus tangat, & cor abluat? Audisne Mōhem, vt aqua cor ipsum abluat? Cōsule eundē li. 4. cōtra Donatist. ca. 24. vbi asseuerat, sacramentū per se plurimū valere. Itē lib. 1. de peccatorū meritis & remissione, ca. 19. & 33. D. Ambro. li. 2. de pœnitentia, cap. 2. apertè fatetur, aquam peccata abolere diuina virtute, cui id alioquin in se erat impossibile. Lege etiam D. chrys. hom. 24. in Euangelii Ioannis, & hom. 35. docet ita aquā baptismi fordes animi abluere, quando spiritus gratiam suscipit, quēadmodū olim aqua prophetice piscinæ, quando ab angelo cōcitabatur. Antiquior B. Syluester (vt refert Nipho-

Ioan. 5.

Lib. 7. cap.

35.

cephorus) Imperatori ita locutus est: Hæc, imperator, aqua diuina virtute per inuocationē viuificæ Trinitatis cōcepta, sicuti extra corpus hoīs abluit, ita etiam animam à sorde & iniquatione omni mundificans, splendidiorē radijs solaribus efficit: Ita ille. nusq̃ hīc inuenias, fidem excitatam peccata diluere, sed aquam virtute Spiritus sancti aliquid, imò oīa prorsus operari. Cæterum ne hīc nobis Mōhemius scrupulū obijciat, ex Catholicorū doctrina illud tandē effici, hoīes impios si baptizētur, fructū atq; vtilitatē pcepturos, si sola sit aqua, quæ animū purget: nō em̃. est quispiā fidelīū tam ignarus, cui nō sit persuasissimū, quod D. Augustinus aliquando dicebat, nepe omnē, qui suæ voluntatis arbiter constitutus est, cū accedit ad sacramēta fidelium, nisi eum veteris vitæ pœniteat, nouam inchoare non posse: debet quippe eò præparat⁹ accedere, vnde aliquod cupit reportare emolumentū. Si enim quispiam deploratæ vitæ, si hæretic⁹, si quantūvis simulatē emendationē ac sanctitatē mentiens, q̃s accedat, modò si hī baptismū administrari velit, sacramentū quidē suscipiet, gratiam verò non nisi post profligatam ac depositā animi impietatē. Vide D. August. li. 2. cōtra epistolam Parme-

niani, ca. 16. Itē li. 3. de Baptismo cōtra Do-
 narist. ca. 14. Itē li. 4. ca. 15. Et cōplurib' alijs
 in locis aptissimē testat, errorē aliquē in fi-
 de vtilitatē quidem baptismi excludere, aut
 remorari potius, Sacramentū tamen nō de-
 esse, nec illud repeti oportere: Sed si ad chri-
 stum reiecta simulatione sese ex toto corde
 cōuertat, Sacramentū primū receptum tum
 demū vires suas exere. Hęc si se ita habeāt
 Mōhemi, si signa ipsa exterius adhibita q̄p-
 piam operent, cur nō vulgari explicatione
 Sacramenti cōtēntus nouas quasdā voces,
 nouasq; sentētias ex hereticorū scriptis de-
 promere maluisti? Fideles hactenus ita lo-
 quuti sunt, vt D. August. definitionē hisce
 verbis interpretarētur: Sacramentū propriē
 dicit, quod ita signū est gratiæ Dei, & inuisi-
 bilis gratiæ forma, vt ipsius imaginē gerat,
 & causa existat. Vel si Hugonē malis, quē su-
 perius aliquādo p̄duxisti, de D. August. defi-
 nitione loquēs, eā sic intelligendā esse ait,
 Sacramētū est visibilis forma inuisibilis gra-
 tiæ in eo collatæ, quā scilicet cōfert ipsum
 Sacramentū: nō em̄ est solū modō sacre rei
 signū, sed efficaciat, atq; hoc ip̄um est, quod
 distat inter signū & Sacramentū. Nā ad hoc,
 vt sit signū, nō aliud exigit, q̄ vt illud signi-
 ficet, cuius perhibetur signū esse, nō aut vt
 quip̄

quippiā conferat. Sacramentum verò non solum significat, sed etiā cōfert illud, cuius est signū vel significatio. Hactenus Hugo tractatu 4. eruditionis Theologicæ cap. 1. Tu verò ita dicere maluisti: *Sacramentū est extrinsecū signū quod sub aspectū nostrū uenit. quo uelut dato chirographo Deus suā promissionē factā obstringit & à nobis fidei & obedientiæ consensum stipulatur.* Hæc declaratio etiam alia explicatione egeret, nisi eam Melanthon adhibuisset: uis enim, si rectè mentē tuam atq; hæc uerba intelligimus, Sacramenta meras esse notas & indicia bonitatis Christi, eiusque p̄missionis, qua oib; in se credētibus gratia atq; peccatorū remissionē pollicitus est: hocq; tantūmodo nobis p̄stare, ut dū hæc cernimus adhiberi, in tāti beneficii recordationē (qua sola peccata cōdonant) facili⁹ deueniamus, & hoibus testemur, nos è fidelīū & piorū esse numero. Imprimis in hac explicatione illud verū esse nō diffitemur, sacramēta externa esse signa, quæ sub aspectū nostrū cadunt: sed illud nō facilè admitterimus, chirographa esse, cū hic nihil planè efficiat aliud, q̄ ut alterius testemē uolūtate: sacramēta aut̄ reuerà in animū operent̄, quæ admodum satis superq; dictū est. Lōgè igit̄ recti⁹ dixeris, esse uascula diuinæ gratiæ
quæ

quibus Christus passionis suæ merita clemēter inclusit. Nā etsi Seruator noster passionē suā, quam in ara crucis ignominiose pertulit, locupletissimè deo patri exolverit preciū, quod omnium peccatis delēdis sufficeret, pharmacū reliquerit Ecclesiæ omnibus animi morbis curandis accommodatissimum: noluit tamē id promiscuē quibusuis adhiberi, sed certā quādam mediā cōstituit, per quā tanta bona, nempe peccatorum remissionē, & gratiarū dona consequi liceret. Hęc Sacramēta dicuntur, quę p signi exterioris diuersitate, diuersos quoq; sortiuntur effectus: Baptismus animū ab omnibus sordibus abluit: Cōfirmatio (vt cum Clemēte epist. 4. ad Iuliū & Iulianū loqui liceat) perfectos facit Christianos, & ad virilē statum eos, qui recēs Baptismo initiati fuerāt, deducit: Eucharistia spiritali cibo animum pascit, egritudines arceat, in robore spiritū conseruat, & longē plura in animo, quā cibis externis in corpore, pclariora facit: Pœnitētia (quæ d. Hiero. teste secūda est post naufragium tabula) reos iudiciali modo absoluit: Vnctio extrema, iuxta ea quæ d. Iacobus ecclesię tradidit, à demonū insultibus (qui sub finem vitæ acriores esse solēt) agrotos subleuat, atq; leuia peccata, si quæ-

si quæ adhuc purganda supersint, delet. Duo reliquæ ad totius Ecclesiæ regimē multiplicationemq; cōstituta sunt. Ordo em̄ sacer potestātē cōfert, Christi corpus & sanguinē consecrādi, de peccatis fidelium decernendi, eosq; si cōfîtētium ita fert conditio, absoluedi, & omninò principes & gubernatores spirituales cōstituit. Matrimoniu indissolubile vinculū nectit, & ita coniungit diuersi sexus homines, vt quod prius verbis, & animorum consensione firmarunt, Deus ipsemēt fecisse dicatur: vnde Christus inquit: Quod Deus cōiunxit, ho- Matth. 19.
mo nō separet. Gratiā etiam peculiarē confert in eo vitæ genere (quod plurima alioq; secū infert incommoda) vt rectē, sanctē, ac piē Deo inserviāt. De his qui plura desiderat, consulat ea, quæ à celeberrimo totius orbis Concilio Florentino, in epistola Eugenij 4. decreta sunt. Hæc dona, tanquā vnguenta, acerbissima Christi passione ac merito comparata, his Sacramentorū vasculis includuntur, quò fit, vt nō nuda sint symbola, nō mera signa rerum effectarum, non chirographa, sed veræ efficiētes causæ, quib⁹ vt instrumētis Deus ad nos iustificādos vtitur. Sed hæc de virtute Sacramentorū sufficiāt. Sequuntur porrò duo sacra-

mentorū effectus sol. 70. Alter est, vt fidem adiuuent, pmoucant, atq; cōfirmēt. Posterior, vt confessionē nostrā apud hoīes testetur, & nostri nos admoneāt officij. Nō satis liquet Mōhemi, vnde tandē hos effectus eliceris, nec alios lōgē grauiores pter hos repereris. Effectus, quē tu silētio inuoluis, p̄cipuus est, meriti passionis Dñicæ nos participes reddere, quemadmodū in singulis deinceps manifestius euadet: Cū neq; sine baptisinate in ecclesiā q̄s vnq̄ adsumit, aut ab originali noxa purgeēt, nec sine pœnitētia aut exomologesi sacerdoti facta à deo absoluitur: neq; aliqua alia sibi parare potest, quæ Sacramenta largiunt, nisi peculiaris dei beneuolētia (cuius maiestas Sacramētis alligata nō est) ei quod deest dispensatione quadā opituletur. Verū enim uero quæ tu attulisti effecta Mōhemi, si sanē verba intelligātur, nō prorsus rejicimus, sed nimie imp̄fectionis arguimus. Augēt fidē Sacramenta, imò oīa alia Spiritus sancti dona auctiora reddūt, atq; gratiā etiā semper dignē suscipiētibus cōferent: testantur quoq; nos in cēlo fidelium numero ascribendos esse, nisi simulato aīo ea suscipiamus & gratia suscepta abutamur. Nostri quoq; officij nos admonent, vt discant q̄ renati sunt, animū nec veteribus,

nec

nec nouis vitijs rursus cōspurare. Verūm
 agē, nōne hęc etiā oratiōes efficiūt? nō-
 ne alia etiā opera, quæ in sacramētorū albū
 nemo retulerit? Accedūt oratiōibus vberio-
 res gratiæ, q̄ simul orāt, nō simulati tamē e-
 iusdē esse religiōis cognoscunt (quis id fiat
 p̄ sacramēta cōmodius) admonēt nos deni-
 que oratiōes, vt offendi nō debeat summus
 ille princeps, à quo nostris precib⁹ quippiā
 efflagitamus. Quocirca si aliud nihil Sacra-
 mētis cōparatur, grauiter hacten⁹ lapsa est
 Ecclesia, prauis dogmatib⁹ imbuti sunt Pa-
 tres oēs, & alios pariter nō satis prudēter im-
 buerūt. Malè docuit Chrys. li. 3. de sacerdo-
 tio, dū ita loquitur, nostris sacerdotib⁹ nō cor-
 poris leprā, verū aīæ sordes nō dico purga-
 tas, p̄bare, sed purgare prorsus cōcessum est.
 Cōlule D. Cypria. li. 4. epist. 7. Et D. Ambro.
 li. 1. ca. 2. de pœnitentia. Vide etiā (si placet)
 nū plura Sacramētis cōcedant Patres isti, q̄
 tuus hic Catechis. Monhemi. De Florētino
 illo & Tridentino celeberrimis Cōcilijs nō
 est quod multis agamus, quandoquidē di-
 fertissimis verbis hęc neochristianorū hæ-
 resim aptè cōdēnant. Ac p̄inde ad alia p-
 peramus. 10. 71. distinctiōes has ponit: *Sacra-*
mentorū nouæ & veteris legis quarū est prima, ve-
teres ceremonias Christiū promissum adumbrasse,
nouī

Chrys. de
sacerdoti

noui instrumenti Sacramenta eundē iā exhibitū
 veluti præsenti offerunt. Secunda, illæ nō solū in
 seruiebant usui spiritali, sed etiam necessitatibus
 huius uitæ subueniebant: hæc uerō spiritali tantū
 usui inserviunt. Tertia, illic multa cū sanguinis ef-
 fusione perficiebantur, hæc autē incruēta oīa sunt.
 Extrema duo discrimina quāuis exigua, tol-
 lerari poterāt, nisi mediū manifestā cū vete-
 rib' oībus, tū Christo ipsi iniuriā erogaret:
 ex eo em̄ liquidissimē cōsequitur, quemad-
 modū superius annotauim⁹, & veteres illos
 ritus gratiā attulisse nō secūs, q̄ Sacramenta
 fidelū & moyse legē hac nostra fuisse p̄stan-
 tiorē: q̄a plura tūc illis Sacramētis efficiebā-
 tur: nō em̄ solū spiritali v sui, sed corpora-
 libus quoq; necessitatib' inserviēbāt. Quid
 igitur p̄clari nobis Christus morte sua reli-
 q̄t? Quānā est eius habēda aduentui gratia?
 Profectō si nos veteribus potiores sumus, si
 ecclesia nostra sinagoge Iudeorū p̄stat, aliq̄
 dandæ erunt Sacramentorū distinctiones.
 Audiat igitur quisq; suū iudiciū toti eccle-
 siæ postponendū esse censet, qd patres Lati-
 ni, & Græci in Florētino illo Cōcilio sēn-
 tē ac prudēter decreuerint, sicut à maiori-
 bus suis fuerāt prius edocti: Septē (inquiūt)
 sunt sacramēta, videlicet Baptismus, Cōfir-
 matio, Eucharistia, Pœnitētia, extrema vn-
 ctio,

atio, Ordo & Matrimoniu, quæ multū à Sacramento differūt antiquæ legis: illa em̄ nō causabant gratiā, sed eam solum p passionē Christi dandā esse figurabāt: Hæc verò nostra & gratiā cōtinent, & ipsam dignè suscipiētibus cōferunt. Hactenus illi. Consimilē omninō sentētiā in D. August. videre licet, qui circa initiū cōmentariorū in Psal. 73. de noui & veteris testamēti discrimine in hūc modū loquitur: Præcepta eadē, Sacramēta nō eadē, promissa non eadē. Videamus quare præcepta eadem, quia secundum hæc Deo seruire debemus: Sacramenta non eadem, quia alia sunt sacramenta salutē dantia, alia saluatorē promittentia. Sacramēta noui testamenti dant salutem: Sacramenta veteris testamenti promiserūt Saluatorē. Hæc ille. Quid his verbis apertius, quidve pstantius adferri posset? Quid verò cōmemoremus Apostolū cap. 19. epist. ad Hebr. in quo disertè admodū explicuit, sanguinē hircorū & taurorū, & cinerem vitulæ aspersum sanctificare qdem coinquinatos ad carnis sanctificationē: Christi verò sanguinem cuius virtus nobis p sacramenta Ecclesiæ, vt antè ostēdimus, applicatur, animū à peccati sordibus expurgare. Demiramur hic impudentissimā hēreticorū nostrorū stupiditatem, qui

Tit. 3.

qui cū aliud nihil q̄ dei verbū inflatis buccis crepēt ac iactitēt, nō aduertāt tamē se cū Apostoli verbis ex diametro pugnare. Hic em̄ docet, nihil in antiq̄s ritibus, q̄ significationē futurorū bonorū cōtineri, quē in nouo testamēto nobis Christo largiēte, exhibita sūnt: q̄ per lauacrū regeneratiōis & renouatiōis Spiritus sancti saluos nos fecit. Illi contrā non aliter illic signa hęc iustificare atq; in noua lege, procaciter auerūt. Sed breuitatis studiū plura dicere vetat.

Fol. eodē fac. 2. de numero Sacramentorum, censet Monhemius tria tantummodō esse propriē, reliqua aut̄ 4. à posterioribus patrib⁹ adiecta esse, illa q̄; initio dialogi 11. ritus potiūs esse dicēda putauit, nisi illud authoritate D. August. cōfirmare li. 3. de doctrina christiana, ca. 9. cui si addidisset enarrationem eiusdem in Psal. 73. cōperisset, qd̄ celeberrim⁹ ille Doctor indicatū esse velit, quoties alibi de paucitate Sacramentorum loquitur, Voluit em̄ nō obscurē significare Sacramēta nouæ legis paucissima esse, si cū veteribus Mosaicæ legis cæremonijs cōferantur, quarū vix vllus erat exitus: & vt fidē verbis nostris faciamus, audias D. August. in enarratione Psalmi paulō antē citati: Mutata (inqt) sunt sacramēta, facta sunt faciliora,
pau-

pauciora, salubriora, feliciora, &c. An non videantur tibi pauca esse septē, si cum 100. aut plurib⁹ ceremonijs cōferas? Quapropter si septē nostra Sacramēta ad immensum veterū rituum cōponas numerū, nō solū pauciora, sed etiā paucissima meritō dixeris. Id D. August. significatū voluit: nā q̄ duo enumerat, Baptismū & Dominici corporis sanguinisq; celebrationē, vel ipso Mōhemio iudice, nō oīa enumeravit. Pœnitentiā quippe silētio p̄terijt. Verū exēpli gratia nōnulla posuit, vt cetera quæ similia erāt facilē intelligerem⁹. Hic sanē D. August. locus à Mōhemio adduct⁹ adeo nō patrocina⁹ eius causę, vt etiā vehemēter refragetur. Siquidē dū D. August. in eo versaretur, vt legem nostrā à sacramentorum paucitate cōmenderet, certē si tria tantū modō fuissent, utiq; oīa illa recensuisset, idq; haud dubiē nō sine exaggeratiōe fecisset, in hunc ferē modū: Tā pauca sunt, vt tria tantū inueniant⁹. Ceterū quādo vnū (vt Monhemius vel inuitus fateri cogitur) dū tria esse docet) tacitum reliquit, quid causę esse posset, cur id vnū silentio inuoluerit, cum tamen eadem facilitate cum alijs duobus recenseri potuisset? Proinde lēctor ingenue ac prudēs hoc fuit Sacri doctōris consiliū, vt
quia

quia de Sacramētis loquebat̃ (quod nomē interdū est ambiguæ significatiōis) exēplis p̃positis, quēnā Sacramēta intelligeret, manifestē significaret, ea videlicet, q̃ statim etiā illo tēpore agnouit S. Ecclesia. Est porrō operepretiū, vt maiore esse Sacramētorum numerū cōtra monhemii demonstramus, quod & ipsa ratio manifestē conuincit. Est em̃ Sacramentum illius sacræ rei signū, quā hoies naturali facultate præstare nequeūt, quā sol⁹ deus p̃ sua inexhausta bonitate p̃ducit ac largit. (Quis em̃ vel baptisate, vel p̃cniētia valeat peccata remittere, nisi solus Deus) Hanc propositionē tanq̃ axioma à veteribus omnib⁹ cōcessum ac vsurpatū assumimus, de quo vide D. Chryl. lib. 3. de Sacerdotio. Plura aut̃ sunt eiusmodi signa, q̃ tria hæc à mōhemio discipulis suis tradita, q̃ ob adiunctā diuinā p̃missionē certissimē (nisi impedimentū quis obijciat) supernaturalē effectū producāt. Nemo igit̃ sanæ mētis plura esse q̃ tria Sacramēta ambigat. Vis mōhemi, vt nō nihil de assumptiōe differamus? Agē precamur, Facultas dominici corporis cōliciendi diuina est, an humana? Idētidem de authoritate remittēdi peccata petendum est. Vtraq; certē facultas ab Episcopi ministerio Sacerdotibus confertur.

Est igitur Ordo quantum Sacramentum statuendum, ac proinde non solū sunt tria, vt tu constanter asseueras. Sed fortasse dicēs Ordine nullam talem donari potestatem. Cedō igitur, an sola fide comparetur, vt tandem famulā tuam etiam vel quēuis aliū laicum hominē approbatione Senatu Sacerdotem efficias, quod nec S. Scripturæ testimonio, nec veterū authoritate, nec denique Ecclesiæ traditione, aut vlla vquam ratione probare possis. Quisquis tamen cōficeret, q̄a externo ac sensibus obuiο signo / dū ip̄ū munus cōfert, sacramentum. confert. Audi nūc (si placet) q̄d de Ordine veteres senserint. D. August. li. de bono cōiugali, cap. 24. appellat ordinē Sacramētum ordinationis, & sermone 19. de Sanctis, Sacerdotes ait, & Leuitæ, per hoc signū crucis ad sacros ordines promouētur. Similiter lib. 2. cōtra Epist. Parmeniani, ca. 13. de Baptismo & Ordine loquēs, Vtrūq; (inqt) Sacramentum est, & quadam consecratione hominī datur: illud, cū baptizatur: istud, cū ordinatur: ideoq; vtrūque non licēt in Ecclesiā Catholica iterari: causam hanc subnectit, Ne non homini, sed ipsi Sacramento fiat iniuria. Similia inuenias lib. 1. contra Donatistas cap. 1. Et longē plura,

R.

qua

quæ studiosus lector in eiusdem operibus
reperiat. Hæc autem eò lubentiùs adduxi-
mus, quòd Monhemius nunc celeberrimū
antistitem perperam in suorum errorum
patronum accersiuert. Quòd verò ex D.
Augustino exploratissimū esse videt lector,
id ab omnibus veteribus vno ore vsq; ad
hæc exulcerata secula cōprobatū est, quo-
rum sententias in medium produceremus,
nisi plixitatis metus aliud suaderet. Quē-
admodum autem quartum adiungendum
esse Sacramentum probauimus, ita & sine
negocio quintum etiam adiungemus, nēpē
Confirmationem, de qua nunc hoc solū
dicamus, Baptismate Christianū procrea-
ri, confirmatione autem in virum euadere,
et perfectum Christianum fieri, nec non &
septiformem Spiritus sancti gratiā clemen-
ter infundi: quæ omnia an non videantur
esse supernaturalia Dei dona? Quænam vl-
la vnquam creaturarum hæc per sese effi-
cere queat? Videas si placet D. Clementem,
cuius ad Philippenses 4. celebris à D. Pau-
lo fit mentio. Is de cōfirmatione loquitur
epistola 4. hunc in modum, Festinandū est
sine mora renasci Deo, & demum cōsigna-
ri ab Episcopo, id est: septiformem grati-
am Spiritus sancti percipere, quia incertus
est

est vniuscuiusq; exitus. Cū autē regeneratus fuerit per aquam, & postmodum septiformi Spiritus gratia ab Episcopo (vt memoratum est) confirmatus, qui aliter perfectus esse Christianus nequaquam poterit, nec sedem habere in perfectos. Hæc ille. Sed fortasse Monhemius D. Augustinum malit audire libro 2. contra epistolam Petiliani cap. 104. cū de vnguento, quod in barbam Aaron Psal. 132. dicitur descendisse, loquitur: In hoc (inquit) vnguento Sacramētū Chrismatis vult interpretari, quod quidem in genere visibiliū signaculorum sacrosanctum est, sicut ipse Baptismus. Consule eundem lib. 5. contra Donatistas cap. 19. Et tractatu 6. in Epistolam D. Ioannis, inuenies non solū, quando linguis olim loquebantur Christiani, datum esse Spiritum sanctum, sed nunc etiā dari, quando effectus ille nō sequitur. De extrema vntione, quā conferat gratiam, locupletissimus testis est D. Iacobus: Alleuabit eum, inquit, Dominus, & si in peccatis fuerit, remittentur ei; hunc effectum quis alius præter Deū omnipotentē producere queat? Alleuiare autē, est tentationū impetū cōpescere, & si animę salutē expediat, morbū corporis vel omīno depellere, vel saltē mitigare.

Cap 2.

Ita D. Innocentius primus ante annos plus minus mille ducentos hunc locum interpretatum reliquit, vt videre est in Epistola eius ad Decentium Eugubinum cap. 8. vbi inter cætera sic loquitur: Nam pœnitentibus istud fundi non pötest, quia genus est Sacramenti: quibus enim reliqua Sacramenta negantur, quomodo vnum genus putatur posse concedi. Si D. Augustini sententiam flagras audire, vide lib. 2. de visitatione infirmorum cap. 4. Nec prætermittendum est, ait, Iacobi Apostoli præceptum, infirmatur quis in vobis, &c. Ergo si roges de te & pro te fieri, sicut dixit Iacobus Apostolus, imò per Apostolum suum Dominus, ipsa videlicet olei sacra delibutio, intelligitur Spiritus sancti typicalis vnctio. Vide etiam eundem lib. de rectitudine Catholicæ conuersationis, & intellectum accommoda, vt discas, num. recentes Patres hæc 4. Sacramenta instituerint, an potius ipse Seruator noster Christus. Ex his iam paulò antè dictis facillè quiuis mediocriter ingeniosus colligit, nos sex Sacramenta abundè satis ac solide stabiliuisse, quæ & Sacramenti nomine, & effectis à patribus vetustissimis expressa inuenimus: restat nunc de vno, nempe Matrimonio, inuestigandū, de quo

de quo si placet Monhemius nobis respondeat, num etiam hic sit supernaturalis effectus, qui indubitato ad vtriusque coniugis verba procreatur? Si neget, querimus, qui fiat igitur, vt in alijs donationibus hoc vfu veniat, vt communi vtriusq; partis consensu donatio irrita habeatur: hic verò nec si totus orbis moliatur, irritum possit facere vinculum. Certè si tu mihi dono des vestè, aut aliud quippiam, & eam tibi reddidero, tua, non mea fuerit. Qui verò mutuò sibi corporum suorum dant potestatem, nec si vir vxori, nec contrà vxor viro quod acceperunt reddant, quicquam omnino effecerint. Est igitur quoddam vinculum supernaturale, quod eleganter Christus expressit his verbis: *Quæ* Deus coniunxit, homo ne separet. Nec dubium sanè, quin & gratia copiosa Deus coniuges cumulet, dum Sacramento tali copulantur, de quo vt paucis expediamus, quid D. Augustinus olim scripserit, diligenter attende. Is libro de fide & operibus cap. 7. in Ecclesia, ait, vbi nuptiarum non solum vinculum, verum etià Sacramentum ita commendatur, vt non liceat vxori virum suum alteri tradere. Item libro de bono coniugali cap. 24. & 18. vbi post alia multa, quæ huc spectant, ita tandè

Mat. 19

loquitur: In nostrarū nuptijs plus valet sanctitas Sacramenti, quā fecunditas vteri. Audisne Monhemi sanctitatem Sacramēti? Quāto satius fuisset, Monhemium intra professionis suæ limites se cohibuisse, ne tantam inscitiam cum pari arrogantia coniunctam toti orbi prodidisset, cum suæ salutis ac adoleſcētum sibi cōcreditorum perniciē ac interitu, dum suis Quintanis ac Quartanis, qui necdum Patres intelligunt, etiam si facultas euoluendi suppeteret, persuadere conatur, quatuor illorum Sacramētorum contemptum, quorum potius ritus quā sacramēta appellanda esse censeret nos verò abūdē satis declarauimus, in numerū Sacramentorum recipienda esse. Sed vt finiamus tandem, audi de his rebus Concilij Tridentini firmissima decreta, Canone 5. Si quis dixerit hęc Sacramēta propter solā fidē nutriēdā instituta fuisse, anathema sit. Et Can. 6. Si quis dixerit Sacramenta nouę legis nō continere gratiā quā significāt, aut gratiā ipsam non ponentibus ōbicem non cōferre, quasi signa tñ externa sint acceptę per fidē gratiæ, vel iustitiæ, & notę quēdā Christianę pfectionis, quibus apud hoies discernuntur fideles ab infidelibus, anathema sit, Canone 8. Si quis dixerit, ipsa nouę legis

legis Sacramenta & ope operato non conferre gratiā, Sed solū fidē diuinę promissionis ad gratiam consequendam sufficere, anathema sit. Can. 1. Si quis dixerit Sacramēta nouę legis non fuisse oīa ā Iesū Christo domino nostro instituta, aut esse plura vel pauciora quā septē, videlicet Baptismū, Confirmationem, Eucharistiā, Pœnitentiā, Extremam vñtionem, Ordinem, Matrimonium, aut etiā aliquod horū septē, nō esse verē ac p̄prie Sacramētū, anathema sit.

IN DIALOGVM OCTA- uum de Baptismo.

Postquā de Sacramētis in genere p̄cedēti dialogo satis disputatū est, nūc ad primū ordine veniendū est Sacramētū, atq; Dialogum octauum, in quo vt in alijs oībus zizania sua miscuit Monhemius, vt mirari satis nemo possit, quando ne vnū quidem dialogum ab errore immunem videat relictū. Mira hoīs istius decipiendi libido, qui nihil intactū, nihil veneno suo liberū omisit, vbi nō aliqua pestilentissima dogmata inseruit. Aliquādo verò tā incōsideratē se habuit, vt dormisse in reb. serijs videri possit. Quid. n. qđ fol. 93. ita de Baptismo loquit: *Aqua symbolū est illi (baptismo)*

conuenientissimum. Nam sicut cā sordes corporis abluuntur, ita per hoc Sacramentum expurgatur animus. Quid inquam istud noui est? iam tādē aliquādo animus Baptismo purgatur, vt ab omni peccati macula sit purissimus? Atqui non meministi, quōd in præcedentibus contrarium Monhemi docueris, animum perpetuis sordibus esse inuolutū, & iustitiā imputari, non veram esse in homine? Siccine tam citō vel sententiam mutasti, vel (quod crediderimus procliuius) tui ipsius oblitus veritatē vel inuitus profiteris? Dices fortasse, non in eo similitudinem poni, quōd omnino mundus reddatur animus, deletis prorsus peccatis omnibus, quæ prius inerant, quemadmodum a sordibus liberū redditur corpus. Sed quia vt hic sordes non conspiciuntur, sic neque ibi scelera quantumuis graua, vtpote quæ Christi iustitia operiuntur. Atqui Monhemi, si id ita se habeat, non erit aqua conuenientissimum spiritualis illius operis symbolum, sed longē fuerit commodius, candida veste aliquem induere non loto corpore, si Baptismi effectum exprimere volebamus: vt enim illa tegit corporis maculas non eas abluēs, ita (quemadmodū vos quidem hactenus docetis) iniustitia manet in nobis,

nobis, dū interim externa tegimur iustitia.

Habes præterea folio 94 facie 2. præcipuum usum Baptismi cum esse, ut alit in nobis fidem.

Quod sanè si verum est, præcipuum hunc effectum non assequuntur infantes, utpote in quibus fides non excitatur aut alitur. Scimus enim, quo in sensu hæc vos, nimis tamè inaniter effutitis. Hoc scilicet vultis, non alia ratione Baptismum in hominibus remissionem peccatorum operari, quàm dum fidem in nobis excitat, atque renouat passionis Domini. In pueris igitur nihil efficietur, si præcipuus iste vsus ab ijs fuerit exclusus. An fortè cū Magistro tuo Luthero, & infantes tu actu credere dices? sanè hoc si fateare, dignus eris qui vel puero-rum lusibus exponi debeas. Vbi quæsumus vnquam istud te legisse recolis, Præcipuum Baptismi vsus esse, ut fidem alit in nobis? An hoc tibi visus est dicere B. Augustinus, quando subinde Sacramentum fidei Baptismum appellat? Ideò hoc fecit sacer ille Doctor, quia illis fidei virtus infunditur, quæ verè meretur appellari theologica virtus tam in adultis, quàm in teneris infantilis, qui licet non actum habeant fidei, habitu tamen eius reuerà ornantur. Christus Dñs apud Ioannē Euangelistā luculentius.

R s rem

Ioan, 3

rem istā exposuit, quemadmodū & sepius in Epistolis suis Apostoli. Christus ait, Oportet vos nasci denuò. Et Apostoli Sacramentū vocāt regeneratiōis, & renouationis: hoc certè significātes, qđ p̄ ipuus vsus atque effectus sit, vt nouum hominem efficiat, & veluti recenter pariat. Quādo enim nunquam antea fuerat animus vera vita illustratus, hoc baptismo efficitur, vt vita in eum noua introducatur. Non est quod hic pluribus immoremur, quādo ipse tu (quātum colligere licet) non satis tibi in hoc vsu quē attulisti places. Sed folio 99. Ita loqueris. *Sed genuina uis est, ut regenerationem, condonationem peccatorum, uitamq; eternam secum adferat.* Tanquam de puerulorum Baptismo loquens. Conuincaris veritate, non satis accōmodè te fuisse de præcipuo illo vsu initio locutū. Est folio 94. facie 2. quòd vehementer cōmendetur Monhemius, qui tantum Ecclesiasticæ traditiōi tribuit, sed vbi suę illa causę fauet. Si enim in alijs quoque quid eadē ipsa docet aduertēte voluisset, non tam proteruè Ecclesia relicta ad nouitates se conuertisset hæctenus inauditas. Siquidem traditioni Ecclesię quicunque inhæret, fieri nequit vt in vllam planè vnquam labatur hæresim.

Folio

Folio autem 95. ita loquitur filius: *Quem-
admodum eadem est doctrina Ioannis & Aposto-
lorum Christi, ita planè eundem esse Baptismum
Ioannis & Apostolorum existimo.* Hic iam plus
suo sensui tribuit Mōhemius, quàm Eccle-
siæ totius iudicio atque traditioni. Vt vi-
deat lector ingenuus, tunc Ecclesiæ autho-
ritatem aliquid apud homines istos (Si mo-
do tali vocabulo nominandi sunt, qui nihil
humani præ se ferunt) valere, quando ipsis
placet, eorumq; fauet causæ, faciliq; nego-
cio posse reijci, si quando ijs displiceat.
Nam constans semper in Ecclesia doctri-
na fuit, Christi Baptismum alium longè à
Ioannis Baptismo esse: hunc inferiorem,
illum superiorem: hunc præparasse Chri-
sto viam, atque (vt Beda dicebat) per mo-
dum catechismi se habuisse, neque gra-
tiam in animum infudisse, illum planè hoc
fecisse quod significabat, purgasse videli-
cet animam à peccati sordibus, & nouum fe-
cisse hominem. Atq; illud sanè dicebat, vt
qui præceptor erat domini, simili doctrina,
similiq; ritu animos hominū præpararet,
atque ad Baptismum Christi suscipien-
dum aptaret, ne si Baptismo hominis non
fuissent prius assueti, Christi doctri-
nam velut nimis absurdam prima statim
fronte

Marc. 1.

Matt. 3.

fronte reiecissent. Apertissimè discrimen istud Ioannes ipse significauit, quando alias ita locutus est, Ego baptizaui vos aqua, ille verò baptizabit vos spiritu Sancto. Et rursus: Ego quidē baptizo vos in aqua in pœnitentia, qui autē post me venturus est, fortior me est, ipse vos baptizabit in Spiritu Sancto & igni. Ecce vt hic apertum sit vtriusq; Baptismatis positum discrimen. Ioānem sola exteriori aqua abluisse, Christum verò Dominū etiam intus corda purgasse, spirituali quodam suo, nobilioreq; baptismo. Sed Monhemius nihil quicquam putat omnes has sententias sibi obesse, Quando (inquit) Ioannes non disputat de Baptismi sui utilitate & usu, sed tantum Christi personam cœ sua confert, fateturq; se nihil habere præter nudam externi signi administrationem, uim autem & efficacitatem totam penes unum Christum esse. Pulchra fanè euasio, tanto qualis iste est, Theologo digna. An non te pudet Monhemi ineptiæ, ita Sacræ Scripturæ locum in peruersam tuam hæresim allata vi pertrahere? Expendas sedato animo contextum verborum, vide facerrimorum Patrum expositiones, & tandem temeritatis nimix te pœniteat. Ita dicebat Ioannes, Ego baptizaui vos aqua, ille verò baptizabit vos

Marc. 1.

bit vos Spiritu sancto. Temporū diuersitas
præteriti & futuri mendacij tuā arguit ex-
positionem. Cū enim dicit, Ille vos bap-
tizabit, significat vtique nondum eius vir-
tutem, de qua loquebatur, suo Baptismo
præsentem esse, quemadmodum tu quidē
exponis, sed peculiarem aliquando futurū
Baptismum, q. d. hætenus ego vestra cor-
pora sola aqua abluī. Christus verò MESSI-
as verus Spiritus sancti gratia animos quo-
que vestros purgatos reddet, ab omniq̃
peccati macula, suo Baptismate efficiet pu-
rissimos. Audi Chrysostomum his verbis
loquentem. Postquam, ait, Baptismatis sui Hem. 122
professus est vilitatem, nec quicquam il- in Mate.
lud amplius habere monstrauit, quā vt e-
os ad pœnitentiam duceret, non enim di-
xit, in aqua remissionis, sed pœnitentiæ:
tum demū ponit etiam Christi Baptisma,
ineffabili donorum liberalitate cumula-
tum. Sed Monhemius, vt vehementius im-
ponat incautiæ, non adduxit ex Marci Euā-
gelio B. Ioānnis verba, verū ex Euange-
lio Ioānnis, ybi vtrumq; in præsentī tempo-
re exprimitur, Ego Baptizo, ita ille bapti-
rat. Sic enim si legamus, non videtur nimis
aliena esse, quam adduxit, interpretatio.
Attamen si scripturam cum scriptura con-
ferre

ferre licet, hoc est, quod Euāgelista Ioānes dixit, cum ijs quę posuerunt ceteri, facile colliquefcet, quā sit redicula et puerilis Mōheimij euasio. Si q̄sp̄iā hic uolet Theologorū, quibus de distinctione vtriusq; Baptisminis differunt adducere sententias, vix charta tot authoritatibus scribendis sufficiat. Ne omnes tamen prętereamus, vide D. Basilium libro de Baptismo cap. 2. B. Ambrosium in psal. 37. Chrysostomū hom. 10. in caput 3. Matt. Baptisma (inquit) Ioannis nō habebat remissionem peccatorum, hoc enim munus illius Baptismatis erat, quod Christus instituit. Et illius abbreviator Theophylactus in Lucę cap. 3. Item D. Hieronymus dialogo aduersus Luciferianos idem planē testatur, quemadmodū et D. Cyprianus epistola ad Iubaianū, Et D. Aug. pluribus in locis aduersus Donatistas scribens, vt lib. 5. cap. 9. et 10. Et libro 2. contra literas Petilianī cap. 37. Item Enchiri. ad Laurentium cap. 49. Et certē si diuersa nō fuerunt Baptismata illa, qui sit & baptizati sunt, qui prius Ioannis Baptisma suscepērāt? Apostoli enim Petrus & Andreas alijq; qui prius Ioannis sectatores fuerant, an nō ab eodem baptizati fuisse sunt arbitrandi (Si enim exteri eius tangebātur baptismo, quanto

magis familiares discipuli) Atque eosdem denuò baptizatos, testis est Euodius in ea epistola, quam τὸ φῶς appellauit: Christum Dominum Baptisma suis manibus B. Petro contulisse, qui Andream deinde atque filios Zebedæi, & illi rursus cæteros Apostolos baptizarint. Mentionem huius rei facit Euthymius in cap. 3. Euangelij Ioannis: Scribunt (ait) quidam Apostolorum temporibus proximi, quòd Christus Petrū ac virginem matrem baptizauerit, Petrus verò reliquos omnes Apostolos. An credendum est inter 3000, & iterum 5000, quæ statim post admirabilem Spiritus sancti in Apostolos descensum à Petro baptizati sunt, neminem prorsus inuentum fuisse, quem antea Ioannes tinxerat. Non sit nobis id profectò verisimile. Ergo si idem baptismus non fuerit, rebaptizati sunt. Neminem enim in Christianorum consortiū assumebāt Apostoli, quos non prius baptis-
mate abluissent, quemadmodū Apostolorū acta manifestè declarāt. Deniq; actorū 19. baptizati sunt, qui à solo Ioanne fuerāt tincti. Cū enim ab Apostolo rogarentur, In quo ergo baptizati estis? Responderunt, In Ioannis Baptismate. Tum rursus Ioannes baptizauit baptismo pœniten-

Vide Ni-
cepho Ca-
nost. lib. 2.
cap. 3.

Mat. I.

tiæ populum, dicens in eum qui venturus
 esset post ipsum, vt crederet, hoc est in Ie-
 sum. His auditis, baptizati sunt in nomine
 Domini Iesu. Ecce quàm apertè baptizatos
 docet scriptura, quos priùs baptizarat S. Io-
 annes. Ex quo sequitur vel Anabaptistam
 esse Monhemium, vel necessariò distingui
 christi ab Ioānis baptismo. Verùm enim-
 uerò euasione[m] aliam quam à Zvinglio
 mutuauit, nobis hic comminiscitur. Non u-
 bicunq; (inquiens) sit Baptismi mentio, lauacionem
 quæ aqua fit, intelligimus, aliquando enim per trās-
 lationem accipitur pro doctrina, ut hoc loco dici-
 tur baptizati in Baptismo Ioānis, quod eo doctrine
 genere fuerant instituti. Non enim querit: Aposto-
 lus à quo, aut quomodo aut quorsum sint baptizati,
 nec querit si'ntne baptizati, sed dicit, *Et tñ in quid*
baptizati estis, id est, qua doctrina imbuti & initi-
ati estis? &c. Præclara certè expositio, & quæ
 ridenda sit magis quàm refutanda. Quis e-
 nim vnq̃ ante tuum, Zvingliū, hoc pacto
 in peruersum hunc sensum detorsit scriptu-
 ram? Quis baptismū aliquando hoc in loco
 pro doctrina intellexit? Sed O Deus bone,
 quàm nihil frontis habent, nihil pietatis,
 nihil reuerentiæ hæretici. Dico, si liber,
 duodecim illi à Paulo, baptizati sunt, nec-
 ne sunt? Sunt utiq; dices, ita enim sub finē

Dia-

Dialogi loqueris : Et deinde rectius edocti ab Apostolo baptizati sunt. Si igitur hi & probe à D. Iohanne imbuti, & boni viri fuerint (nō enim improbi sese ad Christi religionem facile recepissent) cui dubium esse poterit, quin ab ipso etiam Iohanne Baptista baptismate abluti fuerint, quandoquidē nō tantam Baptismus ille præparationem exegerit: Cui inquam dubium erit, cum neque milites, neq; publicani, neq; promiscuum vulgus reiectum vnquam ab eius baptisma te fuisse legatur? Vides proinde Monhemi, vt euitare Charybdin conatus, in Scyllā atrociorē incideris? Verū vt hoc ipsum paulò apertius commonstremus, est quod videas, quā tu iam nobis obscurā, quāq; inuolutam scripturam reddideris, quam tamen in præfatione tua clarissimam esse, atque adeò omnibus perspicuam asseuerare non verebaris. Nunquid non aduertis in hac scripturæ sententia, *ὁμοῦως* voculam baptismi esse acceptam, quando nunc doctrinam, nūc abluionem, ipsam interpre-
taris? Pro doctrina quidem, quādo dicitur, **In quo baptizati estis:** Et, **In bapt. sinate** Iohannis. **Pro abluione** verò, **His auditis baptizati sunt:** Et, **Iohannes baptizauit** baptismō pœnitentiæ. Neque enim enim con-

S ueniebat

ueniebat alium in sensum hæc verba à D. Paulo accipi, quàm ab ipsomet Iohanne Baptista accepta sunt. Cum igitur omnis homonymia summâ adferat obsecritatem, quid erat, cur huc scripturam hanc per se alioqui tam apertam detorsis? Neque verò est, quòd vehementius Græcam lectro- nem urgeas, *ἐν τῷ*, in quid, vt sensus sit, non quo baptisinate, sed in quam doctrinam. nulli enim veterum, quibus ea lingua natiua fuit, perinde atque tu vocem istam interpretati sunt, vt neq; tuus Erasimus, qui ita transtulit, Quo baptizati estis? At illi dixerunt, Iohannis baptisinate. Sed vt cæteros omittamus, vide qui Diuus Cyprianus huc locum intellexerit sub finem epistolæ ad Iubaianum, quiq; Oecumenius in hoc 19. caput scripserit: Ostenditur, inquit, parui momenti fuisse baptisma Iohannis: neque enim dixit remissionis fuisse, sed pœnitentiæ: Postmodum baptizatos eos in nomine Domini, dicit sub manibus Pauli spiritum statim accipere. Atque hæc ille. Cæterum & hoc annotandum videtur, vt si fuerit eadem Iohannis Baptistæ, quæ Apostolorum doctrina, qua ratione factum fuerit, vt duodecim illi in Iohannis doctrina, vel te ipso teste, recte instituti, ne si
quidem

quidē esset Spiritus sanctus cognouerint? in quem tamen Christiani omnes credere omnino debent. Verum causam tanti erroris vestri si quis velit cognoscere, ea sanē ipsa est, quam præcedenti dialogo attigimus: Videlicet, quod omnem Sacramentorum actionem in solam fidem refertis, quā exterioribus illis lignis excitatā, remissionem peccatorum efficere cōtenditis. Hinc est quod veteris legis ritus cum nostræ Ecclesiæ Sacramentis, quia simili modo spiritalem in nobis effectum producant, eosdē esse dicitis. Verū si fundamentū hoc tollas, quemadmodū dialogo antecedenti sustulimus nos, ilico quicquid in illud exstructū fuerit, corruet. Sed vt tandē huic dialogo finē imponam⁹, aures arrige ad sacrosancta Tridentinæ Synodi decreta, & quid illa sanxerit, intellige. Si quis dixerit baptismū Iohannis habuisse eandem vim cum Baptismo Christi, Anathema sit.

De Baptismo cap. 7.

IN DIALOGVM NONVM

DE CAENA DOMINI.

Dialogo isto nono de Eucharistiæ Sacramento disputat mōhemius ille quidem, verum ita disputat, vt quæ fuerit eius sententia, non satis apertē indicarit: Solet

etenim propositionibus ambiguis occultare mentem, vt & astute hæresim subministrèt, & se tamen Catholicum fraudulenter simulet. Posuit enim hanc folio 101. dubiam propositionem: *Vides itaq; panem, & vinum, audis corpus & sanguinem esse Christi: & paulò post: Tam certum igitur est, nos animo & spiritu per fidem uesci corpore & sanguine Christi, quam sensu patet, nos panem & uinum edere ac bibere.* Quibus verbis, si panis viniq; nomine species tantum intelligi velit Mòhemius, quas illic remanere Ecclesia & ipsa fatetur, sententiã eius amplectimur. Sin verò panis viniq; substantiam in Eucharistia post consecrationis verba relinqui cõtenderit, iam nunc in hæresim vel Vuicleff vel Lutheri incurrit. Hactenus enim Ecclesia docuit, in Eucharistiæ Sacramento, statim vt sacerdos diuina illa sacerrimaq; verba protulit, omnem illam priorem substantiam, siue panis, siue vini, in Christi corpus & sanguinem transmutari, ita vt nulla alia illic relinquatur substantia, præter Christi corpus & sanguinem. Accidentia autem quæ sensibus percipiuntur, supernaturali vi sine subiecto cohæreant. Atque hæc est doctrina, quam à maioribus acceptam etiamnum seruat Ecclesia.

fra, quam si & ipse Monhemius sibi sectanda statuerit, non est quod in ipsum aliquid agamus. Sin verò, quemadmodum vereri videmur, vel Lutheri, vel sui Caluini deprauatam atque adeò execrandam amplexus sit scientiâ, quis non animaduertit, quâ impudèter veteribus omnibus cōtradicit, qui nunc panē in Christi corpus transmutari, nūc transsubstantiari, nūc eius naturam mutari, apertè fatentur. Vide D. Augustinū sermōne 28. de verbis Domini: Cum (inqt) de Sacramentis tractarem, dixi vobis, quòd ante verba Christi quod offertur, panis dicatur: vbi verò Christi verba depròpta fuerint, iâ non panis dicitur, sed christi corpus appellatur. In hanc sententiam audi & Eusebium Emisenum: Recedat (inqt) infidelitatis ambiguum, quoniam quidē qui autor est muneris, ipse est etiam testis veritatis. Nā inuisibilis sacerdos visibiles creaturas in substantiâ corporis & sanguinis sui verbo secreta potestate cōuertit, ita dicēs: Accipite & comedite, hoc est corpus meū. Hūc in modū Iohānes ille damascenus lib. 4. orthodoxæ fidei cap. 14. Neq; (ait) & hoc etiā dictu promptū est, quomodo naturaliter per cōmestionem panis, & vinū & aqua per potionē, in corpus & sanguinem come-

Vide Gratianu de consecratione, dist. 2. cap. Quia corpus.

dentis & bibentis transmutat, & nō fit ali-
 ud corpus, preter id quod prius erat, ipsius.
 Sic & ppositionis panis vinumq; & aqua p
 inuocationē & aduentū spiritus sancti sup-
 naturaliter transmutat in corpus & sangui-
 ne Christi, & nō sunt duo, sed vnū & idem.
 Vide & D. Cyp. serm. de cæna Domini, vbi
 hæc eius verba sunt: Panis iste cōmunis in
 carnē & sanguinē mutatus, procurat vitam
 & incrementum corporibus. & paulò pōst:
 Panis iste, quē Dñs discipulis suis porrige-
 bat, nō effigie, sed natura mutat, omni-
 tētia verbi factus est caro. Similiter D. Am-
 brōsius lib. 4. de Sacramentis, cap. 4. quan-
 doque dicit de pane fieri corpus Christi,
 quandoque (id quod idem est, sed quidem
 apertius) ex pane fieri Christi corpus: Inter
 cetera autem hæc verba posuit: Si tanta vis
 est in sermone Domini Iesu, vt inciperent
 esse quæ non erant, quanto magis operato-
 rius est, vt sint quæ erant, & in aliud com-
 mutetur. Vide (ne longiores simus) quid
 hac de re n. Gregorius Nilfenus in libro de
 vita Moyſis nobis scriptū reliquerit: Vide
 ite Theophyl. in matt. caput 26. cuius tamē
 verba, quia pulcherrima sunt, paucis subij-
 cere nō pigebit. Expōens em verba hæc,
 Hoc est corpus meū, non dixit, inquit, hoc
 est

est figura, sed hoc est corpus meū. Ineffabiliem operatiōe transformat, etiamsi nobis videat panis. Quoniā infirmi sumus, & abhorremus crudas carnes comedere, maxime hoīs carnē, & ideò panis quidē apparet, sed caro est. Hoc ipsum habet apud B. marc. in eadē hęc verba, quæ ca. 14. continentur, scribes & quidē planius: Et quomodo (inquit) caro nō videt? homo propter nostrā infirmitatē istud fit: quia em panis quidē & vinū ex his sunt, quibus assueuimus, ea nō abhorremus: sanguinē verò propositū, & carnē vidētes nō ferremus, sed abhorreremus. Idcirco misericors de' nostræ infirmitati cōdescendens, speciē quidē panis & vini seruat: in virtutē aut carnis & sanguinis translementat. Audi deniq;, quid in ca. 6. B. Ioan. idem referat: Nō dixit (inquit) panis, quē ego dabo figura est panis, sed caro mea est. Transformat em arcanis verbis panis ille p mysticā benedictionē, & accessiōnē itē sancti spiritus in carnē domini: & reliqua quæ ibi etiā habent pulcherrima. Vidēsne Monhemi, quanto consensu, quantaque cōcordia, de hac transmutatione omnis antiquitas vno quasi ore locuta sit? Vis multitudinē consentientem? Vis Concilia sacrosancta, imò vis totius Ecclesiæ

Cap. 1.

consensum, vide illud quo nunquam habuit Ecclesia celebrius Concilium Lateranense, quod Innocentij 3. tempore celebratum est. Vna est fidelium vniuersalis Ecclesia, extra quam nullus omninò saluatur, in qua idem ipse Sacerdos & sacrificium, IESVS Christus, cuius corpus & sanguis in Sacramento altaris, sub speciebus panis & vini veraciter continetur, transubstantiatis pane in corpus & vino in sanguinem, potestate diuina. Vide etiam Constantien. Synodum, sessione 8. in damnatione Ioannis Vuicleff. Vide florentinum illud & ipsum amplissimum Concilium, quod ita habet: Ipsorum verborum virtute substantia panis in corpus Christi, & substantia vini in sanguinem conuertuntur, ita tamen, quod totus Christus continetur sub specie panis, & totus sub specie vini, sub qualibet quoque parte hostiæ consecratæ & vini consecrati, separatiõe facta, totus est Christus. Plus æquo fortassis in veterū sanctorumq; Patrum sententijs recitandis improporati sumus: sed id quoniam in occultis hisce mysterijs non tantum rationes ad veritatem inueniendam vllæ possunt, quantum antiquæ Ecclesiæ traditio, necessariū planè fore videbatur, quanquàm interim non desent

essent etiam rationes vel solidissimæ, quibus hæc res, sed apud Doctos potissimum, probè admodum cõfirmari possit: Verùm quoniam ad studioforum ingenia, quibus Mõhemius suum illum Catechismum dedicauit, hic libellus accommodandus erat, subtiliores rationes cõsultò omisimus. Verùm enim uerò, si dicat hic nobis aliquis, Eucharistiam subinde panē appellari, cū in sacris literis, tum apud veteres Theologos: Non equidem ibimus inficias, panem Eucharistiam appellari, verùm non communem illum panem, sed *τὸν ἐπίσκοπον* & supersubstantialem. D. August. etenim simile aliquid sibi obijciēs, posteaquàm dixisset, post consecrationis verba non panem, sed corpus appellari: Quare ergo (inquit) in oratiōe Dominica, quæ postea sequitur, ait, panem nostrum? Respondet tibi ipsi deinde, panem quidē dixit, sed *ἐπίσκοπον* dixit, hoc est supersubstantialem: non iste panis qui vadit in corpus, sed ille panis vitæ æternæ, qui a. i. n. æ. nostræ substantiam fulcit. Sic quidem D. Augustinus, qui paucissimis verbis controuersiam hanc diremit, quando panem nullum communē, sed diuinum illum tantummodò atque cælestem dixit remanere: Nam hunc etiam panem super-

Serm. 28.
de verbis
Domini.

Substantialem, Christus aliquando panis
 nomine appellauit, quemadmodum alibi
 dixit, Ego sum panis viuus, qui de caelo de-
 scendi, si quis manducauerit ex hoc pane,
 viuet in æternum. Et panis quem ego da-
 bo caro mea est. Neque id quidem sine ra-
 tione fecisse videtur, cū hoc modo Sacra-
 menti istius proprietates plenius expriman-
 tur. Vt enim corporeus cibus corpus ipsum
 fouet, nutrit, auget, corroboratque, ita &
 corpus Christi hoc Sacramento susceptum,
 animum ipsum iisdem virtutibus afficit.
 Adferri potest & alia istius appellationis ra-
 tio, vt ideò panis post commutationē vo-
 cetur, quoniam antè verus panis fuerit. Sic
 enim & Exod. 7. Virga Aaron in serpētem
 conuersa, virga nihilominus dicitur: De-
 uorauit (inquit scriptura) virga Aaron vir-
 gas eorum. Atque hæc de ista controuerlia
 sat copiose dicta sint. Cui si placet hoc Tri-
 dentinæ Synodi decreto finis imponatur.
 Si quis dixerit, in Sacrosanctæ Eucharistiæ
 Sacramento remanere substantiam panis
 & vini vna cum corpore & sanguine Do-
 mini nostri IESV Christi, negaueritque
 mirabilem illam & singularem conuer-
 sionem totius substantiæ panis in corpus,
 & totius substantiæ vini in sanguinem, ma-
 nentibus

mentibus duntaxat speciebus panis & vini,
quam quidem conuersionem Catholica
Ecclesia transubstantiationem appellat,
Anathema sit.

Folio 102. hanc ponit sententiam Mon-
hemius, *Hinc etiam excommunicatio. cum scilicet aliquis propter uitæ fæditatem ex hac fidelium communicatione excluderetur.* Si in eo solo excommunicationem consistere putat, grauis est error, non ita satis scripturis consentaneus, quæ longè grauiorem pœnam excommunicatione denunciant: Si (inquit Seruator) Ecclesiam non audierit, sit tibi tanquàm Ethnicus & Publicanus: Ethnicus autem non tantum à corporis Domini communionem cohibetur, verum etiam omnibus omnino Sacramentis priuatur. Vult igitur Christus excommunicatione non secus atq; putridum mēbrum ipsum excommunicatum à toto Ecclesiæ corpore refecari, id quod etiam B. Paulus alibi dicebat, Auferte malū ex vobis ipsis: *1. Cor. 5.* Ex his igitur sequitur, omni vita spiritali destitutum esse eum, quem excommunicauit atq; ex cōsortio suo eiecit Ecclesia. Veteres sanè sanctissimi prudētissimiq; viri à taliū hominū consuetudine vsq; ad eò abhorrebāt, vt neq; alloquio eos dignaretur, neque

Epist. 2. li.
3. cap. 3.

neque sub eodem tecto cum illis commorari, aut ad breue tempus hæere consentirent, ne & ipsi tacito quodam consensu eorum operibus videretur communicare. Sic namque B. Iohannes iubebat, Nec aue ei dixeritis. Qui enim dicit illi aue, communicat operibus eius malignis. Notum est ex Irenæo, ut idem ille Iohannes, conspecto in balneis Cerintho, non lotus exilierit, metuens ne balneum ad hæretici illius græsentiam concideret: utq; D. Polycarpus Marcioni occurrenti atq; dicenti, Cognosce nos, responderit, Cognosco te primogenitum Sathanæ. Hæc eo libentius adduximus, ut norint omnes, quam sint fugiendi, quamq; detestandi quos reiecit, atque à suo corpore seiunxit Ecclesia, maxime verò nouarum hæresum professores, quorum sermo Apostolo teste ut cancer, serpit, qui omnem suam operam atq; vniuersam curam in arte fallendi consumunt. Rogamus obnixè studiosos adolescentes omnes, ut ab eiusmodi hominum peste magis quam à quauis vipera caueant. Monhemijq; scholam, quamdiu illa quidem à tā deprauato moderatore regitur, summis conatibus declinent. Rogamus præterea hortamurq; parētes omnes, ne tali pastori (lupum

pum rectius dixeris) ouiculas suas pascendas, aut potius dilaniandas committat: certo enim certius nouimus, imò etiam experientia plus satis didicimus, vix quemque immunem ab hæresi studiosum ex Duisfeldorpenſi ſchola euadere. Viderint itaq; parentes, quàm tutum ſit eò filios ſuos inſtituendos ablegare, vbi hæreticus venenata prauæ doctrinæ ſemina animis innocentium adoleſcentum inſerit, maximè cū non deſint quàm plurimæ Catholicorum ſcholæ, in quibus & rectius literis atq; honeſtis moribus ornari, & auitam maiorum ſuorum religionem ſeruare liceat.

Folio eodem 102. facie 2. cauſas cūmerans, cur Chriſtus Sacramentum iſtud inſtituerit; ita ſub finem ſubiunxit: Deinde
*& hæc cena ſit teſtimonium omnium certiſſimum
 & firmiſſimum uoluntatis ſuæ extremæ, quo
 nos certi ſumus de peccatorum remiſſione, iuſtificatione, æterna cum Deo reconciliatione,
 ſpiritus ſancti donis, perfectæ ac ſempiternæ redemptione, ac omnibus malis, beata immortalitate, uera & immortalis uita ac ſalute, quæ omnia corpore & ſanguine Chriſti parta ſint nobisq; tradita.* & folio 103. Teſtatur (inquit) ſe ablueri peccata tua, teſtatur ſe efficacem in te fore.

te fore. Videtur hic significare Monhe-
 mius, Eucharistiæ perceptione, certos o-
 mnino homines effici de peccatorum suo-
 rum remissione, alijsque multis, quæ ille
 nobis hic enumeravit. Verum cedo Mon-
 hemi, qui hæc omnia se nobis largiri Chri-
 stus Eucharistiæ sumptione testatur? Nun-
 quàm ne malos existimas Sacramentum
 istud indignè suscipere? An igitur illis
 quoque testetur, se Christus peccata remi-
 sisse, iustificationem donasse, cæteraque o-
 mnia præstitisse, quæ tu hic nobis commi-
 nisceris? Fatetur Ecclesia innumera dona
 sacramenti istius susceptione tribui, de
 quibus nonnulla Beatus Ignatius epistola
 decima ad Ephesios, & mellifluus ille Ber-
 nardus pulcherrima tradiderunt. Scimus
 quoque non mediocriter augeri fidem, spẽ
 atque charitatem, cæteraque Spiritus san-
 cti dona: plus etiam hominem, qui in
 sumptione huius Sacramenti frequens est,
 audere de DEI misericordia confidere,
 experiri que maiorem animi tranquillita-
 tem: cor magis sedatum, conscientiam se-
 curam, quàm quemuis alium. Verum quòd
 certus is de sua iustificatione & remissione
 peccatorum eucharistiæ perceptione sit red-
 ditus, non facilè vel ille tale quid dixe-
 rit,

rit, vel nos crediderimus. De hoc errore non est quod pluribus differamus, quandoquidem de incertitudine iustificationis atque salutis æternæ, quàm copiosissimè circa Dialogum quintum disputauerimus. Hoc vnicum hic annotatum cupimus sacramenti istius primarium effectum esse remissionem peccatorum, quemadmodum rectè in Tridentina Synodo Patres definiuerunt: quandoquidem nec cibus corporis, cui hoc Sacramentum simile esse dicitur, hominem mortuum in vitam reuocat: Peccatis autè grauioribus mors adfertur animo. Quanquàm interim leuia atque minora peccata deleat, & subinde quoque grauia, si eorum memoria confitentibus nobis exciderit: nam tunc Sacramenti virtus in nobis supplet, quod ignorantia desiderabat: Alij eius fructus varij sunt. Est enim sacrum conuiuium, in quo Christus sumitur, recolitur memoria passionis eius, mens impletur gratia, & futuræ gloriæ nobis pignus datur. Hoc Christi corpus (vt pulchrè admodum B. Bernardus dicebat) ægris est medicina, peregrinantibus via, debiles confortat, valentes deiebat, languorem sanat: Per hoc homo mansuetior redditur ad correptionem, patientior

tientior ad laborem, ardētior ad amorem,
 sagacior ad cautelam, ad obedientiā prom-
 ptior, ad gratiarum actionem deuotior. Et
 vt verbo vnico cōcludamus, ea omnia pre-
 stat in animo, quæ facit corporeus cibus in
 corpore, & longè adhuc plura alia.

Monhemius vt animum suum in rebus
 fere omnibus hac tempestate controuertis
 declaret, etiam S. Ecclesiam ob cōmunio-
 nem Eucharistiæ sub altera tantum specie
 Laicis exhibēdam, folio 105. impense fig-
 gi'lat, dum patri roganti. *Rectene faciunt, qui
 populo tantum corpus Domini non sanguinē por-
 rigunt?* Filius in hunc modum per interio-
 rationem respondet: *Quæ diuinitus conu-
 eta sunt, quo iure homini mortali diuelli fas est?*
 Pauca quidē verba sunt, sed calumniæ plu-
 rimum S. Ecclesiæ adferunt, si quis ea pen-
 siculatiùs, (vt æquum est) examinet. Quid
 enim aliud significant, quàm communio-
 nem vtriusque speciei planè iuris esse diui-
 ni, nec speciem vnā sine altera diuelli aut
 suppeditari vnquā posse. Ac proinde Ec-
 clesiam nō solum imprudenter, sed & im-
 piè constituisse, Laicos panis tantum spe-
 cie communicandos esse. Deinde ne teme-
 rè id asseuerare videatur; D. Cyprianum in
 testem adducit, qui quidem quo pacto in-
 telligen-

telligendus sit, postea non grauabimur enucleare, vbi primum per vetustos Ecclesie Doctores, Concilia, atque potissimum per S. scripturam inexpugnabile altruxerimus veritatem. Confitemur quidem cum S. Ecclesia, Corpus ac sanguinem CHRISTI, per gloriosam eius resurrectionem ita indiuulsa esse, vt neque corpus sine sanguine, nec sanguinem sine corpore quisquam sumere queat. Cæterum negamus constantiter, species ita indiuulsas esse, vt verum Christi corpus sub altera tantum specie legitime percipi non possit. Deinde non diuini, sed humani iuris esse, laicos sub vna vel vtraque communicari specie: Alioqui nemo vnquam hunc communicandi ritum aut voluisset, aut commutare sine graui scilutis dispendio potuisset: Nec Ecclesia vlla ratione laicis vtriusque speciei communionem inhibuisset. Iam verò constat ante Constantiensis ac Basilienfis Conciliorum definitionem semper arbitrarium fuisse, sub altera vel vtraque communicari specie. Quod vel ab ipsis Apostolorum temporibus deduci, non erit operosum. Quid enim aliud agebant Christi fideles, Actorum 2. & 20. dum dicuntur in panis fractione communicasse? Quod quamplurimi non minus san-

Simonia quàm eruditione viri suspicienti,
di, de alterius speciei communione intelli-
gi volunt. Cur non ipsius Christi factum
commemoramus? (cuius Lucas cap. 24. ce-
lebrem mentionem facit) quem discipu-
lis illis duobus in Emaus corpus suum sub
panis tantùm specie dedisse constanter af-
firmant, D. Augustinus de consensu Evan-
gelistarum, libr. 3. cap. 25. D. Chrysost. in
opere imperfecto in Matthæu, hom. 17. lo-
quens de pane, qui de manu Sacerdotis ac-
cipitur, vnde, inquit, & Dominus in via
non solum benedixit panem, sed & de ma-
nu sua dedit Cleophæ & socio eius. Et Pau-
lus nauigans, (vt est Actor 27.) non solum
benedixit panem, sed & de manu porrexit
Lucæ, & cæteris. Quòd autem de manu sua
porrigitur, nec animalibus dandū est, nec
infidelibus porrigendum, quia non solum
sanctificatum, sed etiam sanctificatio est, &
sanctificat accipientem. Hactenus ille. Ho-
rum sententijs astipulantur Theophyla-
ctus, & Venerab. Beda in D. Lucam. Dum
igitur constat fideles Apostolorum, imò
Christi temporibus alterius speciei comu-
nionem percepisse, manifestum erit, non
esse iuris diuini, vtranq; participare specie.
Quod etiā antiquissimi Doctores scriptis
suis

ſuis conſeſtati ſunt. Ac in primis Tertullianus (qui vixit anno Domini 160.) libro ad vxorem ſuam, refert, eam conſueuiſſe Euchariftiam manibus acceptam domum portafſe, atque corpus Dominicum ſub panis ſpecie ante alium cibum ſumpſiſſe. Item Clemens Alexandrinus (qui floruit Anno Domini circiter 360.) libro primo Stromatum, his verbis quæ dicimus, comprobatur. Haud longè à principio cùm quidam (vt moſ eſt) dimiſerunt permittere unicuique ex populo eius partem ſumere. Aduertis Monhemi, vt ſoleant panem illum eucharifticum partiri, & aut è veſtigio, aut domum deportatum, poſt pietatis exercitium ſumere. Quod & Diuus Hieronymus conſeſtatum reliquit, Epistoſa ad Theophilum, contra Ioannem Hieroſolomiticum. Quiſquàmne (inquit) extenta manu vertit faciem, & inter ſacras epulas Iudæ oſcula porrigit? Vt autem hæc luculentius cõferamus, recenſebimus ex D. Cypriano digna cõmemoratu miracula. Is in primis ſermone ſ. de lapſis grauiter, narraſe quendam Idololatrium cū alijs Chriſtianiſ Euchariftiam ſuſcepſiſſe, nihilquæ domum reuerſum præter cineres in manibus repeſiſſe. An quiſquam arbitrabitur huc etiam

sanguinem manu portasse, cuius martyr ille mentionem nullam facit? quod haud dubiè fecisset, si etiam sanguinè sub vini specie, sicut corpus Dominicum sub panis specie detulisset. Alterum miraculum est, eodem referente. Cum mulier quædam S. Eucharistiam domum comportasset, atq; in arcam sollicitè reclusisset, ac postea eam indignè vellet contrectare manibus, ignis flamma erupit, quo viso vehementi metu perculsa subito aufugit. Vbi iam sit vlla speciei vini mentio? Quis præterea existimet illam speciem vini arce reclusam fuisse, quæ tam citò acescit? Agè, plura desideras? D. Ambro. lib. de Sacramentis, & de obitu fratris sui Satyri commendat eum, quòd manus eum Eucharistiam in naui deferens, naufragij discrimen euaserit. Accedit his Eusebius celeberrimus historię Ecclesiasticę scriptor lib. 5. cap. 24. narrans quomodo soleat Eucharistia solenniter transmitti. Et lib. 6. cap. 33. & 34. refert, Serapioni cuidam moribundo transmissam per puerum Eucharistiam, quam Sanctus vir ille vino non cõsecrato iniectam sumpsit, & euestigiò ita communitus animam exhalauit. Cur autem vino opus erat hostiã macerare, ac humore imbuere, si etiam alteram

rim à Parocho attulisset speciem? Tū enim suffecisset in sanguinem Dominicum impositam aridis senis faucibus porrexisset. Quoties audis Monhemi hic à Doctoribus accuratam alterius solū speciei mentionem fieri, ac nunc prospera, nunc aduersa valetudine laborantibus suppeditari? Nec tantū Laicis, sed & sacerdotibus de vita periclitantibus ita administrari solere, exemplis illustribus comprobari potest, Refert enim Eusebius de Diuo Hieronymo, quod alteram solū speciem hinc migraturus acceperit. Sic Diuus Paulinus de Sancto Ambrosio, cuius vitam non ineleganter conscripsit. Item Seuerus Sulpitius de Diuo Martino, Amphilo chius de Diuo Basilio: Imò si quis vitam Sanctorum clarissimorum virorum calculo approbatam euoluat, comperiet plerosque, quamlibet sanctimonia conspicuos, in extremo vite termino, non nisi alteram sumpsisse speciem, cum ob corporis imbecillitatem quibusdam sacrificandi non daretur copia. Accedit his non minū celebre exemplum, quod Diuus Theodoritus factum recenset Anno Domini 370. in S. Patrum historia, de Basso quodam Archipresbytero, qui cū obiret parochias suas,

ac in quendam Simeonem virum Sanctū
extremo vitæ periculo laborantem incidit
set, censuit sacro Eucharistiæ viatico com-
municandam esse animam, quo tutius lon-
gum iter ingredi posset: priusquam tamen
id effectum daret, os siccitate horridū cu-
rat spongia humectari, ac elui, atq; ita sacrū
administrari. Quid hinc colliges Monhe-
mi? Si in more positū erat, sanguinis Chri-
sti poculum semper porrigi, quid opus erat
faucium ariditatem spōgia humectata de-
mulcere ac mitigare? Referre etiam opere-
pretium, quod D. Gregorius hom. in illud:
Si quis venit ad me, & nō odit patrem &c.
narrat de Cassio Narniensi, quod in ora-
torio Missam fecerit, & manu sua corpus
Dominicum pacemque omnibus dederit.
Idem etiam libro tertio dialogorum capi-
te tertio factum memorabile de S. Aga-
pito recenset, qui sacrificio peracto ab al-
tarij descendens, claudi cuiusdam manum
tenuit, atque assistente populo, atque spe-
ctante, ipsum mox à terra in proprijs gres-
sibus erexit, cumque corpus Dominicum
in os mitteret, illa diu muta ad loquendū
lingua soluta est. Sic & Venerabilis ille Be-
da ante annos 700. lib. 4. Anglicanę histo-
rię cap. 23. narrat de quodam Sacerdote, qui
iubens

subens sibi adferri corpus Domini, quod manu in os milit, ac vitam cum morte commutauit. Vbinam hic vsquam vini, sanguinis, ac potus, ac non potius solius panis fit mentio? sub cuius solius specie, S. Eucharistiam sumebant. Nunquam enim consuetudo illa sub vtraque specie communicandi fuit ita communis, & ab omnibus recepta, quin etiam altera tantum specie, saluo iure diuino vti liceret. De panis specie abundè satis demonstratum est: Solam etiam vini speciem ægrotis ægrè diglutiētibus nonnunquam administratā fuisse, comprobari potest ex canone 76. Concilij 4. Carthaginensis, & ex Toletani II. canone. Intellexerunt igitur prisci illi patres, quos vnctio Spiritus sancti docebat, neminem aut per Christi, aut Diui Pauli verba præter sacrificantes ad vtriusque speciei communionem obligari. Quis enim in eam prorumpat insaniam, vt tot hominum myriades ab Apostolorum temporibus in hunc vsque diem asseueret, per alterius speciei communionem omnes ~~Cuncti~~ præceptum transgressos esse? Impium esset hoc cogitare, nedum dicere. Quis enim cuiquam sanæ mentis homini persuadeat, Ecclesiam (quam Christus

fui sanguinis pretio acquisiuit, & in tutelâ suscepit, Ioann. 14. 15. 16. 17. & Matth. 16. & 28.) hucusque viam veritatis ignorasse, aut legē diuinam vltro nea temeritate violasse? An non est hoc Deum falsitatis, aut fractæ pollicitationis arguere? En quantis inscitæ tenebris inuoluuntur heretici, dum lucis diuinæ radijs non perfunduntur aut illustrantur. Quantum à rectæ vitæ tramite aberrant, dum Christum ducem in cordis simplicitate non sequuntur. Quàm longè absunt à veritate, dum proprio iudicio tam temerè confisi, S. Ecclesiæ auctoritatem, non dico negligere, sed aspernari, ac ignominia summa afficere remis velisque contendūt. Præceptoribus quidem suis peruitatiæ pares, opinionibus tamen ac erroribus sæpenumero plurimùm dispares: Ausculta Mōhemi, dicemus quemadmodum se res habet. Philippus Melanthon in suis locis communibus communicare sub altera vel vtraque specie, inter adiaphora, id est indifferentia commemorat. Tu verò ais ea diuinitus indiuulsa esse: Accedat & alter testis, Bucerus, & ipse non postremus inter hereticos in colloquio Ratisponensi adeò huic sententiæ non est refragatus, vt etiam censuerit receptā illam vnius speciei communio-

munionem porro seruandam esse, liberam faciens alterius vel vtriusque speciei communionem. Et quoniā funiculus triplex difficilè rumpitur, & in ore duorum vel trium stabit omne verbum: Tertium quā Coriphæum adducemus Lutherum, nempe à quo ceu fonte omniū malorum sentina profluxit. Is ad Bohemos scribens, inquit, Quoniam pulchrum quidem esset, vtrāque specie vti, & Christus hac in re nihil tanquā necessarium præceperit, præstaret pacem & vnitatem (quæ vtiq; Christus præcipit) sectari, quā de speciebus Sacramenti contēdere. Audisne Monheimi trium præceptorum tuorum testimonia? quibus contestantur vtriusque speciei communionem, nō tam iuris diuini, quā omninō liberam esse. Tu verò tanquā illis instructior, sis species diuinitus indiuisas esse, quasi altera sine altera, citra iuris diuini præuaricationem minimè liceret vti. Et tamen cū nihil præter Sacras literas recipiendum esse superius docueris, nullū hic ex ijs profers testimonium, quibus hunc tuum errorem confirmes. Nos tamen aliorū hæreticorum argumenta adferemus, eaq; solidè diluemus. Ne aut simplex lector, aut tui discipuli (quorū animas

tam nefariè ac malitiose interimis) in tu-
 um aut alterius libellum pernitiöse impin-
 gant. Adducuntur autem ex Ioan. 6. Ni-
 si manducaueritis carnem filij hominis, &
 biberitis eius sanguinem, non habebitis
 vitam in vobis. Obsecramus & obtestamur
 te, quicumque hæc lecturus es, vt omnes a-
 nimi neruos intendas, & diligenter expen-
 das, quæ dicturi sumus, vt sine negotio co-
 gnoscas, quàm fœda interpretatione illa
 Christi verba peruertant, quæ alioqui ab o-
 mni falsitatis fūco sunt alienissima. Petim⁹
 igitur ex Monhemio, quónam modo sta-
 tuat ex his verbis specierum indiuisiōe,
 quarum hic nulla à Christo fit mentio? Nō
 enim ait, Nisi manducaueritis carnem filij
 hominis sub specie panis, & biberitis eius
 sanguinem sub specie vini, non habebitis
 vitam in vobis, Sed simpliciter meminit
 carnis & sanguinis, non autem specierum.
 Iterum rogamus ex Monhemio, num qui
 Dominum sub altera tantùm accipit, reue-
 ra etiam corpus & sanguinem Domini su-
 mat? Negare nequaquàm potest. nam vt di-
 ctum est, cū Christus amplius mori non
 posset, nec sanguis à corpore, nec corpus à
 sanguine vnquàm separari queat. Ac prò-
 inde dum sub specie panis Christi sumitur
 cor-

corpus, utiq; non cadauer, sed viuudum est. Si viuudum, sanè non carebit sanguine, in quo vita consistit. De specie vini idem cè- sendum erit. Sanguis enim viuudus sine vi- uido corpore subsistere nequit. Hec itaque in se indiuisa sunt, sed species utiq; diuel- li possunt. Et si Mòhemius reclamet, Si ob- iiciat fumentem Christi corpus non pro- prie dicendum esse, bibere domini sangui- nem, sed sumere, potus enim alteram, nem- pè vini, videtur requirere speciem. Respon- demus ex Doctorum sententia, impropri- am esse de esu & potu phrasim, sed Meta- phoricam locutionem. Nam si de proprie- tate sermonis contendere velimus, nemo etiam proprie dicitur manducare corpus Domini, sed sumere. Quis enim Christum (qui sub specie panis verus Deus & homo, nunc immortalis & impartibilis est) den- tibus conterere, aut commolere poterit? Quocirca sicut improprie dicitur Christi corpus bibi, ita etiam non proprie dicitur manducari, cum nec tãgi, nec perpeti quicq; possit. Verba igitur figuratè accipièda esse nemo miret. Neq; em̃ is semper est verus S. Scripturę sensus, quem cortex literæ præ se ferre videtur, sed quem Spiritus sanctus no- bis per inuiolabilem Ecclesię doctrinam sugge-

300 EXPLICATIO ERRORVM

suggerit, etiam per voces nonnunquam metaphorice sumptas. Neque verò de proprietate sermonis semper in S. literis, ut in Cicerone digladiandum est. Cōperimus autem vtrumque siue de potu, siue de esulouaris, impropriad esse phrasim. Quare qui corpus domini sub specie tantum panis, vel sub specie vini accipit, dicitur manducare carnem filij hominis, & bibere eius sanguinem. Quid enim aliud est manducare & bibere, quam sumere: Qui autem Christi corpus sub altera sumit specie, vtrumque certè & corpus & sanguinem Christi sumit. Siquidem (ut iam ostensum est) alterum ab altero in eternum separari non potest. Obligatur igitur omnes præcepto Christi, etiam Laici ad sumptionem corporis & sanguinis Dominici. Huic autem mandato satisfaciunt, cum sub specie panis corpus & sanguinem Domini percipiunt. Nequaquam verò præcipere Christum vtramque speciem Laicis percipiendam esse, iam abundè monstratum est, cum neutrius speciei hic meminisset. Imò in totò quidem capite, ne semel quidem vini mentionem facit, panis autem frequentissime. Si aures Lectoris commodabis beneuolas, dicemus quod maius est, nempe manifestissime ex hoc capite

pite posse colligi, Laicis communionem sub specie panis ad salutem consequendam sufficere. Non nos, sed Christum patris sapientiam hoc capite sic loquentem audias: qui (inquit) manducat hunc panem, viuet in æternum: Et iterum, Qui manducat me, ipse viuet propter me. Atqui Laici sub panis tantummodò specie communicantes, hunc panem ac Christum ipsum manducant: consequens igitur est communionem sub panis specie ad salutem adipiscendam sufficere Laicis, nisi quis planè atheos dixerit, Christum ad salutem non sufficere. Quin potius, si rem ipsam penitus introspicias lector, videas manifestè Laicos sub vna tantum specie communicantes, nulla prorsus ex parte fraudari, si rem ipsam, nempe Christum, siue fructum ipsum, qui hoc Sacramento percipitur, spectare velis. Quod enim ad ipsum Christum hoc Sacramento contentum attinet, iam antè ostendimus, non minùs sub vna quàm sub vtraq; contineri specie. Quod autem ad fructum seu gratiam huius Sacramenti spectat, clarum est, hunc fructum tū ab ipso Christo, tū à fide & præparatione communicantis pendere. Cum igitur tanta sit, ac esse possit, Laici sub vna specie commu-

Ioan. 6.

communicantis, quanta est sacerdotis sub
vtraque specie sumentis religio: Confe-
quitur, Laicum tantundem sub vna spe-
cie, atque sacerdotem sub vtraque accipe-
re. Licet sacerdotes aliquando dum sacrum
peragunt, vtramque speciem adhibere de-
beant. Nam Christi in cruce se patris offe-
rentis personam referunt, ac separationem
illâ sanguinis Christi à corpore repræsen-
tât. Atq; vt hoc faciât, à Christo in cœnamâ
datum acceperunt. Illis namq; dictum est,
Hoc facite in meam côm memorati-
onem. Sa-
tis ergo perspicuè demonstratum esse ar-
bitramur, nulla ratione omnes promiscuè
ad vtriusque speciei communionem per
Christi verba cōstringi, sed solum ad sum-
ptionem corporis & sanguinis Domini,
qui non minùs sub altera tantum, quàm
sub vtraque peragitur specie. D. etiam Pau-
li verba (quibus hæretici vtriusque speciei
necessariam communionem probare ni-
tuntur) diligenter trutinemus, vt aduer-
tamus, si vim aliquam præcepti obtine-
ant, & omnes ad vtriusque speciei côm-
unionem obligent. Seclude lector precamur
affectum, & veritatem toto pectore perseru-
tare. Sic enim ait Diuus Paulus: Ego enim
accepi à Domino, quod & tradidi vobis,
quoni-

Luc. 22.

1. Cor. 11.

quoniam Dominus Iesus in qua nocte tradidit, accepit panem, & gratias agens, fregit, & dixit: Accipite, & manducate, hoc est corpus meum, quod pro vobis tradetur, hoc facite in meam commemorationem. Similiter & calicem postquam cœnauit, dicens: Hic calix nouum testamentum est in meo sanguine: hoc facite, quotiescunque biberitis, in meam commemorationem. Quotiescunque enim manducabitis panem hunc, & calicem bibetis, mortem Domini annuntiabitis, donec veniat. Itaque quicumque manducauerit panem hunc, & biberit calicem Domini indigne, reus erit corporis & sanguinis domini. Quid hic ex progressu verborum aliud colligere poteris, quàm Apostolum nihil quicquid precipere de comunione alteri⁹ vel vtriusque speciei, sed solùm Christi factum enarrare, quid in cœna illa nunquam satis stupenda, egerit? Neque enim verba illa, Hoc facite, &c. Laicis accommodari possunt, (nisi & illis potestatem consecrandi vindicemus) facere enim, etiam complectitur consecrare & offerre, ut Diuus Cyprianus ad Cecilium, & Damascenus, & alij celebres viri testantur. Etsi igitur Paulus Corinthiis (apud quos tunc erat ea consuetudo) permetteret vtriusque speciei communionem,
non

non tamen eam præcepit. Nec enim (tradi-
 di) hic idem est quod (præcepi) sed potius
 docui. Sicut Euangelistæ dicuntur nobis
 tradidisse doctrinam & miracula Christi.
 Adde quod Christus Apostolos in Sacra-
 dotes consecrans, non disposuit de modo
 vtendi vel sumendi hoc Sacramentum, sed
 magis de eius substantia & ministro. Fa-
 cere igitur distinguitur contra Sacramenti
 vsum, primaria autem institutionis ratio
 est, vt sacrificiū haberemus, quod Deo pa-
 tri offeratur. Cæterum vt edatur aut biba-
 tur, est finis institutionis, sequens alterum
 primarium. Quo verò tempore, vel loco,
 aut in pane azymo, vel fermentato (in quo
 Græci consecrant) quibus ritibus admini-
 stretur, aut circumstantijs alijs cosecretur.
 Hæc omnia reliquit per S. Ecclesiam pro
 diuersitate temporum & locorum, ac perso-
 narum disponenda. Hæc etiam ordinatu-
 rum se pollicetur Apostolus, dum ait, cæte-
 ra cum venero disponam. Vbi nam legitur
 apostolum pollicitis respondisse, & alia de
 hoc Sacramēto disposuisse, cum nusquam
 præterquàm in hac Epistola sacramēti me-
 minerit? Constat itaq; Apostolum Corin-
 thijs, & alijs discipulis, quosdam ritus tra-
 didisse, quos ab Apostolo discipulis tradi-

tos etiamnum in Ecclesia seruamus ac custodimus. Alioqui, si ad circumstantias & ritus à Christo exhibitos nos obligari putemus, tunc non nisi post cœnam, prandium, & pedum lotionem erit offerendum: præterea nō nisi cœnatis, cum alijs circumstantijs quamplurimis dandum erit, quod D. Aug. in Epistola 113. ad Ianuarium improbat impense. Præterea verba illa, quæ apud D. Marcum cap. 14. inueniuntur: Bibite ex eo omnes, nō constringunt Laicos ad bibendum, sed solum illos, qui præsentés erant, Apostolos. Nam sequit: Et biberunt ex eo omnes. Quis non videat hoc falsissimū esse, si ad alios, quàm ad solos Apostolos præsentés referatur? Aut ergo falsitatis arguendus erit Euangelista, aut asseuerandum erit, Laicos his verbis non astringi ad calicis potationem. Neq; verbis etiā Paulinis, dum 1. Cor. 10. ait, Omnes quidem de vno pane, & de vno calice participamus: Nam Græci codices sic habēt, *ὅτι ἕς ἑστ' ὁ*, *ἐν ᾧ ὅμα ὅτι περὶ μοι ὅρμεν; ὅι γὰρ τὸ ὅντες ἐν τῷ ὅρμῳ μετέχομεν*, hoc est: Quoniam vnus panis, vnum corpus multi sumus: Nam omnes ex eodē pane participamus. Nulla autem facta est calicis mentio. Hic apertè aduertis, ad vnitatē corporis satis esse cunctis,

tis, vt de vno pane participant, nec calicis exigitur communicatio. Si Monemus obltrepas, superius Paulum benedictionis calicis meminisse. Respondemus, quisnam alius benedicit calici, nisi solus Sacerdos, aut quis alius frangit panem. Deinde cum de Laicis loquitur, solius panis mentionem facit, vt non obscure Græca testantur exemplaria. Diuus enim Paulus omnes nos vult esse Christi corpus. Perspicuum igitur est, quomodo CHRISTI & Apostolorum verba, ex ijs quæ præcedunt & sequuntur interpretanda sint, quæ nemo melius, quàm S. Ecclesia spiritu Christi imbuta, interpretari potest. Et quia hæc oim optime intelligit, Laicos per nullum scripturæ locum ad communionem vtriusque speciei obligari, per Conciliū Constātiense & Basiliense constituit, nulli extra missæ sacrificiū vtriusq; speciei communionem porrigendam esse. Nemo autem Ecclesiam temeritatis aut præcipitis consilij suggillare debet, quam ad hoc statuendum iustissimas ratioēs permouisse credere fas est, quæ quidem in hūc modum assignari possunt: Primū, ne Laici sibi persuasum haberent, se ad vtriusque speciei perceptionem obligatos esse præcepto diuino: Deinde, vt doceat

erat nihilominus totum Christum tam sub
vna, quàm vtraque comprehendi specie: &
eorum excludatur error, qui sub vtraque
plus, quàm sub altera complecti putabant:
neque Deum offendi, si ex Ecclesię edicto,
alterā tantum speciem suscipiant. Demum
ob vitanda immania illa pericula effusio-
nis sanguinis, quæ nunc ob tantam homi-
num multitudinem ac insolentiam, diffi-
cillimè caueri possent. In primitiua verò
Ecclesia maior erat in omnibus Sacramen-
ti reuerentia, qui quotidie dira pro Chri-
sti nomine subeunda expectabant suppli-
cia, ac proinde vt recenti magis incalisce-
rent passionis Dominicæ memoria, illis
hæc sanguinis dabatur, vt sicut Chri-
stus pro nobis, ita nec illi suum pro Chri-
sto dubitarent sanguinem, & vitam pro-
fundere. Quod verò ad Cyprianū, quē cita-
uit Monhemius attinet, fatemur ingenuè
vtriusq; speciei communionem eo tempo-
re in vfu fuisse, sed non eo modo, vt non
licuerit etiam altera tantum specie legiti-
mè vti, quemadmodū partim ex historio-
graphis, ac tot Doctoribus eximijs, con-
stat, partim quæ ex S. scripturis germanè in-
terpretatis, iam adduximus, quæ homines
alioq; emunctæ naris ac obstreperos merito

placare deberent. Tacemus interim de in-
 uiolabili Ecclesiæ authoritate, cui nemo
 nisi cum salutis dispendio reluctari potest.
 Quid enim aliud vociferatur Christus, Lu-
 cæ 10. Qui vos audit, me audit: qui vos sper-
 nit, me spernit, &c. Deinde Matt. 23. Omnia
 quæcunque dixerint vobis, facite, &c. An
 non & vos electionis suo Magistro conci-
 nit, li. 13. Obedite præpositis vestris, & sub-
 iacete illis, &c. Et iterum, Rom. 13. Omnis
 anima potestatibus sublimioribus sit sub-
 dita, &c. Nam qui potestati resistit, Dei or-
 dinatiōi resistit, & iudicium sibi acquirit.
 Quàm grauibz igit discriminibus se mul-
 ti principes implicant, dū S. Ecclesiæ parere
 recusant. Quātis se periculis inuoluunt sub-
 diti, dum principibus quamdiu licita præ-
 cipiunt, nō obtemperant. Cæterum ita cō-
 paratum est iusto Dei iudicio, vt principes
 similem in subditis suis experiantur rebel-
 lionem, qualē ipsi Matri Ecclesiæ exhibe-
 re non formidant, quo nihil certè scelesti-
 ūs esse potest, nihil quod Dei gloriā ma-
 gis obscuret, nihil quod Christus in hac
 vita grauius multandum, ac impiū cal-
 pandum esse existimarit. Dum ait Matt. 18.
 Si Ecclesiā nō audierit, sit, tibi velut Ethni-
 cus & Publicanus. Quid igitur de commu-
 nica-

nicatoribus istis vtriusq; speciei, ex Christi verbis censendū erit? nisi quod toti mundo veluti ethnici & Publicani habēdi sint. Non nostra, sed Christi verba sunt. Si nostram repudiare conatur monhemius, certē Christi censuram nec negare, nec conucllere potest. Quem igitur fructū ex hac communione videntur referre, qui sponsam Christi obfuscant, contemnunt, lacerant, imò perditum iri volunt? Scimus quid dicturus sit, qui Christi & sponsæ eius S. Ecclesiæ flagrat amore. Nempe non solum illos non fructum aliquem salutis aut gloriæ, sed perditionē æternam, ac perpetuam reportare ignominiam. Quanto igitur fatius esset, ex præcepto S. Ecclesiæ vnicam cum gratiarum incremento percipere speciem, quàm cum vtraque specie fructum sacramenti, ac cælum simul perdere, & sempiternam metere gehennam. Horrescimus referētes, horrescimus sanè, dum videmus populum ex falsa sycophantarum persuasione, tam procaciter in propriā ruere pernitiam, qui tam facilè S. Ecclesiæ morem gerentes, salutem consequi poterant. Quid si quispiā in omnibus alijs Ecclesiæ pareat, in hoc autem vno articulo ab ea discrepet? Quæ alia de eo, quàm D. Iacobi 2. cap. po-

test ferri sententia? Qui offendit in vno, factus est omnium reus. Quamuis circa hanc materiam plura dici possent, tamen ad finem properamus, ne metas disputationis excedamus. Nemini autem non hæc, quæ diximus sufficere poterant, qui vel guttulam Christiani sanguinis habeat, vel sensuum suorum iudicio vti velit. Nunc ad piam monhemij precationem accingimur, quàm habet folio 105. in hunc modum, *Orandus est Christus, ut disensionem hanc de altera uel utraque specie, & simul pestiferam, &c.* Compellamus te Monhemi, quis hanc disensionem cum tanto animarum periculo in orbē inuexit? Quis antè annos circiter quadraginta, vnquam huius contentionis meminit? Quis vnq̃ (nisi fortè Bohemos excipias) contra Ecclesię mandatū visus est vtramq̃ speciem ambire? Non dubitabant quidē semel maiores nostri, quin simplici corde Ecclesię præceptis obsequendū esset, nec vlla ratione insultandū esse censēbant, nec qualicunq̃ colore quę statuisset in consultationē aut ambiguitatem vocandę esse. Et si fortasse tu (vt solent hæretici parētum famā proscindere) hoc nostrorū imprudentiæ aut rudi simplicitatē vindicandū arbitrere, profectō totus orbis reclamabit, ac te falsita-

falsitatis cōuincet. Oblatrabūt tibi præclara illa maiorū nostrorum monumēta, quæ quotidie oculis tuis & nostris sese cōspicienda offerūt. Quādo sanctiūs, ac puri⁹ vnq̃ floruit Christiana religio, q̃ dum tot templis ac monasterijs, tot sacrificijs, cōcionibus, ac ceteris id genus diuinis officijs standandis incumberēt, ac magnā pecunię vim in hoc liberaliter impartirēt, nec tamen posterōs suos iusta hæreditate fraudabant, sed & illis plus satis opū relinquebant. Dominus enim sibi donata cū augustissimo scēnore refundebat. Cōferas ergo ô Mōhemi in primis illa cum nostro hoc deploratissimo seculo præclara facinora. Illi huiusmodi magnis impendijs construxerunt, filij nunc temeraria procacitate destruunt, inò funditus euertunt, aut solo saltem æquant. Illi sua donarunt, ac locupletiores facti sunt: hi non solum nō sua subtrahunt, sed & aliena diripiunt, & ad inopiam rediguntur, vt rectè dixerit Sapiēs, prouerbiōrū 11. Alij diuidant ppria, & ditiores fiunt, alij rapiūt nō sua, & semp in egestate sunt. Et ne qd̃ scēdius dicā, virgines deo cōsecratas libidinib. prostituūt. Tales sunt mōhemi, qui tuis ac tuorū pestiferis dogmatibus persuasi, has noxias contentiones, ac rerū omniū

perturbationem mūdo intulerunt. Sed ad alia progrediamur, quæ etiā non vulgaris maiorum nostrorū pietatis sunt argumenta. Quis xenodochia, in quibus pauperes ac morbis tabidi aluntur tam amplis annuis prouentibus locupletauit? Et (vt innumera alia prætereamus) quando vnquā melius riguit in singulis ciuitatibus Respub. quā cū maiores nostri eā gubernādam ac cōstitutionibus, quæ etiā nū apud multos supersunt, eam prudēter fouerunt, vsq; adeò, vt ciues nō solum diuitijs affluerent, sed etiā in pietate, pgressum facerēt. in summa tranquillitate ac cōcordia inter se uiuērēt, Principibus ac magistrat. b. iussu honorem deferrent, edictis libenter obtemperarent. Nunc verò cū hac falsa religiōe, ne dicā perfidia, adeò flaccidē sunt factę politię in plerisq; ciuitatibus, vt non nisi dolis & fraudib' negotiationes peragant, & alter alterius fortunę ac felicitati malitiose inuideat, aut dolose insidietur, adeò vt aperte conijcias, inter Christianos disparē religionem, perpetuò omnium rerum perturbationem ac pernitiem comitari. Si experientię fidem adhibere voles, non te exteras nationes, sed ad miserā illam Germaniā ablegabo, videbis illic miserādam rerū faciem,

faciē, omnia hiulca, manca, exulcerata esse, cum religionis labefactione, vel potius ablatione, neglectam etiam esse civilem politiam. Nulla, aut exigua admodum prestatur principibus ac magistratibus obedientia, quisque in suo arbitrio ac iudicio conquiescit, ac quod vult, facit. Denique adeo omnia pessima eunt, ut illos, quibus adhuc aliquid luminis inest, prorsus maiorum suorum pudeat: ita videtur omnia feruere tumultibus, litibus, rixosis disputationibus, & rerum interitum minari, ut velint pestem hanc expultam, ac veterem illam ac Catholicam religionem reuocatam esse. Utinam Principes illi Catholici ac magistratus, qui nondum colla illorum iugo subdiderunt, hanc execrabilem rerum metamorphosim abominarentur, ac sibi suisque tempestiuè prouiderent, atque tales lupos ac vulpeculas, quæ vineam Dñi demoliuntur, quibus non inæqualem se Mōhemius exhibet, regnis suis exturbarent, alioqui paulatim gregem inficient, ac infectum mactabunt & perdent. Connuere volunt multi, donec mala usque adeo inualescant, ac increbrescant, ut non nisi cum maximo rerū dispēdio, ne dicam cum vitæ discrimine malis mederi possint,

atque non nisi cum tritico zizania queant
 euellere. Quid attinet de animarum peri-
 culo cōqueri, quarū subinde minūs, quàm
 equorum suorum cura plerosque prō do-
 lor anxios habet. In alendis equis, cani-
 bus, ac ampla familia, sunt nōnunquām &
 Ecclesiastici & Sæculares principes admo-
 dum prodigi: in nutriendis studiosis ac su-
 stentandis viris doctis, parcissimi. Hinc cō-
 tingit, vt multis in locis studia nō dico flac-
 cescant, sed planè extincta esse videantur
 & iaceant. Quid ita? facilis est coniectu-
 ra, siquidem doctis non sunt vlla propo-
 sita præmia, ac proinde vitam in ocio ac
 vmbri degere, quàm vires laboribus si-
 ne premio extenuare malunt, quamuis in
 omnibus Christi gloria potissimū spe-
 cianda foret. Adolescentes quibus non
 suppetit comparandorum librorum facul-
 tas, à paucissimis iuuantur, etiamsi inge-
 nio polleant, & Ecclesiam aliquando ab
 istis exitialibus hæresibus vindicare pos-
 sint. Pauperum aut exigua, aut nulla cu-
 ra est. Si qua Præbenda per mortem ali-
 cuius vacauerit, ea statim ad nōbilitū
 filios, qui subinde vel ad venandas feras,
 vel ad ferenda arma, quàm ad literas sunt
 aptiores. Hæretici interim in sinu gaudent,
 atque

atque Catholicorum oscitantiam, supinamq; negligentiam subsanant. Magnis impendijs suos alunt, pecuniæ vi Catholicos ad suos errores pelliciunt, ac fœdè corrumpunt. Amplissima mercede suos conducunt, vt libros, quibus Catholicos fatigent, conscribant, ac in omnes mundi partes propagent. Hij sunt Monheimi, qui dissensionis faciunt (quos Diuus Paulus vitandos acriter monet, Rom. 16.) inimici crucis Christi, quorum Deus venter est. Quantò rectius præcareris Dominum deum, vt & à te, & ab alijs spiritum dissensionis auferret, vt repudiatis erroribus, in vnitæte fidei vnanimis vno ore confiteremini vnum Dominum Iesum, & sp̄sam eius Ecclesiam amplecteremini, deposito supercilio. Non inter Catholicos de negotio fidei altercati est, sed inter tuos cōplices: aliter Lutherus, aliter tu, aliter Calvinus docet, & ab hoc Melanthon ex diametro dissidet. Tacemus de Bucero, Brentio, Osandro, Zuinglio, Oecolampadio, & nuper nato Velfio, qui cū perpetua nominis ignominia in oppugnanda Ecclesia tyrociniū posuit. Sexcēta huiusmodi ferè sectarū genera ab alijs cōmemorata inuenias, quæ ad eodē se mutuò discrepāt, vt citius aqua è pumice elique-

elicueris, aut cælum terræ miscueris, quàm
 hæc inter se conciliaueris ac composue-
 ris. Tu iactas te purum habere Euangeli-
 um: Melanthon fortè dicet se habere pu-
 rius: Calvinus purissimum se habere non
 dubitauerit affirmare. De alijs qui etiã su-
 am vesaniam hoc anno prodiderunt, quid
 dicemus? nisi quod hij iactitant se docere
 purum Lutheranismum, aut si mauis, Sa-
 thanismum. Quis nunc præter hos Lu-
 theri paradoxa mordicus amplius tuetur?
 qui tamen omnium sectarum, (quæ nunc
 totum orbem concutiunt) author fuit &
 origo. Quàm candidos habet ille discipu-
 los, qui malunt somnia propria communi-
 sci, quàm præceptoris sui oracula ample-
 cti. Et sicut tu à Magistro tuo descisti, ita
 breui futurum est, vt & tui discipuli, quos
 Euangelium tuum docet, à te longo in-
 teruallo breui dissideant. Si roges nos,
 quænam sit omnium horum malorum ler-
 na, In promptu est responsio, quòd eadem
 quæ tot dæmonum phalanges è cælo per-
 cipites dedit. Nempè immanis illa belua su-
 perbia, quæ efficit, vt quisque pro suo arbi-
 trario & ingenio nouas semper sectas com-
 miniscatur, ac rudi plebeculæ, (quæ quo-
uis vento, veluti arundo, rapitur) qui-
 busdam

busdā falsis interpretationibus proponat. O quā insulsus est, ac parū ab amēte differt, qui neglecta Ecclesia veritatis columna, huiusmodi pręstigiatoribus fidem adhibet. Precandus esset Dominus DEVS, vt pro sua inexhausta clementia mentes principum ac magistratuum diuino lumine illustraret, quō has versutias ac imposturas, & hominum maleuolorum conatus penitus intelligerent, intellectas monitionibus acerbis suffocarent, aut si aliter fieri non posset, regnis suis ferro & igni propulsarēt, aut deploratos morte mulctarent. O lachrymandam quorundā principum negligentiam, qui magis dilatādis regnis & imperijs, quā propagandæ fidei Catholicæ operam impendunt, vti nam diras illas Dei comminationes cordibus suis insculperent, quas Dominus per prophetam detonat. Ezech. 3. & 13. Sapient. 6. Psal. 2. Hæc breuiter dicta sufficiant, ne piam tuam præcationem silentio præterijse videamur.

IN DIALOGVM DECIMVM

DE POENITENTIA.

DE Sacramento Pœnitentiæ dum hoc dialogo disierit Monhemius, partim

tim commendandus est, quoniam minus
 impiè de eo quàm cæteri locutus fuërit: par-
 tim quoq; reprehendendus, quoniã maiorũ
 suorũ vestigijs non inhæserit. Nõ rejicit il-
 le quidẽ cordis contritionẽ, & oris confes-
 sionẽ: alias tamen excogitauit partes pœni-
 tentiẽ, satisfactionis nullã prorsus mentio-
 nẽ faciẽs. In hoc itaq; in p̃sentia incũben-
 dũ erit, vt quid hætenus de Sacramẽto hoc
 sacrosancta tradiderit Ecclesia, primũ expo-
 namus, deinde quid Monhemij sententia
 veritatis cõtineat, explicemus. Ecclesia Ca-
 tholica Pœnitentiẽ Sacramentũ ideò docet
 institutũ esse, vt qui post baptismũ in pecca-
 tum aliquod denuò relapsi essent, hoc ipso
 diuinæ bonitati reconciliarẽtur, suorũq;
 criminũ remissionẽ cõsequerẽtur. Duo aut
 in hoc Sacramẽto, quemadmodũ & in cete-
 ris omnibus inuenire licet: formam vide-
 licet, quæ his verbis constat: Ego te absol-
 uo, &c. Et actus eius hominis, qui suorũ
 peccatorum pœnitentia ducitur, veluti ma-
 teriam. Actus autem isti, tres in partes distri-
 buuntur, (à quibus tres esse partes Pœniten-
 tiẽ dici consuevit) cordis cõtitionem, or-
 is confessionem, & operis satisfactionem.
 Hæc vt paucis declaremus, Monhemijque
 planiùs demõstremus errorem, istud ab in-
 genuo

genuo lectore, in cuius gratiā hæc conscrip-
 ptimus, annotandum esse operæpretiū du-
 cimus. Sacramentum videlicet istud longè
 alia ratione, atq; Baptismū conferri solere:
 hic enim veluti ostiū quoddā est, per quod
 in Ecclesiam Dei ingredimur: illud verò,
 in modū iudicij exercet, ipsius rei discussis
 causis atq; criminibus. Christus namq; Ser-
 uator, quādo in vniuersum orbē apostolos
 misit, *Ite*, inquit in vniuersum mundū, ba-
 ptizātes in nomine Patris & Filij & Spiritus
 sancti. Quando verò confessionē instituit,
 nō hoc modo locutus est, *ite*, remittite pec-
 cata hominibus, sed tāquam iudiciū quod-
 dam instituens: Accipite (inquit) Spiritum
 sanctum, quorū remiseritis peccata, remit-
 tuntur eis: & quorum retinueritis, retenta
 sunt: ac si diceret: Ego vos vestrosq; succes-
 sores præbyteros omnes, Christianorū cō-
 stituo iudices, vt examinata causā vel ijs re-
 mittatis peccata, vel contrā retineatis. Hoc
 quā probè D. Gregorius nazianzenus in-
 tellexerit, ex ipsius verbis clarissimè cōsta-
 bit. In ea enim oratione, quā ad subditos
 timore percussos, & Imperatorē irascentē ha-
 buit, ita Imperatorē aliequit: Lex Christi vos
 meę potestati, meq; subiecit tribunali. Im-
 peramus em̄ & ipsi, addo, imperio maiori &
 perfe-

Matt. 28

Ioan. 19

perfectiori: aut oportet potius Spiritus sub-
 sit carni, cælestiaque terrestribus? Suscipe
 igitur vocem liberiores. Scio te ouem esse
 mei gregis &c. D. Chrysostomus quoq; li.
 3. de de sacerdotio, totū iudicium (inquit)
 quod à patre Christus accepit, in apostolos
 transfudit, & item Hilarius in cap. 16. Mat-
 thei: O beatus (ait) cæli ianitor, cuius arbi-
 trario clauēs æterni aditus traduntur, cuius
 terrestre iudicium præiudicata autoritas
 sit in cælo, vt quæ in terris aut ligata sunt,
 aut soluta, statuti eiusdem conditionē ob-
 tineant & in cælo. B. Gregorius homilia
 26. in Euangelia, Pœnitentiæ Sacramentū
 cum forenſi iudicio cōfert, in quo primum
 causæ explicantur atque discutiuntur, vt de-
 inde æquum de ijs feratur iudicium. In Fo-
 renſi autem iudicio tria quedam spectanda
 videntur, nempe, Eiusdem omninò homi-
 nis esse sententia absolueret & sententia cō-
 demnare. Deinde iudicem nisi cognita cau-
 sa, atque etiam nisi reum pœniteat absolue-
 re iure non posse. Tertiò si quando absol-
 uat, id sine mulctā non semper fieri consue-
 uisse. Quemadmodum igitur iudex res habet
 in forenſi iudicio, sic etiam in Pœnitentiæ
 Sacramento vsu venire conspiciamus. In eo
 enim sacerdos iudicis locum tenens, causis
 peccatis

peccatisq; intellectis, si iustum fore existimat, confitentem absoluit, iniuncta tamen pœna aliqua temporali, qua pro peccatis suis satisfaciat: Si verò indignum eum absolute existimet, pro data sibi facultate peccata eius retinet. Quantum autem ad reum attinet, tres in eo operationes inueniri debet, quarum prima est, vt vera ducatur peccatorum suorum pœnitudine, sine qua nullus veniæ locus est: secunda, vt iudici peccata confiteatur: tertia, vt iniunctam sibi à Iudice mulctam (quam satisfactionem nominant, æquo animo libenterq; sustineat. Hæ operationes tres Pœnitentiæ partes vocari solent, Contritio, Confessio & Satisfactio. Finis porrò istius iudicij hic statuitur, vt Deo reconciliemur, quem grauiter peccatis nostris offenderamus: Sed de his omnibus; si placet, Florentinum illud & Tridentinum Concilia consule: Quanquam interim ex ijs etiam que dicta sunt, liquidò constare possit, quàm stupidus error à Mōhemio sit commissus, qui duas tantum esse pœnitentiæ partes, idq; nouo quodam more, edocet, mortificationem videlicet, & viuificationem, quiq; satisfactionem nō obscure excludit, cū nullam eius in tota hac tractatione fecerit mentionem: deniq; qui

folio 112. pr uatum sacerdotem priuato resis-
 piscenti remittere quidem posse peccata existi-
 mat, non tamen unum posse non poenitentem li-
 gare. quippe quod pr uatum iudicium (ut ipse
 piqut) mult s. nempe amore, odio metu, cupidi-
 tate excecari possit. adeo ut promiores ex quo si-
 mus ad condemnandum quam ad seruandum: male-
 le aut Deum seruare homines quam perdere. De
 his tribus enonibus vt ordine disseramus,
 illud mirari satis non possumus, qui fiat, vt
 Pœnitentiæ partes sint mortificatio & vi-
 uificatio, seu quod idem valet, internetio,
 & vitæ restitutio. Ista namque effecta po-
 tuis, quàm partes dixeris. Quid enim aliud
 hoc sacramento efficitur, quàm vt qui pri-
 us peccatis viuebamus, coram deo mortui:
 nunc cōtrā, moriamur peccatis, viuamus ve-
 rò iustitiæ & Deo? Nam quādo sacramētum
 illud perfectu atq; totum consummatū est,
 peccata expelluntur, quæ mortis causam ad-
 ferebant, introducitur verò gratia, iustitia
 & charitas, per quam animus uiuit. Neque
 verò Pœnitentiæ solius sunt isti effectus,
 sed omnium etiam actionum, quæ a vera
 charitate profiscuntur. Quādo quidem
 hoc nostris laboribus, ieiunijs, vigilijs, ora-
 tionibus, & id genus alijs pijs operationi-
 bus efficiamus, vt iudicis magis magisq; pec-

eat moriamur, animi prauas affectiões extirpemus, & quicquid tandem imperfectionē potest adferre, tollamus: iustitiā verò perfectius viuamus, experiamurq; in nobis flagrantius quotidie desiderium, vt amatissimo nostro Seruatori adesse possimus, eiusque dulcissimo cōspectu perfrui. Hæc autē iam enumerata, quid aliud q̄ mortificationē & viuificationē esse dixeris. Quī fit igit, quòd tā à maiorū tuorū sententia nouitate verborū Mōhemi deflexeris, nouamq; nobis Pœnitentiæ definitionem aduexeris, Esse videlicet synceram vitæ nostræ emendationem à vero serioq; timore Dei ortam, carnis nostrę veterisq; hominis interneccionē, & spiritus renouationem complectente. Si quidem duo hæc, vt intelligere modò potuisti, verè partes nō sunt, sed effecta potius, non pœnitentiæ tantū, sed omniū bonarū actionū. Cæterū, vt ad secundū errorē de satisfactionē veniamus: qui factū est, quòd illam apud veteres oēs vsq; adeò celebrem ac probatā, surda (quod dicitur) aure trāsmissis? iocōse, vt non apertè te hæreticum profitereris, illustrissimi principis tui metuens indignationem. Is enim si tantam sub pectore tuo vūlpem latere sciret, ne ad horam quidem te rectorem. (dixerimus

rectius veteratorem) suæ scholæ relinqueret. Nouimus nos interim ex discipulis tuis Monhemi, qui sis, quibus corruptus sententijs, quos fructus ibi proferas, quàm tu benè quamq; vtiliter regionibus illustrissimi Ducis consulas: Discipuli illi tuas hæreses produnt: illi tum verbis apud præsentés, tum literas apud absentes, quibus eos instituas modis, apertè significant. An ne præclara res est, vt pueri cū pueris, de satisfationibus, de purgatorio igne, de libero arbitrio, alijsq; grauissimis Theologicis questionib. passim decertēt, & absentib' tanq' iā plenè de reb' istis edocti (cū tamē in medijs adhuc Grammaticorū scholis versent) hæreses tuas persuadere contédant? Nō verētrur, purgatoriū ignē nouo atq; blasphemō vocabulo maculatoriū dicere. Satisfactiones ridere, atq; arbitrij libertati miris modis insultare. Agè Mōhemi, agè inq, in extremā tecum perniciē, & tuos & aliorum discipulos ptrahē. Cōfidimus nos tamē de principis tui illustriss. pietate (cuius opēpij oēs parētes, quorū tu hæten' liberos miserè peruertisti, lamētābiliter implorāt) imò verò nō dubitamus, quin cognita hac tua neqtia, & peruertendi libidine, ingenuorū adolescentū, quorū tu animos studes puer-

lis hæ-

sis hæresibus imbuere, misertus, breui sy-
cophantiæ isti tuæ sit finē impositurus: spe-
ratus illustrissimum principem hac in re
sua magis statutum conscientia iudicio,
quàm tuis aut aliorum suggestionibus at-
que consilijs commotum iri. Verùm vt
ad rem nunc redeamus, scimus quid de sa-
tisfactione sentias, quidque de Purgato-
rio igne (qui vnus est Satisfactionis mo-
dus) vt proinde non immeritò nobis sit
hac de re non secùs differendum, quàm
si apertè eam sustulisses. Primum igitur
certissimè omnibus constat, CHRISTVM
DOMINVM pro totius mudi delictis suo
sanguine abundè satisfecisse, neque citra
eius subsidium (quemadmodum Dialogo
quinto sat annotauimus) quicquam actio-
nes nostras valere. Deinde si quisquam in
Ecclesiam CHRISTI primum assumatur,
ita eum Sacro Baptismate ab omni peccati
macula penitus ablui, vt satisfactione nul-
la sit opus, quam pro commissis peccatis
exhibeat. Caterùm si ecclesia DEI præcla-
rissima est, optimeque constituta respub-
lica, & sicut castrorum acies ordinata, nul-
li dubium esse debet, quin summo studio
curandum sit, vt, qui in eam assumpti sunt,
cùm in vitia non relabantur, tum omni-

genis exornentur virtutibus: adaptent-
 que animos suos habitaculum sanctum
 Domino. Non potuerunt autem ista fie-
 ri commodius, quam si coram iudice ali-
 quo crimina sua detegerent relapsi fide-
 les, qui cum absolutione quam impende-
 ret, pœnam etiam aliquam atque satisfac-
 tionem secundum mensuram delicti in-
 iungeret. Quantumvis enim Christus sua
 passione & morte fuerit promeritus, ut
 quicumque dolore suorum peccatorum
 tenerentur, statim ijs omnibus & culpam
 remittere possit, & pœnam, non id tamen:
 quò melius Politia Ecclesiastica conser-
 uaretur, facere voluit, quin potius satis-
 factiones aliquas exegit, quas nos ipsi sce-
 lerum enormitati rependeremus. Id por-
 rò eo consilio factum est, ut maiori cura fi-
 deles peccata declinent, neque occasione
 accepta, peccata leuiora putantes, velut iniu-
 rij & contumeliosi Spiritui sancto in gra-
 uiora labantur, thesaurizantes sibi iram in
 die iræ. Proculdubio à peccato reuocant,
 & quasi freno quodam coercent hæ satis-
 factoriæ pœnæ, cautioresque & vigilatio-
 res in futurum pœnitentes efficiunt, me-
 dentur quoque peccatorum reliquijs, &
 viciosos habitus malè viuendo compara-
 tos,

Vide Tri-
 det. Syno.
 canone 8.
 de Pœnitē-
 tia.
 Rom. 2.

eos, contrarijs virtutum actionibus tollū,
 & denique Christo Dno, qui pro peccatis
 nostris satisfacies tam acerba passus est, co-
 formes reddunt. Hæc causa fuit, vt cum vo-
 tuerit, non tamen voluerit vnà cum eu-
 pœnam quoque omnem Seruator à nobis
 sustollere, sed post culpam deletam satis-
 factionem adhuc aliquam exigere. Neque
 verò hæc nostra satisfactio quicquam de-
 rogat satisfactioni CHRISTI, cui no-
 stra illa prorsus innititur, à qua & vim
 omnem suam recipit, quemadmodum ne-
 que operum nostrorum merita vel mi-
 nima ex parte meritis CHRISTI detra-
 hunt, vt Dialogo quinto copiose satis à
 nobis est explicatum: sed efficaciam eius
 potius arguunt, qua tantam virtutem ac-
 tionibus nostris est elargitus, vt & illæ
 non infrugiferæ aliquid etiam promere-
 antur. Cæterum hoc studiose annotan-
 dum venit, huiusmodi nostris satisfacti-
 onibus pœnisque, quas pro peccatis no-
 stris sustinemus, non culpam deleri, reatu-
 que æternæ damnationis, quæ peccantes in-
 curreramus, (hæc em solius Christi merito
 quod nobis absolutione applicat tollunt)
 sed Deū tantum placatiorem mitioremq; no-
 bis reddi, dū temporaneā pœnā pro peccatis

sustinemus, in quam virtute Sacramenti fuit
eterna illa commutata. Vis familiari simili-
tudine, quæ hætenus diximus declaremus?
Ecce tu nunc Rectorem agis Duisseldorpæ
sis Gymnasij. Sit igitur ex numero studio-
forum tuorum quispiam, qui te grauissimè
offenderit, adeò etià, vt schola tua eum ei-
cere volueris: Intercedat porrò aliquis, qui
quantum in se est hoc malum deprecetur, & pro
noxia tibi etià satisfaciatur: dicito ergo, si pla-
cet, anne tu in Gymnasium quidè tuum eius-
modi adolescentem admittes, verum ita,
vt certis quibusdam legibus eum ipsum co-
hibeas, ne in posterum in eadem facile flagi-
tia labatur, aut alij eius exemplo procliuus
etiam illi in vitia ruant. Similitudo ista si
non omni ex parte, aliqua saltem ratione
quod volumus ostendit. Agnouerunt hoc
etiam veteres illi Theologi, & antiquæ Ec-
clesiæ præsules, quando tam acutè satisfac-
tionem obseruarunt, & tam seuerè in pec-
cantes animaduenterunt: Paucos ex omni-
bus recensebimus, vt planè intelligant stu-
diosi, quàm sit noua disciplina, qua eos hæ-
tenus Monhemius instituit. Videt impri-
mis lector, quid ad virginem lapsam Diuus
Ambrosius cap. 8. scripserit, quo pacto totum
illud cap. in eo insumatur, vt pro peccato
suo

suo virginem doceat Deo satisfacere. Proprij facti (inquit) tu ipsa index esto crudelior, in primis omnis cura vitæ huius interrimenda tibi est, & quasi mortuam te existimās, sicut es, quomodo possis reuiuiscere cogita. Deinde lugubris tibi accipienda est vestis, & mens ac membra singula digna castigatione punienda. Amputentur crines, qui ver vanam gloriam occasionem luxuriæ præstiterunt: Desfluant oculi lachrymas, qui masculum simpliciter non aspexerunt: Palleseat facies, quæ quondam viruit impudicè. Et post multa eiusmodi enumerata, Talis (inquit) vita, talis actio pœnitentiæ, si fuerit perseverans, audebit sperare et si non gloriam, certè pœnæ vacationē. Similia in epitaphio Paulæ refert B. Hieronymus, piā illam sanctāque matronam dixisse, turpandam videlicet esse faciem, quam contra Dei præceptum cerusa & stibio sæpe depinxerat. Sic Diuus Augustinus sermone de Pœnitentia, Non sufficit (ait) mores i. melius commutare, & à factis malis recedere, nisi etiam de his quæ facta sunt satisfiat Deo, per pœnitentis dolorem, per humilitatis gemitum, per contriti cordis sacrificium, cooperantibus eleemosynis. Tertullianus item libro de Pœnitentia:

Nemo (inquit) liber est à peccatis, quia de
 eis doluit, nisi ieiunauerit. Si plura deside-
 ret quis testimonia, videat Diuum Ambro-
 sium libr. de Pœnitentia, & sermone 30. &
 31. de eleemosyna: D. Cyprianum libr. 3. e-
 pistola 18. sermone 5. de lapsis, in quo tã aper-
 te nostri Monhemij error refellitur, vt ex
 professo aduersus eundem disputasse vi-
 deatur. Vide Diuum Augustinum innume-
 ris penè locis, veluti libr. de vera & falsa
 Pœnitentia: In Enchyridio ad Laurenti-
 um cap. 71. Chrysostomum in homilijs de
 Pœnitentia, & alibi sæpius. D. Gregorium
 homilia de Euangelio ouis perditæ, vbi
 inquit: Cogitandum summoperè est, vt
 qui se illicita meminit commisiisse, à qui-
 busdam studeat licitis abstinere, quatenus
 per hoc conditori suo satisfaciat. Nam qui
 admisit prohibita, sibi met abscondere de-
 bet & concessa. Verùm quid his veterum
 Doctorum sententijs commemorandis in-
 sistimus? quando ex ipsis sacris literis aper-
 tissimè constet, dimissa culpa, nonnullam
 subinde pœnam luendam restare. Nonne
 apertus est locus Num. 14. quæ ad preces
 quidem Moyses rebellionis crimè Israheli
 remiseraat Deus. Dimisi (inquiens) iuxta ver-
 bum tuum: hoc tamen addito, Attamè oēs
 qui

qui viderunt maiestatem meam, & signa
quæ feci in Aegypto, nō videbunt terram,
pro qua iuraui Patribus eorū, nec quisquā
ex illis qui detraxit mihi intuebitur eam.

Et Dauid Propheta, postquā pœniten-
tia de commissō adulterio duceretur, re-
sponsū audiuit à Nathan Propheta, Do-
minus transtulit peccatum tuum, & non
moriēris: veruntamen quoniam blasphe-
mare fecisti inimicos Domini propter ver-
bum hoc, filius qui natus est tibi, morte
moriētur. Psalm. 98. nōne habetur, Deus
tu propitiū fuisti eis, & vlciscens in omnes
adinuentiones eorū. Et in noua lege prin-

2. Reg. 12.

1. Pet. 4.

Ioan. 15.

1. Cor. 11.

ceps Apostolorum testatur, Iudiciū incipe-
re à domo Dei, vt videlicet palmites ferē-
tes fructū purgentur, fructusq; plus adferāt.

Et D. Paulus: Si nosmetipsos dijudicarem⁹,
non vtiq; dijudicaremur. Dū iudicamur au-
tem à Dominō corripimur, vt non cū hoc
mundo damnemur. Ex quo sequitur, pœ-
nas aliquas, quibus satisfit peccatis in hac
vita, post remissam culpam irrogari. Fit
autem sæpenumero, vt priusq; debita pœ-
næ satisfiat, ex vita hac homo decedat, &
nondum satisfactione hic expleta moriā-
is nō statim sanē in cælum recipiē, quippē
quod pœnæ alicui adhuc teneat obstrictus.

Vide de
hoc loco
D. Bernar.
serm. 55. in
Cantica.

Neque

I. Cor. 3.

Neque etiam in infernum detrudetur, qui Deo per Christum est reconciliatus, & in eius gratiam receptus. Est igitur medius aliquis locus ex Dei misericordia tali homini constitutus, in quo quod in hac vita fuit omissum persoluatur: de quo Apostolus ad Corinth. Ipse (inquit) saluus erit, sic tamē quasi per ignem, quemadmodum quidem Florentina synodus verba illa exposuit. De eodem Machabæorum libr. 2. scribitur hūc in modum: Sancta ergo & salubris est cogitatio, pro defunctis exorare, ut à peccatis soluantur. Hunc locum purgatorium ignem appellant veteres, quem tui discipuli non verentur maculatorium dicere, cum eius tam celebris apud Priscos Theologos habeatur mentio. Vide D. Augustinum libr. de vera & falsa Pœnitentia, capite decimo octauo: Prius purgandus est igne purgationis, qui in aliud seculum distulit fructum conuersionis. Hic autē ignis etsi æternus non sit, miro tamen modo est grauis: excellit enim omnem pœnam, quā vnquam passus est aliquis in hac vita. Nunquam in carne tanta inuenta est pœna: sciet mirabilia passi sint martyres, & multi nequiter iniqui tanta sustinuerunt supplicia. Studeat ergo quilibet sic delicta corrigere.

rigere, vt post mortem non oporteat talem
pœnam tollerare. Et ne longi simus in ver-
bis autorum recitandis, videat studiosus
lector, quid de purgatorio scripserit idem
D. August. li. 9. Confess. cap. 13. quomodo
orauerit pro matre defuncta. Et libr. 50.
homiliarum, homilia 16. Enchyri. ad Lau-
rentium cap. 67. 69. 109. Epistola 64. libr.
2. de Genesi contra Manichæos cap. 20 lib.
primo de Ciuitate Dei, cap. 13. Tractatu 84.
in euangelii Ioannis. Chrysostomus præ-
terea in caput 1. ad Philipenses, sermone
31. homilia 20. in Mattheum homil. 21.
in Acta Apostolorum. In Iohannem ho-
mil. 84. Ad Populum Antiochenum, ser-
mone 69. homilia 41. In priorem episto-
lam ad Corinthios. D. Hieronymus in cap.
11. Prouerbiorum. In Esaiæ cap. vltimum.
In Marc. cap. 9. In Ezechielis cap. 1. & de-
nique ad Damasum: Dionysius Areopagi-
ta, Diui Pauli discipulus, Ecclesiasticæ hie-
rarchiæ capite septimo. Tertullianus libr.
de Monogamia. Origenes in Exodum, ho-
milia 6. Ambros. libr. 2. epistol. 8. In ora-
tione funebri, pro Gratiano & Valenti-
niano. D. Cypr. libr. 1. epistola 9. Atq; ha-
ctenus quidem de satisfactione, quæ si non
expleatur in hac vita, post mortē perficienda
restabit

restabit, iuxta concordem S. Patrū, vt audi-
sti, sententiā. Ex ijs autē quę superius dicta
sunt, manifestè sequit̃, absolutionis formā
nō in eo cōsistere, vt recitet sacerdos sacri
Euāgelij verba, ista videlicet: Remittūtur
tibi peccata tua, sed in istis potius, quę ha-
ctenus vsurpauit Ecclesia, Ego te absoluo,
&c. quemadmodū in Florētino atq; Tridē-
tino Cōcilijs est declaratū. Cōuenit enim
vt sacerdos, qui Iudicis in hoc sacramento
officio fungit̃, nō solū remitti peccata de-
nunciet, sed vt ipsemet quoq; ea ipsa tanq̃
Christi vicarius atq; minister p̃ delegata si-
bi potestate dimittat. Hinc est, q̃ veriti nō
sint veteres illi sacri Theologi, apertis ver-
bis scribere, sententiā Petri p̃cedere sentē-
tiam Cœli, quod utiq; nō fecissent, si non
ipsemet sacerdos autoritate sibi data in sa-
cramēto isto aliqd tanq̃ Dei minister effice-
ret. Vide D. Hilariū in ca. 16. matt. d. Chrys.
li. 3. de Sacerdotio, & B. Bern. serm. 1. in fe-
sto Apostol. Petri & Pauli. Ex ijsdē illis ma-
nifestè sequit̃, lōgè esse falsissimū, quod so-
lio 112. facie 2. scripsit Mōhemius, pruatū vi-
delicet aliquē dimittere quidē peccata pri-
uato alteri homini posse, nō tamē eundē li-
gare: Siquidē ijsdē omnino dictū est, quo-
rū retinueritis retenta sunt: quib' dicebat,
quo-

quorū remiseritis: remissa sunt. Et rursus Ioan. 20.
 iis ē: quæcūq; ligaueritis, ligata erūt: quib;
 illud, Quæcūq; solueritis, soluta erūt. Et Matt. 18.
 hoc certē ipsam etiā ex iudicis officio pla-
 nu fieri poterit, ita em̄ sese res habet, vt eiūs
 de sit & absoluere reū, & eundē dānare. Si
 igit̄ sacramētum istud p̄ modū iudiciij, quē-
 admodū antē ostēdimus, exerceri debeat,
 in quo iudex sit Sacerdos, profectō nō mi-
 nus retinere peccata ille poterit (si cōditio-
 nes eas in p̄nitēte desiderari viderit, quas
 secū adferri necesse fuerat) q̄ eadē dimitte-
 re. Verū fortasse de excomunicatiōe locu-
 tus est Mōhemius. Quod, si ita sit, fatebimur
 quidā multa cura, & inspectiōe, diligētissi-
 maq; disquisitiōe, summaq; p̄sidentia o-
 pus esse, ne immeritō aliquis ea graui p̄na
 mulctet: hoc tamē nihilominus certū esse
 debet, eiūsde esse hoīs cā & sū inferre,
 cui est ab eade absoluere. Vide qd̄ inuictis-
 simus ille Ambros. imperatori Theodosio
 sol^o fecerit, vt sol^o eu ab ecclesia depulerit,
 neq; prius in eandē admiserit, q̄ debita p̄-
 nitētia cōmissam culpā expia. et. Plura qui-
 de, eaq; manifestissima huius rei aduci pos-
 sent exempla, sed breuitatis stud̄ offiores finē
 huic dialogo imponendu cēsumus. Itaq;
 vt de more cōcludamus, frident. Synodū
 loquen-

Canon. 12. loquentem audi: Si quis dixerit totam pœnam simul cū culpa remitti semper à Deo, satisfactionemque Pœnitentum non esse aliam, quàm fidē, qua apprehendunt Christū, pro eis satisfecisse, anathema sit. Si quis dixerit, satisfactiones quibus pœnitentes per Christum IESVM peccata redimunt, non esse cultus DEI, sed traditiones hominum, doctrinam de gratia & verum Dei cultum atq; ipsum beneficiū mortis Christi obscurantes, anathema sit.

Canon. 14. Si quis dixerit, clauēs Ecclesiæ esse datas tantū ad soluendum, nō etiam ad ligandum, & propterea Sacerdotes dum imponunt pœnas confitentibus, agere contra finem clauium, & contra institutionē Christi, & functionem esse, quòd virtute clauium sublata pœna æterna, pœna temporalis plerunque exoluenda remaneat, anathema sit.

IN DIALOGVM XI.

TUrpiter admodum postremo isto dialogo in duobus præcipuè Sacramentis error commissus est, Confirmationē videlicet & extrema vunctione, quorum neq; natura, neque virtus satis explicatur. Videtur namque non aliud de confirmatione sentire

sentire Monhemius, quàm quòd exhortatio fuerit episcopi (addita solenni benedictiōe) vt incepta religiōe fortiter persisterent, sic enim ait: Cùm ritè fidei mysterijs instituti erant pueri, ipsorum parentes eos Episcopo examinandos representabant, coram quo cùm fidei confessionem edidissent, per manuum impositionem, adhibita solenni benedictione, confirmabantur. Sic in Actis legimus: Cùmque euangelizassent ciuitati illi, ac docuissent multos, reuersi sunt Lustram & Iconiũ, & Antiochiã, denuò confirmantes animas discipulorum, exhortantesq; ut perseuerarent in fide, & quòd per multas tribulationes oporteat nos intrare in regnum Dei. Hęc est monhemij de Confirmatione cōfessio, in qua illud maximè desideramus omnes, vt mentem suam luculentius exponat, dicatque, an ne plus aliquid in animis operabatur manuum illa Episcoporum impositio, quàm quod nuda exhortatione fieri consuevit? An ne prætereà ex vi Sacramenti, quamplurima dona animis infundebantur, quibus adiuti perfecti Christiani essent, ac septiformi Spirit^u sancti gratia perfusi atq; cōtra astus ac diabolicos insultus communiti. Si neget (vt negare videtur, dum solummodò ritum appellat) est quod

maiorum nostrorum de hoc Sacramento sententiam audiat, vt intelligat, quàm sit neotericû ac abominadum dogma, quod hodie nouatores nonnulli comminiscuntur. Illi nō solum sacramentū esse crediderunt, sed illud planè in nobis efficere (demptis externis miraculis) quod in celeberrimo illo Penthecostes die in cordibus Apostolorū efficiebatur, atq; deinceps in omnibus ijs, q per Apostolicarū manuū impositionē Spiritum sanctum acceperunt, fatentur illi Baptismo quidem nos in Ecclesiæ corpus assumi, & noua quadam generatiōe nasci, confirmatione verò hoc procreari, vt qui pueri erant sensu, & quasi modo geniti infantes, in perfectiorem ætatem adoleſcant, robustiores sint, neque vereantur Christi crucem publicè etiam cum vitæ discrimine profiteri. Hinc est, quod crismate sacro (quod Christum postrema cœna docuisse Apostolos conficere, antiquissimus Fabianus Pontifex & martyr testatur) sacramentū istud ritè administrat: nullum em̃ accommodatius signum inueniri potuit, quo rectius sacramēti huius effectus exprimeret. Chrisma siquidē est, ex balsamo atq; oleo commixtū, in quo oleum fidei, quàm publicè profitemur splendorem: Balsamum autem

tem cum odoriferum sit, odorē bonorum operum, qui ad omnes propagandus est, Lib. 2. P. 2. non incongruē significat. Oleum quoque dagogi, (quemadmodū Clemens Alexandrinus lo cap. 8. cuples testis est) ad pugnādum extimulat, ut eo inūcti omni contētione, omnibusq; viribus in certamine indefesse depugnent. Significat igitur sacri chrisimatis ista inunctio, qua fronti nostræ (quæ sedes pudoris est) crucis signum imprimitur, fidē, religionem non esse celandam, aut pudore ostuscandā, sed liberē coram omnibus ignominiosam Christi crucē fronti nostrę impressam, cū sincera fide operibusq; Christiano hoie dignis, pfitendā esse, præsidio gratiæ diuinę, quo anim⁹ corroborari intus agnoscit. Desideras fortasse, ut hæc quę diximus, sentētij veterū cōprobemus. Agē, morem geramus voluntati tuæ, tu vicissim nostræ nō relucteris. Sed audias qd D. Clemēs Pontifex ac martyr ad Iulium ac Iulianū discipulos scripserit: Omnibus, inquit, festinandum est sine mora renasci Deo, & denuō cōsignari ab Episcopo, hoc est, septiformē gratiam S. spiritus percipere, quia incertus est vniuscuiusq; exitus vitæ. Cum autē regeneratus fuerit p aquā, & postmodū septiformi Spiritus gratia ab Episcopo (ut

dictum est) confirmatus (quia aliter perfectus Christianus esse non poterit, nec sedē habere inter perfectos, si non necessitate, sed incuria aut volūtate remanserit, ut à B. Petro accepimus, ac ceteri sancti Apostoli precipiente Dño docuerunt) Demum ex operibus bonis ostēdat, in se similitudinem eius qui eum genuit patris. Post hunc Urbanus Pontifex, & ipse martyr Epistola ea, quam ad oēs fideles destinavit: Omnes, inquit, fideles per manus Episcoporum impositionē, Spiritum sanctum post baptismum accipere debent, ut plenē Christiani inveniānt. Quia cum Spiritus sanctus infunditur, cor fidele ad prudentiā & constantiam dilatat. Cornelius deinde Pontifex & ipse martyrio celebris (ut testis est Eusebius) Epistola quadam de Nouato hæreseos Catharorum authore, scribit, quod signaculo chrismatis consummatus non fuerit, unde nec Spiritum sanctum unquam potuerit promereri. Præterea melchiades epistola ad Hispaniæ episcopos, nō verē sacramentum istud cum baptismo conferre, ut exploratum sit omnibus, quā sit noua doctrinā, ac ab omnibus explodenda eorum, qui ritum quendam ex confirmatione faciunt. Si hinc ad concilia te conferas, nō minoris

Lib 6. Ec-
cle hist.
cap. 33.

mo-

momenti sententias etiam illic inuenies, quibus non parum sacramentum istud celebrat. Vide antiquissimum illud Elibertinū conciliū, tempore D. Syluestri coactum can. 38. & Laodicenū circa annos 1200. in Phrygia habitū ca. 7. & 48. Arelatense præterea ca. 8. Inter sacros Doctores, Dionysius Areopagita ca. 4. Ecclesiasticę hierarch. *πελειήρ*, hoc est, perfectionē appellat. Vide Iustinū Philosophum & martyrem in explicatione 14. & 137. quæstionum inter eas quæ à Gentilibus Christianis proponebantur. Item D. Cyprianum, libr. 1. Epistola 12. Itē D. Basilium, quando de Spiritu sancto disputat. Similiter & Diuum Hieronymum, Dialogo illo celebri aduersus Luciferianos. Postremò Diuum Augustinum, libro tertio contra Epistolam Petiliani capite 104. & libro tertio contra Donatistas cap. 16. libro etiam decimoquinto de S. Trinitate. Atque hoc certè in vniuersum asseuerare licet post Baptismū vix esse aliud Sacramentum, cuius apud veteres adeò celebris habeatur mētio, idq; non sine eximia aliqua effectū commēdatione, qui ab ipso pducuntur. Si enī ita sese res habeat (quemadmodū hæretici volunt) vt leuis tantum animorū confirmatio, qualis

etiam admonitionibus effici solet, hoc sacramento producat, qui factum est, ut à solis Episcopis ordinariè Sacramentum hoc perficiatur, cum non minus quam illi, etiam Diaconi, parentes, aut cuiusvis alij adhortari queant adolescentes? Lectum sanè in Apostolicis Actis comperimus, ne Philippum quidem, qui tamen baptizabat Samaritanas, ipsidem impendere valuisse Spiritus sancti gratiam, sed missos fuisse ad id negocij transigendum Petrum & Ioannem qui manuù impositione fidelibus eam impartirent: quæ de re eleganter disserit Innocent. I. Epist. I. ad recentium Eugubinum, hæc (inquiens) Pontificibus solis deberi, ut vel consignent, vel paracletum Spiritum tradant, non solum consuetudo Ecclesiastica demonstrat, verum & illa lectio Actuum Apostolorum, quæ asserit Petrum & Ioannem esse directos, ut iam baptizatis traderent Spiritum sanctum, nam Presbyteris, seu extra Episcopum, seu præsentem Episcopum, cum baptizant chrismate baptizatos ungerelicer, sed quod ab Episcopo fuerit consecratum, non tamen frontem ex eodem oleo signare, quod solis debetur episcopis, cum tradunt Spiritum sanctum paracletum. Ex his omnibus facile cuius perspicuum esse po-

Act. 8.

Cap. 3.

poterit, non leuissimè rem confirma-
 tione conferri, nec admonitionē tantum-
 modò eam esse, sed verissimū sacramētum,
 quod septiformi Spiritus sancti gratia, ani-
 mos aduersus omnes dæmonum insultus,
 atque aduersitates communiat. Cæterum
 ad Tridentinæ Synodi decreta nos transfe-
 ramus, atque primū audiamus canonem, Can. i. de
Confir-
matione
 qui nō mediocriter Monhemij aliorumq;
 sententiæ refragatur. Si quis dixerit cōfir-
 mationē baptizatorū otiosam esse ceremo-
 niam, & non potius verum & proprium sa-
 cramentū, aut olim nihil aliud fuisse, quàm
 catechesin quandā, qua adolescentiæ pro-
 ximi fidei sue rationem coram Ecclesia ex-
 ponebant, anathema sit.

In tractatione de Matrimonio, folio 116.
 facie secunda, ad hanc patris interrogatio-
 nem, *An liberi citra parentum suorum authorita-
 tem & consensum astringere se matrimonio que-
 ant?* Respondet Filius: Non solū Diuinum
 præceptum, *exigit, ut liberi honorent parentes*
suos, uerū etiam naturalis ratio & ipse ciui-
les leges iubent in contrahendo matrimonio con-
sensum parentū requirere. Si adhortari hic fili-
 os oēs uolet Mōhemius, ne citra parentū cō-
 sensum matrimoniū contrahāt, nō possu-

mus nō vehemēter cōmendare consilium, decet enim vt summo honore parētes suos efficiant liberi, atq; in huiusmodi vitæ instituto amplexando illos potius cōsulant, qui rerum experientia atque iudicio plurimū valent, quā vt sibi suæque intemperatiæ solummodò credant: Sin verò (quod interrogatio sonare videtur) existimat irritum esse matrimonium, quod inconsultis inuitisque parentibus initur, non est vsque adeò Ecclesiæ consentanea doctrina, quæ in sola vtriusq; cōiugis cōsensione verbis expressa matrimoniū cōsistere statuit. Vide quid B. Ambrosius Ssynnio scripserit, cuius filius citra patris cōsensum vxorē duxerat, fatei illic patrem iure filio indignari, sed interim ratum esse matrimonium. Item in lege veteri scriptum legimus: Esau inconsultis prorsus inuitisque parētibus vxores ex filiis Heth, duxisse, nec tamen eas hoc nomine vnquam repudiasse, aut reiecisse.

Libri 6.
Epat 43.

Gen. 26.

Folio 117. de extrema vñctione loquens Monhemius, non alium ritum fuisse quondam existimat, quā quod ministri Ecclesiæ laborantes visitare, eosdemq; verbo solari consueuerint. *Exigit (inquit) ministrorum Ecclesiæ officium, ut egrotos uisitent ac orent*

arent una cum Ecclesia pro salute eorum, & consolentur ipsos uerbo Dei. Hæc est uerè pia unctio, qua Spiritus sanctus efficax est in credentibus. Est igitur, quantum apparet Monhemij sententia, vnctionem infirmorum, sacerdotum tantum fuisse consolationem, Ecclesiæque orationem, quibus laborantium animi erigebantur, atque de Dei bonitate fumebant fiduciam: Talem consolationem vnctionis nomine significari putat. Quod si verum est, mirum profecto tot uoculis uerbum Dei significatum esse: Superius Dialogo octauo (illud baptizare) idem, erat quod diuino uerbo instituire: Hic rursum illud (inungere) consolari uerbo Dei significat, atq; sic quæcunque tandem vox Monhemij instituto displicet, ea ad diuini uerbi significationem fortasse pertrahetur. Mirum est quare nō etiam cibus ille diuinæ cœnæ, uerbum Dei fuerit maximè cū scriptum sit, nō in solo pane uiuit homo, sed in omni uerbo quod procedit de ore Dei. Verū ut ad institutum nostrum nos conferamus. Ecclesia hætenus sanctissimè credidit, sacramentū istud oleo consecrato perfici, quod grauiter laborantibus Christianis certā quadam uerborum forma sacerdotes applicant, eum in finem, ut

Matth. 4.

in tanta infirmitate in dæmonum tētationib⁹ facilius validiusq; resistāt, atq; leuius morborū ferant molestias. Quū enim sub huius vitæ terminum, grauiores struat insidias leo ille rugiens, quamq; validiore tentationum turbine iā ita ægritudine languētes adoriatur (metuit enim ne si eo tēpore torpescat, è faucibus ei præda eripiat) cūque etiam illud infirmitate impedimentū accidere soleat, vt minùs strenuè reluctari possint: æquum sanè videbatur, tale à Christo sacramentū institui, quo aliquid roboris morbo confectis adderetur. Effectus igitur huius sacramenti (quemadmodum Patres Tridentini Cōcilij declararunt) est gratia Spiritus sancti, cui⁹ vnctio delicta si quę sint adhuc expiāda, ac peccati reliquias abstergit, & ægroti animam alleuiat atq; confirmat, magnam in eo diuinę misericordię fiduciā excitādo, qua infirmus subleuatus, & morbi incōmoda ac labores leuius tolerat, & tentationibus dæmonis calcaneō insidiātis facilius resistit, & sanitatē corporis interdū vbi salutis animi expedierit, consequitur, hæc oīa disertis verbis B. Iacobus epist. sua exposuit: Infirmatur quis in vobis, inducat presbyteros Ecclesię, & orent super eum, vngētes eum oleo in nomine Domini,

mini, & oratio fidei saluabit infirmum, & alleuiabit eum Dominus: & si in peccatis fuerit, remittentur ei. Hac D. Jacobi sententia materia sacramenti, quæ est oleum exprimitur, & etiam forma, quam in modum precationis vsurpat Ecclesia. Effectus præterea, ipsa videlicet alleuiatio, hoc est, gratia Spiritus sancti, qua infirmus releuatur ad molestias animi corporisque perferendas, vt paulò antè dictum est. Multi sunt Veteres sanctissimi patres, qui de eodẽ hoc Sacramento non obscure sunt locuti, in primis autem Beatus Chrysostomus libro tertio de Sacerdotio, vbi demonstrare contendit plura in nos conferri beneficio sacerdotum munere quàm parentum: Docet enim illic hoc ipso sacramento remitti peccata, remissiorẽ pœnã infligi, & morti propinquã animã liberari: Verba eius quoniã multa sunt huc adferẽda nõ cẽsuimus. Quid aut D. August. de huius ipsius Sacramenti effectũ tradat paucis accipe: Si (inqt) roges de te & pro te fieri, sicut dixit Iacobus Apostolus, imò per Apostolum suũ Dominus, ipsa videlicet olei sacri delibutio, intelligitur Spiritus sancti typicalis vnctio: & lib. de rectitudine Catholicæ conuersationis: Quoties (inqt) infirmitas occurrerit alicui, non quæ-

Li. 2. de vi.
sitat. infir.
mo, cap. 4.

non querantur præcantatores, non diuini,
 non fortilegi, non carcarii, neq; perfon-
 tes aut arbores aut biuia phylacteria exer-
 ceantur: sed qui ægrotat, in sola Dei miseri-
 cordia confidat, & Eucharistiam cum fide
 & deuotione suscipiat, oleumque benedi-
 ctum fideliter ab Ecclesia petat, vnde cor-
 pus suum vngatur, & secundum Apostolū
 oratio fidei saluabit infirmum, nec solū
 corporis, sed etiam animæ sanitatem acci-
 piet. Innocentius tertius & sanctitate & eru-
 ditione (si historiographis sua fides debe-
 tur) nō parū insignis, inter cætera de hoc
 quoque Sacramento hisce verbis locutus
 est: Scire te volumus, duas esse species vn-
 ctionis, exteriorem, quæ materialis est &
 visibilis: & interiorem, quæ spiritualis est,
 & inuisibilis: Exteriori quidem inungi-
 tur corpus, interiori inuisibiliter inungi-
 tur cor. De prima Iacobus ait: Infirmatur
 quis in vobis, &c. De secunda Iohannes A-
 postol. ait, Vos vñctionem quam accepi-
 stis ab eo, maneat in vobis. Vñctio visibilis
 & exterior, signum est inuisibilis & inte-
 rioris vñctionis. Videt̃ se per externam vñ-
 ctionem hoc sacramento internam Spiritus
 sancti gratiam conferri? Non est quod
 de Innocentio primo aliquid dicamus, cu-
 ius

Iacob. 5.

1. Io. 20. 1.

ius verba Dialogo septimo allata sunt. Docet enim ille aperte, pœnitentibus istud infundi non posse, quod genus sit Sacramenti. Quibus enim (inquit) reliqua sacramenta negantur, quomodo vnum genus putatur posse concedi? Si extrema vnctio sit solum pia quadam adhortatio Sacerdotum Ecclesiæ, qui sit, quod pœnitentibus à Pontifice illo dari prohibeatur, cum nullo vnquam decreto sit cautum, ne quis Sacerdos vel admoneat vel soletur pœnitentes? Qui sit etiam, vt semel tantum in eadem infirmitate soleat administrari, cum non modò non inhibitum sit sæpius solari laborantes, sed etiã quã maximè ij cõmendentur, qui crebris admonitionibus pijsq; sermonibus animos eorum frequenter reficiunt & erigunt? Maiores certè nostri aliter longè de hoc Sacramento locuti sunt, quemadmodum & modò ostendimus, & in Florentino Concilio aperte declaratum est. In Trĩdentina Synodo posteaquã pluribus verbis de eius natura actum est, hoc tandem quodam in canone decretũ promulgatum cernimus: quo eodem etiã huic nostræ disputationi finem imponendum esse censemus. Si quis dixerit, extremam vnctionem non esse verè & proprium Sa-

Epistol. 2.
cap. 8.

De extre-
ma vnctio
ne can. 1.

Cap. 2.

eramentum à Christo Domino nostro institutum, & à Beato Iacobo Apostolo promulgatum: sed ritum tantum acceptum à patribus, aut figmentum humanum: Anathema sit. Si quis dixerit, sacram infirmorum vñctionem non conferre gratiam, nec remittere peccata, nec alleuiare infirmos, sed iam cessasse, quasi olim tantum fuerit gratia curationum, anathema sit.

F I N I S.

P E R.

PERORATIO.

358



Hactenus studiose ac Candide lector salutis tuæ gratia de Monhemij Catechismo censuram tulimus, atque erroribus confutatis, satis superque (nisi fallimur) aperuimus, quàm... Christiana religione doctrinam amplecti, quamque contrà repudiare conueniat. Amplectenda est ea, quam à maioribus tot dotibus præclaris, à tot sæculis per manus traditam, accepimus. Vitanda semper est nuper excogitata, atque pernitiōsa nouitas, non facilè Patrum sunt relinquenda vestigia, quos pro ingenua ac pia simplicitate sanctaque prudentia Spiritus sanctus tot donis illustrauit atque insigniuit, vt erroribus nec aures accommodare, nec aditum vllum præbere voluerint. O vtinam tale eorum sæculum etiam nobis diuina clementia concedatur. Vtinam nouis omnibus vanitatibus atque blasphemij. profligatis, in eadem nos simplicitate, puritateque & pace viuere contingat, quàm scèliciter cùm Dei Ecclesia ageretur, quanta lætitia pij omnes perfunderentur, quàm citò tranquillitatis illius experiremur fructum. Olim ante exortas has hæreses, quando vnū sapiebāt omnes,

omnes, & ciues magistratibus morem gerebant, & copia rerum omnium regiones affluebant, & colebatur sine fuce amicitia; & denique iuuentus sine graui negotio ad pietatem & studia illectari accommodariq; poterat. Nunc verò vt in Ecclesiam hæc (qua nūquàm extitit pestilentior) hæresis inuecta est, neque ciues magistratibus, ea qua decet veneratione, obtemperant, nec alter alteri amicitiae officia sine simulatione exhibet: Quin potius ciuilibus tumultibus, contentionibus, rixis, diffidijs, cædibus ac denique, vt de annonæ caritate & rerum inopia taceamus, omnium rerum perturbatione cuncta flagrare conspicias. Nec solùm has, quantumuis execrandas calamitates, peperit nobis hæresis, sed etiam ingenium obfuscat, cor hominis indurat, intellectum obnubilat, animum ipsum omnibus huius vitæ malis immergit, bonisque omnibus spoliât, atq; in sempiternum precipitat interitum. An non videatur talium miseriarum vitæ esse causa ingenue lector? An ne melius sit, & hic in summa quiete animi, vitam transmittere, atque expleto curriculo felicitatē æternam metere? Agè si istud toto pectore desideras, è manibus prauos quoque libellos

bellos euestigiò abijcito, colloquia pernicio-
 sa ceu peltem quandam fugito, quan-
 doquidem qui tangit picem, inquinatur
 ab ea, & corrumpunt bonos colloquia ma- Eccle. 13.
 la. Antiquæ Patrum tuorum religioni mor 1. Cor. 15.
 dicus adhæreas, nec ab ea te ferro vel i-
 gni, nedum blandis verbis finas auelli.
 Quocirca cane peius & angue odias, quæ
 à vera & Catholica fide abducere, vel am-
 biguum, aut nutabundum te reddere que-
 ant. Obtestamur te omnes Christi mise-
 rias, per pretiosum sanguinem, perque a-
 gerbilissimam eius mortem, vt si quos ex
 Catechismi Monhemiani lectione errores
 hauseris, explorata ac cognita iam verita-
 te deponas, te potius & ipsum Monhemi-
 um, quàm Sacro sanctam Ecclesiam errare
 agnoscas. Nec vnquàm in animũ tuum in-
 ducas, pios maiores tuos, ac vniuersos tot
 retrò seculis hoies in summis hæctenus de-
 gisse tenebris, ac p sincere fidei inopiã nũc
 in tartara precipitados esse, vnicũ verò cũ suis
 asseclis Lutherũ veritatis lucẽ in Ecclesiam
 induxisse. ne istud credideris vnq, quando
 cõspicis hos homines, qui se nouarum hæ-
 resum repertoires iactitãt, vita ipsa sua, mo-
 ribusq; contestari, q sint à vera religione a-
 lienæ. Eia agè, rupe moras, resipisce, veritatẽ
 Z edoctus,

edoctus, neque magistris aures demulcentibus fidem accommodes, qui coram iudice æquissimo, (cui aliquando sistendus eris) neque causam tuam agent, neq; patrocinium adferre poterunt. Sed te omnino destituent, sed & ipsi omni præsidio destituentur. Deo in primis & omnibus Sanctis exosi, quorum gloriam & laudē tam varijs modis oppugnarunt. Imò & horrēdo dæmonū cœtui copulabuntur, quorū voluntati ac suggestionibus miserè obtemperarūt. Quare & te, Monhemi, quanta possumus charitate rogatū volumus, vt salutē tuę seriō cōsulas, & ipse abdicatis erroribus resipiscas, & alios falsis opinionibus imbue re desinas, ne te terribilis illa dies præoccupet, ac pœnis æternis inuoluat, si in ijs quos inuulgasti erroribus pertinax perstiteris. Non S. scripturam abijcias, non Oecumenica Concilia asperneris, non vetustissimos ac Sacerrimos Doctores respuas, nō te plus sapere credas, q̃ eos q̃ omnē ætatem suā in Theologiæ studio cor. sumpserunt. Aduertis quoties à sanctis Patribus anathemate percussi sint, q̃ errores illos tuetur, quos libello huic tuo inferuisti. Ne existimes eos omnes lapsos, te solum errare nō posse: hæc em̃ plus quàm puerilis & stul-

ta cogitatio est, taliumq; hominū, quibus
 nec mens, nec vllum est cerebrum. Spera-
 mus te prudētiorem fore, quā qui te tan-
 tis periculis post hac committere, vt nō di-
 cāmus te omnibus ridendum exponere, ve-
 lis. Nec arbitramur te (qua es prudentia)
 hanc correptionem iniquo posse animo
 ferre, cū dicat Sapiens: Argue sapientem Proue. 9.
 & diliget te. Alioqui, quod absit, dira illa
 comminatio te vehementer perstringeret,
 quam idem per Spiritum sanctum ita deto- Prou. 29.
 nat: Viro qui corripientem dura ceruice
 contemnit, repentinus ei superueniet in-
 teritus. Quin potius eiusdem sententia in prou. 28.
 spē beneuolentiæ ineundæ nos erigit: Qui
 corripit (ait) hominem, gratiam inueniet
 postea apud eum magis, quā ille qui per
 linguæ blandimenta decipit. Neque diuer-
 sum Christus docet, Si peccauerit (inqui- Matt. 18.
 ens) in te frater tuus, corripe inter te & i-
 psū solū. Vult enī clā peccātes, etiā clām
 arguendos esse, publicē autē delinquentes,
 etiam publicā correptione monēdos esse,
 scriptura testis est, quæ ait: Non oderis fra- Leuit. 19.
 trē tuū in corde tuo, sed publicē argue 1. Tim. 5.
 eum, ne habeas super illo peccatum. Et
 alibi D. Paulus. Peccantes coram omni-
 bus argue, vt & ceteri timorem habeant.

Proinde quâuis subinde acerbius nonnulla dicta videri possint, id ex mera charitate factum/existima; quate tuosq; discipulos complectimur. Volumus autem subinde a prioribus vti remedijs, vt opinionum absurditatem demonstrarem, ne quisquam in tuum libellum cum salutis periculo impingere possit. Suscipias igitur cum ingenio lector hęc qualiacunque eo quo scripti sunt animi candore. Rogamus & obsecramus Deū opt. maximum, vt nunc tandē tuæ sponsæ Ecclesiæ misertus, hæreses omnes profligat, seductorū animos emolliat, ac diuino veræ fidei lumine illustret, Catholicis rectæ fidei constantiā clementer suppeditet, vt omnes æternam salutem consequantur, donante illo qui cum patre & Spiritu sancto regnat Deus in secula benedictus. Amen.

Christo gloria.

FINIS.

INDEX RERVM ME-

MORABILIVM, QVAE HOC LI-
bello continentur.

Absolutione, aeterna poena in temporari-
am mutatur. 327

Absolutionis forma quæ sit. 334

Abusus Ecclesiasticorum quo pacto in Ecclesi-
am irrepserit. 187

Adam seductus non est, sed Eva. 28

D. Ambrosius à calumnijs Monhemij de Sancto-
rum inuocatione vindicatur. 215. & 225.

Apostoli à quibus baptizati. 271

Argumenta hæreticorum contra salutis priuati
hominis incertitudinem soluuntur. 106. & seq.

Argumenta hæreticorum pro communione sub
vtraque specie. 198. & sequent.

D. Augustini de numero Sacramentorum sen-
tentia exponitur. 254. & seq.

D. Augustinus in libertate arbitrij à calumnijs
hæreticorum vindicatur. 36. & in peccato ori-
ginale. 44.

D. Augustini locus de operibus infidelium expo-
nitur. 30

Baptismus quare sacramentum fidei appel-
letur. 265.

Baptismi præcipuum vsum non esse, vt fi-
dè in nobis alat 265 qd verus eius sit vsum 266

Baptismum fictè accedentes fructum sacramen-
ti non percipiunt. 249

Baptismus Ioannis à Christi baptismo quo-
modo differebat. 267

Benedicte ecclesiasticis q vtunt, ad qd teneant 86

Z 3 D. Ber-

I N D E X.

D. Bernardus conqueritur de hæresi, quæ negat
Sanctorum inuocationem. 216

Causa iustificationis. 167

Chrisma Christus ipse docuit conficere, &
cur in confirmatione adhibeatur

Christus in Emaus alteram speciẽ porrexit. 290

Christus quare omnia primæ innocentie dona
non restituerit. 160

Christi, Apostolorumq; omnia dicta & facta scri-
ptis mandata non sunt. 231

D. Chrysostomus a calumnijs Monhemij in San-
ctorum inuocatione vindicatur. 223. & seq.

D. Cypriani sententia de sumptione calicis ex-
ponitur. 307

Communio sub vtraque specie à Christo præce-
pta non est. 295. & sequent.

Comunio sub altera specie cur præcepta sit. 306

Communio sub vtraq; specie, quare in primiti-
ua Ecclesia permittebatur. 307

Communio sub altera specie semper in Ecclesia
libera & vsitata fuit, 290. & sequent. etiã sub
specie vini. 295

Communione sub altera vel vtraq; specie inter
adiaphora numerant heretici quidam. 296

De comunione laicorũ Catholica doctrina. 289

Concilia sine Roma. Pontificis auctoritate con-
vocari non debent. 145

Concupiscentia cur post Baptismum relicta sit.
39

Concupiscentia post Baptismum peccatum non
est. 42. & sequent. & 88.

Confirmationis effectus.

Cõfirmatio sacramentũ esse probatur. 258. & seq.

Con-

I N D E X.

Confirmationis minister.

Consentire Deo vocanti aut ei reluctari nostrū
est. 36

Consilia Euāgelica quare à Christo instituta. 89

Cōstātinus sacerdotū causas decidere noluit. 145

Corpus Christi metaphoricè manducari dici-
tur. 299

Debitorem se nostrum Deus cōstituit. 192

Defunctorum merita viuis profunt. 228

Deus, licet clementissimus, intercessores
cupit, tum viuos, tum etiam defunctos. 226.
& sequent.

Deus licet spiritus sit, externis tamen gestibus
vult coli. 59

Deus impossibile nihil iniunxit. 50. & sequen.

Ecclēsiæ obediendum. 308

Epistola ad Hebræos D. Pauli est. 27

Eadem cur ab hæreticis fuerit reiecta. ibid.

Eucharistia quare subinde panis vocetur. 281.
& sequen.

In Eucharistiæ administratione Christus Eccle-
siæ multa ordinanda reliquit. 304

Eucharistiæ perceptionis fructus, 287. eos malè
recenset Monhemius. 285. & sequen.

In Eucharistia panis aut vini substantia non ma-
net. 276. & sequen.

In Eucharistia sub altera specie totus Christus
continetur. 298. & sequen.

Excommunicat idem sacerdos qui absoluit. 335

Excommunicatio quibus bonis priuat hoīes. 283

Extrema vnctio non est solum pia Sacerdotum
adhortatio.

Extrema vnctio sacramētū esse docet. 259. & seq.

I N D E X

Extremæ vnctionis effectus.	346
De extremâ vnctione doctrina Catholica.	345
De extrema vnctione quid Veteres senserint.	343
Ezechias quare serpentem æneum fregerit.	70
F ides in quibus enunciatis versetur.	91
Fides quomodo ad iustitiam reputetur.	166
Ut fides ad iustificationē præparat, ita quoque multa alia.	171
Fides sine charitate non prodest.	115
Fidei & spei concordantiæ.	123
Ad fidei ratum in charitas non pertinet.	112
Fidei quare iustificatio tribuitur in scripturis.	174. & sequent.
De fide doctrina Catholica.	91
De fide viua B. Bernardi sententia	117
Fideles fide ab infidelibus distinguuntur.	116
H æreses ex malo scripturæ intellectu oriuntur.	13
Hæretici inquietam conscientiam circumferunt etiâ si quietâ se habere mentiatur.	203
Hæretici magis quàm quicuis alij puniendi.	131
Hæreticorum argumentum de concupiscentia dissoluitur.	46
Hæreticorum argumētum ridiculum de Sanctorum intercessionem.	219
Hæreticorum interfecō salus est eorum qui decepti sunt.	137
Homo Deo volente potest non velle.	35
Hypodiaconi castitatem promittunt.	83
I mago Dei peccato non deletur.	47
Imaginem Lutheri & Pomerani loco D. virginis & B. Ioānis iuxta crucem sustituerūt hæretici.	57
De	

I N D E X

De imagine Christi, quā mulier sanguinis pro-	
fluuiο laborans crexerat.	59
De imagine crucis.	62. & sequent.
Imagines Christi & Apostolorum, etiam tempo-	
re Eusebij habebantur.	66
Imagines cur circumferantur.	68
Iisdem cur cærei accendantur.	ibid.
Imagines non vt Deos adorant Christiani.	67
Imagines sanctorum nauibus præfigi solere.	65
Imaginum cultus primo præcepto non aduer-	
satur.	67
Imaginum vsus ab Apostolis ad nos deuenit.	63
& 65	
De imaginibus doctrina Catholica.	56
Imperator subiectus est sacerdoti.	319
Incertitudinis nostræ iustificatiōis & salutis cau-	
sa.	103. & sequent.
Incommoda multa quæ sequunt ex hæreticorum	
nostrorū sententia de Sacramentis. 242. & seq.	
Incommoda quæ ex meritis operam nos putat	
Monhemius incurrere, in suum ipsius caput	
retrouentur.	199. & sequent.
Infidelium oīa opera peccata nō sunt.	29 & seq.
De intercessione Sanctorum.	217. & seq.
Inuocat et aliter Christus aliter Sācti.	208. & 215
Inuocatio duplex.	228. & sequent.
Iustitia duplex, cōmutatiua & distributiua qua-	
rū hęc propriē Deo conuenit illa impropriē	
1090. & sequent.	
Iustitia imputata ridetur.	162
Iustitia originali quid conferebatur.	159
Iustitia vera in pijs inest.	159. & sequent.
Iustificatio quid.	147.
	Iusti-

I N D E X.

Iustificatio quando de impiorum iustificatio-
ne sermo est, plùs significat quàm remissio-
nem peccatorum aut iustum pronunciari.
153. & sequent.

Iustificationis mânia non esse Christi meritum.
163. Neque forma eius est fides 169

Iustificatio priuati hominis incerta est. 97. & seq.
De iustificatione Catholica doctrina. 147. & se-
quent. doctrina Monhemij. 151

Iustificationis vtriusque causæ. 149

Iustificari subinde significat iustum pronuncia-
ri. 153

Iuuenibus sacræ scripturę interpretatio commit-
tenda non est, vt neque fuit olim. 20

Iuuentutem malè instituere quantum malum. 1

Lamentatio miseriarum huius temporis.
311. & sequent.

Lex Prætoriana in eos qui Virginem sacrā
violant. 74

Ligare & soluere eiusdem sunt hominis. 333

Lutherus conscientię suę stimulum, Dæmonis
dicebat esse tentationem. 120

Lutherus origo est omnium hæresum nostri tē-
poris. 128

Matrimonium Sacramentorum esse ostē-
ditur. 261

Matrimonium iniquè quidem citra pa-
rentum consensum contrahitur, contractum
tamen dissolui nequit. 34

Menz dictum ad corruptorem virginis. 75

Monhemius callidè vera subinde falsis immi-
scet. 25

Monhemius ex quibus hæreses suas hauserit. 24.

Mon-

INDEX

Monhemius indoctè scripturis probat scripturarum facilitatem. 21

Monhemius sibi contradicit. 264

Monhemius vafre contexuit huc Catechismu.

32 & 207

Monhemij authoritates, quibus operum merita impugnat, exponuntur. 197

Monhemij discipuli Præceptoris produnt de Satisfactione alijsq; articulis sententiam. 324

Monhemij errores de fide. 94 & sequent.

Monhemij solutio quam ad scripturas adfert, quæ vitam æternam mercedem esse dicunt, impugnatur. 188

Opera bona gratos nos Deo faciunt. 180
Opera bona vt merentur vitam æternam. 26 & 181 & sequent.

Opera merentur non primam, secundam iustificationem, ad primam tamè etiam requiruntur opera. 178 & seq.

Opera nostra vt mereatur vitam æternam, explicatur. 189

Oratio D. Augustini ad Beatissimam virginem Mariam. 214

Orationem dominicam quomodo Sanctis legamus. 208

Orationes Ecclesiæ quæ e clausula hac, per Dominum nostrum &c, finiantur. 207

Ordo verum sacramentum esse probatur. 256 & sequent.

Origenes in genua prostratus Sanctos inuocat. 213

De originali peccato Lutheranorum sententia. 38

De eodem Ecclesiæ sententia. 39

Pecca-

I N D E X.

Peccatum verum in nobis post baptismum
nullum manere. 40

Peccata venialia, neque impios, neque ma-
los efficiunt. 194

Philippi Melanthonis & Caluini in sacramento
rum explicatione diuersitas. 241

Pœna omnis non semper cum culpa dimittitur.
319 & sequent

Pœnitentiæ non partes, sed effectus sunt mortifi-
catio, & viuificatio. 322

De Pœnitentiæ Sacramento Doctrina Catholi-
ca. 318. & sequent.

Pœnitentiæ per modum iudicij exercetur. 319. & seq.

De Pœnitentia Monhemij errores. 322

In Pœnitentia quomodo tres partes inueniatur.
318.

A populo rudiori quid Deus requirat. 17

Præceptum Domini etia citra literas discitur. 22

Præceptorum Domini multi effectus. ibidem

Principes seculares tam veteris quam noui testa-
menti in negotijs religionis sine sacerdotum
consilio nihil fecerunt. 144. & sequent.

Purgatorius ignis quare à Deo institutus. 332

De Purgatorio scripturæ & veterum sententiæ.
ibidem.

Romanorum Pontificum in eadē sede suc-
cessio verum est signum Ecclesiæ. 127

Sacerdotes quare in missæ sacrificio sub vtra-
que specie communicant. 232

Sacerdotum continentia. 80. & sequent.

Sacerdos in continens adulter gñt. 81

Sacerdos nisi arbitris præsentibus mulierem al-
loqui prohibetur. 83

Sakra-

INDEX.

Sacramenta esse non solum tria, sed septem 234.
& sequent. & 263.

Sacramenta non chirographa, sed potius esse
valcula diuinę gratię. 247 & seq.

Sacramenta non solum ad excitandam fidem sunt
instituta, sed vt operentur aliquid ipsamet in
animis 243. & sequent.

Sacramenta noui & veteris legis malè distinguit
Monhemius. 252. vera eorum distinctio. 253

Sacramenti definitio Catholica. 245. hæretica.
246

De Sacramentis hæreticorum sententię. 242

Sacramentorum singulorum effectus. 248. effe-
ctus à Monhemio non sufficienter enumerā-
tur. 250. & sequent.

Sacra scriptura non ab omnibus legenda 8. &
sequent.

Sacra scriptura quales lectores requirat. 15

Sacra scriptura variè potest exponi. 117

Sacrę scripturę vniuersę, fide vera credendum.
119.

Sacrę scripturę difficultas 9. difficultatem quę
adferant. 11. quę difficile Deus esse voluerit.
12. & sequent.

Sacras scripturas exponere sacerdotum est. 15

Sacrę scripturę varia loca exponuntur, vt

Genesis 4. Sub te erit appetitus tuus. 32

8. Cogitatio humani cordis ad ma-
lum prona est. 28

Marci 1. Ego baptizauim vos aqua &c. 163.
& sequent.

Ioannis 6. Nisi manducaueritis carnem, &c.
298.

Acto.

INDEX.

Acto.	19.	Si Spiritum sanctū accepistis credentes &c.	271. & sequen.
Romanor.	4.	Reputata est Abrahę fides ad iustitiam.	165
	6.	Stipendia peccati mors.	193
	7.	Quod habitat in me peccatū.	41
	8.	Certus sum quoniam neq; mors.	110.
	14.	Quicquid non est ex fide, peccatū est.	128
1. Corinth.	4.	Nolite ante tempus iudicare, &c.	98
	6.	Sed abluti estis, sed sanctificati estis &c.	154
	7.	Melius est nubere quā vri.	80
	ibi.	Auferte malum ex vobis ipsis.	134
	10.	Omnes quidem de vno pane & de vno calice participamus.	305
	11.	Ego enim accepi a Domino, &c.	303
	13.	Si habuero omnem fidem, &c.	119
1. Timot.	3.	Vnius uxoris virum.	82
Tit.	3.	Saluos nos fecit per lauacrū, &c.	41.
Hebręo.	11.	Fides est substantia rerum sperandarum, &c.	91. Monhemij expositio.
			96
Iacobi	2.	Sicut corpus sine anima mortuū est, &c.	120
	5.	Infirmatur quis in vobis.	
		Salus priuati hominis incerta est, 101. & sequent.	
		Salutis & remissionis peccatorum securitas, qualis in pijs Christianis sit.	108. & sequent.
			Sancti

I N D E X

Sancti membra sunt Ecclesie. 218

Sancti norunt quę hic in terris aguntur, 220. & sequent.

Sanctorum inuocatione Christum honoramus, 209

In satisfactione exigenda quanta fuerit veterū cura. 329

Satisfactiones quare à nobis Deus exigit. 326

Sententia sacerdotis, præcedit sententiam cali.

334

Spei qualis securitas? 122

Spes de quibus habeatur. 93

Superiorum vitia non aperienda, sed tegenda.

84

TImor introducit charitatem vt seta linum;

120

Traditiones acceptę à maioribus seruandę sunt. 230. & sequent.

Vita æterna dicitur operum merces, retributio &c. 181. & seq.

Votum emissum persoluendum est. 71. & sequent.

Vota qui frangunt adulterium incurrunt. 79

F I N I S.



